

**SPECIMEN
ORIENTALIS
ECCLESIAE A
CONCILIO
NICÆNO PRIMO...**

Giovan Battista Salerno





XXXVII
SALERNO

4.3.409

4T.3

**SPECIMEN
ORIENTALIS ECCLESIAE**

30. 11. 1900

10. 11. 1900

6

11. 11. 1900

12. 11. 1900

13. 11. 1900

14. 11. 1900

SPECIMEN ORIENTALIS ECCLESIAE

A Concilio Nicæno primo usque
ad Constantinopolitanum
generale secundum.

I N Q U O

*Exponitur, quæ qualisve fuerit eo tempore
orientalis Ecclesia, & quid senserit
de Primatu Romani Episcopi.*


A V T H O R E

JO. BAPTISTA SALERNI SOC. JESU

CONSENTINO.

Pars prima historica.

SECTIO PRIMA.



ROMÆ M.DCCVI. Typis Joannis Francisci Chracas,
Propè S. Marcum in via Cursus.

S U P E R I O R U M P E R M I S S U .

1. The first part of the document is a list of names and titles, including "The Hon. Mr. Justice" and "The Hon. Mr. Justice".

[Faint, illegible handwritten notes]

CLEMENTI UNDECIMO

PONT. OPT. MAX.

Jo. Baptista Salerni Soc. Jesu



Um primum huic
Græcorum Collegio me destinarunt
Majores mei, PATER BEATISSIME,
idque

idque mihi negotii demandarunt, studiis ut præessem græcæ Juventutis, gravissima statim, ac plena sollicitudinis subiit animo cogitatio: Partem scilicet illam Apostolicæ Providentiæ, quæ ad Græcorum salutem pertinet, in mea esse fide locatam; meque cultorem constitutum earum stirpium, quibus imminet unica ferè spes afflictissimæ nationis: intellexi proinde, tantò impensius earum fructum a me fore sollicitandum, quantò mihi laborandum est curiosius, ne beneficia Romanæ Sedis, in populorum comparata subsidium, meâ negligentia corrumpantur. Maxima quidem hæc mihi extiterunt incitamenta solertiæ; verùm validioribus oppidò stimulis, ad hanc juventutem religiosius excolendam, meum incitavit studium, Tua, PATER BEATISSIME, de Græcorum salute, immanis sollicitudo, indeque profecta in hanc domum, beneficentia singularis. Divinus siquidem animus tuus, qui

omnes

omnes novit officii partes, nullamque
prætermittit, cùm sit benignus in om-
nes, est tamen in calamitosos longè
propensior: cùmque universum terra-
rum Orbem complectatur beneficentia
tua, majori tamen impetu ferri vide-
tur, ad ei nationi opitulandum, quæ
maximè opis indiget: Tuaque illa in-
finita sollicitudo, quæ ignota etiam, no-
stroque orbe divisa regna, benefacien-
do, consulendoque percurrit, sanè præ-
terire non poterat eam partem Solis
orientis, quæ nostros penè sub oculos
miserè perit; quæque eò est miserabi-
lior, quòd ex altissimo culmine di-
gnitatis & gloriæ, in humilitatem præ-
cipitavit tam miseræ profligatæque for-
tunæ. Et quamvis de iis, quos corri-
puit Photiana dementia, malè plc-
rumque fama loquatur, spargaturque
rumoribus, eorum hominum ingratos
esse animos, obduratas mentes, per-
fidiam insanabilem, ac veluti sempì-
ternam; ea tamen, quæ aliis intole-

randæ videntur Græcorum crimina ,
Tibi , PATER SANCTISSIME , calamitates potius illius Nationis & infortunia videri solent : itaque ex earum rerum contemplatione , in aliorum animis ira nascitur , in Tuo commiseratio. Non norunt enimverò mortalium plerique beneficentiæ genus aliud , nisi abiectum illud atque vulgare , quo merentibus solum benignè fit : altiùs evolat tua voluntas , humanæque virtutis prætergrediens fines , divina quadam ratione , benefica amat esse ac liberalis : quamobrem ea ipsa schismaticorum vitia , quæ à benefaciendo retardant aliorum hominum studia , incitant potius tuum , eoque tuus , ejus gentis misericordiâ frangitur animus , quò illa insanæ mentis morbo laborat magis : sic in parentum sinu , sollicitiorem excitat curam , majoremque accendit amoris teneritudinem , filiorum demencia : sic Dei obstupefcentia munificentia , ad genus humanum , benefi-

cio omnium divinissimo cumulandum descendit , non promeritis , sed peccatis hominum evocata . Itaque ardor ille sollicitudinis de Græcorum salute, qui è sublimi animi tui arce supereminet, ac dominatur, nil ducitur earum rerum vicibus quæ infra sunt ; sed sublimiori fertur divinoque veluti mentis ductu, ad benè de Græcis perpetuòq; promerendum ; more cœlestium Syderum , igniumque sempiternorum, quorum cursus , non inferiorum rerum eventibus, sed superiori solùm gubernantur Intelligentiâ . Sed ne longiùs quàm par est, licentiùsque loqui videar cum Christi Vicario, utque eò demùm, unde digressus est , hic sermo redeat ,
Tua hæc , PATER BEATISSIME, in Græcos , atque in hanc græcæ Juventutis altricem domum constans perpetuaque beneficentia, cum nostros ante oculos obversetur quotidie , sanè monet , quantâ religione solertiâque sint ii Juvenes instituendi, in quos tanti Pontificis

rificis tam intenta est cura & cogitatio. Itaque omnes, quæ diligentiae sunt partes, cum enixius cogitarem, ad quasdam historicas atque Polemicas exercitationes animum appuli; quarum ope hi adolescentes, præter cæteras disciplinas, ad germanam quoque orientalis Ecclesiae assequendam cognitionem, rectis studiis contenderent; eamque adipiscerentur historiae prudentiam, unde adversus Photianorum errores, validior armatura depromitur: ad quod genus industriæ instituendum, illius imprimis me incitavit autoritas, quem huic Collegio moderatorem, Rectoremq; dedisti; idemq; simul author fuit, ut earundem exercitationum publicum aliquod subinde specimen ederetur; eam rem, ut huic utilem juventuti, ita tibi gratam acceptamque fore confirmans. Hunc igitur cursum laboris, industriæque nostræ, quem ante aliquot annos, PATER BEATISSIME, Te probante suscepimus, exinde

Te

Te jubente , sumus profecuti : quæque hoc interjecto spatiotemporis, velut in umbraculis agitavimus , eorum nunc partem quandam , quæ tota est historiæ , in aspectum lucemque proferimus , libello comprehensam hujusmodi : quem libellum ut tuis pedibus , PATER SANCTISSIME , subiicere-
mus , tria nos potissimum compulere : primum , quia Tibi totus debetur , utpote qui Tua , non ab authoritate solum sed à munificentia quoque ac liberalitate proficiscitur : Deinde , ut Tibi , quem constituit Dominus super familiam suam , hujuscæ nostræ qualiscumque Villicationis , reddamus quodammodo rationem : denique , ut Apostolicæ tuæ Benedictionis vi , atque virtute , laboribus hisce nostris , e Cœlo incrementa descendant .

ARGUMENTA CAPITUM,

Quæ hoc Volumine continentur.

ARGUMENTUM CAPITIS I.

De Ariana Conjuratone.

O Rigo, cursus, & historia ferè omnis Ari-
nismi hoc primo capite continentur. Nar-
rantur Arianae conjurationes acta præcipua, &
memorabiliore eventus, sub Pontificibus Silvestro,
Marco, Julio, Liberio, ac Damaso: & sub Im-
peratoribus Constantino, Constantio, Juliano,
Joviano, & Valente, usque ad tempora Gratiani,
atque Theodossi.

ARGUMENTUM CAPITIS II.

*De aliis quibusdam Orientalibus ejus temporis
Hæresibus, & Schismatibus.*

DE Arianis & Eusebianis: quodnam discri-
men, quæve conjunctio inter utrosque in-
tercesserit. De Arianis meris, & Semiarianis:
deque

deque numeroſo ejus ſectæ diſſortio. De iſis, qui merum Arianiſmum, aliis erroribus cumularunt, & primùm de Aëtio. De Eunomio. De Aërio. De Pſathyrianis, ac Dulianis. De Apollinari ac Dimeritis. Prima hæreſis ſemina contra Primatum Romanæ Sedis. De aliis quibuſdam ejus temporis ſeditiſſimis hæreſibus. De Marcello Ancyrano. De Photino, ſive Scotino. De Euchaitis, ſive Precatoribus.

DE SCHISMATIBUS ejusdem temporis. De ſchiſmate Meletiano. De quatuor ſchiſmatibus Alexandrinis. De ſchiſmate Audianorum. De ſchiſmate Catholicorum Antiochenſium. De Meletio & Paulino: indicantur prima rudimēta ſchiſmatis inter Occidentem, & Orientem: Sanctus Gregorius Theologus Nazianzenus Occidentis auctoritatem tuetur: irridet quorundam Orientalium vanitatem, qui Occidenti Orientem anteponebant. Fidei regula, cum hæreſum Anathematismiſ, à Pontifice Damaso Orientalibus miſſa recitatur.

ARGUMENTUM CAPITIS III.

De malis, quibus eo tempore premebatur
Orientalis Ecclesia, ac de ejusdem
facie lacrimabili.

VITIA Hæreticorum, præsertim Arianorum
indicantur. Quàm nefandis sceleribus
violarentur Ecclesiæ ab Arianis occupatæ. Ecclesiæ
disciplina ab iisdem hæreticis eversa. Licentia
portentosa, pro libidine dogmatizandi. Crudeli-
tas hæreticorum. Quàm scelerati homines Episco-
patum gererent primarium Sedium. Quæ monstra
in Ecclesiis ab hæreticis prædicarentur.

CALAMITATES Catholicorum. Persecutiones sub
Constantio, Iuliano, & Valente. Specimen per-
secutionis sub Valente exhibitum à Nazianzeno.
Descriptio Arianae persecutionis, à Basilio Magno
missa ad Romanum Pontificem. Facies lacrimabi-
lis orientalis Ecclesiæ: comparatur hæc à Basilio
bello navali: navalis pugnae descriptio pulcherri-
ma iisdem Basilii verbis exhibetur.

ALIA MALA, quibus eo tempore, tùm Catholici,
tùm Hæretici orientales premebantur. Persecutio
Saporis Persarum Regis, fames; tempestates, bel-
la externa, & civilia, terrarum motus imma-
nissimi. Terremotus Nicomediensis descriptio ab
Ammiano; eo motu etiam nova Roma labefa-
ctata

Etata fuit . Terremotus Alexandrinus ab eodem Ammiano descriptus : adeò vebemens fuit , ut na-
ves , impetu maris actæ , tectorum culminibus
insederint : ejus terremotus γενεσις , idest nata-
litiæ , quotannis ab Alexandrinis christianis ce-
lebrari solita . Alius terremotus subvertit Nicæam ;
ejus ruina Sanctus Casarius , Nazianzeni fra-
ter , divinitus evadit : ejus terremotus occasione ,
Sanctus Ephraem Syrus pulcherrima oratione ,
Orientales ad pœnitentiam est cohortatus ; ejus ora-
tionis pauca verba indicantur .

ARGUMENTUM CAPITIS IV.

De Concilio Nicæno Magno.

Concilium Nicænum dictum à Nicæa : qua
in Provincia , & in cujus Episcopi ditione ea
Civitas esset posita ? Ad id Concilium cogendum
S. Silvester Pontificiam auctoritatem ; Constan-
tinus imperialem operam , contulerunt . Causa
ejus Concilii , tempus , numerus Episcoporum : My-
sterium ejus numeri ab Ambrosio detectum . Om-
nium Patrum nomina , curiosè olim ab Epiphania
collecta , temporum injuria perierunt . Aliqua ta-
men supersunt , & indicantur . Pro S. Silvestro
Osus , Viton , & Vincentius interfuerunt . Cur
tres fuerint R. P. Legati ? Cur Osus Concilio præ-
fuit ,

fuit? *Arianarum partium Episcopi. Arius ipse
adfuit. Ejus Concilii Patres nullum expensarum
incommodum subierunt: omnia præstitit Constanti-
nus. Cur hic ejus Concilii author dictus fuerit?
Patrum lætitia, & gratulatio cum omnes conve-
nissent. Ante initum Concilium, omnes in Ec-
clesiam convenientes gratias Deo ritu solemnissimo
egerunt, pro Ecclesiæ pace reparata. Constanti-
nus se contulit Nicæam. Ejus Imperatoris religi o
summa, pietas, & liberalitas erga Patres. Ha-
bendi Concilii locum statuit Aulam ædium Impe-
rialium bono affectu, sed malo exemplo. Qua-
die primum Patres cōvenerint? Ordo sedendi: su-
blime solium in medio constitutum; & in solio liber
positus Evangeliorum: quid ea re fuerit significa-
tum? Qua modestia interfuerit, & quo loco sede-
rit Constantinus? S. Eustathius Episcopus, apposita
oratione Concilium initiavit: cur eæ partes Eu-
stathio potius data? Eustathii orationem, alia ora-
tione Constantinus excepit. Initæ consultationes.
Ariana hæresis in questionem primum deducta.
Eusebianorum fraudes, Constantini prudentiâ ir-
rita. Quid Arius, quid Athanasius, quid Mar-
cellus Ancyrae fecerint? Fidei quædam formula
ab Eusebianis exhibita. Sententia Concilii ad-
versus hæresim Arianam. Nicænum Symbolum
ab Osio factum; eo Symbolo statuitur Filius Pa-
tri ὁμοούσιος consubstantialis: tumultus Eusebia-
norum*

*horum contra homouſion . Reliquię Quartadecima-
zorum in eodem Concilio extincta . Meletii ſchi-
ſma compoſitum . Confirmatus Romani Episcopi
Primatus . Definita Patriarcharum juridiſſio . Re-
ſtituta Eccleſiæ diſciplina . Solutum Concilium :
ejuſdem Concilii litera . Litera Conſtantini ad
Eccleſias . Acta ejus Concilii ferè omnia interiere .
Qui ſuperſunt viginti Canones , neque omnes ſunt
integri . Collectio arabica Canonum Nicænorum .
Alia quedam innuuntur in eo Concilio agitata .*

ARGUMENTUM CAPITIS V.

De aliis ejusdem temporis Conciliis , atque
Conciliabulis in Oriente celebratis .

CONCILIA undecim, temporum ordine indican-
tur : Antiochenum , Alexandrinum , Sar-
dicenſe , Hieroſolymitanum , Alexandrinum aliud,
Alexandrinum tertium , Tyanenſe , Antioche-
num aliud , Alexandrinum item quartum , Antio-
chenum tertium , Antiochenum quartum . Ho-
rum Conciliorum tempus , cauſa , locus , delibera-
tiones , & ſi quid aliud habeant , magis memori-
dignum , breviffimè indicantur .

CONCILIABULA tria ſupra decem memorantur .
Antiochenum , Tyrium , Hieroſolymitanum , Con-
ſtantinopolitanum primum , Conſtantinopolita-

num secundum, Antiochenum alterum, Philippopolitanum, Ancyranum primum, Seleuciense, quod quandam habuit cum Ariminensi conjunctionem, Constantinopolitanum tertium, Lampsacenum alterum, atque Nyssenum. Horum etiam Conciliabulorum indicantur brevissime, tempus, locus, causa, deliberationes, & si quid aliud in iis fuit memorabilius.

ARGUMENTUM CAPITIS VI.

De Viris Sanctitate illustribus, qui eo tempore in Oriente floruerunt.

DE Sancto Athanasio Magno. De S. Gregorio Nazianzeno Theologo. De S. Basilio Magno. Exordia S. Ioannis Chrysostomi; horum Sanctorum ortus, interitus, & gesta quaedam chronologicè, & extra ordinem indicantur. Tum de aliis mentio fiet juxta ordinem Patriarchatuum, & precipuarum Ecclesiarum.

SANCTI VIRI EX PATRIARCHATU ALEXANDRINO, De Sancto Alexandro, de Petro, De Timotheo Episcopis Alexandrinis. De S. Potamone, De S. Paphnutio, de S. Frumentio Episcopis, & Confessoribus. De Martyribus ditionis Alexandrinae. De S. Secundo Barca Presbytero. De Sancto Euthichio Subdiacono Alexandrino, Sociisque Mar-

Martyribus . De Sanctis Monachis ejusdem Patriarchatus Alexandrini . De Sancto Paulo primo Eremita . De S. Antonio Magno . De S. Pachomio . . De SS. Serapione & Ammonio . De S. Syncletica solitaria . De aliis Monachis Mart. & Conf.

SANCTI VIRI EX PATRIARCHATU ANTIOCHENO .
De S. Eustathio , de S. Meletio , de Paulino Episcopis Antiochenis . De aliis SS. Episcopis Martyribus , & Confessoribus ditionis Antiochenae . De S. Eusebio Samosateno . De S. Spiridione , de S. Iacobo Nisibeno , de S. Ephraem Diacono Edesseno . De S. Barsa Episcopo Edessæ , aliisque plurimis Confessoribus Edessenis , quorum pulcherrimum facinus memoratur . De SS. Iuventio , & Maximino . De S. Artemio . De S. Publica Matrona . De S. Asclepa Sebasteno , aliisque Martyribus . De quibusdam solitariis Antiocheni Patriarchatus . De S. Simeone Stilita . De S. Iuliano Sabba . De S. Apbraate , de S. Moyse .

SANCTI VIRI EX PALAESTINA . *De Sanctis Machario , Maximo , & Cyrillo Episcopis Hierosolymitanis . De S. Epiphanio . De Sanctis Marcario , Asterio , & Irenione .*

SANCTI VIRI AB EXARCHATU HERACLEENSI præsertim Constantinopolitani . *De Sanctis Alexandro , & Paulo Episcopis Constantinopolitanis . De Sancto Eutropio , de S. Lucio , de SS. Martyrio ,*
b 2 *& Mar-*

& Marciano. *De Sanctis octoginta Martyribus Constantinopolitanis.*

SANCTI VIRI AB EXARCHATU PONTICO. Cognatio Sancti Gregorii Nazianzeni Theologi. *De Sancto Gregorio Nazianzeno Theologi Patre. De S. Nonna Theologi Gregorii Matre. De S. Cesario Gregorii Theologi Fratres. De S. Gorgonia Theologi Gregorii Sorore. De aliis quibusdam Gregorio Theologo sanguine junctis. De Nicobulo Gregorii Neptis marito.*

Cognatio Sancti Basilii Magni. *De S. Macrina Basilii Magni Avia. De S. Basilio Patre. De S. Emmelia Basilii Magni Matre. De S. Macrina Basilii Magni Sorore. De Naucratis Basilii Magni Fratres. De S. Gregorio Nysseno Basilii Magni Fratres. De S. Petro Basilii Fratres natu minimo. De aliis Basilio Magno sanguine junctis.*

SANCTI VIRI AB EXARCHATU ASIANO. *De S. Nicolao Episcopo Myræ in Lycia. De S. Amphiloquio Episcopo Iconiensi. De Optimo, viro laudatissimo Episcopo Antiochiæ Pisidiæ.*

ARGUMENTUM CAPITIS VII.

De Incrementis Christianæ Religionis
per Orientales Regiones.

DE PROPAGATIONE Christianæ Religionis. *Mulier captiva, Iberorum gentem, ejusque gen-*

gentis Regem Bacurium, atque Reginam ad Christi fidem adducit. S. Frumentius captivus adolescens, Religionem fundat apud Æthiopes. Maria Regina, subiectique Sarracenorum pupuli, Sancti Hilarionis primum, mox S. Mosis operâ, credunt. Zocomus Princeps, cujusdam Sancti Monachi ductu, Christianæ Religioni se addicit cum tota sua ditioe.

DE CULTU Christianæ Religionis. Templum plurimum Constantinus fundat in Oriente. Templum Resurrectionis. Templum Passionis. Templum Sanctæ Crucis. Templum Nativitatis, & Ascensionis. Templum in Horto Gethsemanis. Templum Dei Visi ad Quercum Mambre. Dominicum aureum Antiochenum. Templum Nicomediæ. Templum S. Luciani Martyris. Templum Apostolorum S. P. Templum Pacis C. P. Templum S. Michaelis Archangeli, dictum Michaelium. Alia Templum ab aliis per Orientem excitata. Cultus, ac divitiæ Templorum. De Idolorum casu. Eversa superstitio, Idololatria lege vetita. Templum Deum diruta. Simulacra Gentium ludibrio exposita.

DE GLORIA Christianæ Religionis. Christi nomen duobus græcis elementis expressum summam per Orientem gloriam abtinuit: eo nomine Regiæ frontes cohonestabantur. Quanto in honore idem nomen Constantinus Magnus habuerit. De gloria Crucis immensa. De Labaris. Forma Labari ab

*Eusebio descripta . Labarum unde dictum . A
Iuliano sublatum , restituitur à Ioviano , deinde
à Valente . De inventione Sanctæ Crucis .*

ARGUMENTUM CAPITIS VIII.

*De Monasticæ vitæ progressu , ac Sacrorum
Rituum instauratione .*

SENTENTIAE quedam de origine Monachorum
in veteri Testamento. Respuitur sententia Ia-
cobi Boulducci de decem Monachorum sodalitati-
bus in veteri Testamento : neque probatur opinio
Gelaeddini Sajuti Mahumettani repetentis Mo-
nachorum originem à temporibus Moysis . Qua-
ratione Monachorum origo ad Eliam , & Eliseum
sit referenda .

SENTENTIAE quedam de origine Monachorum
in Testamento novo , ante Pauli & Antonii tem-
pora . Exemplum vitæ solitariae Christus Domi-
nus in Testamento novo primus exhibuit . Altio-
ra consilia , Evangelicis libris disseminata , semi-
na quedam fuerunt disciplinae religiosæ : de Mon-
achis Alexandrinis à Divo Marco institutis . De
Essenis . Ante Paulum & Antonium , Monacho-
rum erant Cœnobia , licet non tam crebra in Ægy-
pto . Erant quoque qui solitariè viverent ; non
metu quidem persecutionum ; sed studio vitæ per-
fectio-

fectioris. Qui tamen aviam coleret solitudinem, ante Paulum innotuit nemo.

DE MONASTICAE vite progressu per Paulum, & Antonium post Nicænum concilium. Qua ratione solitariae vite Paulus fuerit institutor, & illustrator Antonius? Quibus initiis Antonius magnus vitam cœnobiticam instituerit, & propagaverit? Fœminæ quoque idem vivendi genus arripuerunt. Incredibilis Propagatio vite Monasticæ per omnem Mundi regionem. Monasticam disciplinam Athanasius Magnus Romam intulit primus: unde in reliquas regiones occidentis Solis, Monachorum institutio manavit.

QUIBUS POTISSIMUM institutis, Monastica disciplina, eo tempore, contineretur; & quinam ante Basilium, Monachorum Regulas, in Oriente conscripserint?

DE MONASTICAE vite progressu, Basilii Magni operâ. Basilius monasticam disciplinam ab Ægyptiis, & Syris acceptam, in Ponti Regionem invehit. Extruxit Monasterium apud Iborim, quod primum fortasse fuit Basilianorum Cœnobium. Monachorum instituta in longè meliorem formam adduxit: ob eam rem Religiosorum ordinum author primus haberi solet. Composuit Monachorum regulas præclarissimas. Tota ferè posteritas Monachorum orientalium Basilii regulam est secuta: quo tempore Basilianus ordo in Occidentem devenit?

nerit? *Basilii regula, omnium prima fuit in jure scripto probata. Quando & ubi eadem Basilii regula coli, observarique cœperit à fœminis?*

DE SACRORUM RITUUM INSTAURATIONE.

ARGUMENTUM CAPITIS IX.

De Orientalium ejus temporis obsequio erga Romanam Sedem, deque Romanæ Sedis erga Orientales sollicitudine.


DE obsequio Conciliorum Orientalium, eo tempore congregatorum erga Romanam Sedem. De obsequio Patriarchatus Alexandrini. De obsequio Patriarchatus Antiocheni. De obsequio aliorum Episcoporum orientalium. De obsequio S. Gregorii Theologi. De obsequio S. Basilii Magni. Proponitur geminus Basilii locus ex Epistola 52. Proponuntur tria Basilii loca ex epistola 70. Proponuntur item quinque Basilii loca ex epistola 74. De obsequio Imperatorum, qui Orientale Imperium, eo tempore administrarunt. De obsequio ipsorum-met illius temporis hæreticorum orientalium. De Romanæ Sedis sollicitudine erga Orientales. De sollicitudine S. Silvestri Pontificis. De sollicitudine S. Julii P. De sollicitudine Liberii Pont. Demùm de sollicitudine S. Damasci Pont.

AR-

ARGUMENTUM CAPITIS X.

De statu litterario, atque Scholis
Orientalibus.

QUæ tunc in Oriente prophanarum litterarum studia vigerent? Cujusmodi esse consuevissent, eo tempore in Oriente, sacrarum studia litterarum? De scriptoribus ejus temporis orientalibus. De Schola Cesareensi in Palæstina. De Schola Alexandrina. De Schola Constantinopolitana. De Schola Atheniensi.



MICHAEL ANGELUS

TAMBURINUS

Vicarius Generalis Societatis JESU.

CUm Liber, cui titulus: SPECIMEN ORIENTALIS ECCLESIAE A CONCILIO NICAENO PRIMO AD CONSTANTINOPOLITANUM GENERALE SECUNDUM, à Patre Joanne Baptista Salerni nostræ Societatis Sacerdote conscriptum, aliquot ejusdem Societatis Theologi recognoverint, & in lucem edi posse probaverint, facultatem facimus, ut typis mandetur, si iis, ad quos pertinet ità videbitur: cujus rei gratia has literas manu nostrâ subscriptas, & Sigillo nostro munitas dedimus. Romæ 8. Octobris 1705.

Michael Angelus Tamburinus.

Impri-

Imprimatur

Si videbitur Reverendissimo Patri Magistro Sac.
Palatii Apost.

Dominicus de Zaulis Episcopus

Verulanus Vicesg.

Joannes Pastritius S. T. Lector jubilatus &c.

LEgi ex commissione Reverendissimi Patris
Magistri Sac. Palatii Apostolici : SPECIMEN
ORIENTALIS ECCLESIAE à Nicæno Concilio primo
ad Constantinopolitanum generale secundum ,
& nihil offendi , quod fidei , aut bonis moribus
adversetur : imò verò magna oblectatione animi
cuncta vidi latina claritate , brevitate, eruditio-
ne , & veterum Auctorum copia splendere :
dignum proinde judico , quòd Typis mandetur .
Romæ ex Collegio Urbano de Propaganda Fide
31. Martii 1706.

Ioannes Pastritius S. T. Lector jubilatus &c.

Impri-

Imprimatur :

**Fr. Paulinus Bernardinus Ord.
Prædic. Sac. Palat. Apostol.
Magister.**

SPE-



SPECIMEN ORIENTALIS ECCLESIAE

A concilio Nicæno primo, ad concilium Constantinopolitanum generale secundum.

Ordo dicendorum.



CONCILIIUM Nicænum primum celebratum est reparate Salutis anno 325 sub S. Silvestro Papa, & Constantino Magno Imperatore. Constantinopolitanum verò generale secundum anno 381. sub S. Damaso, & Magno Theodo-

A

lio

sio . Inter utrumque concilium medii fluxere anni sex & quinquaginta . Eo spatio temporis quinque Romani Episcopi ordine successere : Silvestro Marcus : Marco Julius : huic Liberius : Liberio Damasus : nam Sanctus Fœlix prætereundus est . Orientis verò Imperium obtinuerunt Imperatores sex : Namque post Magnum Constantinum , Constantius filius , post hunc Julianus Apostata , post Julianum Jovianus in Oriente imperarunt : Jovianum Valens , Valentem Theodosius excepit . Qualis autem sub his Pontificibus , atque Imperatoribus eo tempore fuerit Orientalis Ecclesia ; & quid senserit de Primatu Romani Episcopi scribere , aggredior . Verum antequam ad rem ipsam propiùs accedam , juvabit opusculi hujus structuram universam sub uno veluti aspectu ponere ; ut instituti nostri via omnis ac ratio in ipso primo limine pateat .

Libellum in duas dividam partes :

Histo-

3

Historicam, atque Polemicam. In historica parte, qualis fuerit eâ tempestate Orientalis Ecclesia; & quæ tunc rerum facies in Oriente, narrando prosequar: in polemica verò, quid eadem senserit de Primatu Romani Episcopi, differendo inquiram. Quod ad historiam pertinet, Orientalem Ecclesiam primò generatim exponam: mox singulatim de septem præcipuis Ecclesiis, quibus illa universa continetur, pauca dicam; ut scilicet lector totam priùs mente concipiat, deinde partes consideret. Totius quidem Orientalis Ecclesiæ summam in decem capita conferam: quorum primum erit de Ariana coniuratione, ab hac enim Orientalis Ecclesiæ facies, omnem eo tempore colorem duxit. Secundum de aliis Orientalibus illius temporis hæresibus, atque schismatibus; ubi Antipapistarum, tum etiàm Orientalis schismatis prima semina indicabuntur. Tertium de malis, quibus eo tempore premebatur


Orientalis Ecclesia. Quartum de Concilio Nicæno Magno. Quintum de reliquis Conciliis, atque Conciliabulis eo tempore in Oriente congregatis. Sextum de viris sanctitate illustribus, qui eodem tempore in Oriente floruerunt. Septimum de incrementis christianæ Religionis per orientales regiones. Octavum de monasticæ vitæ progressu, & sacrorum rituum instauratione. Nonum de Catholicorum Orientalium obsequio erga Romanam Sedem; deque Romanæ Sedis erga Orientales sollicitudine. Decimum de statu literario, atque scholis orientalibus. Tùm descendam ad singularem septem Ecclesiarum tractationem, quam quinque aliis capitibus absolvam. Nam primò de Alexandrino Patriarchatu dicam; mox de Antiocheno; post de Hierosolymitana Ecclesia; deinde de Constantinopolitana; demùm de tribus Exarchis Thracio, Pontico, & Asiano.

5

Polemicam verò partem sex dissertationibus comprehendam; quarum primâ inquiram, quid senserint de Primatu Romani Pontificis eo tempore in Oriente congregata Concilia? Secundâ verò, quid Magnus Athanasius de eodem Primatu senserit? Tertiâ quid senserit Magnus Basilius? Quartâ quid item senserint de Primatu Romani Episcopi, Gregorius Theologus, & Epiphanius? Hi enim Patres synchroni fuerunt omnes, atque omnes eâ tempestate floruerunt. Quintâ ex rebus gestis illorum temporum conficiam, Orientalem Ecclesiam eadem tunc sensisse de Primatu Romani Episcopi, quæ de eodem deindè statuit Synodus Florentina. Sextâ demùm idem evincam aliis argumētis ab Oriente pariter, atque ab iisdem temporibus petitis.

Hunc autem laborem non eâ spe, aut mente suscipio, ut de his omnibus pro merito disseram, aut materiæ par opus

promittā : ad id mihi nec satis otii unquā
datum, nèc vires suppetunt : Specimen
exhibeo, & illud breve, atque rude ; in
gratiam dumtaxat adolescentium, qui
sanctissimis Orientalis Ecclesiæ institu-
tis, in hoc Græcorum Collegio, vivunt ;
quorum mihi eruditio & cura commis-
sa est. Qui sunt ætate, atque scientia
provectiores de suo sibi consulant ; ube-
rioremq; orientalium rerum notitiam,
si fert animus, bibant e fontibus.





PARS PRIMA HISTORICA

CAPUT PRIMUM

De Ariana Conjuratone.



UARTO Christi sæculo inito, sedato Ethnorum furore, sancta Dei Ecclesia respiraverat. Magnus CONSTANTINUS pacata omnia fecerat. Verū

ea pax brevis admodum fuit Orientalibus; namque statim Ariana pestis invasit; quæ primū Orientalis Ecclesiæ viscera laceravit; deindè genus humanum universū sūs dèque habuit. Eam flammam excitavit * Alexandria Arius presbyter, natione (1) Lybicus, incertâ patriâ, genere obscurus, ingenio subdoluſ, literaturâ tinctus, veneno imbutus, dialecticâ multū pollens; homo sceleratus ac factiosus; qui Meletio (2) an-

* Anno 320.

(1) Epiphanius heres. 69. Socratus. l. 1. c. 14. & 19. Gelasius. Cyzic. par. 2. Theodor. l. 1. c. 23. Sozomenus. Ruffinus. &c.

(2) Sozomenus. l. 1. c. 14.

[1] *Boron. ad
ann. 310. Acta
S. Petri Ale-
xandrini.*

tea studuerat ; & quem S. Petrus (1)
Alexandrinus Christi tunicam lacerat-
tem divinitus præviderat. Ambitio il-
li causa extitit sceleris ineundi ; nam-
que cùm Alexandrini Episcopatus li-
bidine arderet , ubi ea ipse cecidit ,

[2] *Theodore.
lib. 1. histor.
Ecclesiast. c. 1.
et l. 4. hæret.
fabula c. 1.
Cyrill. Alex.*

inexpiabile suscepit odium (2) in fat-
tissimum Alexandrum ; cui , Achillâ
ejus urbis Episcopo defuncto , ea di-
gnitas data fuerat , ipse posthabitus :
odium mox in furorem degeneravit ;
furor in amentiam ; amentia tandèm in

[3] *Teodore.
hæres. fabul.
ib. 4. c. 1.*

hæresim . Nam cùm Alexander (3) de
more ad populum verba faceret , ejus-
demq; æternitatis , atq; naturæ cum Pa-
tre , Verbum esse doceret ; Arius , * qui
de industria aderat , docenti Episcopo ,
per summam audaciam , ingenti clamo-
re , ausus est intercedere , suamque ne-
fariam hæresim contra opponere : Ver-

* *Sub annum
320.*

[4] *Athanas.
orat. 2. contra
Arian.*

bum (4) *ex non ente factum ; proinde nec
ejusdem Naturæ cum Patre , nec ejus-
dem æternitatis esse : Patrem fuisse ,
quando non erat Filius ; Patrem propte-
reà non semper fuisse Patrem . Quæ po-
stcà scelerata dogmata , versiculis ener-
vique numero ligata , in scriptum re-
tulit Arius ; cui scripto , Sotadem*

Ægyp-

Ægyptium (1) imitatus, poetam improbum ac putidissimum, (2) Thaliæ nomen fecit. Hinc divisa (3) Ecclesia, atque urbs Alexandrina. Melior pars Pastori suo, levissimi quique, & moribus corrupti Ario adhærebant. Inter hos primos Arii sectatores, uti memorix veteres produnt, fuere Achilles, Aitales, Carponas, Arius alter, atque Sarmata Presbyteri (4): Euzo-
 ius, Lucius, Julianus, Menas, Hella-
 dius, Cajus, & Macharius Diaconi: Pistus (5) etiam, Eusthatius (6) Ur-
 facius (7) & Valens, Saras, (8) atque alii, quorum meminit (9) Athanasius: Episcopi quoque gemini, Theonas Marmaricæ, atque Secundus Ptolema-
 idis - Hi verò sunt, quibus, primò ac præsertim, Arianorum nomen accessit. Tùm scelestus hæresiarca, in quadam ejus Urbis Ecclesia Bucale (10) dicta, conventicula palàm habere cæpit; plebem in Episcopum concitare; sollicitare schismata; nefandâ heresi (11), Presbyteros, clericos, viros, feminas, virgines, quot quot ex ingenio nancisceretur, corrumpere.

2. Sed sanctissimus Alexander faci-
 noris

(1) *Sive Cre-
 tensen, ut ma-
 uult Maim-
 burg. historia
 Arian.*

(2) *Athanas.
 ibid. & de Sy-
 nod. pag. 885.*

(3) *Epiphan.
 hæres. 69.*

(4) *Epiphan.
 hæres. 69. Sox-
 rom. l. i. c. 14.*

(5) *Epiphan.
 ibidem Atha-
 nas. ad solit.
 p. 743.*

(6) *Basil. Ep.
 74.*

(7) *Athanas.
 or. i. cont. Ar.*

(8) *Hierony.
 cont. Lucif.*

[9] *Athanas.
 ad Orthod. p.
 950.*

[10] *Epiph.
 ibid. & histo-
 rici passim.*

(11) *Epiph.
 hæres. 69. S.
 Alexan. apud
 Theodoret. li.
 i. histor. c. 3.*

noris insolentiâ , & plebis periculo vehementer commotus , cùm in tanta rerum perturbatione , quid consilij caperet, in promptu non esset; concilium ma-

* Anno 320.

(1) *Socrat. l. 1. cap. 3. Epiphan. ibid.*

(2) *Theodoret. de hæres. lib. 4. c. 1.*

(3) *Epiphan. ibid. Theodoret. lib. 1. hist. cap. 3. Sozom. lib. 1. c. 14.*

turè (*) convocat (1) Alexandria: quo in concilio Arius atque socij , quos diximus, primò (2) damnati sunt. Tùm impius hæresiarcha igne accenso Alexandria furibundus (3) discedit; Orientis vastitatem , atq; pestem religionis post se trahens: discurret per orientales Ecclesias : Alexandri violentiam , atque iniquum in se animum accusat: Episcopos pertentat ; alios coram ; alios per literas: querelis, in adulationem simul, & commiserationem compositis , eorū animos occupat : demùm brevi effecit ut plurimi magnarū Urbium Antistites ex Oriente universo, & ipsius partes cōtra Alexandrum susceperint ; & ipsius hæresim contra Verbi Divinitatem eberint: in his (4) memorantur Eusebius Cæsareæ, Theognis Nicææ, Athanasius Anazarbi, Theodoretus Laodiceæ, Paulinus Tyri, Gregorius Beryti, Aëtius Liddæ, Metrophantus Ephesi, Narcissus Neroniadis in Cilicia; atque alia plura execrandi generis infausta nomi-

na .

(4) *Theodoret. lib. 1. c. 4.*

na. Sed horum (1) caput ac ductor Nico-
mediensis Eusebius fuit, homo aulæ
quàm Religionis studiosior; qui gene-
re, ac potentiâ multum pollebat, & ve-
teri erat consuetudine, errorumq; socie-
tate, cum Ario coniunctissimus. Hi ve-
rò & quotquot exindè Ario defenso-
res, Eusebio duce, sese adderent, Euse-
bianorum nomen susceperunt. Tum om-
nia in Oriente in duas partes abstracta
sunt: Religio, quæ media erat, dilace-
rata: flamma in incendium abiit: Oriens
universus flagrare cœpit: scintillæ in
Occidentem usque pervadunt: fumus
Ecclesiam totam obnubilat.

(1) Sozzom.
lib. 1. c. 1. 1.

3. Nihil reliqui sibi fecere Alexan-
der, atque una sanctissimi quique ori-
entalium Episcoporum, ut incendium
periculi plenum extinguerent; at cum
nihil profecissent, res, juxta Canonem,
Romam ad (2) Silvestrum Papam, ab
ipso Alexandro delata est: Silvester cū
Constantino Magno conspirat: Incum-
bunt gravissimæ causæ, communi opera
studioque, Sacerdotium, & Regnum:
tūc Osius Cordubensi, viro ea ætate ce-
lebratissimo, in Orientē misso dant ne-
gotium, ut concitatissimis rebus, pro

(2) *Epist. Li-
ber. ad Con-
stant. in Bi-
bliotheca Pa-
trū* 1. 9. *quam
citant Gode-
froy Hermant.
Vit. Athanas.
t. 1. lib. 1. cap.
15. pag. 76.
Baron tom. 3.
p. 191. n. 59.*

tem-

tempore ac periculo, consuleret; orientalium Ecclesiarum pacem, autoritate Sedis Apostolicæ, Imperatoris brachio, & prudentiâ, quâ pollebat maximâ, maturè componeret. Neque Osio res prosperè cessit. Quare Primum generale concilium indictum est, atque Nicææ in Bithinia congregatum; ubi convenere Patres Reparatoris anno 325. cujus concilij specimen seorsum inferius exhibebo. Amplissimus hic 318. Episcoporum conuentus, majestate sacrâ verendus, ac veluti divinitatem spirans, solemnissimo ritu, Ariana dogmata in questionē, judiciumque vocavit. Tūm, supremo aspirante Numine, sententia in (1) Arium lata est gravissima; proscripta (2) Thalia; percussa, atque damnata hæresis; retusus Eusebianorum furor. Ad hoc Patres, authore (3) Osio Romani Episcopi Legato, Fidei quandā formulam edidere, quæ postea toto terrarum Orbe celebratissima fuit; & Nicænum symbolum vocari consuevit; eâque, præter cætera, Filium Patri Ομοούσιον, sive consubstantialem statuerunt; quæ deinde una vox Ομοούσιον, tot Conciliorū materies, atq; tot annorum contentio, negotiumque fuit

(1) *Athanas.*
apol. 2. Theodoret. l. 1. c. 6.
Socrat. lib. 1. cap. 5.

(2) *Athanas.*
orat. 2. contra Arian. Socrat. l. 1. c. 6. Sozomen. lib. 1. cap. 20.

(3) *Athanas. ad Solitar. pag. 837. Hilar. de Synod. adversus Arian.*

fuit. Eique demùm formulæ, cùm Patres omnes, tùm gemini Eusebij, ac cæteri Eusebiani, præter (1) Theonam atque Secundū, subscripserunt. Post hæc Ario, Pisto, Euzoio, & Arianorum plerisq; quos Alexander antea notaverat; Theonæ quoque, atque Secundo, exilij pœna addita est: (2) quam etiam pœnam, dimisso jã concilio, subiere Eusebius Nicomedię, ac Theognis Niceę; quòd abutētes clementiã Patrum, nova iterū, cōtra fidē cui subscripserant, molirentur.

4. Hæc sanctissimi Senatus divina consulta Arianam pestem ab stirpe conuellere potuissent, si sanabile unquam foret hæreticorum ingenium: verùm aliter se res habuit: vox illa *Ομοόσιον*, quæ Arianismi petebat jugulum, quęque propter inviolabilem, atque divinam, à qua proficiscebatur authoritatem, penitus rem conficere, optatamque Ecclesijs pacem perpetuò componere debuerat, quod incredibile memoratu est, initium novi belli, atque deterioris incendij nova veluti materies fuit. Coniuratos quidem, tunc in officio continuit exilij, atque pœnarum metus; sed (3) quoniam malus custos

(1) *Philostorg. l. 1. c. 9. p. 7. ejusd. suppl. ex Niceta pag. 177. Theodoret. lib. 1. cap. 6. & 7. apud Hermat. Vit. Athan. t. 1. p. 160.*

(2) *Philostorg. in Addit. p. 178. ap. eund. t. 1. p. 240.*

(3) *Cicero de offic.*

diu-

diuturnitatis est timor, ubi animo decessit, spatiumque novis machinationibus datum, iterum per Eusebianos, quibus eadem vecordia inerat, omnia moveri, atque turbari cæpta sunt.

(1) *Anno* 326.

5. Inter hæc (1) Alexander Alexandrinus antistes moritur; Athanasius succedit. Ea res gravis multò accidit Eusebianis, quibus Athanasij fortitudo ac sapientia formidolosa erat: jam enim antea didicerant timere virum, cum adversus Arium, non dum fortè Presbiter, in concilio Nicæno sententiam diceret: quare nova flamma furentibus iniecta est. Cumque deinde, quem olim Diaconum formidaverant, Episcopum experiri cœpissent; atque ab eo, divina quadam animi magnitudine, rumpi omnia sua incæpta intelligerent, frangi consilia, nudari dolos, odium in illum, æternum atque inexpiabile, susceperunt. Hinc apud animū suum duo statuere Ariani, in quæ æterna bella jurarunt: *Ομοόσιον*, atque Athanasium: quæ nefaria animi sententia; adeò ipsis fixa & immobilis fuit, ut niverſa deinceps Eusebianorum conju-

njuratio, in hoc veluti gemino cardine, perpetuò sit revoluta.

6. Sed quo minùs *Ομοόσιον*, aperto bello impeterent sacrilegi Sēctatores, Constantini summa religio erga Nicæna statuta, maximè obstabat. Quare ad fraudes, dolosamque simulationem adiiciunt animum. Apud Imperatorem fidem, obsequiumque simulant erga Nicænam Synodum. Ea simulatione (1) Nicomediensis Eusebius, atque Theognis Nicææ exilio soluti, loco (*) re-
 stituuntur. Restitutus Eusebius novas machinationes, atque artes aggreditur. (2) Constantiam Augustam Constantini sororem, jam antea occupatā ab Ario (nam nulla hæresis sine foemina) magis transversam agit: Aulicorum amicitias emit: eorum simul animos, quibus frequens esset ad Constantinum accessus, factioni conciliat: horumque operâ, sed in primis Constantiæ, aditum ad Imperatoris gratiã sibi, suisque aperit. Tùm his præsidij instructi Eusebiani, Episcopos innumeros, ex omni Orientis angulo, alios meru, alios pollicitationibus, aut melioris fortunæ spe, in suam partem trahere:

(1) *Theodoret. ibid.*

* *Anno 329.*

(2) *Ruffin. l. 1. cap. 11. Socrat. l. 1. c. 19. Theodoret. l. 26. 3.*

Mele-

diuturnitatis est timor, ubi animo decessit, spatiumque novis machinationibus datum, iterum per Eusebianos, quibus eadem vecordia inerat, omnia moveri, atque turbari capta sunt.

(1) *Anno 326.*

5. Inter hæc (1) Alexander Alexandrinus antistes moritur; Athanasius succedit. Ea res gravis multò accidit Eusebianis, quibus Athanasij fortitudo ac sapientia formidolosa erat: jam enim antea didicerant timere virum, cum adversus Arium, non dum fortè Presbiter, in concilio Nicæno sententiam diceret: quare nova flamma furentibus iniecta est. Cumque deinde, quem olim Diaconum formidaverant, Episcopum experiri cœpissent; atque ab eo, divina quadam animi magnitudine, rumpi omnia sua incæpta intelligerent, frangi consilia, nudari dolos, odium in illum, æternum atque inexpiabile, susceperunt. Hinc apud animū suum duo statuere Ariani, in quæ æterna bella jurarunt: *Ομοῦσιν*, atque Athanasium: quæ nefaria animi sententia; adeò ipsis fixa & immobilis fuit, ut niverſa deinceps Eusebianorum conju-

njuratio, in hoc veluti gemino cardine, perpetuò sit revoluta.

6. Sed quo minùs *Ὁμοῶσιον*, aperto bello impeterent sacrilegi Sèctatores, Constantini summa religio erga Nicæna statuta, maximè obstabat. Quare ad fraudes, dolosamque simulationem adiiciunt animum. Apud Imperatorem fidem, obsequiumque simulant erga Nicænam Synodum. Ea simulatione (1)

(1) *Theodoret. ibid.*

Nicomediensis Eusebius, atque Theognis Nicææ exilio soluti, loco (*) restituantur. Restitutus Eusebius novas machinationes, atque artes aggreditur.

* Anno 329.

(2) Constantiam Augustam Constantini sororem, jam antea occupatā ab Ario (nam nulla hæresis sine fœmina) magis transversam agit: Aulicorum amicitias emit: eorum simul animos, quibus frequens esset ad Constantinum accessus, factioni conciliat: horumque operâ, sed in primis Constantiæ, aditum ad Imperatoris gratiã sibi, suisque aperit. Tùm his præsidij instructi Eusebiani, Episcopos innumeros, ex omni Orientis angulo, alios metu, alios pollicitationibus, aut melioris fortunæ spe, in suam partem trahere:

(2) *Ruffin. l. 1. cap. 11. Socrat. l. 1. c. 19. Theodoret. l. 2 c. 3.*

Mele-

(1) *Sozom. l. 2. c. 20. Athanas. orat. 1. contra Arian. Epiph. hares. 68.* Meletianam (1) factionē sibi adiungere: ubique exploratores habere; simul ministros, atque consiliorum participes: turbare omnia: genus humanum corrumpere. Quibus passibus, surdis atque dolosis, nefaria hæresis fusa per gentes, & pestilentiae more serpens, incredibile est, quàm latè hominum imbecillitatem oppresserit. Ad hæc Athanasium (quæ potior Arianorum cura, & cogitatio semper fuit) magnum quoque Eustathium Antiochenum, aliosque sanctos Episcopos, quos maximè sibi obstantes haberent, falsis criminibus

(2) *Athan. de Syned. p. 890.* (2) implicare; Constantino; atque humano generi universo invisos facere; conterere famam; vitam, mores notare; nil sibi reliquum ad ipsorum perniciem facere: quò scilicet aut fractis, aut debilitatis obicibus, postquam tot vires undique collegisset, posset demùm arianus torrens, libero cursu, inoffensoque impetu inundare. Ob eam rem Constantia, cæterique Aulæ procures, quos Eusebius factioni obligaverat, quique Principis aures obfidebant, detractionibus in loco jactis, Athanasium aliosque bonarum partium
Epi-

Episcopos , apud Imperatorem, traducebant ; velut homines inquietos, elatos , publicæ pacis perturbatores ; qui privatis simultatibus religionis nomen obtenderent; eosque, qui suis opinionibus minimè studuissent , Ecclesiæ rebelles prædicarent . Contra verò efficiebant , ut ex ijs , quæ coniurati per summam insolentiam, contra Nicænam fidem molirentur, quædā Imperator negligeret , alia malè indulgens permetteret , plurima ignoraret ; rem nunquam pro gravitate atque periculo haberet . Ita Magnus ille Constantinus, post quam Arianismo tinctos homines circum se habere cæpit , ex optimo sagacissimoq; , alius ab illo, atq; se minor evasit : ut dùm universus terrarum Orbis intelligeret , Arianam factionem esse ; valere ; dilatari; Nicænam fidem violare ; Ecclesiæ decreta in speciem colere , re pessum habere ; moliri pestem Religionis ; per latus obstantis Athanasij Ecclesiæ viscera petere : ipse interim Princeps in tenebris densissimis versari videretur . Tanta fascinatiō Aulam novæ Romæ, eo tempore, occupaverat , Domo Dei ardente , atq;

B

in

in flammæ abeunte Religione. Hæ sunt consuetæ hæreticorum artes, quæ utinam cum Ariana peste fuissent extinctæ.

7 His artibus prostratam Arii rem Eusebiani erexerunt. Imperator Arium

(1) *Socrat. l. I. cap. 19. 20. Sozomen. l. 2. c. 26. Ruffin. l. I. c. II.*

(2) *Socrat. Sozomen. ibid.*

(3) *Athanas. Apol. 2. p. 778*

(4) *Idem ibid. & ad Antioch.*

Ejusmodi literæ scriptæ fuerunt ad Athanasium tunc à Constantino

tunc ab Eusebio.

Idem ibid. & ad Antioch. Ejusmodi literæ scriptæ fuerunt ad Athanasium tunc à Constantino tunc ab Eusebio.

(1) suis literis, ab exilio, Constantinopolim revocat: revocatum explorat quid in animo haberet: simulantemque

(2) reditum ad saniora consilia, in Ecclesiarum communionem recipi, credulus (3) jubet. Tum scelestus hæresiarcha, cum litteris, (4) mittitur Alexandriam, eo consilio, ut illic primò

in Ecclesiam reciperetur, unde primum exciderat. Verum id inceptum frustra fuit, intercedente Athanasio,

apud quem, ut Arium reciperet, nec Eusebii artes, nec Imperatoris literæ

valere. Tunc Eusebianorū in Athanasium vetus ira recrudit; sepositâque

parumper Arii curâ, in ejus viri perniciem toti incubuere; tunc quòd eorum

animi, faucii veteribus odiis, recentique Arii repulsâ exacerbati, vindictam

anhelabant; tunc quòd quotidie intelligerent, Athanasio incolumi conatus

suos irritos fore omnes. Igitur divinum

num

num Præsulem falsis (1) criminibus adoriuntur: quòd tributa(2) in Ægypto juberet: quòd (2) auri vi magnâ præstò fuisset Constantino rebellaturis. Sed his in vanum recidētibus audacter alia subnectunt; Meletianorum usi operâ, atque perjurio: quòd in Mareotide fregisset Ischyra(3) calicem: quòd obtruncasset (4) Arsenium; obtruncati manum abscidisset ad usum magicæ artis. Tùm earum rerum prætextu, Concilii (5) copiam, adversus eundem Athanasium, à decepto Constantino impetrant. Initur famosum Tyri (6) Conciliabulum: ea (7) ibi fiunt, quæ horret animus meminisse: factio dominabatur, omnia miscens armis, dolis, atque sceleribus: factiosis Dionysius comes cum militibus præstò aderat: boni pauci admodum, eisque adversa omnia erant: Eusebiani ex profugis supplicibusque, evadunt repentè judices, rerumque arbitri fiunt: Athanasius Magnus, sub ipsorum pedibus, reus stare cogitur, causam dicturus ad tribunal inimicorum.

8 Aderant Concilio SS. Potamon, atque Paphnutius viri memorabiles, & vulneribus pro fide acceptis clarissi-

(1) *Athanas.*
ibid.

(2) *Athanas.*
ibid. Socrat. l.
1. c. 20. Soz-
om. l. 2. c. 21.
Theodoret. l.
1. c. 25.

(3) *Athanas.*
Apol. 2. pag.
781. 791. 802
Theodoret. l.
1. cap. 28. So-
crat. l. 1. cap.
20.

(4) *Socrat. ib.*
Ruffin. lib. 1.
cap. 19.

(5) *Athanas.*
Apol. 2. Soz-
om. l. 2. cap.
24. Theodo-
ret. l. 1. c. 26.

(6) *Euseb. l. 4.*
c. 4. Athanas.
Apol. 2. So-
crat. l. 1. c. 20.
Epiphan. har.
68.

(7) *Athanas.*
ibid. Sozom.
lib. 2. c. 24.

(8) *Epiphan.*
hæres. 68.

mi : ex his (1) Potamon, cùm ea indigna fieri vidisset, in ingentem primò vim lacrimarum effusus ; mox in indignationem mutato fletu, ad Eusebium Cæsareensem hujuscemodi verba fecit : *Tu sedes Eusebi, & Athanasius stans á te judicatur ! adeo nè jura, legesque omnes subversa sunt ? Adeo per te justitia, pudor, atque religio interiere ? Nonne una simul in vinculis fuimus, cùm Tyranni Christianos persequerentur ? & ego quidem inde ad metalla raptatus fui, crure succisus, vulneribus affectus, privatus oculo : Tu verò incolumis, integer, nullaque corporis parte minor, evasisti : quamobrem ab eodem carcere, tam diversi discessimus ? nisi quod ego, ne fidem proderem, hæc omnia mala subiivi : Tu, ne quid horum paterere, turpiter fidem prodidisti. Hæc fecisti Eusebi, & tamen adeo te supra effers ; nec vultum demittis ad hæc vulnera testes perfidiæ tuæ : pro pœnitentia & pudore, superbiam, ac supercilium induisti : superbe sedes ; Sanctos exagitas ; dominaris, imperas, judicas ; & judicas Athanasium ! (2) Paphnutius quoque vir sanctissimus, cùm tot Eusebianorum scelera ferre mini-*

(1) *Ruffin. l.*
1. c. 4. Sozomen. lib. 1. c.
10. Socrat. l.
1. c. 5.

minimè potuisset, apprehensa Maxi-
mi Hierosolymitani Episcopi manu,
Surge, inquit, migremus hinc: nefas
enim est, confessores cum simus; & pro
fide majorum tum effossos oculos, tum
pedum flexus violatos geramus, Conci-
lio perditorum hominum interesse:

9. Sed Eusebiani nihilo faniores fa-
cti, Athanasium, iterum de obtruncato
Arsenio, tum de foemina violata, alijsq;
plurimis fictis criminibus, causam dice-
re cogunt. (1) Muliercula in primis, im-
pudentiæ, malisque moribus assueta,
& Eusebianorum instructa dolis, ad fre-
quens Concilium introducitur; vim
sibi ab Athanasio illatam pejeratura:
Sed eam fraudem Timotheus quidam
Presbyter, vir laudatus, & Athanasio
apprimè fidus, lepidè simul ac solertissi-
mè palàm fecit: namque in medium
ipse procedens Athanasium se simulans
ego ne inquit in domum tuam unquam
diverti mulier? ego te violavi? Cui fe-
mina, Athanasium rata, impudentis-
simè cùm respondisset: *Tu idem ipse*
es, qui me violasti, tu vim pudori meo
intulisti, illicò nudato scelere, doli
apparere. Exinde (2) Arsenius, quem

(1) Ruffin. l.
1. c. 17. Theo-
doret. l. 1. c.
28. Sozom. l.
2. c. 24.

(2) Ruffi. So-
zom. Theodo-
ret. ibid. So-
crat. l. 1. c.
21. Athanas.
Apoll. 2.

Eusebiani jugulatum, ejusque manum, abscissam ab Athanasio criminabatur, vivum se, atque utraque manu integrum, eidem frequenti Conciliabulo spectandum dedit: alia quoque composita crimina, patefactis coniuratorum fraudibus, evanuerunt: bonis indignatio summa extitit, Eusebianis ingens pudor furori mistus; Athanasius (qui vix detectis insidiis Tyro discesserat ad Constantinum) omnibus innocens apparuit;

(1) *Euseb. lib. 4. de Vita Constant. cap. 43. Ruffin. l. 1. cap. 11. Socr. l. 1. cap. 24. Theodoret. lib. 1. cap. 29. Sozom. l. 2. c. 23.*

(2) *Athanas. Apol. 2. p. 801 ad Salutar. de Synod. Socrat. Sozom. Theodoret. Ruffin. ibid.*

(3) *Athanas. Apol. 2. Epiphan. hares. 68. Socrat. Sozom. ibid.*

nihilominus innocens adhuc, & absens damnatur, atque Sede Alexandrina deponitur: nam quid inde moderatius expectes, ubi jura jacent, Deus contemnitur, scelus, ira, furor dominantur, & inimici sunt Judices. (1)

Post hæc Eusebiani, Constantini jussu, Tyro, Hierosolymam se conferunt, Templum in Urbe Sanctâ, recens ab eo positum dedicaturi: ibique, per occasionem, conventiculo inter se inito, priora scelera cumulantes, (2) Arium in Ecclesiæ societatem recipiunt. At (3)

Constantinus, ubi damnatum Tyri Athanasium accepit, ratus id ritè factum, adeò asperè illum habere cœpit, ut de iniurijs expostulantem ne audire

qui-

quidem voluerit; instantemque ut audiretur à conspectu rejecerit. Tunc Præsul sanctissimus ad Imperatorem dixisse fertur: (1) *Quoniam oppressoribus meis accessisti; habeo equiorem Judicem, qui me simul, ac te, Imperator, judicabit*: atq; subinde petiit, uti ab eisdem saltem Eusebianis, qui cum Tyri damnaverant, iterum causa Constantinopoli cognosceretur; quod à Constantino egrè tandem impetratum est. Itaq; ob eam rem Eusebiani Hierosolymis Constantinopolim (2) vocantur; quò ubi pervenere sacrilegi machinatores, veteribus diffidentes, novo Athanasium crimine adorti sunt: quasi frumenti commeatum, quò minus Alexandria Constantinopolim transportaretur, se jactaverit (3) impediturum. Demùm (4) Constantinus tot falsis opinionibus occupatus, Athanasium maximum virum exulem in Galliam egit: Ita Eusebiani sub Constantino Magno, quod minimè sperandum erat, ex afflictà profligataque fortuna, ad summam veluti votorum devenere: aucta viribus factio; restitutus Arius; Athanasius eliminatus; ipsi rerum potentes facti sunt.

(1) *Iidem ib.*(2) *Iidem ib.*(3) *Athanas. Apol. 2. Socrat. lib. 1. c.*23. *Theodoret. lib. 1. cap. 29.*(4) *Athanas.**Apol. 2. p. 729**Ad Solitar. p.*84. *Socrat. l.*1. c. 25. *Socr.*

l. 2. cap. 27.

*Theod. l. 1. c.*33. *Lucifer.**Calarit. lib. 1.**pro Sancto A-**thanasio; &**historici pas-**sim.*

10. Tot successibus tumidi, eò de-
mentia processerunt coniurationis po-
pulares, ut apud se statuerint, (1) Ariū

(1) *Athanas.*
orat. 1. cont.
Arian. ep. ad
Serap. Libell.
prec. Marcel.
69. Faust Epi-
phan. hæres.
69. Theodoret.
l. 1. c. 13. So-
trat. l. 1. cap.
25. Soxz. l. 2.
6. 28.

in Constantinopolitanam Ecclesiam,
invito Episcopo Alexandro viro San-
ctissimo, vi & armis intrudere; at quo
minùs tantum nefas audiret posteritas,
Dei Optimi Providentiæ intercessit:
Namque impius hæresiarcha, cū ad
constitutam sceleri diem, per compita
regiæ urbis, triumphanti similis ducere-
tur; atque ingenti comitatu pergeret,
Ecclesiæ vim illaturus; eo in itinere,
alvo foedè soluta, effusisque visceribus,
turpissimo loco, exemploque memo-
rando repentè periit. Hunc vitæ finem
fecit, (2) *singularis ille ferus* popula-
tor agri Domini, vastator fidei, cor-
ruptor generis humani: verum ea res
neque coniuratorum animos fregit; ne-
que scelerum cursum tardavit: quin
potius, post illam pestem extinctam,
factio augeri, quàm minui visa est:
tantum Eusebij potentia, dolique va-
luere.

(2) *Pjat. 78.*
vers. 14.

(3) *Gregor.*
Naxianzen.
orat. 27. pag.
664.

11. Ario extincto, Alexander Epi-
scopus novæ Romæ vir celeberrimus (3)
sanctissimè obiit: quem morti proxi-
mum

mum cùm adstantes de successore con-
 suluissent, hæc memorant (1) respon-
 disse: *Si Episcopus quæritur, qui ple-*
bem verbo veritatis, exemploque vi-
tæ ad pietatem instituat, Paulum eli-
gite: si aulicus magis placeat, qui ad
miscenda in aula Principum negotia,
promptior sit; Macedonium renuntiate;
 Populus Paulum habuit potiolem; quẽ
 tamen vix regimini admotum Constan-
 tinus relegavit in Pontum; (2) Euse-
 bio Nicomediæ adnitente, omnium
 scelerum machinatore. (3) Marcel-
 lus etiam Episcopus Ancyrae, tunc bo-
 nae famæ (4) (namque postea hæresis sus-
 picione haud mediocri laboravit) Eu-
 sebianorum fraudibus, sede sua motus,
 iussus est exulare: nempe quòd in Con-
 cilio Nicæno, aduersus Arium, in
 Tyrio Conciliabulo, pro Athanasio
 strenuè stetit; quòd librum compo-
 suisset aduersus Asterium Sophistam
 Arianæ dementiæ propugnatorem, hoc
 illi exilii causa, atque malorum fuere:
 namque stare contra grassantem hære-
 sim, pro Athanasio & fide majorum, id
 demùm, apud conjuratos, crimen erat,
 quod impunè nusquam abibat: adeò

(1) *Socras. l.*
2. cap. 4. Sox-
zom. l. 3. c. 3.

(2) *Athanas.*
ad Solit. pag.
813. Soxzom.
l. 3. c. 3.

(3) *Athanas.*
Apolog. 2. ad
Solitar. &c.
Socrates Sox-
zomen. Epi-
phan.

res , per illud tempus , præcípites agebantur . Hæc omnia sub Constantino evenere , qui tametsi plus gratiæ fideique Eusebianis indulserit , quàm tanti Principis gloria & dignitas postularent , nulla tamen unquam Ariani dogmatis pravitas tanti viri religionẽ violavit : exemplumque reliquit posteritati , quàm rari sint , inter aulicos deceptores, Principes non decepti .

12. Post hæc Constantinus moriens, Imperium in Filios, testamento, divisit: Constanti, (*) & Constantino Occidens, Constantio Oriens obvenit . Id testamentum eidem Constantio allatum, fuisse memorant ab (1) Ariano quodam presbytero , qui tam bonam nactus occasionem, incauti Juvenis animum facile suis erroribus occupavit . Infelix Princeps , eo testamento, veluti aureo quodam poculo, hæresis venenum totamente bibit , propinante Ariano ; eodemque tempore Imperator , & perfidus evasit . Tunc demùm superstitione corruptum Imperium , atque Imperio armata superstitio Religionem oppresferunt : indeque ultima Orientis calamitas , atque extrema omnia mala fluxere:

(*) *Anno 337*

(1) *Ruffin. l. 1. cap. 11. So-
crat. lib. 1. c. 26. Sozom. l. 2. c. 32. Theo-
doret. l. 2. c. 2.*

xere : quid enim æqui , moderatique sperandum est , ubi conveniunt , unaq; simul dominantur potestas , atque perfidia . Depravato Principe , eos quoque sibi parant Eusebiani , qui Principi proximiores forent vel dignitate , vel gratiâ; in primis nobiles (1) fœminas , quarum ubique maxima potentia esse solet: atque in his ipsam Augustam: tum (2) semiviros , qui apud Constantium valebant plurimum ; præsertim (2) Eusebium Eunuchum , reliquorum præfectum , & mortalium sceleratissimum; cuius (3) arbitrio, Aula , Imperiû & Imperator agitabantur . His Constantium, veluti vallo quodam, circum obsident ; ne semel irretita fera unquam è manibus elaberetur .

13. Dum hæc agerentur in Oriente , Romæ S. Silvester diem (*) obiit paulò ante obitum Constantini : succedit Marcus : qui etiam post paucos menses , vitâ (*) defunctus est : Marco subrogatur (*) Julius: eodemque tempore Julius Ecclesiæ , Constantius Imperij moderamen suscipiunt . Initio novi Regni Athanasius , socijque calamitatis Episcopi (5) liberantur exilio :

nam-

(1) *Athanas.*
ad Solitar. p.
819. atque
alii passim,
&c.

(2) *Athanas.*
ibid. p. 834.
Gregor. Na-
zianz. orat.

23.
(3) *Athanas.*
ibid. Amnian.
Marcell. lib.
18. Julian.
Imp. ad Athe-
nienf. p. 501.

* *In fine anni*
335.

* *Anno 336.*

* *Anno 337.*

(5) *Socrat. l.*
2. c. 2. Sozom.
l. 3. c. 1.

(1) *Athanas.* namque, uti (1) ferunt, Constantinus
Apol. 2. p. 809 moriens scripto commendaverat filiis,
Socrat. lib. 1. Athanasium exulem uti reducerent. Sed
c. 31. Sozom. Athanasij restituti (2) Constantinus ju-
lib. 3. c. 2. nior precipuam gloriam tulit; nec de-
 (2) *Ex Epi-* fuit studium Constantis; nam utrique
stola Constan- Principi, tanti viri virtus maximo in-
sini Junioris pretio erat; & neuter Ariana supersti-
ad Ecclesiam tione laborabat: Felicissimi Juvenes
Catholicam Occidentalis Imperij sorte; quibus, pro-
Alexandria, cul ab ea peste, integrâ fide, sanoque
apud Athan. animo esse licuit. Constantius contra,
Apolog. 2. pag. coopertus Arianismo, Athanasij reditum
 805. ægre habuit; verum tolerare necesse
 fuit; nam neque violare voluntatem
 Patris extremam; neque Fratrum ini-
 micitias per initia Regni suscipere è re
 sibi fore arbitrabatur: sed tamen Euse-
 bianis, in Oriente, omnia permisit; qui
 ubi rerum potentes facti sunt, religio-
 nem omnem, quâ jamdiu animo exue-
 rant, fronte simul excutiunt: Nicænam
 fidem & Homousion palam aggrediun-
 tur, excusso pudore, ac simulatione
 depositâ: supercilium intolerandamq;
 superbiam induunt: minas ubique spar-
 gunt: spirant furorem. Adeò rebelles
 animi, Aulæ aurâ, & Principum favore
 insolescunt.

14. Inde (1) conceptis sceleribus admovent manum. Episcopos nuper cum Athanasio reduces, iterum pellunt; in his Marcellum Ancyrae, & Paulum novae Romae; cujus Episcopatum (quod diu agitaverat animo) (2) Eusebius ipse, post aulam misere perditus, Nicomediae repudiatâ, occupavit. Athanasium in primis, cujus reditu maximè urebantur, falsorum criminum invidiae onerant, apud Constantium; novisque machinis sede Alexandrina parant movere; interim (3) Pistum quendam, veterem Arij popularem, Alexandriae statuunt Episcopum Arianorum: splendida faciunt arbitria de Oriente universo: miscent omnia sus deque.

15. Ea fama alto vulnere percussit Romam; ingemuitque Julius Pontifex, eò loci deductam audiens in Oriente Religionem: ruere Fidem; grassari Hæresim; subverti jura, legesque omnes: nova Exempla in Ecclesiam, atque intoleranda introduci; ut Episcopi ad arma Religionem deducerent: ut vi militum, ac prophano Principum arbitrio agitarentur judicia Sacerdotum: ut Patriarchæ pellerentur sedibus, de Episcopis

(1) *Athan. ad Solit. p. 813. Apolog. 2. pag. 727. Socrat. l. 1. c. 5. Sozom. l. 3. c. 3.*

(2) *Idem ib.*

(3) *Epiphan. hæres. 69. Athan. Apolog. 2. p. 741.*

scopis arbitria fierent, inconsulta Romana Sede. Hærebant animo, Tyri, & Hierosolymis, & novæ Romæ ab Eusebianis sub Constantino patrata scelera; idque vulnus recrudescebat eorum famâ, quæ recens facta vulgabantur; & longè adhuc pejora timebat sub Constantio futura, Principe depravato, atque in deterius, quotidie magis magisque ruente. Itaque muneris sui memor Christi Vicarius, ad ea mala extinguenda, adjecit animum, curamque

(1) *Athanas.*
Apolog. 2. pag.
746. 800. etc.
727. & alibi.
Ad Solit.

(2) *Idem ib.*
pag. 743.

(3) *Idem Theodoret.*
l. 2. c. 6.
Socrat. l. 2. c.
3. Sozom. l.
3. c. 2.

(4) *Athanas.*
Apol. 2. p. 720
Hilar. contr.
Arian. Athan.
ad African. p.
940.

(5) *Athanas.*
Apol. 2. p. 745
768.

omnem. Juris judicia (1) constituit Romæ: de Athanasio imprimis, & Eusebianis, apud se fieri quæstionem jubet: vocat partes ab Oriente: tum suos Athanasius Romam legat (2) procuratores: suos quoque expediunt (3) Eusebiani. Eâ re vulgatâ (4) Episcopi ex omni Ægypto Alexandriam festinanter convenientes, testimonium Synodice adornarunt; quo innocentiam sui Patriarchæ testatam Julio facerent, exploratamque; quod testimonium, properanter per Legatos, miserunt Romam. Idem (5) Episcopi ex ditione Antiochena plurimi præstitere: volant epistolæ in Occidentem; cursitant nuncii

ultrò

ultrò citròq; (1) Romam, ab omni parte Orientis, Episcoporum confluunt multitudines, ut vectores publici non sufficerent; pars pro Athanasio; alii contra: Oriens movetur omnis: completur Roma Orientalibus: nunquam præclarius vis, atque Majestas Romanæ Sedis apparuit: intellexitque tunc maximè Terrarum Orbis, se, in ejus Sedis Imperio atque tutela, positum esse.

(1) *Athanas. Apol. 2. ad Solit. ex epistola Iulii ad Eusebian. apud eundem Athan. Socrat. Sozomen. Theodoret. &c.*

16. At (2) Eusebiani, ut ostentatione fiduciæ timorem Athanasio injicerent, ultrò Julio instant, ut judicium fervidè persequatur: ubicumque velit Concilium ea de re fieri jubeat; vel si maluerit, solus, causâ cognitâ, sententiâ ferat. Julius (3) Concilium quoque indixit, habendum Romæ; quò inclytum magis judicium foret: neque contentus procuratoribus, ipsum vocat Athanasium; citat Eusebianos, ut præfentes se Romæ sisterent. Athanasius convolavit, dicto audiens, & sui securus: Eusebians angustia, ac trepidatio extiterunt: nam ea verba magnifica, quibus paulò ante, per vanitatem, id judicium urgere videbantur, excussit repente primæ Sedis propè admota potestas

(2) *Athanas. ibid. pag. 575.*

(3) *Athanas. ibid. Theodor. l. 2. c. 3. &c. Iulius Papa ibid.*

(1) *Iul. Pap.*
lit. ad Euseb.
ibid. Athanas.
ibid. pag. 632

testas. (1) Itaque rati, sibi Romæ neque Constantii favorem, neque vim armorum auxilio fore, causæ suæ minus fidentes, timidique scelerum conscientia, quo minus Romam venirent inanes causas excogitarunt; prætendentes bella Persarum, quasi impedimento essent ad illud iter suscipiendum. Verum (2) Julius, cum per litteras, tum per Legatos Elpidium & Philoxenem, iterare iussa; sollicitare; urgere: illi contra, detentis Legatis, huc illuc tergiversari; necere moras; diem ex die ducere: annus, ea in expectatione, ferè consumitur.

(2) *Idem ibidem, & historici passim, &c.*

17. Interim Athanasii mora in Urbe Roma minimè otiosa erat: namque accusatores suos, qui Eusebianorum procuratione fungebantur, coram Romano Pontifice, perjurii, omniumque scelerum (3) convictos exagitabat: suam innocentiam ac fidem, inimicorum dolos, fraudes, atque perfidiam publicæ luci exposuit; tantumque (3) pudorem eisdem Eusebianorum procuratoribus injecit, ut Româ, intempesta nocte, aufugerint, metu ac desperatione precipites.

(3) *Iul. Pap.*
ibid. apud eundem. pag. 577.
& 582.

18. At (1) Eusebiani, ubi quotidie magis compertum habent, malè sibi res in Occidente procedere; certi obfirmatique, Romanum non subire iudicium, ad extrema se se projicere consilia: statuentes concilium inter se habere in Oriente, procul à Roma, & ab officio. Dum hæc agitarentur, Constantius cōventum Antiochiam cogebat Orientalium Episcoporum, ut celebriori pompa, rituque solemnissimo, aureum Dominicum dedicaretur. Templum id erat memorabile, quod pridem Antiochiæ à Constantino Patre fundatum, ipse recens, cultu splendidissimo, absolverat; & cui ab ornatus splendore, auroque multo, *Aurei* nomen accesserat. Eam Encæniorum occasionem, aut forte oblatam, aut arte potius quæsitam, arripientes Eusebiani, Antiochiam convolare; ibique, apertissimo secessionis genere, Antiochenum Conciliabulum instruxere, grande nefas machinaturi. Ea fama intentum Terrarum Orbem suspensumque tenuit, quorsum tandem id inceptum erumperet; sed in primis Julium Pontificem cōturbavit; pessima facinora metuentem ex illo

(4) *Athanasius ad Solit. pag. 815. Theodoret l. 2. cap. 3. Consule Hermant. Vit. Athanas. t. 1. l. 5. c. 9.*

C globo

globo conjuratorum : Athanasius quoque, summa celeritate, in Orientem, eâ causâ, rediit ; anxius atque sollicitus de periculo urbis Alexandrinæ, cui præfertim, procellas ac tempestates, turbo ille Antiochenus minari videbatur.

19. Sed ejus conventiculi exitus opinione deterior fuit ; nam sacrilegi machinatores, contemptis jussis, violataque Majestate (1) Romanæ Sedis, calcatis legibus institutisque majorum, ab obsequio apertissimè discesserunt : quin etiam, ejus causæ arbitrium sibi arrogantes, judicium Julii Pontificis statuerunt antevenire : Procul à Roma omnia sibi prospera, ac tuta fore : eò jam loci, & roboris conjurationem devenisse, ut timeri magis deceat, quàm timere : se in Oriente, sub tutela Constantii, collocatos, extra ictum Romani fulminis esse : in factione satis virium, atque potentia ; satis in aula præsidii, atque securitatis habere : arma, præ jurebus, valitura. In eo (2) igitur Antiocheno Conciliabulo, Eusebiani, ex reis in quæstionemq; vocatis, repentini Judices confedere ; tùm raptim præcipitata sententiâ, Athanasium, maledictis
one-

(1) *Apud Athanas. Apol.*
2. pag. 753.

(2) *Athanas. ibid. Socrat. lib. 2. c. 5. 6. Sozom. l. 3. cap. 5.*

oneratum, iterum proscribunt; hostem Religionis judicant; convictum sceleris; eoque etiam nomine reum, quòd Tyri depositus, sine jussu deinde alterius concilii, sedem iterum recepisset; pro Athanasio, eorum suffragiis exautorato, Alexandria renūtiant Episcopum (1) Gregorium quendam Cappadocem, expertem religionis hominem, crudelem, improbum, sceleratissimum: similia decernunt contra Marcellum Ancyrae, & Paulum novae Romae, & Asclepam Gazzæ, atque alios plures bonarum partium Antistites: alia item de Oriente ferè toto miscent arbitria, ejusdem iniquitatis, & arrogantiae: jura, leges, humana, divinaque omnia confundunt.

(1) *Athan. ad
Orthod. p. 930
ad Solit. pag.
850. 944. A-
pol. 2. p. 749.
Gregor. Na-
zianz. orat.
21.*

20. Sed ea (2) mihi civilia veluti scelera fuisse videntur, initia dumtaxat, ac rudimenta malorum; quæ ab his initiis exinde profecta est, ea verò tempestas, atque ruina fuit. Nam Eusebianorum crudeles animi, effusi ad omne scelus, feroces, irrequieti, pro certo habentes, ea ipsorum præclara, consulta, infirma irritaq; futura, si prodirent inermia, Constantium urgent,

(2) *Athanas.
ad Orthod. p.
944. Apol. 2.
p. 749. ad So-
lit. p. 815.*

omnium conscium atque participem, uti Antiochenis incoëptis manum daret, armatam vi & imperio; ingenioque Principis, ad crudelitatem satis projecto, sæva inspirant horridaque consilia: crudelissimæ insectationis initia movent. Tum, Imperatoris nomine, iniqua per Orientem, & acerba vulgantur edicta: Athanasius, simul Episcopi Athanasio consentientes, sedibus moveantur suis: Ecclesiæ illis tradantur, quos Eusebiani statuissent: his pareant, atque cum his consentiant populi, atque Urbes: repugnantes, extrema omnia patiantur; bonorum direptiones, cruciatus, exilia, cædes. Ad hæc jussi Provinciarum Præfecti, atque militiæ duces, uti lictores, arma, milites, petentibus Eusebianis promptè suppeditarent. Ita demùm Ariana conjuratio, quæ hætenùs dolo magis fraudibusque pugnaverat, exindè nacta Principem, & Imperium, in perniciem Religionis, armata ferro prodiit.

(1) *Idem ibidem Socrat. l. 2. c. 8. Sozomen. l. 3. c. 5. Baron. Herimant. Vit. Athanas.*

21. Quæ autem fecerit Arianorum armata crudelitas, & furor prævalens, horret animus memorare, & manus in scribendo hæret. (1) Gregorius in primis

mis cum Præfecto Philagrio, Arfacio Eunucho, ac Duce Balacio, hominibus sceleratissimis, stipatus armis, atque militibus, Alexandrinam in urbem, populatoris in morem, improvisus irruit, ac furibundus: cui Eusebiani dederant in mandatis, ut per incendia & cædes, Ecclesiam occuparet: Athanasium Episcopatu, atque animâ exueret: Fidem Nicænam popularetur: ejus fidei tenaces igne ferroque absumeret. Sed Athanasius, ab illa ruina divinitus ereptus, evasit: plebs, aræ, templa, Alexandriæ pars melior, furoris præda fuisse: Nam qui fidem, vitâ & fortunis, potiozem haberent, ji, vi & armis miserandum in modum oppressi sunt: immisæ in eosdem turmæ armatorum: Judei, Idolorumque cultores, ac pessimi quique jussi, ut in eorum domos, fortunas, liberos, animas; in virginum pudorem, matronarumque honestatem, pro libidine grassarentur. Tum direpta Templa, & impudicitiiis cædibusque conscelerata: subversæ aræ; data canibus Sancta; cæsi Sacerdotes; nudatæ Virgines; raptatæ crinibus Matres familiarum: Spumant viæ, sanguine baptizato:

oppletur Alexandria, Catholicorum cadaveribus: scelus undique, luctus, vastitas: nusquam atrociùs à Tyrannis sævitum est.

22. Exinde Gregorius, quoniam nondum expleta cruore, ipsius erat sitis, Alexandriam relinquens luctu obvolutam, & recenti sanguine adhuc fuman-
 tem, per Ægypti (1) reliquas partes, perque totam ditionem Alexādrinam, ipsosq; recessus penitissimos Monachorum, crudelitatem circūduxit, ferocem atq; cruentam; proscribendo, cædendo, jugulādo quot quot ab Ariana factione duceret alienos: in quibus memoratur clarissimā famā confessor Potamon, quem Gregorius verberibus comminutum necavit; ultus dicendi libertatem, quā vir fortissimus, in Tyrio conciliabulo, Eusebium, uti diximus, exagita-
 verat. Magnum quoque Antonium, per illam Gregorianam incursionem, injuriis memorant violatum; cū ab ipso Gregorio, qui virum, terræ cēloque sacrum, maledictis impetere ausus est, atque pro vili habere; tū à duce Balacio Gregorii comite perpetuo, sce-
 rumque ministro; qui ejusdem divini viri

(1) *Athanas.*
ad Solitar. A-
pol. 2. de Vita
S. Antonij to-
mo. 2.

viri literas, pietate consilioque plenas , in frustra dilaceratas temerarius calcavit . Sed eam temeritatem, paulò post, morte luit dux Balacius : nam suo ipse discerptus , atque protritrus ab equo, quem in impium Dominum ira Dei concitaverat , post triduum miserè periit.

23. Dum ea fierent in Ægypto, parte alia (1) Eusebiani , qui omnium Ecclesiarum prædam spe , atque animo devoraverant , Orientis solis provincias reliquas , à Syria in Thraciam, per Præfectos & milites , eadem ferè vi ac ferocia populabantur . Nicænæ Fidei Præsules, moti passim sedibus suis, pars affecti verberibus , alii catenis onerati, ante oculos attonitæ plebis , extra urbes raptabantur : pro his invadebant pessimi Arianorum, sacrilegi, crudeles, catholicorum sanguinem anhelantes, satellites veriùs quam Episcopi . Itàdum sanctè Romæ consulitur , Oriens universus dilaceratur .

24. Sed insolentissimæ tempestatis fragor Romæ exauditus, Pontificis Maximi aures , atque animum ferit : terruit urbem: diremit consilia pacis. Tunc

(1) *Epiphan. heres. 72. Athanas. Apol. 2. pag. 762. Theodoret. l. 2. c. 6. Socrus. l. 2. c. 11.*

demum Ariana conjuratio pro merito timeri cæpit; reique atrocitate attonitos mortalium animos tenuit: & sanè illius temporis imago multò lacrimabilis, aspectuque horrida videtur mihi fuisse: reuēta Ecclesia, turbine repentino, ad tempora sanguinis, ac Tyrannorum: tempestas in Oriente: in Occidente fluctuatio: Religio in mari: in promptu naufragium: ubique metus, atque periculum: quibus rebus commotus terrarum Orbis, atq; immutata facies humani generis erat. Et augebatur indies Romæ dolor adventu profugorum Orientalium, pejora nuntiantium, quàm quæ fama vulgaverat.

25. Tum Julius, de Athanasio quærens sollicitè, simulatque (1) comper-
tum habet ubi lateret, illum celeriter
è fuga & latebris Romam reducit: (2)
exinde quinquaginta Episcoporum cō-
cilium, eo ipso, quem antea designave-
rat, die, æstuans Ecclesiarum sollicitudi-
ne, atque ardens animo, aggreditur. Fa-
ma est, inter ejus amplissimi concilii Pa-
tres, Vincentium Capuæ, atque Osum
Cordubæ, multosq; Occidentales fuisse:
sed Orientalium Episcoporum pars
major

(1) *Soerat. l. 2. cap. 8. 11. Sozom. lib. 3. cap. 5.*

(2) *Athanas. Apol. 2. p. 245. Consule God-
fridum Her-
mant. Vit. A-
than. l. V. cap. 19.*

major erat: in quibus memorantur præfertim, Athanasius, Marcellus Ancyrae, Asclepas Gazzæ, Lucius Hadrianopolis: tùm (1) alii ex Thracia, Coelesyria, Phœnicia, & Palestina, quos Romam plurimos, veluti ad littus securitatis, tempestas illa orientalis detulerat. Hi postquam initum concilium fuit, de atrocissimo scelere sevitiâque Eusebianorum, de immensa Orientis calamitate, ac de sua quisque injuria, apud Julium exostulantes, majestatem Romanæ Sedis obtestabantur; in cujus fide, atque tutela esset positus terrarum Orbis, sive quâ dies occidit, sive quâ oritur: ejus Sedis esse, pro potestate Principatus & amplitudine juris, omnium ubique Sacerdotum injurias vindicare; subvenire miseris; prohibere vastitatem Ecclesiarum. Julius cum lacrymis excipiens, quæ ab Orientalibus exponebantur, eademque in capacem animum altè dimittens, postquam multis exagitasset Eusebianorum audaciam atque perfidiam, ritè perpensis omnibus, sententiam demùm pronunciavit, veteribus memoriis celebratissimam: Tyria, & Antiochena Eusebianorum acta, veluti

(1) *Julius Pa.
pa Epist. ad
Euseb. apud
Athanas. apol.
2. pag. 584.*

(1) *Athanas.* scidit; (1) tùm Athanasio magno causam
apol. 2. p. 750. adjudicavit: item Marcello: postremò
Socrat. lib. 2. Paulum, Lucium, Asclepam, & reli-
cap. 11. Soz. quos Episcopos ab Eusebianis ejectos,
zom. l. 3. c. 7. loco ac dignitati restituit.

26. Non dùm dimissa Romana Sy-
 nodus erat; cùm Philoxenes & Elpi-
 dius, quos Julius, ad sollicitandum Eu-
 sebianorum adventum, in Orientem le-
 gaverat, tristissimi rediere. Hi Eusebia-
 norum insolentissimas ad Julium lite-
 ras (2), & in historia famosas attulerunt;
 quibus literis facinorosi homines, in-
 ter cætera querebantur, quòd Athana-
 sium atque Marcellum, illum Tyri, hunc
 Constantinopoli synodicè notatos, in
 communionem Romanus P. recepisset:
 tùm secessionem apertius, aliaque fæ-
 dora minabantur, ni Julius, Antioche-
 nis ipsorum actis, suffragator accede-
 ret: addentes (3) per summum nefas:
 (2) *Socrat. l. 2. cap. 13.* *nil Romanum Episcopum præstare Orien-*
In Epist. Julii apud A- *talibus; neque ex magnitudine Urbis, ex-*
thanas. apol. 2. *timandam Episcoporum auctoritatem:*
 quâ voce, sanè insolenti, Primatum Ec-
 clesiæ, haud obscurè, carpere visi sunt.
 Nimirum *sceleratus quisque asperrimè*
recto-

rectorem patitur; & gens assueta humana, ac divina omnia contemnere, nil sanctum unquam, & inviolabile habere potest. Hæc autem prima semina hæresis in Romanæ sedis auctoritatem videntur mihi fuisse; quæ jacta tunc ab Arianis in Oriente, per tempora deinde Photii, in luctuosam malorum segetem abjerunt.

27. Eæ (1) literæ in Romano concilio sunt recitatæ, cunctis indignatione frementibus: verum in rebelles Eusebianos, nihil gravius consultum: neq; enim opportunum Julio visum fuit, illos, etsi omni supplicio dignos, anathemate percutere; veritus, ne vis ejus fulminis, ruïnam Orientis traheret irreparabilem; sed neque aliud Romanus Pontifex movit quidquam, quo Religionis everfor Constantius offendi concitarique posset; periculosum fore ratus, pungere feram spontè ferocientem; nec è re futurum Religioni sperabat, urgere principem per se præcipientem, & jam in schisma ruentem, cum Eusebianis, & Oriente universo. Itaque iram premens, uti tempora postulabant, Epistolam, suadente concilio, ador-

(1) *Athanas.*
apol. 2. p. 759

(1) *Apolog.* 2. adornavit, Pontifice sanè dignam; auctoritate plenam, & mansuetudine temperatam, quam in Athanasii (2) scriptis habemus integram; eâque Eusebianis mitiùs quàm pro scelere rescripsit; conciliumque posthæc dimisit.

28. Latam à Julio sententiam, præter Eusebianos, terrarum Orbis reliquis venerabundus excepit: Constantius, etsi egrè tulerit, illam tamen exemplò violare minimè ausus est, primæ sedis veritus majestatem: Episcopi Orientales profugi, eo judicio recreati, pars in suas Ecclesias rediere, ejusdem Pontificis muniti literis; alii, pacatiora tempora expectantes, in Occidente subsisterunt: Eusebianorum contumax, & obstinatus animus hæsit in scelere atque perfidia. Athanasius quoque in Occidente moram produxit, cui, in manus inimicorum, ferro adhuc instructas & vehementiùs concitatas, se se inferre, tutum non erat.

(2) *Sozom.*
l. 3. cap. 6. So-
crat. l. 2. c. 13.

29. Post hæc (2) Eusebius Constantinopolitani usurpator Episcopatus, cujus manibus cōflagrabat Religio, auctor & actor tantarum tragædiarum, è vivis excessit, sui rationem supremo Judici

dici redditurus; quo mortis genere incertum est. Catholici Ecclesiam novæ Romæ, Paulo (uti jusserat Romanus Pontifex) reddiderunt: factio Macedonium renuntiat ejusdem urbis Episcopum; adnitentibus Theognide Nicææ, Mari Chalcedoniæ, Theodoro Heracleæ; Ursacio item atque Valente, qui exinde, sublato Eusebio, factionis duces, ac veluti principes extiterunt. Plura hic de Paulo & Macedonio scribenda forent, quæ tamen præterire silentio, properanti mihi necesse est: pauca solum de utroque dicam. Paulus vir longè maximus, per varias temporum vices, subinde novæ Romæ restitutus ab Episcopo (1) Romæ veteris, ac subinde à Constantio, moliētibus Arianis, sede urbeq; motus; demùm Orientis finibus exterminatus, primò Thessalonicam discessit; Singaram inde catenatus est ductus; postea Emesam; postremò Cucusum; ubi pro justitia, & Fide, ab Arianis crudelissimè strangulatus occubuit. Macedonius verò Pauli, iniquissimus ac sempiternus hostis, Episcopus novæ Romæ sæpè designatus ab Eusebianis, sæpè renuntiatus, eâ denique

(2) *Socrat. l. 2. c. 11. Sozom. l. 3. c. 7.*

que Ecclesiâ, vi armorum, per incendia, & cædes potitus est. Tùm scelere partam sedem diù obtinuit, horrendis consceleratam criminibus, ac nefariis erroribus depravatam; donec eâdem sede pulsus, Pneumatomachorum factus hæresiarcha, virus contra S. Spiritus divinitatem evomuit.

30. Sed eo spatio temporis, quod inter memoratâ Romanam Synodum, atque illam, quæ postea Sardicæ habitata est, medium fluxit, hic rerum status, ac modus fuit. Eusebiani, quorum obduratæ mentes neque Julii sententiâ flecti, neque Eusebii jacturâ frangi potuerent, identidem Antiochiam convenientes, novis fidei cudendis formulis operam dabant; quas per literas, nunciosque mittebant Occidentalibus, præsertim verò Constanti, cui sani rectique videri cupiebant. Pars melior, duce Julio, cum Athanasio, & Osio, & Maximo Trevirensi, eorum fraudibus detegendis maximè intenta erat, ne Constantis (quò spectare videbantur Eusebiani) aut mens, aut voluntas caperetur. Athanasii causa, inter Julii sententiam, & pertinaciam conjuratorum, pendebat

debat anceps: Gregorius Eusebianorum præsidio fretus, atque pro vili habens Julii judicium, ex Alexandrina sede regiè, seu potius tyrannicè nihilo minùs dominabatur. Athanasius arcebat procul ab Oriente armis, atque terroribus. Constantii mobilis animus, ductu arbitrioque ferebatur Arianorum. Constans in Occidète Religioni studebat. Julius Pontifex, in tanta rerum desperatione, diu noctuque vigil, aleam periculi plenam incredibili dexteritate tractabat; ne spem pacis præcipitaret: interim Arianismus latè serpens, Orientem depascebatur: jisque rebus sex ferè anni consumpti sunt.

31. Dum (1) eo res loco essent, cum neque finem mala, neque modum habitura viderentur; nec radius serenitatis ullus afflictis mortalibus affulgeret, Julius Pontifex ad generale Concilium adjecit animum; ratus, non alia via, tantas discordias dirimi posse. Igitur cum Osio Magno, & Maximo Trevirensi, Constanti optimo principi facilè persuadet, uti regias manus, ei commodaret operi, unde Christianæ reipublicæ salus, & requies unicè speraretur. Constans

(1) *Hilar. fragm. Athan. apol. 1. p. 476. Theodoret. 1. 2. cap. 3. Socr. lib. 2. cap. 16. Sozom. 1. 3. cap. 10.*

stans, ut amantissimus erat Religionis ac pacis, & rem ipse suscepit fervidè, & Constantium quoque fratrem in suam, ac Pontificis voluntatem traxit; metu, an gratia, incertum est. Decernitur generale Concilium; indiciturque de more terrarum Orbi. (1) Sardica eligitur, Illyrii civitas, Daciæ caput, in confinio sita Occidentalis, atque Orientalis Imperii; ob eamque rem cum Occidentilibus, tum Orientalibus visa opportunior: neque suspectus locus esse poterat Eusebianis, utpotè in ditione Constantii, & longè positus ab Urbe Roma. Tum ritè omnibus adornatis, concilio Sardicæ habendo, Romanus de more Pontifex, diem dixit. Exinde instauratæ salutis anno 347. ex omni ferè Europa, & Asia, & Africa Episcopi convenerunt; quibus, pro Julio, præfuit (2) Osius, perpetuus ductor, atque pater Conciliorum, atque una Philoxenes, & Archidamus ab eodem Romano Episcopo legati. Adfuit quoque Athanasius magnus, simul, Marcellus Ancyrae, atque Asclepas Gazzæ; quorum causâ in primis, ea Synodus agitabatur. Sed (3) Eusebiani, quibus legitima juris

(1) *Athan. ad Solitar. Baron. an. 347. Marca lib. 7. de Concord. c. 3. Godefroy. vit. Athanas. lib. 6. cap. 1.*

(2) *Athanas. ad Solit. 819. epist. Cœc. Sardic. apud Athanas. c. 2. p. 761. apol. 2. 766. 767. Hilar. contr. Ariam. (3) Hilar. in fragm.*

ris judicia, ubique, odio atque formidini erant, primò trepidare; mox conqueri apud Constantium; tergiversari; causare angustiam temporis à Julio cōstituti: sed quoniam, volente Constantio, eundum fuit, (1) Musonium comitem, & Hefychium ordinis militaris, milites, atque alia secum ferentes, quæ bello magis, quàm concilio usui esse solent; multaque præterea, in itinere, inter se consultantes, eo demùm bellico apparatu, Sardicam ingressi sunt. Verùm ubi exploratum habent, Sardicæ omnia ritè, ac ex ordine Religionis procedere; neque arma ibi, sed jura solum valitura; nunquam induci potuerunt, ut concilio sese (2) adiungerent; sed in æde regia, seorsum à Patribus, sese continuere, intenti machinationibus, plurimaque quotidie in deliberatione versantes.

(1) *Athanas.*
ad Solitar. p.
818. *apol. 2.*
754. 755.

(2) *Athanas.*
ibid.

32. Itaque Osius, (3) desperatis Eusebianis, cum reliquis Patribus initium Concilio fecit. Confirmata in primis Julii sententia, pro Athanasio, Marcello, & Asclepa: tùm, in Gregorium virum sanguinum, & dolosum, cæterosque alienarum Ecclesiarum usurpa-

(2) *Hilar. ad-*
vers. Arian.
et in fragm.
Athanas. a-
pol. 2. ad So-
litar. Theodo-
ret. l. 2. c. 6.

D

res

tores, gravius consultum est: notati Eusebiani, scissique demum ab societate fidelium. De Fide motum nihil; censuere siquidem Patres, Nicænâ Synodo abundè Fidei, ac Religioni consultum fuisse: illam dumtaxat sartam, integram, inviolatamque retinendam: quæ causa est potissima, quamobrem haud alterum à Nicæno, id Concilium haberi soleat. Plurima tamen, ad corrigendos malos mores, Eusebianorum culpâ, in Ecclesiæ disciplinam illapsos, editis

(1) *Vide infra cap. 5. in Concil. Sardicensi. & p. 2. polem. differat. 1.*

Canonibus, ea Synodus ordinavit: (1) præsertim verò, quoniam Eusebiani ea Jura interturbare visi fuerant, quæ à Christo, per Apostolorum profecta Principem, perpetuò in Romana Sede quieverant; quibusque sublati, ire præcipitem Ecclesiâ necesse foret; visum fuit Patribus optimum factu, supremum Judiciorum arbitrium, à Christo in Petro, Romæ tributum, eâ natâ occasione luculentius explicare; (2) ejusdemque Beati Petri honorare memoriam, à perditis sectatoribus, in Successore Julio, violatam. Igitur quòd eò arrogantia processissent Eusebiani, ut pendente Romæ Athanasii iudicio, Gregorium intruderent

(2) *Canon. 3. 4. 5.*

rent

rent in Sedem Alexandrinam, eâ causâ Canonem Synodus edidit; nefas esse, vertentibus judiciis, de Episcopis exautorandis, in eorum Sedem subrogare alios, ante latam, ea de re, ab Episcopo Romano sententiam: item quòd iidem Eusebiani, per insolentiam, jactaverant, non oportuisse à Romano Pontifice Tyria, & Antiochena ipforum acta rescindi, ob eam rem Synodus declaravit, liberum esse cuicumque, appellare Romanam Sedem; etsi fortè gravati ab ordinariis Judicibus, Romam recurrant, habere Romanum Episcopum in potestate, aut eorum causam per se cognoscere, aut dare Judices, quos voluerit: sanctè de omnibus, sapientissimèque in Sardicensi Concilio consultum, atque decretum est.

33. Sed (1) Eusebiani perpetuò factiosi, Sardicâ repentinè Philippopolim discedunt: ibique Conciliabulo inter se inito, rabie veluti correpti canes, Sardicæ Statuta mordent, dilacerantque: his contraria decernunt: iteratisq; maledictis in Julium Pontificem, atque Romanam Sedem, in apertum Schisma præcipitant: denique Fidei quandam

(1) *Epiphan. heres. 73. Hilar. Fragm. Sozzam. lib. 3. Aug. l. 3. cont. Crescon. c. 34. lib. 4. c. 44.*

formulam adornant, multò sceleratissimam, & confutam Arianismo: eaque omnia impia decreta spargunt in vulgus, sub arrogato nomine Sardicensis Concilii: jisque perfuncti facinoribus, in Orientem, longè ferociores, quàm venerant, sese proripuerunt.

(1) *Athanas.*
ad Solitar.
280. *Sozom.*
l. 4. c. 1.

34. Eo (1) in reditu Eusebiani, dum transirent per Thraciam, nacti Lucium sanctissimum Hadrianopolis Episcopum, quem veteribus odiis prosequerantur, illum, gravi catenâ collo victum, obligatisque post terga manibus, aliisque diris modis excruciatum, necarunt: multos præterea, in eadem Provincia, Presbyteros occiderunt, quòd eorum recipere communionem noluis-
sent: nullamque Orientis partem exinde siverunt quietam esse. Parte alia;

(2) *Athanas.*
ad Solitar.

Sardicæ (2) restitutis Episcopis, Concilii beneficio uti non licuit; namque illos, armis, atque terroribus, Imperii sui finibus Constantius Imperator arcebat: qui Eusebianorum ductu, dispositis per civitates custodiis, dederat in mandatis, ut si quis eorum clandestinum tentasset reditum, captus illicò necaretur.

(3) *Athanas.*
Apol. 1.

Ob eam rem (3) Athanasius, per duos adhuc

adhuc annos, moram in Occidente traxit; partim Nessi, quæ Thraciæ Civitas erat haud ignobilis, & Magni Constantini Patria ab aliquibus credita: partim Aquileæ apud Constantem Occidentis Imperatorem. Ita Sardicensis quoque Synodus, tametsi non mediocrem indè utilitatis fructum, & Christiana tunc Respublica, & omnis deinde posteritas ceperit; ad sanitatem tamen Eusebianorum mentibus injiciendam, tentata frustrà fuit: tam foeda morbi ejus indoles, atque natura erat.

35. Sed quem hætenus de *Ariana* conjuratione sermonem habui, idcirco longiùs produxi, & licentiùs fortasse, quàm compendiolum adornanti par erat; ut ejus involutissimæ Iliadis utcumque adumbratam imaginem, suo velut in lumine collocarem; speciemque ejus rei, obscure minùs offerrem lectoris animo. Quæ postea evenere ab Sardicensi Concilio, ad Gratiani, atque Theodosii tempora, summa brevitate percurram: pleraque omittam: pauca vix tangam: nec nisi per summa capita legentis animum circumducam.

(1) *Athanas.*
ad Solitar.
Theodoret. l.
2.c.6. Ruffin.
lib.1.cap.19.
Baron. ann.
348. Hermast.
Vit. Athan. l.
6.c.9.

36. Sardicenses (1) Patres, ne quid

relinquerent intentatum, Vincentium Capuæ, & Eufratam Colonia ad Constantium legatos miserunt; qui roga-
rent Imperatorem, ut quæ Sardicæ Concilium ritè, & ex Religionis regu-
la statuisset, ea in Oriente, ipsius bene-
ficio valere, obtinereque possent. Hos
cosdem suo quoque nomine Constans
ad Constantium legavit: addito Salie-
no viro clarissimo, spectatæque fidei,
atque pietatis, cui literas ad fratrem
dedit efficacissimas, Regioque animo
plenas: se impensius ab eo petere Atha-
nasii reductionem; id nisi impetraret,
certum sibi esse fixumque, Alexan-
driam cum exercitu proficisci, ut Atha-
nasium in Sede sua propriis manibus
collocaret. Constantius, (1) Fratris
metu paulò sanior factus, Athanasium
iterum ac tertio per literas, (2) & lega-
tione quoque adornatâ, satis honorificè
revocavit; cunctantem etiam extimu-
lans, uti reditum maturaret in suam
Ecclesiam, quam Idolorum cultores,
Gregorio haud ita pridem internecio-
ne deleta, metu, ac tyrannide libera-
verant.

(1) *Athanas.*
ad Solitar. p.
84. *Socrat.* l.
2. c. 18. *Idem*
Athan. *ad So-*
lit. p. 823.
827.

(2) *Quæ ex-*
tant apud A-
thanas. *apol.*
2. p. 769. 770.

(4) *Athanas.*
apol. 1. 676.
apol. 2. 770.
ad Solit. 823.

37. Athanasius, (3) qui nihil sine
autho-

authoritate consilioque Romanæ Sedis
 movere consueverat, ubi omnia sibi ad
 reditum tuta fore intellexit, Aquileja
 Romam se contulit; debitis officiis pro-
 secuturus Episcopum, & Ecclesiam.
 Româ profectus, cum Julii ad Eccle-
 siam Alexandrinam reſtitutoriis litte-
 ris, (1) primò appulit Antiochiam, ubi
 (2) longos cum Constantio sermones
 fertur conſeruiſſe; atque ab eodem ac-
 cepiſſe perpetuę pacis ſecuritatem, Re-
 giâ fide interpoſita, cum ſacramenti
 religione; Indè in Ægyptum, lætiſſima
 ejus reditus præeunte famâ, contendit;
 dùm tranſiret per Palestinam, Hieroſo-
 lymis ingenti plauſu eſt exceprus (3) à
 S. Maximo ejus Urbis Epifcopo; qui
 Synodum celerrimè advocavit, ut tan-
 ti viri communionem, quantâ poſſet
 celebritate reciperet; deque illius re-
 ditu, per ſynodicas literas, Eccleſiæ
 Alexandrinæ gratularetur: Alexâdriam
 denique Athanaſius, octo annos deſide-
 ratus, pervenit; cui obviam ex urbe,
 ac finitimis regionibus Epifcopi, Sa-
 cerdotes, matronæ, virgines, pueri;
 examina etiam Monachorum, ex inti-
 mioribus ſolitudinibus, atque turma-

(1) *Quæ ex-
 tant, apud A-
 thanaſ. apol.
 2.770. & in
 hiſtor. Socra-
 tis l. 2. c. 18.*

(2) *Athanaſ.
 apol. 2. & ad
 Solitar. Ruſ-
 ſin. l. 1. c. 19.
 Socrat. l. 2. c.
 18. Sozom.*

(3) *Athanaſ. a-
 pol. 2.774. ad
 Solit. 825. So-
 crates. l. 2. c. 19*

tim Populi procedebant, ut triumphan-
tem velut exciperent, ac reducis Pa-
triarchæ manum deoscularentur: Tunc
plebs pastoris sui aspectu recreata diu-
turnas lacrimas absterfit; luctumq; Ale-
xādrina Civitas, recepto patre, deposuit.
Tunc (1) Episcoporum visæ multitudi-
nes in Athanasii communionem sponte
cōfluere: multi prætereā mortales, quos
in partes Arianorum torrentis impetus
abripuerat, è perfidiæ fluctibus emer-
sere: Ursacius ipse atque Valens, Arii
populares veteres atque famosi, poeni-
tentia ducti (fluxâ tamen, ac minimè
diuturna) cū apud Romanum Ponti-
ficem, tū apud Athanasium sese ipsi
retexuere. Pax demū, Fides, Sanctitas
Athanasii magni reditu in Oriente re-
floruere: interim Eusebianorum animos
noctu, diūque invidia devorabat. Ve-
rū non finis ille malorum, sed inter-
ruptio quædam, ac brevis veluti respi-
ratio fuit: nam Constantii levis animus,
Eusebianorum arbitrio turpiter man-
cipatus, jis impellentibus, ad ingenium
paulò post rediit: iterumque, violata
fide, ac sacramenti religione calca-
tâ, exagitare Athanasium, Catholicos
pre-

(4) *Athanas. ad
Solitar. & a-
pol. 1. ibid.
Theodoret. l.
2. c. 9.*

premere, Nicænamque Fidem pessum habere cæpit.

38. Inter (1) hæc, Occidentis Imperium, Magnentii conjuratione, ex inopinato, erumpente, fædissimè ardere visus est: ea civilis flamma Constantem optimum Principem, optimèque de Religione meritum, primo juventæ suæ robore, alieno Christianæ Reipublicæ tempore, miserè absumpsit. Romanum quoque Pontificem Julium, virum Sanctissimum, pro Ecclesiarum pace, intensissimâ operâ laborantem, post annum à Constantis obitu, mors occupavit. Liberius Petri Sedem obtinuit, vir equidem fortis, ac rerum humanarum contemptor; homo tamen, ut reliqui, ex Adami luto profectus; ut mirum non sit, si humanis casibus obnoxius aliquando fuisse, hac ipsa in historia memoretur. Is (2) primò, etsi falsis Eusebianorum accusationibus præventus, secùs de Athanasio sentire visus fuerit, ubi tamen, octoginta Orientalium Episcoporum litteris, de omni re certior est factus, ejusdem Athanasii communionem, atq; tutelam, acriter, fortissimèque suscepit.

(1) Hieron.
Chron. Aurel.
Victor. Eutrop.
Zosim. l. 2. Socrat. l. 2. cap. 20. Sozom. l. 4. c. 1.

(1) Lucifer. Calar. Hilar. fragm. Athanas. ad Solitar. 833.

Con-

Constantius, sublato Fratre, debellatoque Magnentio; cæterorumque conjuratorum deletis armis, utroque Imperio potitus est. Tunc levem Principis animum, aspirantis fortunæ auræ multò extulit insolentiùs; scintillamque omnem (si qua supererat) bonæ mentis extinxit; namque primò, immemor mortalis conditionis, (1) *Æterni* sibi nomen adscivit; (2) Eusebianis, ea in re, usus assentatoribus; qui, quam Filio Dei eripere nitebantur æternitatem, eam mortali fluxoque tribuere, nihil pensi habuerunt: tùm eam animo concepit (3) amentiam, Fratri omnia mala obvenisse, ob studium Catholicorum; sibi contra, rebusque suis è Cælo descendisse felicitatem, ob tutelam Arianismi; qua demùm obcæcatus opinione, constituit animo, sub Arianæ perfidiæ jugum Occidentem simul & Orientem subjungere; Athanasium quamprimum jugulare; delere genus omne Catholicorum: tàm facili negotio in amentiam felicitas humana degenerat.

(1) *Ammian. Marcellin. lib. 15.*

(2) *Alban. de Synod.*

(3) *Lucifer. Cularit. de reg. Apost.*

(4) *Hilar. advers. Arian. & ad Constant.*

39. Igitur ea in sententia obfirmatus Constantius; vulgari edicta indici-que omnibus (4) jubet: Placere *Æternitati*

tati suæ, uti Episcopi ex omni Mundo in Athanasium subscribant: iidem, atque ubique simul Populi Arianorum recipiant communionem: qui dicto audientes minùs forent, si compertum habeant, exiliis se, proscriptionibus, atque suppliciis omnibus affectum iri. Ita cōflatus turbo est insectationis ejus, quæ omnium, ab hominum memoriâ, crudelissima proditur: qui turbo, solutus in fulmina ac tempestates, in Occidentem simul & Orientem incubuit; omniumque ferè vastitatem tulit Ecclesiarum. Ea insectatio Occidentales corripuit primùm in Gallia, in conventiculo Arelatensi; (1) mox in Italiæ visceribus, per occasionem Mediolanensis Conciliabuli: utrobique Constantius exules egit Occidentalium Episcoporum præstantissimos; Paulinum Trevirensensem, Mediolanensem (2) Dionysium: tùm Eusebium Vercellensem, Luciferum Calaritanum, Hilarium atque Pancratium Liberii Papæ Legatos; qui suamet virtute, & formidato Pontificis nomine, pro Fide & Athanasio, contra torrentem Arianorum, atque iniquam Principis voluntatem brachia direxe-

(2) *Hilar. ibi.*

(3) *Athanas. ad Solit. 835. 842. Hilar. cont. Arian. Lucifer pro Athanas. l. 2. Hieron. Chron.*

rexerant : jisque gravidus furiis , atrocibusque consiliis, per illud tempus, videbatur Imperatoris animus , ut nemini obscurum foret, Occidentem universum, Constantis præsidio vacuum, brevi Arianæ furoris, sub eo Principe, prædam futurum .

(1) *Athanas.*
ad Solit. pag.
832.

40. Sed (1) Eusebiani sic existimabant, obnoxium sibi fore Terrarum Orbem; si Liberius, cujus maxima virtus, & summa esset in Ecclesia potestas, in suas partes traheretur . Itaque Constantio persuadent, ut Æternitatis sue potentiam omnem eò convertat, ut illius animum in primis factioni paret : In ejus Episcopi autoritate momentum rerum situm esse ; in quamcumque partem inclinaverit Romanus Pontifex, post illum Ducem Ecclesiam universam ituram : illud robur aut flecti ; aut frangi oportere . Tum verò periculosius in capite vulnerari cæpit religio.

(2) *Idem ib.*

Constantius (2) Mediolano, ubi tunc moram faciebat, Eusebium Eunuchum (de cujus ingenio malo pravoque, pauca supra memoravimus) Romam cum muneribus legat, qui Liberium modis omnibus in Imperatoris sententiam, ac

voluntatem trahat . Ubi Romam venit infamis semivir , apprehensa Liberrii manu, *annue Augusto, inquit, subscribe in Athanasium, accipe munera, quibus te æternus noster Imperator prosequitur.* Indignatus ad hæc Pontifex , negat aut spe , aut prece , aut pretio induci posse Christi Vicarium , ut eum virum damnet , cujus integritas, tot experimentis, & quæstionibus manifesta , in medio jam esset posita ; & quem præsentem ipsa eadem Romana sedes tanta nuper celebritate absolvisset : nunquam futurum, ut Eusebianorum genus perfidum, sceleratumque, Romano Episcopo utatur aut perfidiæ socio , aut scelerum suffragatore . Tum (1) Eunuchus , desperans muneribus posse violare virum æqui , justique tenacissimum ; spirans minas, atque furorem , è colloquio discessit ; munera Imperatoris in Principis Apostolorum Templo suspendit . Liberrius contra ea recognitâ , cedituis asperrimè castigatis , Constantii munera extra Templum, liberrimâ fortitudine, projicit .

(1) *Idem ib.*
 & seq.

Hæc ubi rescivit Imperator amens irâ , extremum facinus aggreditur: (2) (2) *Idem ib.*

Me-

Mediolanum duci Liberium jubet. Quo
 intempesta nocte abducto in luctum
 Roma repente abiit: & facta est qua-
 si vidua domina gentium. Tunc nu-
 tare Petri stabilis sedes, ipsaque Fi-
 des tremere, veluti è suo cardine, visa
 est. Mediolani (1) Constantius iterum
 Pontificis animum pertentat: liberrimè
 repugnantem, exulem (2) Beroeam pel-
 lit. Felix (3) in Romanam sedem intru-
 sus est. Tum (4) etiam Osum Cordu-
 bensem aggreditur Imperator; sugge-
 rentibus Arianis; cumque senem ætate,
 famâ, gloria gravissimum, tum virtute,
 rebusque gestis ubique clarum, ab Hi-
 spania, per summos labores, sæpiùs ab-
 ductum, frustra que sæpiùs tentatum, in
 urbe Sirmio, exilii quodam genere, de-
 tineri jubet. Atque hæc in Occidente
 agebantur.

41. Eodem tempore, Eusebianorum
 arbitrio, Oriens Universus agitabatur.
 Athanasium (5) quæsitum ad necem, di-
 risque modis exagitatum in fugam agunt:
 cujus fugæ deinde Sanctus Episcopus
 scripsit apologiam: Georgium (6) Ci-
 licem, è summis fortunæ, ac vitæ sordi-
 bus educatum, nutritum sceleribus ho-
 minem,

minem , ad omne facinus projectissimum, impium, inurbanum, illiteratum, furti reum, & ea causa profugum, ingenio, crudelitate, moribus, Gregorio longe pejorem , in Athanasii locum substituant : Alexandrinam Ecclesiam , atque urbem , igne ferroque vastant : insectationes, per nefarios Præfectos, Duces, & Comites, Diogenem, Syrianum, Heraclium, Faustinum, Cataphronium, atque alios , horrendum in modum integrant : Ægyptum totam , aliasque Orientis Provincias, luctu, funeribusque miscent: scelera sceleribus; cædes cædibus cumulant . Hoc passu tempestate illa , Orientem simul , & Occidentem perfidia, & vastitas peragrabant .

42. Hic verò novus rerum ordo sese mihi panderet , scribendumque plurimum foret , cùm de Ursacio , ac Valente in deterius prolapsis; tùm de Photino, rebusque Sirmii gestis; atque de Arianismi fœdo , numero quoque in Arianos meros, Semiarianos, & Macedonianos divortio: præterea de Aëtio & Eunomio, & Eudoxo , & Acacio, aliisque ejus generis portentis plurimis: ad hæc de tragædiis involutissimis , mirisque
casi-

Mediolanum duci Liberium jubet. Quo
 intempesta nocte abducto in luctum,
 Roma repente abiit: & facta est qua-
 si vidua domina gentium. Tunc nu-
 tare Petri stabilis sedes, ipsaque Fi-
 des tremere, veluti è suo cardine, visa
 est. Mediolani (1) Constantius iterum
 Pontificis animum pertentat: liberrimè
 repugnantem, exulem (2) Beroeam pel-
 lit. Felix (3) in Romanam sedem intru-
 sus est. Tum (4) etiam Osum Cordu-
 bensem aggreditur Imperator; sugge-
 rentibus Arianis; cumque senem ætate,
 famâ, gloria gravissimum, tum virtute,
 rebusque gestis ubique clarum, ab Hi-
 spania, per summos labores, sæpiùs ab-
 ductum, frustra que sæpiùs tentatum, in
 urbe Sirmio, exilii quodam genere, de-
 tineri jubet. Atque hæc in Occidente
 agebantur.

41. Eodem tempore, Eusebianorum
 arbitrio, Oriens Universus agitabatur.
 Athanasium (5) quæsitum ad necem, di-
 risque modis exagitatum in fugam agunt:
 cujus fugæ deinde Sanctus Episcopus
 scripsit apologiam: Georgium (6) Ci-
 licem, è summis fortunæ, ac vitæ sordi-
 bus educatum, nutritum sceleribus ho-
 minem,

minem , ad omne facinus projectissimum, impium, inurbanum, illiteratum, furti reum, & ea causa profugum, ingenio, crudelitate, moribus, Gregorio longe pejorem , in Athanasii locum substituant : Alexandrinam Ecclesiam , atque urbem , igne ferroque vastant : insectationes, per nefarios Præfectos, Duces, & Comites, Diogenem, Syrianum, Heraclium, Faustinum, Cataphronium, atque alios , horrendum in modum integrant : Ægyptum totam , aliasque Orientis Provincias, luctu, funeribusque miscent: scelera sceleribus; cædes cædibus cumulant . Hoc passu tempestate illa , Orientem simul , & Occidentem, perfidia, & vastitas peragrabant .

42. Hic verò novus rerum ordo sese mihi panderet , scribendumque plurimum foret , cùm de Ursacio , ac Valente in deterius prolapsis; tùm de Photino, rebusque Sirmii gestis; atque de Arianismi fœdo , numerofoque in Arianos meros, Semiarianos, & Macedonianos divortio: præterea de Aëtio & Eudomio, & Eudoxo , & Acacio, aliisque ejus generis portentis plurimis: ad hæc de tragædiis involutissimis , mirisque
casi-

casibus , per illud tempus , earumque rerum causâ, in Oriente excitatis : Verùm eorum aliqua ad sequens caput rejicio; alia prætereo; namque brevitatis mihi præ rebus omnibus , habenda ratio est .

43. Quæ autem post hæc evenerint vix possum commemorare; cum eorum funestissima recordatio, admiratione pariter , ac dolore , defixum animum teneat . Nam , tot sceleribus , tantoque Catholicorum sanguine , non dum expleta Constantii sævitia , iterum majoriq; impetu (1) Osum Syrmii, Liberium in Beroea exules aggreditur: Conciliorum Præsidem Osum , senio laboribusque confectum , cruciatibus indignum in modum torquet : Summum (2) Dei Sacerdotem Liberium , ærumnis omnibus urget ; tantaque scelerati Principis violentia fuit, ut hæ Religionis columnæ solidissimæ , non sine magno motu generis humani, concuti visæ sint : Eo enim premente, primò viribus, mox animo debilitati, tandem memorabili humanæ imbecillitatis exemplo, altissimo Dei judicio, fortes Israel * ceciderunt. Osi casus præcessit, stupente Terrarum

(1) *Sulpit. Sever. l. 2. Athanas. ad Solit. 841. apol. 2. 807. Socrat. l. 2. c. 26. Sozomen. l. 4. c. 11.*
 (2) *Hieron. Chron. Athan. ibid. Hilar. contr. Arian. Baron. ann. 357. Godofroy vit. Athan. t. 2. lib. 8. c. 5.*

* Anno 357.
 vel 358.

Or-

Orbe ; paulò post Liberii defectio est consecuta ; ad cuius ruinæ strepitum, Ecclesia tota contremuit . Alii quoque per idem tempus , peiori casu , sed minori fragore, conciderunt .

44. Sanè Osi casus multò gravis, ac miserabilis fuit ; namque ad eam fidei formulam demisit animum , quæ in urbe Syrmio (1) secundò instructa , atque Ursacii ac Valentis additione (2) pejùs cumulata , omnium sceleratissima proditur : quæ fidei formula (3), Ufiæ, ac tam Homousii, quàm Homoeusii mētionem fieri vetabat : quin etiam, Patrem majorem , Filium subiectum statuebat : quibus deliramentis , mera Arii insania, haud obscurè continebatur : quomobrem jure ab Hilario, *Osiæ blasphemia* ea vocari formula consuevit . An subscripserit Osius in Athanasium ? res mihi obscura esse videtur : an ab eo casu emerferit ? duplex fama est : quidam (4) negarunt, contendentes , in perfidia obstinatum miserè periisse : nos contra, (5) Athanasio, & (6) Augustino acquiescimus, qui crexisse se Osiū , atque in Ecclesiæ sinu , & societate diem objisse sæpius, præclarissimèque testantur.

(1) *Consule Godefridum*

Hermāt. ibid.

(2) *Hilar ad Constant.*

(3) *Extat etiā apud Hilar. de Synod. cujus meminere : Athan. de Synod. pag. 902. 903. Socrus. lib. 2. c. 29. Epiphani. bar. 73.*

(4) *Marcellinus, & Faustinus. Luciferiani apud Hermāt. Vit. Athan. t. 2. l. 8. c. 4.*

(5) *De fuga p. 704. apol. 2. pag. 807.*

(6) *Lib. 1. cōst. Parmen. c. 4. 5. & 8.*

E

Quod

(1) *Athanas.**Apolog. 2. pag.*807. *Hieron.**chron. Hilar.**cont. Arian.**Sozomen. So-**crat. &c.*(2) *Hieron.**de Scriptorib.**Eccl. cap. 97.**Hilar. ibid.*

45. Quod ad (1) Liberium pertinet sic accepimus. Cum Beroëæ exilij tedio, annorumque pondere, ac metu intentatæ mortis miserè pressus, Romæ desiderio irrequietus arderet: cùmque his undis æstuantem (2) Fortunatianus Aquileæ, ac Demophilus Beroëæ æternum execrandi, vehementius aggredirentur; fædus tandem cum Arianis, pro libertate, ac reditu, victus animo pepigit: tum Beroëâ Syrmium reductus, ibi malè pactam fidem, vulgatis etiam ea de re litteris, pejus exoluit: subscripsit in Athanasium, demisit se in communionem Arianorum, oblatamque à Demophilo fidei formulam, non ea manu, qua Constantii munera extra templum projecerat, obsignavit:

(3) *Consule**Dionysium Pe-**tauiam.*

46. Sed quod attinet ad fidei (3) formulam à Liberio receptam, longè alia ea fuit ab Oſianâ, & ab illis omnibus, quas Athanasius recenset; sed ex tribus formulis conflaram illam, probati scriptores memorant: ex eâ nimirum, quæ contra Paulum Samosatenum, & eâ quæ in Æncænijs Antiochiæ, & ea demùm quæ apud Syrmium contra Photinum pridem prodiderant. Sana quidem ac planè

planè recta ea formula videri potuit, si verborum dumtaxat habenda ratio foret; nam errorem continebat nullum, eo solum nomine flagitiosa, quòd in ea Homousij mētio, silentio premeretur, tamen si ut illa erant tempora, eo ipso in silentio momenti multum inerat. Sed Liberius etsi Homousion, cōcordiæ causā dissimulaverit, aliam tamen ab illo fuisse professionem exhibitam, author est Sozzomenus; quā professione eos damnabat, qui Filium non (1) *ὁμοὶα κατὰ πάντα* similem Patri dicerent. *omnia simili-*
 Multa de Liberii lapsu turbant scripto-
 res novi, quorum sententiis excutien-
 dis, haud illibenti animo immoratus
 fuisset; sed non erat hic locus. Duo
 interim apud se statuat lector: alterū
 in Liberio (quidquid deliquerit) non
 Romanum Pontificem, pro munere pri-
 mæ Sedis agentē; sed hominem tantum
 pro fluxa mortalium conditione, pec-
 casse: alterum, hunc ipsum hominem
 Liberium (2) erectum casibus suis, ve-
 ritatis tutelam iterum suscepisse, & post
 quam Romam rediit, ad pristinam quo-
 que animi fortitudinem rediisse: nam
 postea, quoad vixit, pro fide ac Religio-

(1) *Substan-
tia, & per
omnia simi-
lem.*

(2) *Theodo-
ret. l. 2. c. 17.
Athan. Hilar.
cont. Arian.*

ne tuenda, contra eosdem Arianos, magna fortiaque, atque præclara multa gessit.

47. Sed quoniam in eiusmodi formulas noster incidit sermo, pauca de his indicare, non abs re iudicaverim. Plurimas, viginti annorum spatio, Ariani ediderunt; obliquas, varias, ac sæpè posteriores prioribus adversantes. Undenas in libro de Synodis Athanasius memorat; quibus ex aliorum scriptorum monumentis tres, vel etiam plures accedunt aliæ: Sed in his omnibus, Consubstantialis, aut prætermissa mentio, aut vetita, aut etiam damnata erat: nam eò demùm cunctæ spectabant, ut Homousii fidem, ac simplicitatem Nicænæ professionis, perpetua oblivione contererent. Qui plura de his velit, Dionysium Petavium subtilius de iisdem rebus disputantem adeat: instituti nostri ratio, longiùs nos progredi, minimè patitur.

(1) *Athanas.*
de Synod. Hilar. Soz. *com.*
Theodoret. l. 2. c. 21.

48. Constatius, (1) post Syrmiensem triumphum, de magnis Ducibus Liborio, & Osio relatum, Basilio Ancyrano (tunc Semiarianorum principe) hortatore usus, Generale Concilium, per causam

sam maximè Anomæorum, eorumque qui merum Arianismum profiterentur, fieri jussit. Nam, eo tempore, Arianismum (quod antea innuimus) intestina bella distraxerant, & Constantius Semiarianorum tunc studiosior, meris Arianis adversabatur. Id Concilium post plurimam deliberationem, varioque casus, eodem tempore, divisim tamen, ac diverso loco initum est. Occidentales, numero quadringenti, Arimini convenerunt: Orientales (1) Seleuciæ; numero sexaginta supra centum. Seleuciæ (2) conventus, Arianis meris, atque Semiarianis inter se perpetuò digladiantibus, totus in altercationem abiit. Occidentales (3) Arimini, quandiu integra ipsis deliberatio fuit, sanctè omnia decreverunt; postquam verò Constantii (4) jussu, liberè decernendi potestas erepta est, intentata vis, atque incussi, terrores per Taurum Præfectum, omnes ferè præcipites acti, à pristina fortitudine, atque sententia defecerunt. *Tunc* (vox fuit Hieronymi) *ingemuit* (5) *Terrarum Orbis, & se Arianū esse miratus est*, tantisque successibus elata superstitio, Terræ Cœloque visa est insultare.

(1) *Athanas. de Synod. 59. 870. Sever. Sulp. l. 2. Hilar. de Synod. &c.*

(2) *Athanas. ibid. 830. E. piphan. hæ. 73. Socrat. l. 3. c. 32. Sozom. l. 4. cap. 21.*

(3) *Athanas. ibid. 874. Sulpic. Sever. l. 2. Theodoret. l. 2. c. 15. Sozom. l. 4. c. 16.*

(4) *Hilar. fragm. Athanas. ad Afr. p. 934. Sulpic. Sever. ibid. Libell. Faust. & Marcellin. &c.*

(5) *Hieronymi bipertole.*

49. Post hæc, Dei ultio, quæ lentò quidem, sed certo gradu nocentes sequitur, Constantium occupavit (*) qui Mopsucrene, quod Oppidum in radice Tauri Montis positum est, aut veneno (1), uti auctor est Nazianzenus, aut feбри (2) quod alii putant, sublatuS periit. Illum (3) in exitu vitæ perfidiæ ac scelerum ritè pænituiffe, ejusdem Nazianzeni sententia esse videtur: cui tamen sententiæ, cùm Athanasii (4) de Constantio scripta repugnant, tum etiam illud obstat, quod morti proximus Imperator, ab Evozojo pessimo Arianorum baptizari (5) maluerit: argumentum fanè ingens superstitionis non abjuratæ:

(1) *Nazziāz. orat. 3. p. 68.*

(2) *Ammian. l. 21.*

(3) *Nazziāz. orat. 21. pag. 389.*

(4) *De Syned. p. 907.*

(5) *Socrat. l. 2. c. 37. Philostorg. l. 6. c. 6.*

(6) *Ammian. l. 22.*

(7) *Epiphan. hæres. 68. Socrat. l. 3. c. 4. Sozom. l. 5. cap. 7. Gregor. Nazziānz. orat. 21.*

50. (6) Defuncto Constantio, Imperium obtinuit Apostata Julianus. (7) Tunc disiectis parumper nubibus, brevis quædam serenitas mortalibus illuxit. Nam novus Imperator, pulsos à Constantio Episcopos, ad pompam simulatæ clementiæ, loco restituit. (7) Tum Athanasius magnus, è solitudine & latebris, ingenti omnium plautu, tertio rediit in sedem suam; quæ vacua, & libera erat, nam invasorem Georgium

gium, post natos homines scelatissimū, Idolorum cultores, quemadmodum olim Gregorium, non ita pridem, jugulaverant. Tunc Alexandria in primis, & reliquæ pariter Orientis urbes, Ecclesiæque, sanctorum Episcoporum, reditu, admodum sunt recreatæ. (1) Redux Athanasius, Concilio Alexandriam convocato, varia percussit hæresum capita, sapienterque omnia composuit temperavitque, quæ temporibus apta viderentur: sua integritas fidei, & suus rediit Religioni color: (2) fracti parumper Arianorum animi, compressa ferocia: ac ut ipso (3) Nazianzeni dicto utar: Imperavit Deus ventis, tempestas cecidit, tranquillitas facta est. Verū hæc paucorum mensiū fuerunt induciæ; pax solida longè adhuc aberat. Poenituit siquidem Julianum, eoque Christianorum sanguine abstinuisse, tandiūque fuisse quietè vivere Galilæos. Itaque certus, Imperium omne, Idolorum servituti, subigere: omnia repentè, armis terroribusque miscere coepit. (4) Athanasium in primis Alexandria pellit; ad eandem designat persequiturque, & fugientem quidem

(1) *Ruffin. l. 1. c. 27. Socrat. ibid. Theodor. res. l. 3. c. 2.*

(2) *Socrat. l. 3. c. 3. Sozomen. l. 5. c. 7.*

(3) *Orat. 21.*

(4) *Julian. ep. 26. Theodoret. l. 3. c. 5. Ruffin. l. 1. c. 33. Socrat. l. 3. c. 11.*

(1) *Sozzom.*
lib. 5. cap. 11.
Socrat. l. 3. c.
11. Theodo-
ret. l. 3. c. 5.

(2) *Ruffin. l.*
2. cap. 1. Soz-
zim. l. 6. c. 3.
Athanas. Greg.
Nazianz. So-
crat. Theodo-
ret. &c.

* *Anno 366.*

(3) *Theodo-*
ret. l. 2. c. 17.

(4) *Athanas.*
ad Afros. pag.
931.

jam oppressisset, nisi obuios ficarios, vir ubique magnus, solertissima quadam (1) responsione lusisset: tum in Orientem universum flammam iniecit; indeque incendia, proscriptiones, exilia, cædes, & ubique mala extiterunt. Sed mox Juliano sublato, brevi admodum intervallo denuò (2) respiravit Ecclesia, sub Joviano Catholico pioque Principe. Sed Joviano post paucos menses vitâ defuncto, mala revixere; nam qui in oriente successit Valens, perfidiâ & crudelitate, aut par, aut peior Constantio fuit.

51. Postquam Valens Orientis Imperium suscepit, Liberius Romæ (*) decessit; Ecclesia Damaso datur. Hic maximus Pontifex primam curam adiecit ad Orientalem Ecclesiam; cuius extrema calamitas, supremæ manus vim atque operam postulabat. Cum (3) Orientalibus, de rebus omnibus, per litteras cœpit agere: legationesque ad eosdem pro tempore, ac necessitudine adornat: tùm (4) Concilium Romæ cogit, ibique, Ursacium, & Valentem, bis rebelles, perpetuò infames gravi sententia notatos damnat: eaque in primis

pr̄imis consulit, atque decernit, quæ ad afflictam, in partibus Orientis solis, erigendam, confirmandamq; Religionem, opportuna magis viderentur. Eodem tempore Athanasius, quem Jovianus, summis honoribus ornatum, restituerat, rebus in Ægypto, cœterisque ditionis suæ Provincijs, componendis pari solertia operam dabat: eâque tranquillitate usus, quæ post Juliani cœdem consecuta fuerat, & quam nullus adhuc flatus turbaverat, digna Athanasio magno, atque præclara multa faciebat.

(1) Amplissimam quoque Synodum habuit Alexandria; quæ Synodus, & vulneratum Nicænæ fidei honorem, fractumque robur consolidavit, & Pontificem Damasum, de omni statu rerum, datis literis, certiores fecit. Ita per initia novi Regni, Damasus Romæ, Athanasius Alexandria, alij quoque viri Sanctissimi, in alijs Orientis partibus, pro rebus restituendis laborabant intento studio, atque conjuncta operâ.

(1) *Idem ib.*

52. Nec interea quieti erant Ariani. Valentem, quem antea in Arianismum Dominica uxor induxerat obsident, capiunt: Eudoxi præsertim operâ, notissim-

tissimâ famâ hominis , qui adeo sese in Valentis gratiâ infudit , ut ab eo Ariano , cœcus Imperator , lustrali fonte mergi voluerit . Tùm aqua illa , sacra quidem , sed malè sparsa , transversam baptizati Principis mentem , magis ad superstitionem accendit ; inducæque jamdiù per uxorem flamme , novum veluti alimentum fuit . Namque statim cum ipso Baptismate , acerbissimum Valens , erga cultores Nicænæ fidei , suscepit odium ; eosque tandiù , malis omnibus , exagitare Sacramento decrevit , donec catholicorum genus omne , aut vi extirparet , aut excideret ferro . Verùm quominus fax illa erumperet in catholicorum perniciem , Bellum Gothicum obstabat ; neq; enim furias omnes exere , nec sevirè pro ingenio sibi posse videbatur , curis militaribus impedita crudelitas ; quare Valēs , ut omnibus Imperij viribus Christo bellum moveret pacem cum Barbaris composuit . Hinc iterum tempestas in Oriente : Sanctorū exilia , verbera , cruciatus , Urbium direptiones , luctus Ecclesiarum , sanguis , incendia , cædes .

53. Interea Magnus Basilius , qui
ante

ante hoc tempus, privatam vitam atq;
virtutem colebat, procul negotijs cu-
risque publicis, aut Monachus in soli-
tudine, aut Presbyter in Patria; labo-
rantique Orienti, precibus magis ad
Deum fufis, quàm operâ prestò fuerat;
Eusebio Episcopo Cæsareæ defuncto,
Cæsareensi Ecclesiæ præficitur. Tum
propiùs publicæ utilitati admotus, pro
Religione, ac salute Orientis, cū Atha-
sio magno, cæterisque fidei propugna-
toribus conspiravit. Eidem Athana-
sio, datis literis, author fuit, ut cum
Romano Episcopo, & occidentalibus
de afflictissimis orientalis Ecclesiæ re-
bus, in primis ageret: ab iisdem, datis
literis, adornatisque legationibus, au-
xilium consiliumque peteret: idque
Orientis nomine faceret, cujus antesi-
gnanus, & pater esset. Spem omnem
orientalis Ecclesiæ, in Romana Sede si-
tam esse; quamcumque illa de fide, ac
de hæresibus sententiam pronunciave-
rit, hanc populos omnes religiosissimè
amplexuros; in ea auctoritatem, in ea
veri falsiq; regulã, in ea tãdem præcipuã
divini Numinis præsentiam esse. Tum
ipse quoque literas mittere, legatio-
nesque

nesque frequentissimè tùm solus , tùm una cum alijs Orientalibus ad Damasū instituere ; vicissim accipere , unà laborare ; nunquam quiescere . Ita eo tempore , præ cœteris omnibus , divinus hic Triumviratus , Damasus in Italia , Athanasius in Ægypto , Basilius in Cappadocia Orientalem Ecclesiam sustentabant , ne ad Valentis impetum rueret .

54. At Valens , qui jam gladium eduxerat , atque multorum Sanctorum cædibus cruentaverat , ubi de Basilio audivit , quod Episcopus esset factus , & Imperatoris incæpta audacter moraretur , ad eam arcem expugnandam signa movit . Virum aggreditur per Modestum Prætorio Præfectum , hominem sceleribus exercitatum , & notissimum crudelitatis ministrum : qui cùm , Cæsaream profectus , Basilium conuenisset , & in scopulum se incidisse intelligeret , de successu desperans , destitit ab incæpto . Imperatorem docet , Basilii flectendi , spem penitùs nullam esse . Valens ea fama motus , & admiratione magis viri , quam ira correptus . Cæsaream , haud iniquo animo , proficiscitur ; eò ubi pervenit , templum adit ;
offert

offert munera Ecclesiæ : in communio-
nem Catholicorum parumper descen-
dit: adeo ut quãdam bonę mentis scin-
tillam concipere visus sit . Verùm post
paulò, ijs omnibus evanescentibus (ne-
bulæ enim erant) atque in deterius A-
rianus Princeps repentè præcipitans,
exilij sententiam adversus Basilium
apud se statuit; quam tamen sententiam
quò minus subscriberet, ostento pri-
mùm filij, repentè morbo percussi, de-
indè fracti calami prodigio, prohibi-
tus est . Igitur, cùm suo malo didicisset
Valens, nulla vi expugnari posse Basi-
lium, in ea desperatione Cappadociã
discedit, atque aliò furorem suum ver-
tit .

55. Hic libenti animo commemo-
rarem, qui tunc sermones Basilio inter-
cesserint cum Modesto; qui, cùm ejus
viri divina responsa, & plenam animi
orationem obstupescens, inter admi-
rationem, & iram quereretur, *neminem*
se offendisse, qui tanta dicendi libertate
cum Modesto usus foret, celebratum il-
lud accepit à Basilio responsum: *non*
dùm fortasse in Episcopum incidisti:
Tum etiam libens narrarem, ut Valens
Cæsa-

Cæsareæ Templum ingressus, cùm Basilii sacris operaretur, ibi primùm germanam Ecclesiæ faciem cognoverit: ut ad speciem illam, non antea visam, Religionis, defixus animo hæserit: ut mox immoti Episcopī majestate percussus, sacro metu corripī, ac totis artubus contremiscere visus fuerit: sed ea res longiùs me ab incæpto traheret.

§ 6. Desperato itaque Basilio, in alias partes fusus Valentis furor, ad instar turbidi torrentis, concitatissimo cursu, atque cruentis fluctibus, per Orientem universum ferebatur; plurimas regiones, igne ferroque vastans; atque miseros Catholicos, exilijs, proscriptionibus, cruciatibus, cædibus, ærumnisq; omnibus involuens: Sed in Antiochiã maximo impetu irrupit; indè in Syriam universam; tùm sese in alias finitimas Provincias, magno fragore, majori ruinâ exoneravit.

His tempestatibus, solus propè Athanasius in portu esse videbatur; qui in magnâ Ecclesiæ, ac ditionis suæ tranquillitate, alieno magis, quàm suo aut suorum periculo laborabat. Ea res mirum in modum Arianos urebat, qui
Atha-

Athanasio incolumi nil unquam è re
 suâ futurum sperabant. Ob eam causam
 Valentem acriùs extimulant; ne quem
 primum opprimi oportuisset, tamdiù
 quietum sinat: In Athanasio, ejus Belli
 summam sitam esse; nisi eo superato,
 victoriam nullam fore; eodem infenso
 animo esse Athanasium in Arianos, quo
 semper antea fuerat; eodem animo esse
 debere Arianos in Athanasium, quo
 semper antea fuissent. In illum iram
 omnem atque impetum conuertendum
 esse. Imperator, (1) qui ejusmodi stimu-
 lis minimè indigebat Alexandrinæ
 urbis Præfecto jubet, ut exulem Atha-
 nasium pellat. Ea re commota est Ale-
 xandria Urbs tota: plebs convenit,
 obstat, ardet; seditio imminet. Tunc
 Præfectus, metuens tempestatem peri-
 culi popularis, Valentem de motu Ci-
 vitatis per literas monet; interim nil
 gravius in Athanasium deliberat; plebs
 in eâ expectatione parumper quiescit,
 Sed Athanasius, vel quòd de insidijs
 divinitus esset monitus, vel quòd ex
 eo tumultu invidiam sibi timeret, clàm
 fugit, atque in sepulcro patris quatuor
 menses delitescit. Id ubi Populi ani-
 mad-

(1) Sozom.
 l. 6. 12. Socra.
 l. 4. c. 13. Ep.
 b. 68. Ruf.
 fin. lib. 2. c. 13

maduertunt, cùm absentiam Pastoris pati non possent, & Episcopi desiderio majorem in modum eorum animi per- tentarentur, periculosius quàm antea moveri cœperunt. Quare Valens re- maturiùs considerata imperat, uti Atha- nasius petenti populo, avidæque plebi restituatur. Ita Valens Athanasium, & Basilium, quos maximè perditos voluif- set, salvos relinquere coactus est: adeò mortalium consilia, & cæcos Princi- pum conatus, Divina Providentia, quæ omnia moderatur, eludit.

(1) *Socr. l. 4. c. 16 Theodoret. l. 4. c. 18. Sozom. l. 6. c. 18. Cyril. ep. 1. Rufin. lib. 2. c. 7.*

57. Et quidem divini Numinis con- filio factum esse arbitror, ut Athanasio Magno hæc insperata tranquillitas exi- steret; ut qui vitam omnem inter flu- ctus, ac tempestates duxisset; mortem tandèm in sinu tranquillitatis obiret.

Nam mihi Deus sic Athanasii tempora divisisse videtur, quasi vitam labori, mortem quieti destinasset. In eo igi- tûr interjectæ pacis, otio brevissimo, ful- men Arianismi, robur fidei, admiratio Sæculorum Magnus Athanasius vitâ, laboribusque defunctus * est. Ad quem virum, omnium opinione majorem, exornandum, ea laus Apostoli apposita

(*) *Anno 371*

in

in primis mihi videtur esse. *Plus omnibus laboravit, fidem servavit, cursum consumavit.* Tum Ecclesiam Alexandrinam Petrus suscepit; quem Athanasius moriens Episcopum designaverat. Orientalis Ecclesiæ onus, postquam prima columna, morte, subducta est, in Occidente Damasi, in Oriente Basilii, & Nazianzeni humeris, incubuit.

58. Post hæc, Alexandriæ Ecclesiæ pax omnis, iterum turbata; expulsi Petrus; Lucius nequissimus homo, vi & armis intrusus: tunc iterum sanguine cecidibus, turbine, atq; procellis, obvoluta civitas Alexandria. Valens, quamvis eo tempore bellum Gothicum in stauratu fuisset, nil tamen, de instituto crudelitatis cursu vestigium flexit; in omnem Orientem, ad Catholicorum perniciem tempestates, naufragia, incendia, atq; ruinas tulit; nec prius furori finem, quam vitæ fecit. Quare Arianismi plusquam civilis calamitas, usq; ad annum 378. in Oriente producta est: quo tempore, in clade Gothica (quâ, post Cannensem Romanis nulla funestior) Tyrannus ille absumptus igne, periit. Tunc Gratianus & mox Theodosius religiosissimi Prin-

cipes Ecclesiã Orientalem recrearunt: atque lacrymas, luctumq; à Catholicorum oculis absterferunt. Tunc pax rediit; Religio valuit; Arianismus ruit: cujus, etsi quædam malè relicta germina superfuerint, robur tamen excisum, concidit ab radice.

59. Hic autẽ cursus fuit Ariane conjunctionis; quæ nata sub ann. 320. extincta verò in Oriente sub ann. 380. sexaginta annos, quæ iusta est hominis ætas, ibidem vixit. Ab exordio sui, usque ad Concilium Nicænum, flamma, & contentio videri potuit: à Concilio Nicæno usq; ad Constantini obitum, contagiũ veluti ac pestilentia; per sinuosos flexus doloso gradu serpens: postea verò, sub Constantio, Juliano, ac Valente, neufragium, ruina, vastitas. Eam Basilius, Navali bello comparavit, intempesta nocte, concitatoque mari commisso: Athanasius tempestati, Oceanique fortunæ: Nazianzenus incendio. Illam alii cum turbine atq; procellis; alii cum torrentibus contulerunt. Mihi verò, sapius cogitanti, ea Orbis Terrarum perturbatio, expressa Inferorum imago, ubi sempiternus est horror, videri solet.

CAPUT



CAPUT SECUNDUM

*De aliis quibusdam Orientalibus
ejus temporis hæresibus,
& schismatibus.*

61.



NEQUE una tantum hæresis Orientalem Ecclesiam, eo tempore dilacerabat; novæ semper ac penè infinitæ pullulabant in dies; quarum Ariana pestis, aut mater erat, aut nutrix, aut soror, aut focia. Namque primò, in ramos plurimos, eadem ipsa stirps mala abiit: mox tantam morum ac temporum corruptelam, in Orientem invexit, ut hæresum innumeræ, ac repentinæ multitudines passim existerent. Hic ego primùm de divortiis Arianorum, mox de aliis quibus-

busdam hæresibus, & schismatibus pauca, & quam brevissimè dicam.

De Arianis, & Eusebianis.

62. **A** Rianorum nomen primi ac præsertim obtinuerunt ji, qui Alexandrina in Urbe, sub annum 320. palàm insanientem, & ab Ecclesiæ obsequio discedentem Arium secuti sunt; quorum nomina superiori capite, sub initium * retulimus. Eusebiani verò ji vocari sunt cæpti, qui eodem aut sequenti anno, Eusebio duce Episcopo Nicomediæ, Arii ac sociorum, quos ob vulgatam hæresim Alexander damnaverat, tutelam susceperunt; quorum etiã nomina ibidè * recensuimus. Quod ad internam hæresim pertinet; Arianos inter, & Eusebianos, ne latus quidem unguis intercedebat; nam eadem, utrorumque mentem, insania corripuerat: quin imò de Eusebio Scriptores probati memorant, illum eà pestilentia, ante Arium, laborasse; quamvis communis superstitionis vexillum, Arius primùm extulerit. Verum inter Arianos primos, ac primos Eusebianos, nonnihil intererat

rerat; namque Arius & Ariani vulgatam hæresim, sicut suam ac propriam, tuebantur: Eusebius verò & Eusebiani veluti accedebant, alienæ causæ modò tutores, atque patroni; subinde etiam cognitores, Judices, atque arbitri. Illud præterea, inter eosdem, discrimen erat; quod Arius & Ariani iudicio convicti; sententiâque, semel ab Alexandro notati in Synodo Alexandrinâ, iterum ab Osio in altero Alexandrino Concilio, maximè verò Nicææ; exclusique ab societate fidelium, veluti pestes publicæ vitabantur: Eusebius contra & Eusebiani, sententiâ ejusmodi nequaquam subiverant; neque fuerant ab Ecclesia prohibiti; nec nisi post annos plurimos in Sardicēsi Concilio, eorum aliqui notati sunt: quare pleriq; Catholicorum, & viri etiam sanctitate præstantes, cum Eusebianis passim, ac diù communicasse feruntur.

63. Ex Arianis itaque, & Eusebianis, una quædam conjuratorum Respublica conflare cæpit; in duos divisa ordines, velut in plebem, & Patres conscriptos; in populum, ac Senatum: nam qui, inter populares conjurationis, Epi-

busdam hæresibus, & schismatibus pauca, & quam brevissimè dicam.

De Arianis, & Eusebianis.

62. **A** Rianorum nomen primi ac præsertim obtinuerunt ii, qui Alexandrina in Urbe, sub annum 320. palàm insanientem, & ab Ecclesiæ obsequio discedentem Arium secuti sunt; quorum nomina superiori capite, sub
 * num. 1. initium * retulimus. Eusebiani verò ii vocari sunt cæpti, qui eodem aut sequenti anno, Eusebio duce Episcopo Nicomediæ, Arii ac sociorum, quos ob vulgatam hæresim Alexander damnaverat, tutelam susceperunt; quorum
 * num. 2. etiã nomina ibidè * recensuimus. Quod ad internam hæresim pertinet; Arianos inter, & Eusebianos, ne latus quidem unguis intercedebat; nam eadem, utrorumque mentem, insania corripuerat: quin imò de Eusebio Scriptores probati memorant, illum eà pestilentia, ante Arium, laborasse; quamvis communis superstitionis vexillum, Arius primùm extulerit. Verum inter Arianos primos, ac primos Eusebianos, nonnihil intererat

rerat; namque Arius & Ariani vulgatam hæresim, sicut suam ac propriam, tuebantur: Eusebius verò & Eusebiani veluti accedebant, alienæ causæ modò tutores, atque patroni; subinde etiam cognitores, Judices, atque arbitri. Illud præterea, inter eosdem, discrimen erat; quod Arius & Ariani iudicio convicti; sententiâque, semel ab Alexandro notati in Synodo Alexandrinâ, iterum ab Osio in altero Alexandrino Concilio, maximè verò Nicææ; exclusique ab societate fidelium, veluti pestes publicæ vitabantur: Eusebius contra & Eusebiani, sententiâ ejusmodi nequaquam subiverant; neque fuerant ab Ecclesia prohibiti; nec nisi post annos plurimos in Sardicēsi Concilio, eorum aliqui notati sunt: quare pleriq; Catholicorum, & viri etiam sanctitate præstantes, cum Eusebianis passim, ac diù communicasse feruntur.

63. Ex Arianis itaque, & Eusebianis, una quædam conjuratorum Respublica conflare cæpit; in duos divisa ordines, velut in plebem, & Patres conscriptos; in populum, ac Senatum: nam qui, inter populares conjurationis, Epi-

scopi essent, plurimumq; aut dignitate, aut famâ, aut potentiâ valerent, ji ab ductore Eusebio, vocabântur Eusebiani; ac velut in Senatorio ordine, inter Patres cōscriptos, collocabantur: quorum partes erant, in judiciis, in conciliabulis, in aulâ potentiorum, conjurationem alere, sustentare, augere; Catholicos & obstantes, maximè Athanasium opprimere. Reliquum verò conjuratorum vulgus, numerus atque turba, sub trito magis Arii nomine, Ariani vocabantur; eamque illius Reipublicæ partem, constituebant, quæ multitudinem efficit, & plebe ac populo continetur. Hoc politiæ genere usus est, Senatus ille populusque Arianus ad annum ferè 358. tametsi ea res nihil obstiterit, quo minùs Arianorum nomen Eusebianis quoque promiscuum foret; nam quorum una esset mens & perfidia, eos diversa vocum appellatione discriminare, nihil pensi, eorum temporum Scriptores, & Patres habuerunt. Post eum verò annum 358. extincto jam Eusebio, Eusebianorum quoq; nomen extingui cæpit; ac demum omninò periit: exindeq; infame solum Arii nomen posteritatem obtrunxit,

nuit. Sed præter Arianos, & Eusebianos, alia nominum, sectarumque divortia eam Satanae Synagogam diffraxerunt: de quibus divortiis statim pauca subnecto.

De Arianis meris, & Semiarianis.

64. **M**Eri Ariani habebantur illi, qui Thaliae tenacissimi, à meta primâq; Arianæ blasphemiae, ne latum quidem unguem dimoveri paterentur. Semiariani verò si dicebantur, qui à primo Thaliae rigore aliqua ratione declinare, & cum Dei Verbo mitius viderentur agere; nec tamen adhuc ad sinceritatem Nicænæ Fidei, & hominifii confessionem descenderent. Sed quoniam multiplici via & ratione deflecti à Thalia poterat, eam ob rem, Semiarianorum extitit multiplex, & varium genus. Ea divisio sub annum 327. Magno Constantino imperante, duobus annis post Nicenam magnam Synodum, primò cæpit: primamque duxit originem ab ipsismet Ario & Eusebio; hi siquidem, non ex animi quidem sententia, sed temporis servientes, privatisque

rationibus ducti, omnium primi à Thalia declinarunt. Nam jidem Eusebius Nicomediæ, & Arius, hic exilii tædio, ille aulæ ambitione victus, captiosâ quâdam verborum circuitione apud Constantinum uti cæperunt, quò meliorem induisse mentem, descivisse à Thalia, ac Nicænis Patribus cōsensisse videri possent: eâque demum viâ, exilio liberati, in Imperatoris gratiam redirent; quod ipsis utinam non successisset ex voto. Quin etiam Arius, eodem consilio, fidei quandam formulam scriptam obtulit Constantino, ambiguum ac dolo plenam, & speciem quandam veritatis præferentem, quæ extat adhuc apud Socratem, (1) ac Sozzomenum (2). Tunc verò, sunt (3) qui putant, plures de factione ferociùs, tenaciùsque Thaliæ adhærentes, sese ob eam rem ab ipsius Arii societate indignabundos abstraxisse, ægrè ferentes inconstantiam Antesignani, qui ab suo primo instituto meticulosius declinasset; atque inde Arianismum in meros Arianos, & Semiarianos primò abjisse. Ita jidem ipsi Arianismi fundatores, ac veluti Patriarchæ Arius, & Eusebius, Semiarianorum

(1) *Lib. I. c.*
19.20.

(2) *Lib. 2. c.*
26.

(3) *Ruffin. l.*
1. c. 25.

norum fuisse principes, atque primi feruntur. Sed post annum 358. Ario longè antea, & Eusebio non ita pridem defunctis, Arianismi divortia in Arianos, & Semiarianos, aperta magis, & concitata extiterunt.

65. Sed merus Arianismus his præsertim deliramentis continebatur: solū Patrem verum Deum esse, solum æternum, immutabilem, atque principio carentē: hunc ex æterno Deum, non verò Patrem ex æterno fuisse, sed tunc demum post quam filium produxerit. Filium ex non existentibus factum; propterea opus, & creaturam esse *Κρίσμα ἢ ποίημα*; nec ejusdem, neque similis cum Patre substantiæ, nec *ὁμοῦσιον* nec *ὁμοίσιον*: naturā mutabilem, potententemque in malum desciscere; arbitrijque libertate, capacem virtutū, ac vitiorum; atque ad hoc, ante reliqua editum, ut illo Pater ad Mundum, & creata cœtera fabricanda, tanquam instrumento & ministro, uteretur; utque omnipotentem Patris vim & efficientiam, quam nulla creata res pati, ac sustinere valuisset, in se primò reciperet temperaretque; temperatam deindè moderatamque creandis

dis coeteris admoveret; ejusq; rei causa Filium, præ reliquis omnibus, & excellentiori modo esse atque dici. Hæc erat insania Arij mera ac veluti primigenia, quam ex illius Thaliæ fragmento, quod, in libro de Synodis repositū, Athanasius posteritati servavit, tum ex ejusdem Arij ad Alexandrum, & Eusebium datis literis; atque ex ijs, quas plurimas ad diversos, ea de re, scripserat Alexander; ac demum ex ipsis Athanasij operibus, alijsque vetustatis monumentis collegimus.

66. Eorum Princeps, qui ejusmodi merum Arianismum profiterentur, Aëtius fuit; cujus deindè acerrimus discipulus, ac propugnator extitit Eünomius: tum hos Georgius Alexandrinus, Eudoxus, Euzojus, Uranius Tyri; & ex occidente Ursacius Mursæ, Valens Singidonis, Auxentius, Cajus, Demophilus, atque alij secuti sunt: quibus aliquando Acacius etiā accesserat. Hi verò promiscuè vocabantur Aëtiani, Eunomiani, *Ανόμοιοι* paritèr, quòd dissimilem, & *Εξ εκρόντιοι* quòd *Εξ εκ όντος* ex non ente factum putarent Filium; tum etiam Ariani Troglitæ, sive Trogloditæ

ditæ, quod furtim in latebris convenirent. Qui omnes, uti diximus, Filium Patri dissimilem, ex non existentibus factum, creaturam & naturâ mutabilem præeunte Aëtio pejerabant, & merorum Arianorum Sceleratissimam sectâ constituebant.

67. Sed antequam ad Semiarianos accedam, duo hic lectores monitos volo; primū quidem, ejusmodi Arij amentiam ex Platoniciis deliramentis mansisse, præfertim ex Platonis illa Deorum triade, unde tot hæresum multitudines, primis Ecclesiæ temporibus, in Christianam religionem irreperunt. Nam, quòd Plato tres prædicasset Deos, & eorum primum Patrem mentemque potiore vocasset; alterum verò Factorem & opificem, principiumque rerum omnium, mentemque posteriorem, & hunc ab illo creatum: tertium denique (ut conijcitur) mundi animam statuisset; ea causa fuit, cur ante Arij tempora, nonnulli, plus æquo Platonici, durius de Trinitate scripsisse videantur; quem postea errorem, majori perfidia, strepitu, atque ruina Arius ipse vulgavit.

dis coeteris admoveret; ejusq; rei causa Filium, præ reliquis omnibus, & excellentiori modo esse atque dici. Hæc erat insania Arii mera ac veluti primigenia, quam ex illius Thaliæ fragmento, quod, in libro de Synodis repositū, Athanasius posteritati servavit, tum ex ejusdem Arii ad Alexandrum, & Eusebium datis literis; atque ex ijs, quas plurimas ad diversos, ea de re, scripserat Alexander; ac demum ex ipsis Athanasij operibus, alijsque vetustatis monumentis collegimus.

66. Eorum Princeps, qui ejusmodi merum Arianismum profiterentur, Aëtius fuit; cujus deindè acerrimus discipulus, ac propugnator extitit Eünomius: tum hos Georgius Alexandrinus, Eudoxus, Euzojus, Uranius Tyri; & ex occidente Ursacius Mursæ, Valens Singidonis, Auxentius, Cajus, Demophilus, atque alij secuti sunt: quibus aliquando Acacius etiā accesserat. Hi verò promiscuè vocabantur Aëtiani, Eünomiani, *Ανόμοιοι* paritèr, quòd dissimilem, & *Εξ ἐκόντιοι* quòd *Εξ ἐκόντος* ex non ente factum putarent Filium; tum etiam Ariani Troglitæ, sive Trogloditæ

ditæ, quod furtim in latebris convenirent. Qui omnes, uti diximus, Filium Patri dissimilem, ex non existentibus factum, creaturam & naturâ mutabilem præeunte Aëtio pejerabant, & merorum Arianorum Sceleratissimam sectâ constituebant.

67. Sed antequam ad Semiarianos accedam, duo hic lectores monitos volo; primū quidem, ejusmodi Arij amentiam ex Platoniciis deliramentis mansisse, præsertim ex Platonis illa Deorum triade, unde tot hæresum multitudines, primis Ecclesiæ temporibus, in Christianam religionem irreperunt. Nam, quòd Plato tres prædicasset Deos, & eorum primum Patrem mentemq; potentiorē vocasset; alterum verò Factorem & opificem, principiumque rerum omnium, mentemque posteriorem, & hunc ab illo creatum: tertium denique (ut conijcitur) mundi animam statuisset; ea causa fuit, cur ante Arij tempora, nonnulli, plus æquo Platonici, durius de Trinitate scripsisse videantur; quem postea errorem, majori perfidia, strepitu, atque ruina Arius ipse vulgavit.

68: Dein-

68. Alterū verò Arianos Ariomanitas dictos fuisse; quo nomine appellandos eos Constantinus Magnus præcepit; eorumque pestilentem, ac detestandam hæresim judaicam à Patribus, & judaicā deteriorem vocari consuevisse: cujus rei causam elegantissime indicavit Nazianzenus Theologus, qui in explicando Trinitatis mysterio, cauendum esse docuit, ne *naturas scindentes, secundum Arii rectè dictum furorem, in Judaicam paupertatē concludamur, unicam numero eternam naturam agnoscetes, atque in Divinam naturam individiam inducamus, solo ingenito Divinitatem circumscribentes; quasi timeamus ne pareat nobis Deus, si sit Pater Dei veri, & naturâ paris.*

69. Semiarianorum genus, multiplex ac varium fuit; inque sectas plurimas, portentosa quadam vocum sententiarumque varietate, discessit; Sed earū tres famosæ magis, atque præcipuæ memorantur; Prima eorum erat, qui tamen si animum non inducerent, ut *homoſij* vocem, fidemque reciperent, Filium tamen *ὁμοία* substantiâ, καὶ κατὰ πάντα per omnia, Patri similem affirmabant

bant; & homousij loco, homoeusion adstruebant. Horum antesignanus, ac Princeps Basilius Ancyranus haberi solet, qui Marcelli Ancyrani Episcopatum inuaserat, homo in Constantij aula plurimum ualens, & eruditionis fama clarissimus, post quem ibant Georgius Laodicens, Silvanus Tarsensis, Sophronius Pompejopolitanus, Eleusius Cyzicenus, Macedonius Constantino- politanus (qui contra Spiritum Sanctū perfidiam execrandam postea vulgavit) Marcus Aretusius, atq; alij; quorum sententia mitissima omnium fuit, atq; adeò visa proxima veritati, ut in illam (uti memorant) Eusebius Samosatenus, & Meletius Antiochenus viri sanctissimi aliquando descenderint; & Athanasius ipse, in Arianorum genus omne implacabilis, ejus sententiæ authores, fratres vocare non dubitaverit.

70. Semiarianorum factio altera, eorum erat, qui Filium nec ejusdem cum Patre substantiæ, neque similis, nec homousion, nec homoeusion esse volebāt; proindeq; tam *ὁμοιούσις consubstantialis*, quā *ὁμοιούσις similis substantiæ* vocabula, veluti peregrina, & ab usu scripturarū abho-


abhorentia rejiciebant: neq; tamen dissimilem Patri Filium affirmabant, quin potius Ἀνόμοιον execrabantur, & anathemate feriebant. Filium itaque Patri similem statuebant; non tamen ὁμοίαν substantiā, sed quemadmodum statua, vel imago picta exemplo suo similis esse solet, summā facie, externisque dumtaxat coloribus, ac lineamentis; simulque negabant, creaturam illum esse unā ex reliquis, ac veluti de vulgo creaturarum. Ea in heresi Acacius fuit Episcopus Cæsareæ, ejusdemq; primus author habetur; cujus sententia, tamen si à mero Arianismo paulò, verboq; tenus deflectat, ab eodem tamen, re ipsa nihil aberrat. Et sanè Acacius sese à merorū Arianorum grege, odio magis ac similitudine, quàm heresi, aut sententiā distraxit.

71. Tertia demùm Semiarianorum secta, Macedonianorum, sive Pneumatomachorum erat; quorum alii de Verbi Divinitate cum primo Semiarianorum genere; alii cum catholicis sentiebant; sed utrique in Sanctum Spiritum delirabant. Ita verò heresi 74. Epiphanius scribit de hoc genere Arianorum. *Ab his Semiarianis* (videlicet primi generis

neris) & orthodoxis, monstrum quoddam, ut ita dicam, biformium hominum, ac semiferorum contra nos excitatum est: quales Centauros, aut Panas, aut Sirenas fabularum nobis auctores ediderunt: ac subinde docet, ejus generis pestiferos homines, bellum Spiritui S  cto sub Macedonio duce intulisse, Macedonianos propterea vocatos & Pneumatomacos: eorumq; alios, plan   rect   credidisse de Filio; alios ver   sec  s. Hi Spiritum Sanctum non Deum, sed creaturam statuerunt; neq; plus esse, qu  m Patris atque Filii ministrum, ac veluti servum, nihilo magis pr  stantem Angelis, qu  m ordinis quodam supremo gradu. Fuere pr  terea inter illos, qui arbitrarentur, non aliud quidquam Sanctum esse spiritum, qu  m vim quandam sanctificantem, quod pariter accepimus ab Epiphanio: atque h  c satis de divortiiis Arianorum.

72. Hoc loco curiosius    quibusdam inquiri solet, ex tot tamque variis Arianorum sectis, cuinam pr  sertim Constantius Imperator adh  serit? Sed ea res (ut opinor) neque ipsimet Constantio comperta satis fuit; cujus c  ca
mens

mens, omnique vento mobilis, modo huc, modo illuc, nunquam eadem aut sibi constans, semper incerta & varia ferebatur. Nam modo huic Semiarianorum gregi, modo illi; jam Basilio Ancyrano, jam Euzojo & Acacio; aliquando etiam Arianis meris, studere videbatur: quamq; hesternâ die fidei formulam suscepisset, eam mox repudiata, repentè cum alia commutabat, hanc etiam postridie cum tertiâ commutaturus. Nam qui semel fidem, quæ una est, fideique germanam regulam animo excusserit, hujus mentem veluti navim, clavo & gubernatore carentem, vagam errantemq; arbitrio ventorum circumduci necesse est: plerumque tamen Arianis meris, & Anomæis, quos frequentius exagitavit, adversabatur. Hanc Constantii levitatem mobilemq; perfidiam, vivacissimis coloribus S. Hilarius depinxit; hunc Patrem legat, qui ea de re certior fieri velit.



De iis, qui merum Arianismum aliis erroribus cumularunt, & primum de Aëtio.

73. **A**ëtius natione Syrus, patriâ Antiochenus, genere obscurissimo fuit: defuncto patre, puer admodum, in extremæ fortunæ sordibus, relictus, ad aurificinam se contulit; eâque in arte summus evasit. Inde impatientem abiectæ fortis animum ad sublimiores appulit disciplinas; subtilemque, acutam, & sophisticam differendi rationem sectatus, brevi tempore ingenii famam est consecutus. Exinde, cum esset moribus perditis, indolis ferocissimæ, ingenio superbus, indocilis, temerarius; cumque de rebus divinis, sacrarum literarum omninò rudis, arbitria splendida facere non dubitaret, pessimus evasit hæresiarcha. In Arianismum primò ruit; ob eamque rem, a Leontio castrato Antiochiæ Diaconus est ordinatus: tùm merorum Arianorum, uti diximus, agmen ducere cepit: horrendumque in modum pejerans, Filium & Spiritum Sanctum, exutos Divinitate, in creatarum rerum ordinem redigebat. Sed mero Arianis-

mo, scelerata insuper dogmata addidit hujuscemodi: hominis perfectionē in rerū divinarum cognitione dūtaxat sitam esse; reliquas verò vitæ actiones, quæ vulgò malæ aut bonæ vocari solent, si vè quæ jubentur, si vè quæ prohibentur legibus, nihil ad futuram vitam pertinere: Fas esse (quod horret animus dicere) Venerem sequi, quòcumque ferat, etiam ad nefanda: aurem scalpere, nares emungere, alvum deponere, ac venerem exercere, perinde esse: naturæ ea omnia æquo jure deberi: quarum rerum causa *Impii* atque *Athei* Aëtio cognomentum accessit. De Deo, Deique substantia, geometrica via & ratione differuit; dialecticâ usus, & brevi quadam syllogismorum complexione; qua in re nuperum imitatore habuit Benedictum de Spinoza, famosum ætate nostra sectarium, qui Amstelodami Hebræus natus,* Semichristianus deinde factus, Atheus demùm vixit & Atheus periit, in Aga comitis, phrysi sublatus.* Hic pessimus Atheista, omnium Atheorum monumenta revolvit; ut ex multorum deliramentis, insanissimum quoddam sistema, pestiferumque componeret

* anno 1633.

* anno 1677.

neret : alia ex Amalrico , quædam ex Davide Dinando , plurima ex Epicuro mutuatus, ab Aëtio (cujus cognomen tum placebat) tum eam, quam dixi, rationem, de Deo geometricè disputandi usurpavit, eaque usus est in suis Ethicis posthumis; tum nefandas opiniones de hominis perfectione, ac de furiosa vitiorum omnium licentia : quibus opinionibus tractatum Theologico-politicum asperfit, inferno igne, una cū Ethicis, reliquisque posthumis operibus, delendum.

De Eunomio.

74. **E**Unomius Aëtii(1) discipulus, natione Cappadox, in summis etiam sordibus fortunæ ac generis natus, impietate penè Magistrum superavit; & Arianismum blasphemiiis cumulavit ejusmodi : *Filium Patris servum, atq; mancipium esse : Spiritum Sanctum, ante omnia opera, à Filio creatum: Sanctum Josephum, Deiparæ virginitati, post partum, minimè pepercisse : se de rebus divinis ignorare nihil : ita se nosse Deum, sicut ipsum se Deus novit.* Ad hæc, à Christo Domino institutam,

(1) Epiphan. in ea heres. Philostorg. l. 6. cap. 3. Sozom. Gregor. Nyssen. contr. Eunom. Theodoret lib. 4. de heres. c. 3.

& ab Apostolis traditam Baptismi normam, atq; legem, subvertit; ausus sectatores suos, sub hac impia formula, baptizare: *In nomine Dei increati: & in nomine Dei creati: & in nomine Spiritus Sanctifici*, atq; *ab creato Filio creati*. Unicâ etiam immersione Eunomius baptizare solebat; ut eo ritu, unam Dei Naturam, unamq; Personam profiteretur; eam ob rem Constantinopolitana prima Synodus eademque Æcumenica Secunda, octavo canone decrevit, ut ad Ecclesiæ finem redeuntes Eunomiani, qui in eam formam, modumque baptizati forent, velut Ethnici reciperentur, nimirum ut cathecumeni fierent ac postea baptizarentur.

(1) *Blasphemes*
cap. 2. litt. A.

75. Sed hic animum advertat lector, non quemcumq; unicæ immersionis usum, sed abusum dumtaxat Eunomianum velut impium, & irritum eo canone prohiberi, quidquid ex adverso Matthæus (1) Blasphæus in suo Nomocane deliret. Quare tamen cum Latini tùm Græci trinâ plerumq; seu immersione, seu aspersione baptizent, nihil tamen ea res prohibet, quo minus unicâ baptizare, quandoque sit licitum, quandoque

doque etiam laudabile ac necessarium : Ita quoniam pestiferum genus Ariano-
rum , in Hispaniam illapsum , ad insi-
nuandam hæresim de divinarum Trini-
tate naturarum, trinâ in baptismo im-
mersione abutebantur;eam ob rem,uni-
cam dumtaxat immersionem , catholi-
cis Hispanis,in medio Arianorum posi-
tis,Gregorius Magnus(1)præscripsit,da-
tis,ea de re,ad Leandrum Episcopum li-
teris, quarum postrema verba hic refe-
ro . *Sed si nunc usq; ab hæreticis infans
in Baptismo tertio mergebatur , facien-
dum apud vos esse non censeo, ne dum
mersiones numerant , Divinitatem divi-
dant; dumq; quod faciebant faciunt , mo-
rem vestrum se vicisse gloriantur.*

(1) S. Grego-
rius Magnus
lib. I. epist. 41
ad Leandrum,
et habetur in
Concilio To-
letano 4. c. 5.

De Aërio .

76. **A**Erius natione Ponticus , pri-
mò Eusthatij Sebasteni, ne-
quissimi hominis,necessarius, atque so-
dalis fuit : monasticæ vitæ genus simul
seculi,eandem solitudinem,circa mino-
rem Armeniam, uterq; coluit . Sed post-
quam Eusthatius , Sebastenum Episco-
patum obtinuit , in quem Aërii am-

bitio incredibilis ferebatur; ejus rei æmulatio veterem, quæ inter eos intercedebat, necessitudinem distulit: pro ea, simulas, & odium invasere. Verum Eustathius, invidiâ vulneratum Aërii animum mulcere cupiens, illum Presbyterum ordinavit; eidemque Xenodochii curam concredidit; spe fore, ut jis publicis honoris, ac benevolentix significationibus, æmulationis ardor, in Aërii sinu, paulò mitteretur: sed Aërius implacabilis, ferox atq; amens libidine imperitandi, factus repente novæ sectæ antesignanus, & ductor, secessionem confluxit. Imprimis Arianismo se se implicuit: cui de suo ejusmodi superaddidit: Episcopum Presbytero præstare nihil; unum esse ordinem utriusq; munus idem, ac dignitatem eandem: *mortuorum commemorationes, atque suffragia supervacanea esse: nam (ajebat) ut vivus oret, ut sua in pauperes eroget, quid, ex ea re, tandem ad mortuum redit? Celebrare Paschæ rem esse omninò judaicam, nequaquam à Christi cultoribus obeundam; nulla jejuniorum servandam esse legem, nam iusta (ita scripturis abutebatur) nulla lex posita*

posita est, sed parricidis dumtaxat, & id genus aliis. Hæc monstra, præter Arii dogmata, effutiebatur Acrius; e cujus cineribus, errorem illum de suffragiis mortuorum, excitasse videntur, cum olim Photianorum plerique, tum proximiùs Calviniani, ac Lutherani: quin, ea etiam hæresis, quæ ad Presbyteri cum Episcopo æqualitatem pertinet, atq; ad jejuniarum tollendam legem, plurimos, nostrorum temporum, occidentales hæreticos, videtur corripuisse.

De Psathyrianis, ac Dulianis.

77. **E**X Arianorum grege, Psathyriani pariter emerferunt, eo nomine dicti ab ipsorum signifera, placentarum artifice. Horum verò hæc erat hæresis, ac sententia. *Pater Deus, semper etiam filius à Deo creatus: idem enim est in Deo creare, & gignere:* quâ circuitione verborum, illud videntur significasse, Verbum ex non extantibus certè, sed ex æternitate tamen fuisse productum; proindeque, creaturam quandam ab æterno, Filium Dei statuebant.

78. Duliani, ab eo nomen sibi derivarunt, quòd Filium δέλον *servum* Patris pejerabant: quam insaniam hoc syllogismo conficere arbitrabantur: Omnis creatura servit Creatori: Patris verò creatura Filius: Filius igitur Patris servus: bona quidem consecutio, nisi ex minoris positionis amentia descenderet. Verum Psathyriani ad ali- quod Semiarianorū genus: Duliani autem, ad meros Arianos sunt ablegandi.

*De Apollinari, & Apollinaristis,
sive Dimeritis.*

79. **A** Pollinaris Alexandrinus patrem habuit ejusdem nominis: adolescens bonis artibus excultus, plurimum in literis ac pietate profecit: provectior exinde factus, adeo cum ætate virtus, & fama crevit, ut Laodiceæ obtinuerit Episcopatum: tūm in- gravescens annis, autoritate, ac maximorum virorum consuetudine longè valuit; interque Nicænæ Fidei propugnatores, non ultimum locum tenuit. Illo sanctissimi viri Athanasius Magnus, Serapion Thmuis Episcopus, Basilus, atq; alii plurimi, quàm familiari-
ter

ter usi sunt: sed tamen, ut sunt hominum vicissitudines, ex optimo adolescente, viroq; claro & probo, in senem tandem delirum, pessimumque Hæresiarcam, Apollinaris degeneravit. Itaque, ambitioso quodam contendendi studio abreptus, ac libidine sapiendi plusquam oportet, errores plurimos, primò concepit animo, deinde cepit evomere: In Trinitatem cum Arianis visus est delirare: namque Spiritum Sanctum, nomine tenus Deum appellans, omni Divinitate, re ipsa exuit; & gradus quosdam Deitatis excogitavit *magni, majoris, & maximi*, quasi magnus esset Spiritus Sanctus, major Filius, maximus Pater:

(1) *quam Deitatis scalam, non ad Cælum efferentem, sed ab Cælo deferentem*, haud ineleganter Nazianzenus vocavit. Hæc cum Arianis delirabat Apollinaris: sed ad aliam præterea, longè diversam infaniendi viam, delirus senex deflexit: *Christi corpus, genitum à Maria Virgine, consubstantialiale Divinitati esse: Verbum ipsum, in carnem, ossa, capillos, ceteraque membra conversum, in corpus denique abiisse: mentem humanam à Verbo minimè fuisse assumptam, mentis vices*

(1) *Epist. I. ad Cledon.*

supplente

supplente Divinitate. Tum error Chiliastrarum, Epiphanio teste, Apollinario tribuitur; post corporum scilicet resurrectionem, his jisdem vitæ usibus, annorum Chiliadem esse homines consumpturos; in nuptiis versantes, commestrationibus, cæterisque omnibus mortalis vitæ institutis.

80. Magnus Basilius egrè inducere animum potuit, ut hæc de Apollinario crederet; falsamque ratus, earum rerum vulgatam famam, eidem diu adhæsit; adeo ut ejusdem hæresis suspicione apud Pontificem Damasum, uti memortant, laboraverit: sed postquam perfidi amentisque senis deliria, & scelera, fatis habuit explorata, illum, apud eundem Damasum per literas derulit; enixis precibus ab eo Pontefice petens, ut quàm celerrimè posset, scelestum hominem, solemni judicio damnatum, majori fulmine percuteret; quò ea pestis à Romana Sede notata, ab omni Oriente, in posterum tempus, caveri posset. Apollinarium turba plurima sectariorum secuta est, quos Epiphanius Dimeritas, alii frequentius Apollinaristas appellare consuevere.

81. Ex hac verò Apollinaristarum
 five Dimeritarum damnata stirpe, Anti-
 dico-Marianitæ, & Collyridiani extite-
 runt. Illi Αἰπαρθέρον Mariam, post edi-
 tum Reparatorem, cum Iosepho cōsue-
 visse pejerabant. Hi verò eandem Bea-
 tam Virginem, latriæ cultu, prosequen-
 bantur; ejusdemque nomini, statis anni-
 diebus, sacrificabant, & collyridem of-
 ferebant. Apollinarem, & illius gregem
 omnem Sanctus Damasus in Concilio
 Romano, petenti Basilio, ac presente
 Petro Alexandrino Patriarcha, anathe-
 mate feriit.

*Prima hæresis semina contra Pri-
 matum Romanæ Sedis.*

82. **E**X illa quoque Arianismi flāma,
 scintillæ quædam ejus hæresis
 abstiterunt, contra Primatum Romani
 Episcopi, quæ nostris hisce temporibus,
 tanto strepitu atq; damno, per immen-
 sam animarum stragem in Oriente si-
 mul, & occidente grassatur. Ejusmodi
 verò scintillæ, ex illo Antiocheno con-
 ciliabulo primò eruperunt, quod Euse-
 biani anno 341. per ænceniorum occa-
 sionem, inter se injerunt: ibi enim primò
 jisdem perfidiosi homines ab obsequio

Ro-

Romanæ sedis apertissimè discessere : nam & citati à Julio Pontifice , ad causam Romæ dicendam , & iudicio se sistere noluerunt ; & literas exinde ad eundem Julium scripserunt insolentissimas, quibus literis (uti superiori capite indicavimus) ausi sunt affirmare: *Episcopū Romæ nil cæteris Episcopis præstare*: Quibus vocibus, tunc quidem novis, & insolentibus, nunc verò usitatissimis in Oriente, Primatum Romani Episcopi satis apertè carpere visi sunt. Ita Arianorū perfidia, nullam in Ecclesia auctoritatem intactā inviolatamq; reliquit: nō divinam, non Ecclesiasticam, non Apostolicam, non Pontificiam; neque sperandum erat, ut mitiùs aut modestiùs cum auctoritate Romanæ sedis agerent, qui nec increato quidem Dei Verbo pepercerūt. Hęc fuerunt prima damnosæ hæresis rudimenta: quemadmodum ad eandem hæresim, ea videntur pertinuisse, quæ jidem Ariani, toto ferè conjurationis cursu, miscuerunt: Arbitria de Episcopis facere; causas maximas Religionis expedire; novas fidei formulas cudere; Patriarchas, præcipuosque Antistites sedibus movere, intru-

trudere alios ; sacra omnia confundere agitare ; inconsulta Romana Sede ; vel in conciliabulis præter omnia jura , & antiqua Christianorum instituta inter se initis ; vel in Aula Imperatorum ; vel in prophanis Præfectorum Judiciis , quasi nec Deus fuisset in Cælo , nec in Terris Mater Ecclesia , nec Romæ Vicarius Christi .

83. Huic Arianorum erga Romanam Sedem inobedientiæ , primus se opposuit Athanasius Magnus , exemplo præsertim & operâ , qui semper & in omnibus , ab arbitrio Romani Episcopi religiosè pependit : Tùm ipsemet Julius Papa , qui memoratis Eusebianorum literis rescribens , ipsorum insolentiam fortiter , & suaviter , uti tempora postulabant , castigavit . Mox Patres Sardicenses , ejus Antiocheni Conciliabuli audacissima incæpta , tribus canonibus , ob eam rem editis , fregerunt . Basilii quoque & Nazianzenus contra rebellem illam Arianorum impudentiam , omnia in Oriente , nutu Romanæ Sedis fieri voluerunt ; ut inferiùs pluribus ostendemus . Demùm ipsimet religiosissimi Principes Gratianus , atque Theo-

(1) *Nicephor.
Callist.*

Theodosius, potestatem Romani Episcopi, ab Arianis violatam, ab Costantio, & Valente ferè oppressam, pristinae dignitati restituerunt; sanctionibus editis decernentes; uti, ex vetusta Patrum regula, Episcoporum (1) causæ ad Romanam Sedem revoluerentur. Ita primæ hujus hæresis scintillæ, à pessimis Orientalium motæ, ab optimis compressæ, antequam ignem conflarent, volente Deo extinctæ sunt. Utinam tunc extinctas, postea Photii ambitio non excitasset.

De aliis quibusdam eorum temporum hæresibus.

84. **S**ed præter ea, quæ hætenus memoravimus, Arianismi mala, germina, aliæ plurimæ hæresum catervæ, corruptissimis illis temporibus, in Orientem irrepserunt; & longè quidem plures, quàm quæ certo numero defini-ri aut comprehendi queant: namque ubi religio & pudor, atque in Matrem Ecclesiam, Romanamque sedem obedientia mentibus decessere; pro his verò effrenata de divinis rebus differendi
opi-

opinandique licentia invasit; periitque omnis credendi regula; hæreses omnes, atq; omnia mala succedere necesse est. Itaque, Athanasio Magno teste, omnes eâ tempestate Orientales Ecclesiæ, quassatę veluti naves, aut vascula quædam rimas undique agentia, superstitionem velut aquam bibebant: ut quot essent in Oriente urbes ac domus, totidem sectę diversarum hæresum viderentur.

85. De Ancyra, quę civitas est in Galatia, hæc Hieronymus, qui per illud tempus in Oriente degebat, scripta reliquit. *Scit mecum qui vidit Ancyram Metropolim Galatię, quot nunc usque schismatibus dilacerata sit, quot dogmatum varietatibus constuprata. Omitta Cataphrygas, Ophitas, Barboritas, & Manichæos; nota enim jam hæc humane calamitatis vocabula sunt. Quis unquam Passalorincitas, & Ascodobros, & Artorytas, & cætera magis portentosa, quam nomina, in aliqua parte Romani Orbis audivit.*

86. Sed quoniam in hæc tam barbara nomina incidimus inexplicata ea relinquere non debemus; cum eorum
 expo-

expositionem, curiosi lectoris mota sitis à nobis expectare videatur. Passalorincitæ ridiculum erāt hereticorum genus, quod summam Religionis in taciturnitate ponebat: Itaque ori, naribusque imposito digito, filebant perpetuò; deinde cætera omnia sibi licere arbitrabantur: Ascodrogitæ, sive Ascodrobi Baccanaliis in Ecclesiā inductis, Ethnicorum mores instaurabant. Artorytæ in divino Christianorum Sacrificio panem, & caseum offerebant.

Ex his autem monstris, quæ à Hieronymo, teste vivo & præsentē, de una Orientis urbe feruntur, conjiciat lector facile, quantā hæresum colluvione Orientalis Ecclesiæ pulchritudo, eo tempore, deformaretur.

De Marcello Ancyrano.

87. **S**ed Marcellum ejus Ancyrae Episcopum, de qua tot monstra scribit Hieronymus, taciti preterire non possumus. Hic ante Athanasium natus, eidem superstes diù vixit; & centenario major, sub Damaso Pontifice, obiit. Adfuit Concilio Nicæno Magno.

gno, ibique adversus Arium, strenuissimam navavit operam: in Tyri Conciliabulo, ingenti animi fortitudine, Athanasii partes suscepit: librum edidit adversus Asterium Sophistam, qui pridem, Arianorum gratiâ, impia quædam de Christo scripserat. Earum rerum causâ, maximo illum in honore, boni omnes habebant; ejusque nomen summis laudibus efferebatur: Ariani contra, jisdem de causis, acerbissimo illum odio prosequiebantur: in Conciliabulo Constantinopolitano, sub Magno Constantino, Sabellii, & Pauli Samosatæni hæresis insimulatus, Eusebianorum opera, Episcopatu privatus fuit: sed loco tamen, pristinaeque dignitati restitutus, tum à Julio Papa in Romano Concilio, tum à Patribus Synodi Sardicensis. A tempore Nycæni Concilii usque ad eandem Sardicensem Synodum, Athanasio Magno fidissimus semper adhæsit, socius perpetuus ejusdem fidei atque fortunæ. Namque Nicææ, Arianam perfidiam, cum Athanasio, conjuncta operâ, exagitavit: in Tyrio Conciliabulo cum Athanasio, & pro Athanasio stetit fortissimè: in con-

venticulo novæ Romæ, item cum Athanasio exagitatus, Eusebianorum opera, atq; damnatus fuit: exinde, cum Athanasio Romam profectus, cum eodem à Julio Papa est receptus, ac restitutus: Denique Athanasii comes, Sardicam venit, eoque in Concilio maximo uterque in honore habitus, uterque ritè judicatus, & absolutus, uterque inde restitutus discessit. Verum post Sardicensis Concilii tempora, hæresis suspicionem, maximè laborare cæpit, Marcelli fama; qua de re tam variæ, ambigæq; atq; inter se contrariæ, Sanctissimorum etiam Patrum, extiterunt opiniones, ut Marcelli fides, inter obscuriora historiæ veteris problemata, conjiciatur.

88. Quinque adversus illum, Eusebius Cæsariensis edidit libros; quibus eundem, velut hæreticum apertissimum infectatur, ejusq; hæreses, ad quinque capita, confert potissimùm. Primum atque præcipuū est, unde cætera sponte fluunt, Verbū Dei unam esse cū Patre Personā: II. sic assumptū hominē fuisse, ut *Ἐνεργεία μόνῃ πλατύνεσθαι* *efficientia*, & *actione solâ dilatari* credendus sit Deus, sive spiritus ille ac Πνεῦμα; quod esse tres simul

simul Personas agebat: III. post Resurrectionem, qualemcumque Verbi cum carne conjunctionem, esse desituram; Verbumque ipsum ad Patrem, carne depositâ, rediturum: unde perpetuum negabat fore Christi Regnum. IV. Ante assumptum hominem, negabat Verbum Dei fuisse filium; sed tum esse factum Filium Dei, quando caro factum est. V. demùm Verbum ipsum Εἰκόνα-Θεῶ, Imaginem Dei non esse, dicebat, ex sese, sed hoc illi, propter assumptam hominis naturam, competere: quibus erroribus tùm Sabellii, tùm Pauli Samosatani videntur hæreses contineri. Epiphanii de Marcello sententia; incerta satis & ambigua videtur esse: sed Magnus Basilius eundem pro hæretico, apertissimè habet; ab eoq; contrariam Ario hæresim inventam fuisse affirmat, eumq; traditū errorem: propria hypostasi Verbum carere: illum propterea, ad Pontificem Damasum cum Eustathio Sebasteno, & Apollinari, per Epistolam detulit. Dionysius Petavius tom. 2. Theolog. dogmat. lib. 1. cap. 13. subtilius de Marcello, & accuratissimè disputat: illum consulat qui plenius, ea de re, instrui velit.

De Photino, sive Scotino.

(1) *Epiphan.*
hæres. 51. sive
71 Hieronym.
de Script. So-
crat. l. 2. c. 14
Athanas. de
Syno d.

89. **P**hotinum Syrmio (1) Epipha-
 nius memorat oriundum; Hie-
 ronymus, & Socrates natione Galatam
 fuisse malunt; patriâ verò Ancyranum
 eundem exhibent Eusebiani. Adolo-
 scens Marcellum ipsum Ancyranum
 præceptorem habuit, à quo etiam, Dia-
 conus ordinatus fuisse creditur: exinde
 Syrmiensem Episcopatum, populo plau-
 dente, obtinuit. Loquendi vi maximè
 valuit; ejusq; erat oratio, incredibilem
 in modum volubilis, & copiosa. Vitâ
 parùm probâ fuit; cujus mores corrup-
 tissimi (quod sæpiùs evenire solet) men-
 tem hominis paulatim, fidemque cor-
 ruperunt. Itaque sub annum 342. Julio
 Ecclesiam, Constantio, & Constante
 Imperium moderantibus, nefariam hæ-
 resim vulgare cæpit: cujus hæc summa
 erat: Trinitatem, Personarumque di-
 stinctionem omninò negabat; Sabellii
 perfidiam, aliis licet verborum colori-
 bus personatam, producens in scenam,
 Christum Dominum exuebat Divinita-
 te; neq; unquam extitisse unigenitū Dei
 filium

filium, docebat, antequam in utero Vir-
 gnis Christus conciperetur: Ejusmodi Pho-
 thini perfidia (1) Juliano Apostatae ma-
 xime arrisit; ejusque rei causa, ubi ad
 idola defecit impius desertor, literas
 ad Photinum dedit, velut ad socium
 ejusdem professionis: ejusdemque pesti-
 feram haeresim, ante Catholicum dog-
 ma posuit, *quod (inquit) novum Deum*
Galileum, æternum fabulosè prædicat.
 Photinus in Concilio quodam Medio-
 lanensi, sub annum 347. primò damna-
 tus est: mox in Syrmienfi prima catho-
 lica Synodo, sub annum 349. tum in
 alio Semiarianorum Syrmienfi Conci-
 liabulo, sub annum 351. ubi demum se-
 de sua illum deposuerunt. (2) In Con-
 cilio quoque Sardicensi fuisse notatum
 Photinum, author est Epiphanius; qui-
 nimò S. Sulpitii Severi (3) singularis
 opinio fuit, ante Concilium Sardicen-
 se, sententiam in Photinum fuisse latam;
 (4) utriusque scriptoris, minùs certum
 esse, ea de re sententiam, Godefridus
 Hermant existimat. Photinum scripto-
 res quidam alio nomine scotinum ap-
 pellant; & quorundam etiam opinio
 fuit, postremum hoc, illius primum ac

(1) *Apud Fa-*
cundum lib. 4
p. 164.

(2) *Epiphan.*
ibidem.

(3) *Sulpic. Se-*
ver. l. 2. hist.

(4) *vit. Atha-*
nas. tom. 1. l.
6. c. 8. & lib.
5. cap. 24. in
fine.

proprium fuisse nomen, quod tamen, per vanitatem, cum Photino ipse sibi commutaverit: utcumque ea se res habeat, homini certè scelestissimo, *tenebricosi* magis, quàm *illuminati* cognomentum sedet. Photoni hæresim, post duodena sæcula, novi Photiniani è suis cineribus excitarunt; Duce Michaelē Seructo Hispano, cujus de grege prodire, Georgius Blandrata, Paulus Alciatus, Franciscus David, Faustus Sencinus Senensis; quibus, non longè ante nostram ætatem, Joannes Crellius accessit: quorum insania complures, in Polonia præsertim ac Transilvania, corripuit.

De Euchaïtis, sive Precatoribus.

90. **S**ED tanta, eo tempore, grassantis perfidiæ vis, & libido fuit, ut in remotissimas quoq; pervadens solitudines, & Monachorum cellulas perumpens, segregatum illud sepositumq; hominum genus, innumeris nefariisque hæresibus, miserandum in modum, depravaret. Sed earum dumtaxat unam commemoro, quam in Mesopotamiæ deser-

deserta Dadoes, Sabbas, Adelphius, Simeon, atque Hermas pseudomonachi invexerunt; & quæ Massilianorum, vel Euchaitarum, sive Precatorum vocari consuevit; cujus hæresis impurissimæ, ratio erat ejusmodi: Abutētes in primis eo Christi effato *semper orandum*, illis precibus, ejus generis heretici, toti esse videbantur: tūc addebant, homines, neglectis præceptis omnibus, tūc quæ à Deo, & natura, tūc quæ ab Ecclesia proficiscuntur, sola oratione contentos esse debere: eā Christianos perfectissimos, atque, ut agebant, *impassibiles* fieri. Qua deinde sententiā depravati, ita se ad omnia scelera effundebant, ut inter orandum (quod horret animus memorare) viri mulieribus commiscerentur. Præter hæc, errores illis erant alii plurimi, quibus auditis, risum simul ac dolorem excitari necesse est: Baptismum nihil suscipientibus prodesse, quòd, novaculæ instar, peccata solum radat, non avellat ab stirpe. Hominum quilibet cū nascitur, malo Dæmone obsideri ad omnia nefaria incitante, eumque solâ oratione, ab anima moveri posse: cum autem pellitur, egredi cum agebant, pe-

mucum & sputi excrementa. Cùm ad orationem accederent, orantes somnus occupabat, ac maximam diei partem dormiebant: excitati exinde, prædabant in obstupescendis visionibus se fuisse versatos. Præterea, videre se jactabant, corporeis oculis Patrem, & Filium & Spiritum Sanctum: hujus illapsum sensibus persentiscere. Ad hæc, futurorum prænotiones passim effutiebant: exiliebant repentè in saltus, quasi tunc malum calcarent dæmonem: digitis sagittantium speciem præseferabant, velut in Dæmones jacularentur: atque id genus plurima faciebant, furoribus quibusdam conciti; unde nomen quoque Enthusiastarum obtinuere. Adversus eorum insaniam scripsisse fertur Epistolas, Letojus Melitines Episcopus; longè verò accuratiùs eandem scriptis exagitavit S. Amphilochius Episcopus Iconiensis, qui etiam Concilio præfuit Sydæ, contra ejus generis hæreticos, cōgregato.

91. Ejusmodi verò fædißima hæresis, ultimam ad quoddam Ethnicorum genus referebat originem; qui ediculas, ad instar carinarum, fastigiatas sibi

bi construere consueverant, quas προ-
σευχας vocitabant; ubi mares ac feminae
promiscuè convenientes, quædam ab-
furda, alia ridicula, plura nefanda facie-
bant: incipientes à precibus, ac desinen-
tes in scelera. Ab idolorum cultoribus
in Judæos postea, ea pestis manavit: à Ju-
dæis in Christianos: exinde in Eremos;
per eos, quos diximus, falsos Monachos:
ac demùm, quod maximè nobis dolen-
dum est, post tantam sæculorum inter-
capedinem, eadem ferè, in ætatem hanc
nostram, vel simillima pestis irrepsit;
rursus ab inferis excitata, per sacrilegos
Molinofistas.

DE SCHISMATIBUS EJUSDEM TEMPORIS,
Ac primo de Schismate Meletiano.

92. **S**ED præter infinitam errorum
colluvionem, schismata quo-
que non una eo tempore in Oriente do-
minabantur; sed horum aliqua tan-
tùm commemoro. Primùm atq; famo-
sum magis, schisma Meletii fuit: hic Ly-
copolis in Ægypto Episcopus nil qui-
dem secùs de Fide sentiebat; verùm ut
erat ingenio superbus ac factiosus,
se

Baron. Her-
mant.

Athanas.
Apolog. 2. So-
crat. l. 1. c. 3.
Theodoret. l. 1
c. 8. ac de hæ-
ret. Fab. c. 7.

Epiphani-
bæres. 69.

(*) *Anno 306*
Theodoret.
lib. 1. cap. 8.
Godefroy Vit.
Atbanas. lib.
1. cap. 7.

se ac secum aliquot Pentapolis provin-
 cias Alexandrinæ sedis (*) obedientiæ
 subduxit: potestatemq; Patriarcharum
 per arrogantiam sibi sumens, Episco-
 pos passim, ac Presbyteros ordinabat.
 Hunc factiosorum grex plurimus se-
 quebatur; de quo grege Arius ipse
 quondam fuisse fertur; sed postea, mu-
 tatis vicibus, Meletii factio ad Arianam
 longè valentiorē accessit, simili qua-
 dam rivulorum sorte, qui dum se se in
 majora flumina infundunt, suo amisso,
 alieno cursu feruntur, atque alieno no-
 mine fluunt: nam post illam commi-
 sionem, oblitterato Meletii nomine, in
 Arianos Meletiani penitè abjerunt:
 Eam factionem, Nicæna Synodus pri-
 mum dissolvit; sed penitè non delevit;
 namque postea, ad instar seminecis ser-
 pentis, & colla iterum tollere veneno-
 tumentia; & spiras caudâ volvere visa
 est. Ejus quoque factionis causâ Nicæ-
 ni Patres notissimum sextum canonem
 edidere; quo Alexandrinæ Sedi, integra
 firmatur jurisdictio, quam Meletius per
 arrogantiam violaverat.

*De Multiplici schismate
Alexandrino.*

93. **P**ER eadem ferè tempora, Alexandria ipsa, quatuor aliis schismatibus, distrahebatur. Ea in urbe Ecclesiae tunc erant plurimae: Harum unam *Colluthus*; *Carponas* aliam; suam *Sarmata*; *Arius* quoque suam administrabant. Cum autem singuli, commissum sibi populum per statos, & solemnes conventus publicè docerent, dissensiones in vulgus sparserunt: Itaque alii ad Arium adhærebāt; alii ad Colluthum, alii Carponæ, alii Sarmatæ partes tuebantur: Ita Alexandrina Civitas, quatuor veluti equis, in diversa furentibus, discerpta est, & quadripartito schismate dilacerata. De Ario satis diximus; De Carpone & Sarmatâ nil certi, apud Scriptores, quos legerim, deprehendi, nisi quod Ario se adjunxerint. (1) Colluthus Aarii æmulatione, atque ambitionis flamma perustus, novæ sectæ author, & presbyter tantum cum esset, Episcopus videri voluit: itaque & suam hæresim in vulgus sparsit, ac plures clericos,

(1) *Epiphanius*
haeres. 69.

ricos, presbyterosque, velut authoritate pollens, ordinavit. Ejus verò hæc fuit hæresis: *mala, quibus ærumnosa mortalium vita premitur, à Deo nullo modo proficisci*: an autem cum Manichæis, alterum à Deo, malorū principium, apud animum suum statuisset, satis exploratum non habeo. Ea secta nec viribus, nec fama valuit. Osius in Alexandrina Synodo illam oppressit, & paulò post penitus evanuit; adeo ut ea, quæ nos agitamus tempora, vix attigerit.

De Schismate Audianorum.


94. **P**ost hæc, Audianorum schisma consecutum est: mirabile quidem illud, & si Epiphanio credendum est, bonis initiis atque optimo parente natum. Ejus Authorem Epiphanius *Αύδιον* Audiū ex Mesopotamia; Theodoretus *Αυδαῖον* Audæum à Syria trans Euphratem oriundum appellant. Fuit hic domi clarus vitæ integritate, atque ardore studioque severitatis: si quid minùs rectè in Ecclesiis fieret, liberri-
ma indignatione sic castigabat, ut nec Presbyteris, nec Episcopis parceret.

Cle-

Clericos, præsertim foeneratores & mulierum contubernales asperrimè exagitabat : sed ipse vicissim, sui que studii participes exagitabantur; multos enim, eâ causa, mortales adversos habebant. Demùm eò res processit, ut cum nec alios ferre amplius, nec ipse ab aliis ferri posset, ab Ecclesiæ societate secesserit, schisma divortiumque conflaverit. Ita ipse, sui que sectatores, in Monasteriis, quæ plurima in solitudinibus aliisque locis habebant, ab omni Christianorum cætu segregati, asperrimum vitæ genus ducebant; ac tandem ipse Audius, Episcopum quendam ex ingenio suo nactus, & ipsum reliquorum Christianorum commercia vitantem, ab eo Episcopus ordinari voluit. Epiphanius qui mitiùs cum Audio, & Audianis videtur agere, auctor est, eorum in omnibus sinceram fuisse fidem; verum ex his, quæ cum ipsemet sanctus Doctor, tum etiam Theodoretus de Audæo, & Audianis scripserunt, apertè satisprehendimus, id genus homines, non una tantum in hæresi fuisse versatos. Namque Deo, formam, omniaque humani corporis membra tribuebant;

bant ; ad hanc intelligentiam malè referentes illum Genesis locum : *Faciamus hominem ad imaginem & similitudinem nostram* : tenebras quoq; & ignem, & aquam ingenita esse arbitrabantur : cum Quartadecimanis consensiebant, Pascha cum Judæis quartadecima Luna celebrantes . Ad hæc, adeo societatem Ecclesiæ abominabantur, ut ne *Christianorum* nomen retinere voluerint, sed pro Christianis, Audianos se potius dicerent .

Audius, quòd populos seduceret, in Scythiam exulavit ; eo in exilio, ex Gothis plures Christi fide imbuit ; in Gothia Monasteria construxit plura . Episcopos sibi aliquot adjunxerat ; sed in primis Uranium in Mesopotamia, qui postea, Audio defuncto, Audiano . rum ducebat agmen ; postquam verò Uranius è vivis excessit, factio tota, lento quodam mortis genere, brevi excessit, & quadraginta ferè annorum spatio extincta est .



*De Schismate Catholicorum Antiochen-
sium; ac de Meletio & Paulino, ubi
prima rudimenta schismatis
Orientalis indicantur.*

95. **S**chisma Catholicorum Antio-
chenium, omnium fere mole-
stissimum fuit, ac maximè diuturnum:
quinque & octoginta duravit annos:
namque ab anno 530. sub Silvestro &
Constantino cepisse fertur, nec nisi post
annum 408. sub Innocètio P. Honorio,
ac Theodosio juniore imperantibus, de-
fuisse. Ea verò dissensio Catholicos An-
tiochenos primò distraxit: mox etiam
maximorum virorum sentèntias divisit,
per Asiam, Africam, & Europam: deniq;
inter Orientem & Occidentem pericu-
losissimè contentionis flammam iniecit.
Sic autem, ut accepimus, se habuit ea-
res. Anno 330. cum, Eustathio magno
sanctissimoque Antiochiæ Patriarchâ
in exilium pulso, Episcopi Eusebiani
eam sedem invasissent, Catholici An-
tiochenenses in duas partes abjerūt: namq;
alii cum eisdem Eusebianis Episcopis
communicabant: alii verò, qui Eusta-
thiani

thiani vocari consuevere, umbram ipsā Arianismi angue pejus vitantes, seorsum vitam agebant: eaque ratione civilis quoddam schismatis genus, Catholicos Antiochenes, annos triginta divisos inter se habuit.

Anno deinde 361. cū Eudoxus, notissima fama Arianus, in Constantinopolitanam Sedem ex Antiochena gradum fecisset, S. Meletius vir memorabilis, quem hæretici à se fore sperabant, ipsiusmet Eudoxi aliorumq; Arianorum opera, Antiochiæ Episcopatum obtinuit: tunc pars altera Catholicorum, Meletii societatem effusissimo studio secuta est: Eusthatiani verò, rigidum Catholicorum genus, eidem sese adungere noluerunt; tū quod Episcopatum, Arianorum suffragio, Meletius obtinuisset; tū quod ejusdem Meletii fama, Semiarianismi suspicione, laborabat. Exinde Antiochia in tres veluti factiones divisa est; prima & valentior erat Eusebianorum; hæc Meletium vix sedi admotum exulare jussit, quod Catholicum, & longe alium se, quàm futurum impii speraverant, exhibuisset; & Euzojo Arianorum pessimo Antiochenum

chenum detulit Episcopatum : eademque, omnes ejus urbis Ecclesias, præter unam, quandam ædiculam, quam Eustathianis permiserat, occupabat : Alia factio eorum Catholicorum erat, qui Meletii communionem sequebantur, eidemque, licet exuli, maxima animorum conjunctione adhærebant : hæc verò factio extra Urbem conveniebat, in quadam Apostolorum Ecclesia, quæ *παλαιά, antiqua* vocabatur : Tertia, numero omnium minor, factio erat Eustathianorum, qui seorsum tùm ab Eusebianis, tùm à Catholicis Meletianarum partium, in ea, quam diximus, ædicula intra urbis menia, sacra inter se peragebant.

96. Dum his discordiis arderet Antiochena Civitas, Lucifer Calaritanus Liberii Pontificis legatus (qui tunc forte adhuc in Oriente, ubi Constantii jussu cum Eusebio Vercellensi exulaverat, versabatur) ut eas turbas componeret, minus ratam habens Meletii electionem, & Legati Apostolici autoritate usus, Antiochiæ ordinavit Episcopum Paulinum quendam, Eustathianorum facile principem, virum sanè integerrimū ma-

gnaque virtute præditum, cui nullus unquam Arianismi pulvis adhæserat, futurum sperans, ut in illius novi Episcopi communionem, utraque pars Antiochenſium Catholicorum coiret. Verùm ea Paulini repentina, & sanè præmatura ordinatio, civile illud Catholicorum schisma pejus exacerbavit: namque pars altera, Paulini electionem ferens asperrimè, nunquam à Meletio, divelli potuit: Eustathiani contra, Paulino satis contenti & Episcopum nacti ex ingenio, obfirmati magis, in sua sententia perſtiterunt. Itaque geminus exinde grex catholicorum, sub suo quisque pastore, cæpit eſſe in unica Civitate: eorumque catholicorum, alii sub Meletio in Palea extra Urbem, alii sub Paulino in ædícula intra mænia, divina obibant officia, sine ullo inter se religiosæ ſocietatis commercio, fide conjuncti, pace diviſi.

97. Tùm, hoc fonte derivata, latius ea diſcordia fluxit in Aſiam, Africam, & Europam. Nam Athanaſius cum omni Ægypto, item Epiphanius, Hieronymus, (qui tunc in Oriente degebat) & quod caput eſt, Romanus ipſe Pontifex
Pau-

Paulinum tuebantur: reliqui verò Orientales omnes Meletii partes susceperant: in primis vero Eusebius Samosatenus vir sanctissimus; atque ipse Basilius Magnus, quem ea causa, uti ferunt, sanctus Damasus Romanus Pontifex asperere habuit. Harum partium, sæpius sine successu, tentatam fuisse concordiam memorant: sed tandem, sunt qui putant; inter Meletium & Paulinum sic convenisse: suum quisque gregem ea conditione regeret, ut qui eorum, altero defuncto, superstes foret, ad illum unum Antiocheni Episcopatus summa rediret; atq; sub eo tandem Episcopo, utraque pars Antiochenium Catholicorum copularetur: atque conventionem ejusmodi, tum Antiocheni Concilii, tum ipsius Romani Episcopi suffragio, fuisse firmatam. Atque ita quidem usque ad Concilium Constantinopolitanum generale secundum, ad annum videlicet 381. res illæ se habuerunt.

98. Exindè verò, Meletio in regia Constantinensium urbe, eodem Concilij tempore vitam defuncto, ea flamma Antiochenæ dissensionis periculosius incendium conflare cœpit. Namque in

ea Synodo, cum deliberatio instituta foret, ne alius quispiam Meletij loco crearetur Episcopus Antiochiæ; Sed potius(uti pridem convenerat) ad Paulinum superstitem, Ecclesiæ Antiochenæ summa omnis revolveretur; eaque ratione, Catholici omnes Antiocheni tùm partium Meletianarum, tùm Eustatiani, sub uno tantum Episcopo, extincto demùm Schismate, copularentur; turbulenti quidam Orientales, ea pacis consilia turbare cœperunt. Rem ita Gregorius Nazianzenus exequitur.

Gregorius Nazianzen. carm. de vita sua.

*De non movenda re statim cœptum est
agi*

*Quam turbulenti scilicet urgebant viri:
Hoc molientes improbi, ut tunc unico
Opponeretur Præsuli, Præsul novus.*

Gregorius quidem ipse, qui tunc novæ Romæ Episcopatum obtinebat, cum neq; partium studio, neq; inani æmulatione, ipsius animus laboraret, sed ad res, æqua lance suisque momentis iudicandas, integrâ liberâque mente uteretur, pro Paulino sententiam in frequenti Concilio dixit:

*Thronum retineat, qui tenuit ad hunc
diem.*

Nempè

Nempe Paulinus ; hoc justitiæ , hoc pauci , hoc Romanæ Sedis authoritati deberi ; sic futurum , ut diuturnum illud Antiochenæ dissentionis malum opprimatur . Sed ea Gregorij , gravissima quidem , sententia Orientalibus adeo displicuit , ut incredibilis inde , in Præsulem sanctissimum invidia , & livor exarserit : sic enim idem subdit :

Idem ibid.

Hæc conciones comprobant nostræ licet Saxis petitæ: livor undè in me improbus exarsit .

Namq; Orientales , æquis oculis videre non poterant , in Antiocheno Throno sedentem , hominem ab Occidentalibus ordinatum ; quod ea re , Orientis dignitati plurimum detrahi arbitrarentur : quare juniores primùm Episcopi orientales , vesparum more insipientes tumultuari cœperunt , atque asperius dicta cùm in Paulinum jacere , tum in romanam sedem (cujus authoritas Paulinum eo in gradu , & olim posuerat , & tunc adhuc retinebat) in Gregorium etiam ipsum , atque in omnes denique , qui cū Gregorio Paulini partes tuerentur : mox seniores ipsi junioribus illis quos frenare debuissent , sese per sum-

nam animi levitatem addiderunt; unâ-
que simul, insolentissima conspiratione
contendebant, uti novus Episcopus,
orientalium suffragio renunciatus, Me-
letij loco substitueretur: quem Orien-
talium tumultum his versibus Grego-
rius idem depinxit.

Idem ibid.

*Clamitant illi undique,
Ut Graculorū turba, rem unam moliens
Juvenum caterva (quā tabernā diceret)
Trahensq; turbo pulverem venti æmuli:
Dignatus esset cum quibus nemo, metu
Sæcto, thronoq; præditus, quicquam loqui,
Præposterè, ut qui funderent verba, &
velut
Vespè insilirent concito in frontem impetu.
At hos secutus est tamen cœtus senum.
Motus juventæ fervidos, quos par erat
Frenare.*

In quam sententiam sanè tumultuosā
concitata illa orientalium Episcoporū
multitudo, non tam consilio & ratione,
quàm malo in Occidentales ingenio ac
æmulatione, ferebatur: nam cur non Pa-
ulinus ab Occidentalibus ordinatus, sed
alius ab Orientalibus ordinandus Me-
letio substituendus foret, causæ ejusmo-
di prætendebant: quod Orientales nihil
Occi-

Occidentalibus deberent concedere :
quodque Oriens , ubi Christus ipse fu-
isset in carne versatus , ante Occiden-
tem esset ponendus : quam furiolæ mul-
titudinis superbam opinionem , sic Gre-
gorius idem Nazianzenus deridet .

*Ratio porro quàm scita , aspice :
Debere nostras nempe res solem sequi ,
Ortum hinc trabentes , unde Regnator poli
Nobis , amictus carne . primum splenduit ,
Et paulò post eidem alludens ambitio-
ni .*

*Adversa stabat his , tumens Phæbo pha-
lanx .*

At contra hunc Orientalium tor-
rentem , prudentiores quidam , omnesq;
ex Macedonia , & Ægypto Episcopi
brachia fortissimè direxerunt , in primis
verò Nazianzenus Gregorius , certus
Episcopatu prius cedere , quam alterius
Episcopi electioni sese addere suffraga-
torem .

*At mihi (inquit ille) carentem vos thro-
no concedite*

Idem ibid.

Vitam , periculo liberam , & si in gloriam .

Illic sedebo , nulla ubi sedes malis .

*Hoc namque præstat , cæteris , quàm ut mi-
scear ,*

*Meamque nec eos flectere in sententiam
Possim, nec illos rebus in pravis sequi, &c.*

Verùm Orientalium pars, suffragiorum numero longè valentior, nulla Paulini habitâ ratione Flavianum renuntiavit Antiochenæ Urbis Episcopum, qui Meletii loco succederet. Tunc Gregorius, ne sceleri suffragaretur, sponte cessit Episcopatu, ac se se in solitudinem contulit. Damasus Papa ea in re, potestate sua uti noluit; ne forte schisma, quod jam in promptu esse videbatur, Orientem penitus ab Occidente divideret. Dissensio Antiochena longius producta est; ut unius Ecclesiæ, Catholico populo, geminus præesset Episcopus, Paulinus videlicet, ac Flavianus: quin etiam post hos vita defunctos, in duobus aliis, ejusdem Antiochenæ Urbis simul Episcopis, schisma perseveravit; nec nisi post annum quadringentesimum octavum, Innocentii Pontificis opera, ea flamma extingui potuit.

99. Per illam fanè occasionem, adversum Orientalium, erga Occidentales ingenium, maximè apparuit; jamque illo ex tempore, æmulationis flamma terribissima, Constantinopoli palam erumpens

pens, incendio, quod adhuc ardet, cepit proludere: jamque inde, Nazianzenus Theologus, pessima schismata inter Orientem, & Occidentem secutura conjecit; tunc siquidem vir sapientissimus, Orientalium ingenium animo æstimans, ea memoranda verba pronuntiavit: *futurum scilicet, ut Oriens olim atque Occidens sententiis non minus, quàm finibus distraherentur.* Quamobrem non ex nihilo arbitrati sumus, eas Meletii, & Paulini causâ, inter Orientales, & Occidentales, exortas contentiones, semina quædam ac veluti rudimenta fuisse ejus schismatis fanè lacrimabilis, ac veluti sempiterni, quod Orientem ab Occidēte postea distraxit, nō charitatis tantum, sed etiam fidei, ac religionis divortio. Divortium acerbissimum, ac luctuosum! divortium perpetuis lachrymarum fontibus dolendum! quod nobilissimam Ecclesiæ partem, e sinu Matris avulsam, in tantam salutis desperationem conjecit: dissidium implacabile, quod nulla ætas, nulla ratio, nulla opera, & industria potuit fatis componere.

100. Omnes autem, quas diximus, hæreses, eo temporis intervallo, quod medium

dium, inter Nicænum Concilium, & Cō-
stantinopolitanum interjacet, ortum si-
mul, & interitum habuerunt: nec nisi
earum intermortuæ quædam reliquæ
post illud tempus, superfuere. Sed non
omnes evaserunt eadem via. Pars eva-
nuerunt repente; aliæ paulatim conse-
nescere visæ sunt. Plures in Conciliis,
præsertim Nicæno, & Sardicēsi æcumæ-
nicis, notatæ, ac demùm ferè omnes, re-
petitis Romanæ Sedis fulminibus, per-
cussæ sunt. In cujus rei fidem juvat ex-
hibere credendorum regulam, quam
Damascus Papa miserat in Orientem: in
qua lector videre poterit Romanum
Episcopum eas ferè omnes Orientales
hæreses fulminantem: est autem illa

(1) Apud
Theodoret. Ec-
cles. hist. lib.
7. cap. XI.

eiusmodi. (1) *Anathematizamus eos, qui non liberrimè prædicant, Spiritum Sanctum unius ejusdemque cum Patre, & Filio substantiæ, ac potestatis existere. Similiter autem anathematizamus eos, qui Sabellii errorem sequuntur, & eumdem esse dicunt Patrem, & Filium. Anathematizamus Arium, & Eunomium, qui pari impietate, licet verbis discrepent, Filium, & Spiritum Sanctum creaturam esse confirmant. Anathematiza-*
mus

mus Macedonianos, qui ex Arii radice propagati, non impietatem, sed nomen solum mutarunt. Anathematizamus Photinum, qui Ebionis haeresim renovans, dominum nostrum Jesum Christum solum ex Maria confitebatur. Anathematizamus etiam eos, qui duos filios esse affirmant, unum ante saecula, & alium post carnis assumptionem ex Maria. Anathematizamus & illos qui asseverant, pro rationali anima, Dei Verbum in humana carne versatum esse: Ipsum enim Dei Verbum, non loco rationalis, & intelligentis animae, in corpore suo fuit, sed nostram, hoc est rationalem, & intellectualem, sine peccato, animam assumpsit, & conservavit. Anathematizamus eos, qui dicunt Verbum Dei productione, & contractione à Patre separatum esse, idemque sine subsistentia esse, interiturumque blasphemant. Eos autem, qui ab Ecclesiis, ad alias Ecclesias migraverunt, tandiù à nostra communione alienos habemus, donec ad eas redeant civitates, in quibus primùm ordinati sunt. Quod si quis, alio ad aliam sedem translato, in locum viventis fuerit ordinatus, tandiù à Sacerdotali dignitate vacet is, qui propriam deseruit Civitatem.

vitatem, donec successor ejus requiescat in Domino. Si quis non dixerit semper Patrem, & semper Filium, & semper esse Spiritum Sanctum, anathema sit. Si quis non dixerit Filium natum ex Patre, hoc est ex Divina ejus substantia, anathema sit. Si quis non dixerit, verum Deum Filium Dei, sicut verum Deum Patrem, ejus, & omnia nosse, & omnia posse, & Patri equalem esse, anathema sit. Si quis dixerit, quod in carne degens Filius Dei, cum erat in Terra, in Cælis, & cum Patre non fuerit, anathema sit.

Ac de illius temporis hæresibus, & Schismatibus pro instituto brevitatis nostræ satis superque diximus. Qui plura de his voluerit, Epiphanium adeat, Theodoretum, Augustinum, de hæresibus ex instituto disputantes: Baronium quoque Ecclesiasticæ historiæ parentem, atque Magistrum: ex neotericis verò, consulat Dominicum Berninum, qui omnium hæresum historiam absolutissimam, vernaculo sermone conscriptam, partim nuper edidit; partim propediem uti confidimus, est editurus; qua in historia sanè uberi, & copiosa, earum rerum fitim, cupidus lector explere poterit.

CAPUT



CAPUT TERTIUM.

De malis, quibus eo tempore premebatur Orientalis Ecclesia, ac de ejusdem facie lacrimabili.



ORIENTALEM Ecclesiam, tempestate illa, luctuosissimum Religionis divortium inter Catholicas, & hæreticos velut ex æquo diviserat. Utraque verò pars, sive melior Catholicorum; sive hæreticorum deterrima, in immensa malorum Iliade versabatur: ut eorum temporum imago subire minimè possit, quin, eo aspectu turbatus animus, omnibus mæroribus incedat. Sed alios aliud malorum genus invaserat: Hæretici vitiis

tiis; Catholici ærumnis premebantur: horum corpus, & fortunæ; illorum mens, & animus laborabant. Utrorumq; verò malorum conspiratione, Orientalis Ecclesiæ facies omnis, miserrima, & lacrimabilis fuit.

De vitiis Hæreticorum.

102. **A** Vitiis Hæreticorum incipio; nam ærumnæ Sanctorum, proscriptiones, exilia, cædes, atque id genus alia, imbutis Evangelio animis, vix malorum loco esse debent: Vitia mentis, animiq; verè mala sunt. Princeps malum hæreticorum hæresis fuit; quæ Orientalium mentes miserum in modum animosque corruerat. Id malum quàm numerosum, & multiplex eo tempore extiterit, quantâque ruinâ per Orientem omnem excurrerit, satis superque dictum puto; nec ultra ea res properantem calamum morari debet. Ab hæresi deinde, aliæ innumeræ fluxere scelerum multitudines; nam & si omnis hæresis à vitio manare soleat, omnia quoque vitia ab hæresi descendere necesse est; eaque, inter has pestes, intercedit

cedit vicissitudo, ut perfidia mater sceleris, & simul filia : scelus contra, perfidiæ germen simul, & robur esse videatur. Itaque superstitio, Ariana præsertim, fusa per Orientem, ubique fidem, probitatem, Justitiam, modestiam, cæterasque bonas artes, atque divinas christianorum virtutes subvertit : pro his superbiam, crudelitatem, ambitionem : Deum negligere, Ecclesiam contemnere, jura, & sacra omnia violare, humana, atque divina pessum habere, docuit. Morum, & fidei sanctitas omnis, exulabat, miseris cum catholicis : eorūque fida comes, aut per solitudines errabat profuga; aut in privatis domibus, & speluncis delitescibat afflicta. In urbibus verò, & frequentia, cum ipsis hæreticis superstitio, & omnis quem diximus, scelerum, vitiorumque comitatus ita dominabantur, præsertim Constantio, Juliano, atque Valente imperantibus, ut in tanta morum corruptela vix ullum antiquæ pietatis, & sinceræ religionis vestigium reliquum appareret. Ecclesiæ sine cultu, sine altaribus, sine incenso, sine Sacerdotibus, speluncæ latronum evaserant; cessaverant salutare

res

(1) *Sapientia*
reſta.

res doctrinæ , vox illa Diaconorum
(1) σοφία ὀρθή perierat; nam pro Evan-
geliis, scelerata dogmata spargebantur:
pro Davidicis psalmis , prophanissimæ
cantiones . Verbum Dei scriptum, inter
manus litigantium hæreticorum, discer-
pebatur: Traditum jacebat sub pedibus:
Nicæna magna Synodus, augustissimus
Sanctorum conventus , per omnem an-
gulum, maledictis apertissimè impete-
batur . Statutam ibi fidem , quam &
pronus terrarum orbis adorat , & ipsæ
Angelorum mentes reverentur , in suis
Conciliabulis Hæretici, ausu nefario,
anathemate percutiebant . Alia item in
Spiritu Sancto congregata Concilia ,
aut contemptui habita , aut hostiliter
oppugnata. Romanæ quoque Sedis au-
thoritas , primò quidem ab iisdem for-
midata, mox neglecta, violata tandem
fuit: fidei regula apud eosdem nulla :
pro norma credendi , ambitionem : pro
Ecclesiæ Tribunali, aulam; pro arbitr is
Religionis, Eunuchos habebant . Ea
dogmatizandi licentiâ , & libidine ute-
bantur, quâ majorem , ne Spinoza qui-
dem optasset. Ad hæc, insidias moliri ,
dolosnectere , movere in sectatio-
nes

nes, Sanctorum sanguinem anhelare, consueta eorum occupatio erat, & negotium quotidianum: baptismo tincti, Ethnicorum crudelitatem in baptizatos æmulabantur; rebelles Ecclesiæ filii, vim, arma, bellum in Matris viscera convertebant.

Sed amplissimæ quæque Orientis Ecclesiæ, Patriarchales præsertim (quod in deteriori malorum parte ponendum reor) scelestissimorum hæresiarum direptioni, lacerandæ, quàm regendæ tradebantur. Ita, pulso Athanasio, in Alexandrinam sedem tres feræ bestię ordine irruerunt: Primò Gregorius, deindè Georgius, postea verò Lucius: quorum, Gregorius, & Lucius, sub mentita Christianorum persona, omnis Religionis expertes fuisse perhibentur: medius verò inter hos Georgius, homo erat de plebe; impius, effrons, inurbanus, illiteratus, reus furti, & ob eam causam profugus: & tamen hic ex profugo, illi ex semiathæistis, Episcopi, imo etiam Patriarchæ repentè facti sunt; eo solum nomine, quòd ad Catholicos, omni genere crudelitatis, exagitādos idonei præ cæteris haberentur. In Antio-

chenam quoque sedem, quam ipse Princeps Apostolorum fundaverat, vi & malis artibus irruerunt, primò Leontius semi vir, quem Theodoretus, dolosis latentibusque maris scopulis, comparuit: mox Eudoxus sectarius famosissimus de mero Arianismo, qui nomen fecit Eudoxianis; deinde Euzojus ejusdem furfuris Arianus. Constantinopolitanam pariter Ecclesiam invasere Eusebius Nicomediensis Arianae perfidiae altor, & propagator; tum Macedonius Pneumatomachorum hæresiarca; postea idem, quem nuper diximus, Eudoxus. Tum in Ecclesiam Hierosolimitanam, atque in alias toto Oriente celebriores alii passim adulteri Eterodoxi, exploratores, satellites, carnifices, infundebantur: quorum omnium ea erat cura & conspiratio, ut genus omne Catholicorum extinguerent; ut qui plus de baptizato sanguine bibisset, is demùm melius suas partes implevisse videretur. Quò autem loci, hi nefarii rem Christianorum adduxerint, referre pudet, ac piget meminisse: illud profero pudore suffusus, ac totus veluti contremiscens, quod ab iis monumentis accipimus

pimus , quæ Petrus ipse Alexandriae
 Episcopus, de Clade ejus urbis posteri-
 tati reliquit; cujus hæc sunt verba: Nam
 „ quæ neque facta sunt, (uti scriptum
 „ est) neque audita in diebus Patrum
 „ nostrorum, hæc impii in ipso altari
 „ designarunt: etenim, velut in prosce-
 „ nio, in quo turpis aliqua ageretur fa-
 „ bula, puerum masculum, qui sexum
 „ denegaverat virilem, & muliebrem
 „ sibi effinxerat, quique tum oculos
 „ habebat (ut scriptis proditum est,
 „ *nempe de Jezabel*) stibio obritos, &
 „ vultum, simulacrorum more, fucō ru-
 „ bentem, habitu muliebri, in ipso San-
 „ cto altari, ubi de Spiritus Sancti de-
 „ scensu invocari solet, corpore in or-
 „ bem acto, & manibus huc illucque
 „ cum gestis jactatis, saltare compule-
 „ runt; atque in risum immoderatum
 „ effusi, nefarias voces ore extulerunt.
 „ Rursus, cū istud quoque ad rectum
 „ ordinem spectare, & præterita faci-
 „ nora decora potius, quàm nefaria,
 „ existimarent, unum ex suis, turpitudi-
 „ ne insigniter nobilitatum, & ut pudore
 „ ita vestibus, sicut natus erat, nu-
 „ datum, in summo Ecclesiæ folio col-

„ locant, turpemque contra Christum
 „ concionatorem appellant: nam pro
 „ verbis divinis, turpitudinem; pro
 „ gravi oratione, petulantiam; pro pie-
 „ tate, pro continentia, stuprum,
 „ adulterium, concubitus cum mascu-
 „ lis prædicavit: docuitque, tum alia,
 „ tum furtum, cibum, & potionem, vi-
 „ tæ hominum utilia esse. His doctri-
 „ nis populorum informabat mores, mi-
 „ rificum illud Episcoporum, ac Patriar-
 „ charum genus: ad ejusmodi pascua de-
 „ ducebat Christi greges, nova illa pa-
 „ storum progenies. Hi erant Christia-
 „ norum conventus, hic templorum cul-
 „ tus, ea Sacra, ea Mysteria. Ex quibus
 „ coniciat quisque, qui tunc esset rerum
 „ status in Oriente, & quàm misera facies
 „ Religionis. Et quamvis, quæ nuper
 „ ex Petro Alexandrino retulimus, de
 „ Alexandria urbe referantur; similia ta-
 „ men ubique fieri, veteribus memoriis
 „ edocemur. Hæc autem erant Hæreti-
 „ corum mala vitia, atque scelera, quæ
 „ cum Orientalium animos corruperant,
 „ tum Orientalis Ecclesiæ pulchritudi-
 „ nem fædissimè decoloraverant.

De Catholicorum calamitatibus.

103. **S**ed mala Catholicorum longè alia fuere. Horum siquidem integerrima erant, mens, fides, atque religio: expers scelerum animus; purus; æqui justiq; tenax; corpus dumtaxat, vita atq; fortuna exercebantur. Hæc ego mala, ad insectationes, universa deduco; quas, per causam hæreticorum, plurimas, atque acerbissimas tempestate illa catholici tulerunt; atque illis etiam acerbiores, quas olim in Christianum nomen Ethnicorum moverat furor. Eas insectationes ad tres redigo: nam prima sub Constantio extitit; altera sub Apostata Juliano; tertia sub Valente. Constantius perpetuò sæviit; sed modò remissiùs, modò violentiùs. Ejusdem crudelitas luctu, & ærumnis universum quidem Orientem obvoluit; sed major impetus, Hæreticorum ductu, modò in hæc partem, modò in illam ferebatur; turbinis instar sese exonerantis quocumque ferat ventorum vis & arbitriū. Sepiùs perfidus Imperator mala instauravit: primò enim per Philagriū Præfectū, vastavit Alexandriā Gregorij

causâ, qui per cædes, & sanguinem Athanasij sedem invasit. Mox Constantinopolim, causâ Macedonij, eâdem cruentâ viâ, in Episcopatum novæ Romæ irruentis: Tertiò iterum Alexandriam, ærumnis omnibus implicuit, per Syrianum ducem, Cataphronium Præfectum, Heraclium Comitem, Diogenem, Hilarium, Faustinum Manichæum, Sebastianum, sacrilegos ministrum Imperialis Aulæ, atque perfidiæ; qui per strages & sanguinem, igne ferroq; viam stravere Georgio, ad Episcopatus Alexandrini rapinam; quæ tempestas ab urbe Alexandrina sese in Ægyptum effudit; tantaq; fuit eo tempore Catholicorum calamitas, ut Magnus Antonius, & ex ipsius alumnis cōplures, relictis solitudinibus, ad opem afflictis desertisque ferendam, accurrendum sibi putaverint.

104. Julianus deindè Apostata Idolorum cultor, sed Ario studiosus, pro ingenio, atque impietate, in Christianos præsertim Catholicos irruit. Qui, cum aliquando fideles, à Magistratibus supra modum oppressi, de tanta crudelitate apud ipsum exposulassent, hoc
lu-

Iudibrio fertur miseros excepisse: *Vestrum est cum estis animo afflictati, a quo animo tolerare; quippe istud à Deo vestro præceptum accepistis: quod Apostatae dictum pluribus* (1) Nazianzenus exagitavit.

(1) *Orat. 1. in Julian.*

105. Valentis quoque insectatio acerba fuit, plus quam cuique credibile est, ac ter maximè integrata; Sed Antiochia, & Syriae omnis Provincia longè memorabilem ab eo cladem tulit, quæ Monachos etiam è suis antris ad auxilium Catholicorum miserè disperforum evocavit; ad quod pium charitatis officium præstandum, inter primos prodie-re; Julianus Saba, & Aphraates sanctissimi, ac celebratissimi famâ solitarij. & Aphraatis quidem liberrimos sermones, cum Valente ea causâ initos, libenter si sineret brevitās, commemorarem. Alexandriam quoque vastavit Valens, præsertim per causam Lucij, qui Petro, Athanasij successore, pulso, usurpationem alienæ sedis à Catholicorum direptione auspiciatus est. Sed ut facilè conijciat lector, quot & cujus generis mala, ab his insectationibus, Catholicorum generi extiterint, non abs re fuerit earum.

specimen aliquod exhibere : ne tamen longius , quam par est , nostra hæc excurret enarratio, ex tot cladibus unam tantum exponam , ex qua reliquarum, qui fuerit modus(si modum tamē ullum habuere) intelligi statim poterit. Eam

(1) *Naxianz.*
orat. 23. in
land. Heronif.

autem huc ex (1) Nazianzeno , cujus hæc sunt verba deducam: Secunda quædam Ægypti plaga , ille , inquam, veritatis proditor , ille luporum pastor, ille per caulam transcendens latro , secundus ille Arius , turbida illa, & amara everfio, ille impio fonte uberior fluvius , se ipsum in Ecclesiam introduxit : piget equidem flagitia ea , quæ tunc designata sunt, & nefarias cædes , cum quibus fera illa Sacrosanctum folium invasit , ac pestiferi ingressus præludia referre : ex multis tamen pauca deploro(quæ vos quoque mecum deploratis , & jam ante deplorastis) divini Davidis verbis utens .

Deus , venerunt gentes in hæreditatem tuam : polluerunt templum sanctum tuum , & quæ sequuntur . Posuerunt morticina servorum tuorum escam volatilibus, & feris in lacera
 cera

„ cerationem . Quin illud iusuper ad-
 „ ijciam , quod idem Propheta in al-
 „ tera lamentatione , alioque psalmo
 „ cecinit : Quanta malignatus est ini-
 „ micus in Sancto tuo? Et gloriati sunt
 „ qui oderunt te , in medio solemni-
 „ tatis tuæ . Quid enim ? An non glo-
 „ riati sunt? An non sanctum templum
 „ tuum varijs calamitatibus , atque
 „ omni malorum genere contamina-
 „ runt .

„ Ducis munere fungebatur vir im-
 „ pius , & consceleratus , ne Christia-
 „ ni quidem nomen gerens, (hoc enim
 „ totius contumeliæ indignissimum est)
 „ verum ab idolis ad Dei templum
 „ properans , ab impuris cruoribus ad
 „ execrabiliores , & detestabiliores :
 „ ac fortasse huiusmodi adversus nos
 „ contumeliâ , quasi victima quadam,
 „ dæmonibus litans . Prodibant in aci-
 „ em copix , furore ardentes , imma-
 „ nis & ferox exercitus adversus homi-
 „ nes inermes , ac rei bellicæ ignaros .
 „ Expellebatur Sacerdos , viri sancti
 „ successor , legitimè , atque ut spiritus
 „ ordo postulabat inunctus , ac ca-
 „ nitic , & prudentia ornatus . Regna-
 „ bat

„ bat autem Tabeel, alienæ sedis hæ-
 „ res. Adversus Sanctos arma, ad-
 „ versus res eas, quas diripi nefas erat
 „ impuræ manus, adversus psalmos tu-
 „ barum clangor. Jam quæ sequuntur
 „ considera: cadentes viros in locis
 „ sanctis, pedibus protritas mulieres,
 „ nonnullas etiam cum naturæ onere:
 „ præmaturus partus; virgines milera-
 „ bilem in modum distractas, foedius
 „ etiam cruciatas; (nam & ob foeminas,
 „ & ob viros, pudore impediatur, quo-
 „ minus crudelitatis modum expo-
 „ nam, atque occulta dedecoris ser-
 „ mone denudem, ut potè ob quas
 „ etiam tum denudatas erubescam)
 „ alias in interiores templi puteos sese
 „ deijcentes; alias ex editiori loco sese
 „ in præceps dantes, propter earum
 „ rerum quas cernebant, indigitatem:
 „ alias denique super eas, quæ iace-
 „ bant, acervatim collabentes. adde
 „ cædes cædibus, casus casibus succe-
 „ dentes: sancta prophanis pedibus
 „ calcata, altaria per obscænos gestus,
 „ & impudicas cantiones, atque ut
 „ audio (hoc cine lingua audax profe-
 „ ret?) saltationes, fædasque membro-
 „ rum

„ rum inflexiones probo, & contume-
 „ liæ habita; adde blasphemias linguas
 „ in sacrosanctis thronis concionantes;
 „ mysteria fugillata; psalmodias silen-
 „ tio compressas; gemitus in earum lo-
 „ cum excitatos; fluentes sanguinis ri-
 „ vos; lachrymarum fontes; Sacerdo-
 „ tes per vim abductos, Monachos la-
 „ ceratos; expressam denique incur-
 „ sionis illius imaginem, qua quon-
 „ dam Assyrij sanctam Hierosolymam
 „ populati sunt, quam nec oratio, ut
 „ dignum est, exprimere, nec auris
 „ capere potest; unus ut Hjeremias, ad
 „ eam calamitatem pro dignitate cõ-
 „ plorandam, adhibendus sit; qui etiã
 „ lachrymarum fontes exposcit, atq:
 „ ex urbis mænibus, ob easdem cala-
 „ mitates, ad luctum homineshorta-
 „ tur, vijsque Syon luctum indicit, eo
 „ quod nullos, à quibus festa celebra-
 „ ntur, adducant. Hanc tragædiam,
 „ Oriens quidem vidit, at Occidens
 „ quoque deflevit: cui immanitatis hu-
 „ jusce signa fugitius Antistes publi-
 „ cè spectanda proposuit: nam pro
 „ cadaveribus, cruentas vestes Eccle-
 „ siæ Romanæ protulit, ac per tacitam

„ accusacionem omnibus lachrymas
 „ movit; ut calamitatis magnitudinē
 „ in oculis, & aspectu defigeret, atque
 „ auxilium nancisceretur: quemadmo-
 „ dum etiam nactum esse scimus.

106. His autem similia, irrupente
 Gregorio; pejora etiam in ingressū
 Georgii; atque aliās sæpe Alexan-
 driæ atque in Ægypto evenere: eadem
 pariter Constantinopoli, irruente Ma-
 cedonio; eadem Antiochiæ; eadem in
 Syria atque per Orientem universum
 sub Constantio, sub Juliano, ac demum
 sub Valente acciderunt; Quos Catholi-
 corum casus, atque labores, suis in scri-
 ptis appositè miserati sunt Athanasius,
 Basilus, Nazianzenus, alique scripto-
 res plurimi. Sed Magnus Basilus, cum
 à Romano Pontifice, & Occidentalibus
 per Epistolam opem, auxiliumque pe-
 teret, eosdemque de lachrimabili Oriē-
 talis Ecclesiæ statu moneret; ejus-
 modi verba facit: Persecutio nos
 „ apprehendit, fratres colendissimi,
 „ persecutionum omnium gravissima.
 „ Abiguntur enim pastores, ut greges
 „ dispergantur. Et quod omnium est
 „ durissimum, neque qui affliguntur,
 cum

„ cum martyrii spe, atque confidētia,
 „ illatas passiones tolerant; neque
 „ plebs, martyrum loco, athletas habet
 „ ac veneratur: propterea quod Chri-
 „ stianorum nomine, recti sunt perse-
 „ cutores. Unum jam crimen est quod
 „ vehementer punitur; si paternas quis
 „ traditiones diligenter observet. Ob
 „ hanc causam paternis sedibus abi-
 „ guntur pii, & ad solitudines migra-
 „ re coguntur. Nulla est apud Judices
 „ iniquos, cani capitis reverentia; nul-
 „ la religiosæ piæque vitæ exercita-
 „ tionis, nulla conversationis habetur
 „ ratio, quæ ad Evangelii normam, ab
 „ adolofcentia, ad senectam usque le-
 „ gitimè perficiatur: sed cum nemo
 „ sceleratus sine certis indiciis condē-
 „ netur, Episcopi, sola intercedente
 „ calumnia, damnantur: & nulla eviden-
 „ ti probatione assertis, ac corrobora-
 „ tis criminationibus, suppliciis tra-
 „ duntur: nonnulli ne noverunt qui-
 „ dem accusatores suos, neque tri-
 „ bunalia viderunt: neque delati sunt
 „ primùm, sed nocte intempesta abre-
 „ pti, in exilium fugati sunt; solitudi-
 „ nis calamitatibus ad mortem usque
 tra-

traditi. Quæ verò ista concomiten-
 tur neminem latet: etiamsi nos filea-
 mus: exilia Presbyterorum, exilia
 Diaconorum, totiusque cleri depræ-
 dationes: necesse enim est vel ado-
 rare imaginem, vel sævæ flagrorum
 flammæ tradi. Gemitus plebis; la-
 chrymæ continuæ, & per singulas
 domos, & publicè omnibus, quæ pa-
 tiuntur, inter se complorantibus. Ne-
 mo enim corde est adeò usque lapi-
 deo; ut patre privatus placidè ferat
 orbitatem. Sonitus lamentantium
 in Civitate, sonitus in agris, in viis,
 in solitudinibus. Vox una omnium
 miseranda, ac tristitia loquentium.
 Sublatum est gaudium, & lætitia
 spiritualis; in luctum mutatæ sunt
 festivitates nostræ. Domus precatio-
 num clausæ sunt. Altaria cultu spi-
 rituali vacant. Nulli amplius Chri-
 stianorum coetus: nulla amplius do-
 ctorum præsentia: cessarunt doctri-
 næ salutare: cessarunt panegyres, ac
 festivi conventus: publicique hym-
 nodiæ nocturnæ non habentur: ne-
 que superest beata illa exultatio,
 qua Domino credentium animæ in

Sy-

„ Synaxi, ac communione spiritalium
 „ charismatum exhilarantur. Nobis
 „ jam dicere licet, quod in hoc tem-
 „ re sit, neque Princeps, neque Pro-
 „ feta, neque Præses, neque oblatio,
 „ neque incensum, neque locus, ubi
 „ coram Domino possit offerri Sacri-
 „ ficiū, ac misericordia acquiri. Hęc
 „ sciētibus scribimus: propterea quod
 „ nulla Orbis pars est, quę calamitates
 „ nostras ignorat. Quare nolite existi-
 „ mare, quod ista vobis docendi, vel
 „ admonēdę diligentię vestrę gratia
 „ loquamur; (novimus enim quod
 „ nostri nunquam sitis obliti: non mi-
 „ nus quam mater filiorum uteri sui.
 „ Sed, quemadmodum qui dolore ali-
 „ quo occupantur, per gemitus solent
 „ relevare mærorem, ita & nos faci-
 „ mus: ut mæstitię gravitatem non ni-
 „ hil excutiamus.

*Lacrimabilis facies Orientalis
 Ecclesię.*

107. **S**ed ex hac malorum tanta cō-
 spiratione; inter tot bonorum
 calamitates, tantaq; scelera pessimorum
 incredibilis orientis perturbatio nata
 est,

est, atque confusio: quam idem Basilius uti diximus aptissimè cum navali pugna comparavit, nocturno tempore, fulminante Cælo, iratoque mari commissa: quam Basilii comparisonem pulcherrimam non invitus exhibeo, ut in ea lector, Orientalis Ecclesiæ vastitatem, miseramque faciem eorum temporum relegat; nam hoc etiam in hujus capitis titulo exponendum proposui. Basilii verba sunt hujuscemodi.

(1) *Basil. de
Spir. Sæct. ad
Amphiloch. c.
uls.*

Cui igitur (1) comparabimus præsentem statum? Profectò similis prælio
 „ navali, quod ex multo odio, ex ve-
 „ teribus offensis, inter ipsos, per lon-
 „ gum tempus alito, bellis nauticis
 „ assueti viri quipiam, ac bellaces in-
 „ stituerunt. Nunc igitur, in hac ima-
 „ gine, mihi spectata terribilem utrin-
 „ que concursum, mox ira jam eo erū-
 „ pente, ut sit immedicabilis, utram-
 „ que partem simul prostratam confi-
 „ ci. Pone si vis, violento turbine
 „ circumagi classem, caliginemque
 „ densam è nubibus incumbere, adeo-
 „ que obscurare rerum visibilium spe-
 „ cies, ut nulla sit amicorum, & ho-
 „ stium discretio, propterea quod ob
 con-

„ confusionem symbola militaria sint
 „ ignota . Huic imagini, propter evi-
 „ dentiam, addamus etiam mare intu-
 „ mescere, atque ab imo subuerti; ve-
 „ hementem imbrem è nubibus deor-
 „ sum erumpere; horribilemque pro-
 „ cellam ingentibus, ac decumanis
 „ fluctibus exurgere: post hæc ven-
 „ tis undique cursantibus, totam
 „ classem inter se; cū fragore collidi;
 „ atque ex his qui in acie stant, alios
 „ quidem castra sua prodentes, atque
 „ flagrantē prælio transfugientes; alios
 „ cogi ut pariter, & scaphas impellant
 „ à ventis actas, & occurrant irrum-
 „ pentibus, seseque mutuo, per sedi-
 „ tionem trucident; quam seditionem
 „ partim invidia adversus prestantio-
 „ res, partim, quæ singulis adest, vin-
 „ cendi cupiditas excitavit . Ad hæc
 „ cogita confusum quemdam, & indi-
 „ scretum clamorem, per universum
 „ illud mare resonantem, partim è
 „ ventorum strepitu, partim è colli-
 „ sione navium, partim ex vociferatio-
 „ ne præliantium: varias voces, pro
 „ singulorum affectibus emitti, ut neq;
 „ Naucleri, neque Gubernatoris vocē

„ exaudire liceat ; sed prodigiosam,
 „ quamdam misturam confusionemq;
 „ incredibili quadam malorum ma-
 „ gnitudine, ob vitæ desperationem,
 „ omnem eis peccandi licentiam asse-
 „ rente . Adjice jisdem , & immedica-
 „ bilem quendam morbum, ac insana-
 „ bilem, præ gloriæ cupiditate, infaniã,
 „ ut cum navis jam in fundum maris
 „ deferatur , tamen ipsi vectores , de
 „ primatus contentione nihil remit-
 „ tant .

Hic erat ætate illa Orientalis Ec-
 clesiæ miserandus aspectus ; ad quem
 statum eandem adduxerant quæ dixi-
 mus hæreticorum scelera, ærumnæ Ca-
 tholicorum , atque utrorumq; mistio ,
 & conspiratio malorum .

*De malis quæ tùm Catholicos, tùm
 hæreticos affecerunt .*

108. **A**D hæc, aliæ calamitates plu-
 rimæ luctuosiores, per eadē
 tempora, fecerant Orientem . Nam tunc
 furor Saporis Parsarum Regis, in Chri-
 stifideles omnes effundi , dominari fa-
 mes, irruere tempestates; præterea bel-

la aspera Gothorum, Persarum, Saracenorum; civilia plura, per Orientem grassari visa sunt. His accessere immensissimi terrarum motus, qui principes Orientis urbes afflictarunt; eas præsertim, in quibus funestiores tragædias excitaverat superstitio. Alexandria mirum in modum concussa est: Nova Roma labefactata: Antiochia horrendum tremuit: Nicomedia, atque Nicæa funditus concideren. Motum quo Nicomedia tota ruit, his describit (1) Ammianus: Jisdem (2) diebus terræ-motus horrēdi per Macedoniam, Asiāq; & Pontum, assiduis impulsibus oppida multa concusserunt, & montes. Inter monumenta tamen multiformium erumnarum eminueren Nicomediæ clades, Bithyniæ urbium matris, cujus ruinarum eventum, verè breviterque absolvam. Primo lucis exortu die IX. Kal: Septembrium, concreti nubium globi nigrantium, lætam paulo ante coeli speciem confuderunt; & amandato Solis splendore, nec contigua, vel apposita cernebantur: ita oculorum obrutu perstricto, humo, involutus

(1) *Ammian. lib. 17.*

(2) *Ann. 358 Liberii 7. Constantii 22.*

„ latus vastę caliginis squalor, infedit.
 „ Deinde, velut Numine summo fata-
 „ les contorquente manubias, ventos-
 „ que ab ipsis excitante cardinibus,
 „ magnitudo furentium incubuit pro-
 „ cellarum ; cujus impetu pulforum
 „ auditus est montium gemitus, & eli-
 „ si littoris fragor : hæcque sequuti
 „ typhones, atque præsteres cum hor-
 „ rifico tremore terrarum, civitatem
 „ & suburbana funditùs everterunt; &
 „ quoniam acclivitate collium, ædes
 „ pleræque vehebantur, aliæ super
 „ alias concidebant, reclangentibus
 „ cunctis sonitu ruinarum immenso.

„ Interimque clamoribus variis
 „ excelsa culmina resultabant, quæri-
 „ tantium conjuges, liberosque, etsi
 „ quid necessitudinis arctè constrin-
 „ gunt. Post horam denique secun-
 „ dam, multo ante tertiam, aer jam
 „ fudus, & liquidus latentes retexit
 „ funereas strages. Nonnulli enim
 „ superruentium rudерum vi nimia
 „ constipati, sub ipsis interiere ponde-
 „ ribus: quidam, collotenus aggeribus
 „ obruti, cum superesse possent, si qui
 „ juvissent, auxiliorum inopia neca-
 ban-

„ bantur. Alii lignorum extantium,
 „ à culminibus fixi pendeabant: uno
 „ ictu cæsi complures, paulò ante ho-
 „ mines, tunc promiscuè strages cada-
 „ verum, cernebantur. Quosdam do-
 „ morum inclinata fastigia, intrinsecus
 „ ferebant intactos, angore, & inedia
 „ consumendos: Inter quos Aristæ-
 „ netus, affectatam regens diæcesim,
 „ curans, vicaria potestate, quam Con-
 „ stantius ad honorem uxoris Eusebię,
 „ *Pietatis* cognominarat, animam hoc
 „ casu cruciatam diutiùs exhalavit.
 „ Alii subita magnitudine oppressi,
 „ jisdem adhuc molibus conteguntur:
 „ collisis quidam capitibus, vel hu-
 „ meris præfectis, aut cruribus, inter
 „ vitæ mortisque confinia, aliorum
 „ adjumenta, paria perferentium, im-
 „ plorantes cum obtestatione magna,
 „ deserebantur. Et superesse potuit
 „ ædium sacrarum, & privatarum, ho-
 „ minumque pars major; ni palantes
 „ abrupti flammarū ardores, per quin-
 „ quaginta dies, & noctes, quicquid
 „ consumi poterat, exussissent.

109. Hæc Nicomediæ ruina memo-
 rabilis, quam Arsacius vir sanctissimus

turdis Nicomediensibus antea prænuntiaverat, causa fuit, quo minus ea in urbe, conciliabulum, quod Constantius paulò ante jusserat, iniretur. Eo etiam motu, novam Romam fluctuasse, & Apostolorum templum labefactatum fuisse memorant: unde propterea, curâ Macedonii τὴ κατὰσχόπῃ, Constantini Magni cineres, in Ecclesiam Sancti Acacii martyris deducti fuere.

Motus autem, atque tempestas, quæ septem post annos, cùm totum ferè conterruit Orbem Terrarum, tùm in Alexandriam violentius irruit, ab eodem Ammiano (1) coloribus hujusce-
 „ modi depingitur: Ad diem duodeci-
 „ mum Kal. August. Consule (1) Valen-
 „ tiniano primùm cum fratre, horren-
 „ di tremores per omnem Orbis ambi-
 „ tum grassati sunt subito, quales nec
 „ fabulæ, nec veridicæ nobis antiqui-
 „ tates exponunt. Paulò enim post
 „ lucis exortum, densitate prævia ful-
 „ gurum acrius vibratorum, tremefa-
 „ cta concutitur omnis terreni stabili-
 „ tas ponderis: mareque dispulsum re-
 „ trò, fluctibus evolutis abscessit; ut
 „ resecta voragine profundorum, spe-
 „ cies

(1) *Anno Chri-
 sti 265. Libe-
 rii P. 14.
 Valentiniani
 ac Valentis
 ImpP. 2.*

„ cies natantiū multiformes, limo cer-
 „ nerentur hærentes; valliumque va-
 „ stitates, & montium tunc, ut opinari
 „ dabatur, suspicerent radios Solis,
 „ quos primigenia rerum sub immen-
 „ fis gurgitibus amandavit. Multis
 „ etiam navibus velut arida humo
 „ connexis, & licenter per exiguas un-
 „ darum reliquias palantibus pluri-
 „ mis, ut pisces manibus colligerent
 „ & similia; marini fluctus, velut gra-
 „ vati repulsam, versa vice consurge-
 „ rent, perq; vada ferventia, insulis &
 „ continentis Terræ porrectis spatiis
 „ violenter illisi, innumera quædam in
 „ civitatibus, & ubi reperta sunt ædifi-
 „ cia complanarunt. Proinde ut ele-
 „ mentorum furente discordia, invo-
 „ luta facies Mundi miraculorum spe-
 „ cies ostendebat.

„ Relapsa enim equorum magni-
 „ tudo, cum minimè speraretur, millia
 „ multa necavit hominum, & submer-
 „ sit: recurrentiumque æstuum incitata
 „ vertigine, quædam naves, postquam
 „ humentis substantiæ cōsenuit tumor,
 „ pessum datæ visæ sunt; exanimataque
 „ naufragiis corpora supina jacebant,

„ aut prona . Ingentes aliæ naves ex-
 „ trusæ rapidis flatibus, culminibus in-
 „ federe rectorum, ut Alexandria con-
 „ tigit ; & ad secundum lapidem ferè
 „ procul à littore contortæ sunt ali-
 „ quæ, ut Lanconicam, propè Metho-
 „ nem oppidum, nos transeundo con-
 „ speximus diuturna carie fatiscètem)
hactenus Ammianus . Cui non abs re

(1) *Sozom.*
lib. 6. cap. 2.

puto, socium addere (1) Sozomenum de
 terræmotu eodem hæc ipsa perhiben-

„ tem: eo die quo ista acciderūt (quem
 „ γενέσια, idest, natalitia terræmotus
 „ vocant) festum quotannis Alexan-
 „ drini etiamnum agunt, in quo, quam-
 „ plurimis per totam urbem lucernis
 „ accensis, & precibus ad Deo gratias
 „ agendas fuis, cum magno splendo-
 „ re hunc diem festum, & non minore
 „ cum reverentia, celebrant. (2) Anno

(2) *Anno 368*
Damasi. 2. Va-
lentiniani, ac
Valentis 5.

deinde à tempestate Alexandrina
 tertio, iterum oriens præsertim Asia
 tremuit, atque urbs Nicæa Magno
 Concilio nobilis penitus eversa est;

(3) *Gregor.*
Nazianzen. orat.
in laud. Ca-
sarii.

ex cujus ruina ferè solus (3) evasit
 Cæsarius Theologi Nazianzeni fra-
 ter. Sancta etiam Hierosolymorum
 Civitas dies plures nutavit; sed An-

tio-

tiochia (si Socrati, (1) atque Sozome-
 no fides) annum integrum, sedente Ju-
 lio Pontifice , & Constantio cum fra-
 tribus imperante, contremuit: quo tem-
 pore Ephrem (2) Syrus pulcherrima
 oratione , Orientales ad Pænitentiam
 est cohortatus, ex qua cohortatione
 hæc pauca dumtaxat memoro: *Terra*
tremiscens à facie Domini , sub pedibus
nostris commovetur , ut nobis metum in-
cutiat ; & nec sic ob nostram duritiem
formidamus . Urbes integræ absorptæ
sunt , & loca ab ira Domini desolata ,
& nec sic corde pavemus . Bella Persa-
rum , & diversarum gentium barbara-
rum commota sunt , & regiones nostras
desolaverunt , ut nos metuentes Deum
pænitentiam ageremus, cum indigeamus
utique pænientiâ, non dierum, aut men-
sium , sed temporum plurimorum , & nec
sic converti volumus . Ita concitatissi-
 mis illis temporibus, hæreticorum
 scelera; insectationes, æumnæque Ca-
 tholicorum; sacrarum rerum desolatio:
 Bella item, fames, Terræmotus, tem-
 pestates, urbium subversiones; terro-
 resque de Cælo, & signa magna, adeò
 miseros Orientales contriverant; ut Ira
 Dei

(1) Socrates
 lib. 2. cap. 7.
 Sozomen. l.
 3. c. 5.

(2) Anno 340

Dei, omnibus armata furoribus, in Orientem irruisse videretur. Verum de malis, quibus eo tempore Orientalis Ecclesia premebatur, ac de ejusdem facie lachrymabili dicta sufficiant. Ad legiora properemus.





CAPUT QUARTUM.

De Concilio Nicæno Magno.

110.



ICAËA, olim Antigonía dicta, urbs fuit haud ignobilis in Bithynia provinciâ minoris Asiæ, quæ per illud tempus, sub exarcha Ephesino, & Antiocheno Patriarcha erat posita. Ea in urbe primum æcumenicum, omniumque præstantissimum Concilium est celebratum; quod à loco *Nicænum* majores nostri vocavere. Sanè Orientalis Ecclesia, ipsaque in primis Nicæa urbs multò clarior evasit, ejus Concilii majestate: nam augustiorem, sanctioremque conventum, nulla unquam vidit ætas. Sanctus Silvester Episcopus Romæ, cum
sui

fui Pontificatus annum ageret undecimum, id Concilium indixit; Constantinus Magnus omnibus favoribus juvit; qui tunc, hostibus omnibus superatis, annum nonum supra decimum in pacifico Regno versabatur: Ille, ad Episcopos ex omni mundo cogendos, Pontificiam authoritatem, hic Imperialem operam contulere. Causa ineundæ Synodi, Ariana perfidia fuit. Tempus quo inita est, idem quod sæpe diximus: anno nimirum reparatæ salutis 325. Qui convenerunt Episcopi (ut vulgata magis fert opinio) numero fuisse 318. quot scilicet fuisse in scriptura perhibentur illi domestici, qui Abrahamo, de victoribus regibus, victoriam peperere. Hic verò numerus (quæ Mediolanensis Ambrosii animadversio est) si græcis characteribus exprimatur, Crucem exhibet, atque initium nominis *Incrou*: hoc nimirum exemplo: *Τλν*. quæ notæ nostratibus his respondent 318.

III. Omnium Nicænorum Patrum nomina Epiphanius olim (uti ab Hieronymo accepimus) curiosè conquisita, conscripserat; verùm postea, quod maximè dolemus, ita temporum injuriâ

pe-

periere, ut dispersa huc illuc pauca supersint. Ex Oriente prima Capita interfuerunt: Sanctus Alexander cognomento Magnus Alexandrinus Patriarcha, qui secum duxerat Athanasium, eo tempore Diaconum Alexandriae; Sanctus Eusthatius item Magnus, Patriarcha Antiochenus; Tum Episcopus Aeliae Sanctus Macharius; deinde Sanctus Alexander Bizantii, de quo Alexandro duplex fama est: Alii pro Menophanto ejus urbis Episcopo adhuc superstite, alii contra, Menophanto pridem defuncto, Episcopum ipsum in Concilium venisse putant. Memorantur praeterea inter Nicænos Patres, Sanctitate ac fama incliti Episcopi, Sanctus Paphnuthius Thebaidis, Sanctus Potamon Heracleæ Niloticæ, Sanctus Jacobus Nisibis, Sanctus Amphion Epiphaniæ, Sanctus Hippatius Gangres, Sanctus Nicolaus Myræ, Sanctus Spiridion Trimituntis, Sanctus Alexander Thessalonicae: Tum Sanctus Asclepas Gazzæ, Sanctus Leontius Cæsareæ, Sanctus Basilius Amaseæ, Sanctus Meletius Sebastopolis: quorum præ cæteris eò meminimus, quòd omnes in Sanctorum numerum sint

sint relati . Sanctus Silvester Summus
 Pontifex , senio viribusque confectus ,
 atque impar tanto itineri suscipiendo ,
 abfuit: Osio Episcopo Cordubensi , Vi-
 toni seu Victori , atque Vincentio , ab-
 sentis Pontificis datæ vices: Nam quòd
 Romanus Episcopus triplici dignitate
 polleret , atque Christi esset Vicarius ,
 simul Patriarcha Occidentis , tum Epi-
 scopus Romæ veteris , ob eam rem si-
 gnificandam, legati tres à Silvestro sunt
 constituti ; qui divisim vices gererent
 earum partium, quæ in unam Romanam
 Sedem simul coeunt:& Osius pro Chri-
 sti Vicario, Viton pro Patriarcha Occi-
 dentis, Vincentius pro Episcopo Romæ,
 Concilio adessent : quam etiam causam
 statuo cur Osius , simplex cæteroqui ab
 Occidēte ultimo Episcopus, posthabitis
 nihilominus Patriarchis , ductor fuerit
 Concilii, principesq; honores eo in am-
 plissimo senatu obtinuerit. Exinde mos
 valuit apud Romanos Episcopos, uti ad
 Concilia æcumenica, pro triplici eorum
 potestate, tres pariter Nuntios consti-
 tuerent; quod à Julio fuisse factum in
 Sardicensi Concilio; ab Leone in Chal-
 cedonensi, atque ab aliis sæpè per occa-
 siones

siones, memoriae proditum est. Ariana-
 rum item partium interfuerunt, Euse-
 bius ipse Nicomediae veterator infelix,
 & factionis antesignanus, Eusebius Ce-
 sareæ in Palestina, Theodoretus Laodi-
 cææ, Paulinus Tyri, Athanasius Anazar-
 bi, Gregorius Beryti, Aëtius Liddæ,
 Metrophanus Ephesi, Narcissus Nero-
 niadis in Cilicia, Patrophilus Scyto-
 polis, Theognis Niceæ, Theonas Mar-
 maricæ, Secundus Ptolemaidis: sunt qui
 addant Marin Chalcedoniæ. Arius item
 venit, credo vocatus, ut de illo præsen-
 te quæstio fieret. Nullum expensarum
 incommodum subiere ad Synodum pro-
 fecturi Patres: Constantinus enim re-
 gio animo, insitæque ingenio liberali-
 tate omnibus præsto fuit: Imperii mi-
 nistris ubique jussis, uti Episcopis Ni-
 cæam discedentibus, de pecunia, vecto-
 ribusque publicis, omnia suppeditarent
 quæ itineri usui forent. Tantumque
 operæ, auxiliique generosus Princeps
 ad eam cogendam Synodum contulit,
 ut illius author, apud vetera monumē-
 ta, non rarò nominetur. Ita Constanti-
 nus ab Oriente, Silvester ab Occidente,
 Christus de Cælo, Sanctorum illam
 mul-

turdis Nicomediensibus antea prænuntiaverat, causa fuit, quo minus ea in urbe, conciliabulum, quod Constantius paulò ante jusserat, iniretur. Eo etiam motu, novam Romam fluctuasse, & Apostolorum templum labefactatum fuisse memorant: unde propterea, curâ Macedonii τῆ κατασκόπῃ, Constantini Magni cineres, in Ecclesiam Sancti Acacii martyris deducti fuere.

Motus autem, atque tempestas, quæ septem post annos, cùm totum terrè conterruit Orbem Terrarum, tùm in Alexandriam violentius irruit, ab eodem Ammiano (1) coloribus hujusmodi depingitur: Ad diem duodecimum Kal. August. Consule (1) Valentiniano primùm cum fratre, horrendi tremores per omnem Orbis ambitum grassati sunt subito, quales nec fabulæ, nec veridicæ nobis antiquitates exponunt. Paulò enim post lucis exortum, densitate prævia fulgurum acrius vibratorum, tremefacta concutitur omnis terreni stabilitas ponderis: mareque dispulsum retrò, fluctibus evolutis abcessit; ut resecta voragine profundorum, species

(1) *Anno Christi 365. Liberiorii P. 14. Valentiniani ac Valentis Imperatorum.*

„ cies natantiū multiformes, limo cer-
 „ nerentur hærentes; valliumque va-
 „ stitates, & montium tunc, ut opinari
 „ dabatur, suspicerent radios Solis,
 „ quos primigenia rerum sub immen-
 „ fis gurgitibus amandavit. Multis
 „ etiam navibus velut arida humo
 „ connexis, & licenter per exiguas un-
 „ darum reliquias palantibus pluri-
 „ mis, ut pisces manibus colligerent
 „ & similia; marini fluctus, velut gra-
 „ vati repulsam, versa vice consurge-
 „ rent, perq; vada ferventia, insulis &
 „ continentis Terræ porrectis spatiis
 „ violenter illisi, innumera quædam in
 „ civitatibus, & ubi reperta sunt ædifi-
 „ cia complanarunt. Proinde ut ele-
 „ mentorum furente discordia, invo-
 „ luta facies Mundi miraculorum spe-
 „ cies ostendebat.

„ Relapsa enim æquorum magni-
 „ tudo, cum minimè speraretur, millia
 „ multa necavit hominum, & submer-
 „ sit: recurrentiumque æstuum incitata
 „ vertigine, quædam naves, postquam
 „ humentis substantiæ cōsenuit tumor,
 „ pessum datæ visæ sunt; exanimataque
 „ naufragiis corpora supina jacebant,

„ aut prona . Ingentes aliæ naves ex-
 „ trusæ rapidis flatibus, culminibus in-
 „ federe tectorum, ut Alexandria con-
 „ tigit ; & ad secundum lapidem ferè
 „ procul à littore contortæ sunt ali-
 „ quæ, ut Lanconicam, propè Metho-
 „ nem oppidum, nos transeundo con-
 „ speximus diuturna carie fatiscētem)
hactenus Ammianus . Cui non abs re

(1) *Sozomeno*
lib. 6. cap. 2.

puto, socium addere (1) Sozomenum de
 terræmotu eodem hæc ipsa perhiben-
 „ tem: eo die quo ista acciderūt (quem
 „ γενέσια, idest, natalitia terræmotus
 „ vocant) festum quotannis Alexan-
 „ drini etiamnum agunt, in quo, quam-
 „ plurimis per totam urbem lucernis
 „ accensis, & precibus ad Deo gratias
 „ agendas fufis, cum magno splendo-
 „ re hunc diem festum, & non minore
 „ cum reverentia, celebrant. (2) Anno

(2) *Anno 368*
Damasci. 2. Va-
lentiniani, ac
Valentis 5.

deinde à tempestate Alexandrina
 tertio, iterum oriens præsertim Asia
 tremuit, atque urbs Nicæa Magno
 Concilio nobilis penitus everfa est;
 ex cujus ruina ferè solus (3) evasit
 Cæsarius Theologi Nazianzeni fra-
 ter. Sancta etiam Hierosolymorum
 Civitas dies plures nutavit: sed An-

(3) *Gregor.*
Nazianz. orat.
in laud. Cæ-
sarii.

tio-

tiochia (si Socrati, (1) atque Sozome-
 no fides) annum integrum, sedente Ju-
 lio Pontifice , & Constantio cum fra-
 tribus imperante, contremuit: quo tem-
 pore Ephrēm (2) Syrus pulcherrima
 oratione , Orientales ad Pænitentiam
 est cohortatus , ex qua cohortatione
 hæc pauca dumtaxat memoro: *Terra*
tremiscens à facie Domini , sub pedibus
nostris commovetur , ut nobis metum in-
cutiat ; & nec sic ob nostram duritiem
formidamus . Urbes integræ absorptæ
sunt , & loca ab ira Domini desolata ,
& nec sic corde pavemus . Bella Persa-
rum , & diversarum gentium barbara-
rum commota sunt , & regiones nostras
desolaverunt , ut nos metuentes Deum
pænitentiam ageremus, cum indigeamus
utique pænientiâ, non dierum, aut men-
sium , sed temporum plurimarum , & nec
sic converti volumus . Ita concitatissi-
 mis illis temporibus, hæreticorum
 scelera; insectationes, æumnæque Ca-
 tholicorum; sacrarum rerum desolatio:
 Bella item , fames , Terræmotus , tem-
 pestates , urbium subversiones ; terro-
 resque de Cælo , & signa magna , adeò
 miseros Orientales contriverant; ut Ira
 Dei

(1) *Socrates*
lib. 2. cap. 7.
Sozomen. l.
3. c. 5.

(2) *Anno 340*

Dei, omnibus armata furoribus, in Orientem irruisse videretur. Verum de malis, quibus eo tempore Orientalis Ecclesia premebatur, ac de ejusdem facie lachrymabili dicta sufficiant. Ad le-
tiora properemus.





CAPUT QUARTUM.

De Concilio Nicæno Magno.

110.



NICÆA, olim Antigonía dicta, urbs fuit haud ignobilis in Bithynia provinciâ minoris Asiæ, quæ per illud tempus, sub exarcha Ephesino, & Antiocheno Patriarcha erat posita. Ea in urbe primum æcumenicum, omniumque præstantissimum Concilium est celebratum; quod à loco *Nicænum* majores nostri vocavere. Sanè Orientalis Ecclesia, ipsaque in primis Nicæa urbs multò clarior evasit, ejus Concilii majestate: nam augustiorem, sanctioremque conventum, nulla unquam vidit ætas. Sanctus Silvester Episcopus Romæ, cum
sui

fui Pontificatus annum ageret undecimum, id Concilium indixit; Constantinus Magnus omnibus favoribus juit; qui tunc, hostibus omnibus superatis, annum nonum supra decimum in pacifico Regno versabatur: Ille, ad Episcopos ex omni mundo cogendos, Pontificiam authoritatem, hic Imperialem operam contulere. Causa ineundæ Synodi, Ariana perfidia fuit. Tempus quo inita est, idem quod sæpe diximus: anno nimirum reparatæ salutis 325. Qui convenerunt Episcopi (ut vulgata magis fert opinio) numero fuisse 318: quot scilicet fuisse in scriptura perhibentur illi domestici, qui Abrahamo, de victoribus regibus, victoriam peperere. Hic verò numerus (quæ Mediolanensis Ambrosii animadversio est) si græcis characteribus exprimat, Crucem exhibet, atque initium nominis *Ιησοῦ*: hoc nimirum exemplo: *ΤΙΗ*. quæ notæ nostratibus his respondent 318.

III. Omnium Nicænorum Patrum nomina Epiphanius olim (uti ab Hieronymo accepimus) curiosè conquisita conscripserat; verùm postea, quod maxime dolemus, ita temporum injuriâ

pe-

periere, ut dispersa huc illuc pauca supersint. Ex Oriente prima Capita interfuerunt: Sanctus Alexander cognomento Magnus Alexandrinus Patriarcha, qui secum duxerat Athanasium, eo tempore Diaconum Alexandriæ; Sanctus Eusthatius item Magnus, Patriarcha Antiochenus; Tum Episcopus Æliæ Sanctus Macharius; deinde Sanctus Alexander Bizantii, de quo Alexandro duplex fama est: Alii pro Menophanto ejus urbis Episcopo adhuc superstite, alii contra, Menophanto pridem defuncto, Episcopum ipsum in Concilium venisse putant. Memorantur præterea inter Nicænos Patres, Sanctitate ac famâ incliti Episcopi, Sanctus Paphnuthius Thebaidis, Sanctus Potamon Heracleæ Niloticæ, Sanctus Jacobus Nisibis, Sanctus Amphion Epiphaniæ, Sanctus Hippatius Gangres, Sanctus Nicolaus Myræ, Sanctus Spiridion Trimituntis, Sanctus Alexander Thessalonicæ: Tum Sanctus Asclepas Gazzæ, Sanctus Leontius Cæsareæ, Sanctus Basilus Amaseæ, Sanctus Meletius Sebastopolis: quorum præ cæteris eò meminimus, quòd omnes in Sanctorum numerum sint

sint relati . Sanctus Silvester Summus
 Pontifex , senio viribusque confectus ,
 atque impar tanto itineri suscipiendo ,
 abfuit: Osio Episcopo Cordubensi , Vi-
 toni seu Victori , atque Vincentio , ab-
 sentis Pontificis datæ vices: Nam quòd
 Romanus Episcopus triplici dignitate
 polleret , atque Christi esset Vicarius ,
 simul Patriarcha Occidentis , tum Epi-
 scopus Romæ veteris , ob eam rem si-
 gnificandam , legati tres à Silvestro sunt
 constituti ; qui divisim vices gererent
 earum partium , quæ in unam Romanam
 Sedem simul coeunt: & Osius pro Chri-
 sti Vicario , Viton pro Patriarcha Occi-
 dentis , Vincentius pro Episcopo Romæ ,
 Concilio adessent : quam etiam causam
 statuo cur Osius , simplex cæteroqui ab
 Occidēte ultimo Episcopus , posthabitis
 nihilominus Patriarchis , ductor fuerit
 Concilii , principesq; honores eo in am-
 plissimo senatu obtinuerit . Exinde mos
 valuit apud Romanos Episcopos , uti ad
 Concilia æcumenica , pro triplici eorum
 potestate , tres pariter Nuntios consti-
 tuerent ; quod à Julio fuisse factum in
 Sardicensi Concilio ; ab Leone in Chal-
 cedonensi , atque ab aliis sæpè per occa-
 siones

fiones, memoriæ proditum est. Ariana-
rum item partium interfuerunt, Euse-
bius ipse Nicomedię veterator infelix,
& factionis antesignanus, Eusebius Ce-
sareæ in Palestina, Theodoretus Laodi-
cæ, Paulinus Tyri, Athanasius Anazar-
bi, Gregorius Beryti, Aëtius Liddæ,
Metrophantus Ephesi, Narcissus Nero-
niadis in Cilicia, Patrophilus Scyto-
polis, Theognis Niceæ, Theonas Mar-
maricæ, Secundus Ptolemaidis: sunt qui
addant Marin Chalcedonię. Arius item
venit, credo vocatus, ut de illo præsen-
te quæstio fieret. Nullum expensarum
incōmodum subiere ad Synodum pro-
fecturi Patres: Constantinus enim re-
gio animo, insitâque ingenio liberali-
tate omnibus præsto fuit: Imperii mi-
nistris ubique jussis, uti Episcopis Ni-
cæam discedentibus, de pecunia, vecto-
ribusque publicis, omnia suppeditarent
quæ itineri usui forent. Tantumque
operæ, auxiliique generosus Princeps
ad eam cogendam Synodum contulit,
ut illius author, apud vetera monumē-
ta, non rarò nominetur. Ita Constanti-
nus ab Oriente, Silvester ab Occidente,
Christus de Cælo, Sanctorum illam
mul-

multitudinem fortī, potentique manu Nicæam ducere visi sunt.

112. Commemorare hic possem, quæ Patrum inter se fuerit gratulatio, cum in eam urbem cōvenissent omnes; quæ voluptas usurpare oculis tot senes obfirmatæ virtutis, & ingenti famâ celebratissimos: quale spectaculum adversa vulnera Confessorum; quale fortissimi Christi milites exhibuerint; pars effossis oculis; plures succisis poplitibus; alii aliis pro fide acceptis stigmatibus insignes, ac decora deformitate spectabiles: verum ea res propositæ brevitatis fines longiùs excederet. Episcopi Nicææ templum simul omnes adire, quò totius Ecclesiæ nomine, Deo maximo de recepta pace, de fidei successibus, de tantâ Crucis parta gloria, solemni ritu gratias agerent. Constantinus, ubi de ipsorum adventu audivit, Nicomediâ (quæ tunc, non dum nova Roma dedicata, sedes erat Orientalis Imperii) maturè se Nicæam contulit; tum ut amplissimam illam Sanctorum Societatem invideret: tum etiam ut Cōcilium præsentia sua cohonestaret, ac motus hæreticorum, si qui fortè subori-

ren-

rentur, autoritate componeret. Incredibile memoratu est, quot religionis suæ documenta, per illam occasionem piissimus Augustus ediderit; & quot exempla Christiano Principe digna posteritati reliquerit: quanta reverentia Episcopos habuerit: qua liberalitate, quove sumptu, toto Concilii tempore, aluerit Patres omnes, eorumque comitatum immensum; quo pietatis ardore in Confessorum amplexum rueret, vulnerumque cicatrices deosculari visus sit.

113. Post hæc, Aulam Imperialium ædium, locum statuit ineundi Concilii, *bono quidem affectu* (ut Sulpitius ait) sed *malo exemplo*; namque postea Constantius, Deinde Valens, simili honoris prætextu abusi, libertatem Conciliorum inviolabilem oppressere. In eam Aulam convenere Patres, uti ferunt 12. Kaléd. Jul. Sedendi rationem non satis habeo exploratam: alii aliam edunt: quæ à scriptoribus plurimis, magisque probatis traditur, est hujusmodi. Osius præerat Romani Pontificis cum Vitone, atq; Vincentio Legatus; qui sublimi, editiorique loco sedisse feruntur. Primi

M

post

post Legatos locum obtinebant Alexā-
 der Alexandrinus, Eustathius Antio-
 chenus, tūm Macharius Hierosolymita-
 nus; Aliorum verò Patrum quis fuerit
 sedendi ordo, incertum omninò est. Au-
 la in media excelsum, splendidumque
 surgebat solium: ibi, veluti Christi vicē
 gerēs, Evangeliorum liber est colloca-
 tus: quo significatum est, Christum *in*
medio eorum adesse; ac veritatem in Ec-
 clesiae utero inveniri. Postquam Episco-
 porum quisque suum occupaverat lo-
 cum, Imperator pietatem simul, ac ma-
 jestatem spirans, auro gemmisque, ma-
 gis verò pudore atque modestia spe-
 ctabilis; sine armatis, sine excubiis, sine
 prætorianis, aulam ingressus est: cui Pa-
 tres assurrexere omnes: sed Princeps in-
 duci minimè potuit, ut prior ipse sede-
 ret; imò nec antea sedere voluit, quàm
 ipsi Patres, signo aliquo, sedēdi veniam
 darent. Tum demum sedit, aureā, sed
 humili, demissāque admodum sella.
 Post hæc magnus Eustathius Antioche-
 nus, apposita oratione initium Concilio
 fecit. Sunt qui curiosè causam quærant,
 cur initiandi Concilii partes, Antio-
 cheno Eusthatio sint potius datæ: sed
 ejus

eius rei, prompta mihi ratio videtur: quòd nimirum Nicæa sub Antiocheni ditione posita esset: æquum enim fuit, ut is Patriarcha ejusmodi partes susci- peret, in cujus diæcesi synodus celebra- retur. Constantinus Eusthatium excepit alia tanto Principe digna oratione. Exinde consultationes inite.

114. Ariana hæresis, quæ prima Pa- trum cura & cogitatio erat, primùm in quæstionem deducta. Eusebiani con- scientiâ scelerum trepidi, moras nece- re; crimina Patribus appingere; libel- los dolis falsisque criminibus plenos Imperatori offerre; omnia tentare; quò impendens fulmen averterent. Verùm impios conatus Constantini religio, ac sapientia irritos fecit: Judicium om- ne Sacerdotibus integrum inviolatum- que reliquit; veteratorios Eusebiano- rum libellos palam cremari jussit. Arius appellatus, ut de præsentì, & auditò quæstio fieret, audacia incredibili erro- res suos propugnavit. Sed Athanasius in primis contra stetit, sapientia huma- na majore: ex quo tempore, odio, atque formidini Eusebianis cæpit esse Atha- nasius. Marcellus quoque Ancyranus

adversus Arium cum disputasset, famā laudemque obtinuit; quam postea laudem, diversarum hæresum suspicione obscuravit. Eusebianos fidei quandam formulam instruxisse invenio, eamque obrulisse Nicænis Patribus: de hac fidei formula varia mentio est: Eusebius probatam fuisse Concilio; Theodoretus laceratam, atque anathemate percussam memorant: sed Eusebii, qui ex illis erat, hac in re suspecta fides esse debet. Post hæc Sancta Synodus, divino imbuta spiritu, adversus Arium gravi sententia tonuit, ac majori anathemate fulminavit: contrita hæresis est; percussa Thalia; rebelles notati atque proscripti. Ad hæc Concilii præses, atq; Pater Osius, celebratam fidei regulam composuit, qua Filius Patri Ομοούσιος, idest, consubstantialis statuitur, quam deinde summa religione tota posteritas coluit. Huic Patres subscripsere omnes, sed Eusebiani num. 17. magna contentione Homousio repugnare ceperunt; novitatis quidem prætextu, quasi vocabulum insolens in Ecclesia esset, ac peregrinum, re autem, quòd ea vox una Arianismum à fundamentis labefaceret

ret: paulò tamen post, pænarum metu
 subscripserunt: pauci, qui à perfidia di-
 moveri non potuerunt, pænis affecti sũt.
 Pistus, & Euzojus percussi anathemate;
 Theonas Marmaricæ, atque secundus
 Ptolemaidis exules cum Ario acti.
 Quod verò ad novitatem attinet, in
 hoc etiam Eusebiani fallebantur; ete-
 nim Athanasius, (1) & Eusebius ipse
 Cæsareæ sunt authores, ante Nicænam
 Synodum, geminum Dionysium Roma-
 num, & Alexandrinum Sanctos, atque
 synchronos, ea voce consubstantialis
 fuisse usos. Ita negotium Arianismi ma-
 gno in Concilio expeditum est.

*Euseb. apud
 Theodoret. l.
 1. cap. 11.*


115. Tùm de aliis rebus deliberare
 cæperunt. Reliquiæ quartadecimanorũ
 extinctæ: fixa omnibus dies Paschatis
 celebrandi, juxta decretum Victoris
 Papæ: Meletii schysma compositum:
 Ecclesię regimen firmatum: Primatus
 Romani Episcopi promptior, & clarior
 factus: Patriarcharum dignitas, atque
 potestas ad veterem normam definita:
 Aliarum Ecclesiarum statuta jura. Tùm
 Ecclesię disciplina omnis restituta: Re-
 ligio tota composita, & reddita decori
 suo. Denique omnibus ritè sanctissime-

que peractis, Sancta Nicæna Synodus perfecta, atque soluta est. Tum Nuntii volavere: sparsæ per omnes Mundi plagas literæ: vulgata ubique fama. Scripserunt Patres ad Ecclesias Synodicè; legati scripserunt; scripsit etiam Constantinus; ut de omnibus, quæ in Concilio acta essent, Orbis terræ universus, in tanta rerum expectatione cupidissimus, edoceretur. Sed indiscreta sæculorum ædacitas, & sacrilegæ Arianorū manus, ita deinde in ejus Concilii monumenta irruerunt, ut de tot literis, deque tot Sanctionibus, vix lacera quædā vestigia posteritati reliqua fecerint. Ex litteris.

116. Tres tantum superesse videntur: duæ Constantini; una totius Concilii. Prima Constantini (quæ omnis ferè in ratione Paschatis celebrandi versatur) ad Ecclesias universim, altera, (quæ tota de Arianismo est) ad Alexandrinam Ecclesiā speciatim inscribitur. Tertia verò ad eosdem Alexandrinos ab ipsa est Nicæna Synodo data. Alia quædam, quæ circumfertur Epistola ad Silvestrum, ab Osio aliisque legatis, Patribusque Nicænis data, certiores fidē des-

desiderat. Decreta plurima, sanctiones, Canones, aliaq; Nicæna instituta innumera, ferè omnia interiere. Viginti Canones græcè editi, quos præ manibus habemus, nec ipsi inviolati superfunt. Sextus eorum Canon truncus est, atque mutilus: geminus alius, de appellatione ad Romanam Sedem, cujus apud Zozinum Papam aperta mentio est, abrasus penitus. Sed ex Concilii Nicæni constitutionibus, velut ex promptuario, plures Ecclesiæ collectiones quasdam canonum sibi sumpserant, ad quorum normam Ecclesiasticam disciplinam componerent; & quos Nicænos jure vocabant; nam vel Nicæni ipsi erant vel ex Nicænis profecti: Itaq; suam Arabes, suam quoque Græci habuere: sed præter græcam, quam diximus, Arabicam etiam collectionem divina quidem Providentia servavit; industria verò Patris Turriani latinitati restituit: quam Arabicam Nicænorum canonum collectionem nemo prudens rerum æstimator parvi fecerit. Sunt qui versiculum *Gloria Patri*, ejusque versiculi postremam partem: *Sicut erat in principio*; usū quoque Epistolarum, quas olim forma-

tas vocabant, earumque curiosam, enigmaticamque constructionem, ab ea Sancta Synodo manasse putent; sunt ite, qui tradant, disputationes de Christianorum Religione à Nicænis Patribus cum Idolorum cultoribus fuisse initas, ac ethnici cujusdam Philosophi arrogantiam ab uno Christiano solitario, nudâ simplici que fidei expositione, fractam fuisse, atque contritam; sed earum rerum fides sit apud Authores. Hæc autem innuisse, sit satis de Nicæno Concilio Magno: ad alia minora, illorum temporum Concilia, atque Conciliabula descendamus.





CAPUT QUINTUM.

*De aliis ejusdem temporis Conci-
liis, atque Conciliabulis in
oriente celebratis.*

117.



O quinquaginta
& sex annorum
spatio, quod in-
ter Nicænum
Concilium, &
Constantinopo-
litanum genera-

le secundum interfuit, præter Nicænum
ipsum, alia multa Catholicorum conci-
lia; Hæreticorum verò plura concilia-
bula in Oriente celebrata fuere. Ex his
concilia primùm quædam mox conci-
liabula eodem, quo acta sunt ordine,
paucissimis indicabo.

Con-

Concilia ritè congregata.

118. **U**Ndecim Conciliorum mentionem quam brevissimè faciendam suscipio, quæ sunt ejusmodi. Antiochenum, Alexandrinum, Sardicense, Hierosolymitanum, Alexandrinū aliud, Alexandrinum tertiū, Tyanen- se Antiochenum aliud, Alexandrinum item quartum, Antiochenum tertium, ac demum quartum.

119. ANTIOCHENUM primū à Concilio Nicæno magno, celebratum est *Anno 329.* Antiochiæ * anno 329. sub Sancto Silvestro Papa, & Constantino Imperatore: fuit provinciale, convenientibus Episcopis Antiocheni Patriarchatus, quos magnus Eustathius Patriarcha, ea causa convocavit, ut occurreret novis machinatiōibus, quas moliebatur Eusebius Nicomediæ, post quam exilio solutus fuerat. Eo in Concilio firmata est Nicæna fides, instructique fideles, ut Eusebianos angue pejus caverent: aliud præterea nihil, eo in Concilio actum invenio. Hoc omne conjicitur ex (1) Theodoretō, (2) Athanasio, (3) atque Chrysostomo.

(1) Theodoret. lib. 1. c. 7.

(2) Athanas. ad Solitar.

(3) Chrysost. hom. 52. in Eustha. 10. 1.

ALE-

120. ALEXANDRINUM (1) item à Nicæno primum, celebratum est Alexandria* anno 339. sub S. Julio Papa, Constantio Imperatore, & Sancto Athanasio ejus urbis Patriarcha; Episcopi ex Lybia, Pentapoli, & Ægypto (quæ Provinciæ sub Alexandrino Patriarchatu erant omnes) centum ferè numero convenere; quamvis Sardicense Concilium, cum hujus Alexandrinæ Synodi per occasionem meminisset, octoginta dumtaxat memoret. Causa quamobrem convenerunt, fuit ejusmodi. (3) Per illud tempus, Romæ in supremo Ecclesiæ Tribunali apud Juliû Põtificem, de Sancto Athanasio Patriarcha Alexandrino, deque Eusebianis quæstio pendeat. Eusebius Nicomediensis, Maris, Theognis, Ursacius, Valens, aliaque prima capita Arianorum ad eundem Papam Julium ob eam causam legaverant Macarium quemdam Presbyterum, Martyrium, & Hesichium Diaconos, omnibus machinis instructos adversus Athanasium; Athanasius contra, Presbyteros aliquot pro se quoque illic miserat. Hoc ubi rescivere, quos diximus, Episcopi Libyæ, Pentapolis, & Ægypti, Pa-

(1) *Athanas.*
Apol. 2.

(2) *Athanas.*
ad Afric.

Anno 339

(6) *Athanas.*
Apol. 2.

Patriarchæ sui partes suscipiendas sibi putarunt; ejusdemque defensionem minimè negligendam. Quare innocentiam Athanasii Julio testatam facere, & Romanam documenta mittere statuerunt, quibus ostenderent Eusebianorum sicophantiam, execrandasque calumnias: ob eam rē Synodicè convenere, rati majus pondus futurum testimonio, quod à Synodo proficisceretur. Hæc causa illius Provincialis Concilii. Propterea nil in eo factum invenio; nisi scriptam synodicè Epistolam apologeticam pro Athanasio, contra Eusebianos. Quam Epistolam Patres illi cū in primis ad

(1) Julium Papam, tum ad alias miserunt Ecclesias, præsertim Occidentales, quarum Episcopos, ab eodem Julio, Romanam ea causa convocandos fore intellexerant. Epistola integra recitatur ab Athanasio. Hic obiter notet lector Orientalis, ut ea Synodus, & Patriarchatus omnis Alexandrinus, & ipse in primis Patriarcha Athanasius, simul Eusebiani, aliique Orientales, Romanum Episcopum, ut supremum ipsorum Judicem appellaverint.

(1) Athanas. Apolog. 2. statim post eam epistolam recitatur.

121. SARDICENSE Concilium œcumenicum

nicum celebratum est (*) non sardis in *Anno 347.*
 Asia, ut nonnulli falsò putarunt, sed
 Sardicæ quæ civitas est in Illyria, inter
 confinia Occidentalis, & Orientalis Im-
 perii; Id Concilium Constans promo-
 vit; Constantius, Fratris causâ, procu-
 ravit; sed Julius Papa indixit, conve-
 niendi die vocatis Episcopis constituta.
 De numero Episcoporum Sardicensium
 satis incerta sententia est: alii tercentos;
 alii nonaginta memorant; sed neutra
 opinio vero similis mihi videtur esse;
 medius aliquis numerus esset statuen-
 dus; quem tamen, inter antiquitatis ru-
 dera, invenire minimè potui. Quinque
 supra triginta numerantur Provinciæ,
 unde ea multitudo profecta est, partim
 ex oriente, partim ex occidente. Con-
 venere Patres anno Reparatoris 347.
 sub Julio Papa, Constante, atque Con-
 stantio Imperatore. Concilii causa om-
 nis revolvitur ad quæstionem de Atha-
 nasio, Marcello Ancyrano, & Asclepa
 Gazensi, quos Eusebiani contra jus fas-
 que omne exturbaverant, Julius Papa
 restituerat: Eâ causâ mota est Synodus;
 eâ causâ inita, atq; in eadem causa tota
 ferè consumpta. Eusebiani numero 75.

Sar-

Sardicam egrè venerunt; sed ibi ab aliis Patribus divisim habitarunt; nec unquā induci potuerunt, ut in Concilii societatem venirent; inanes prætextus ob-
tendentes, re vera, quòd sibi timerent, ac suæ causæ diffiderent. Tum desperata Eusebianorum præsentia, Patres sine illis Concilium ritè, & ex Canone celebrarunt. Athanasii, Marcelli, & Asclepæ restitutionem à Julio factam confirmarunt. Arianos Episcopos adulterinos deposuerunt. Fidei formulam edidere nullam; ratam, integram, inviolatamq; Nicænam habentes, atque habendam ab omnibus statuentes. Ad extirpandos malos, & insolentes mores ab Arianis in Ecclesiam inductos, canones quosdā instruxere; ex quibus apud Latinos 21. apud Græcos viginti supersunt. Sed tres præsertim canones ediderunt, ut Romanæ sedi ea jura firmarent, quæ labefactare tentaverat Eusebianorum insolentia; nam quòd hi ausi fuerint carpere Athanasii, Marcelli, aliorumq; appellationē ad Julium Papam; eā causā Concilium tertio Canone declaravit, Episcopis ex omni Mundo Romanam Sedem appellare licere: Item quod non
du-

dubitaverint, inconsulto Romano Episcopo, in Sedem Athanasii Gregorium intrudere; Concilium pariter quarto expressit Canone, nefas esse, delato Episcopo alium subrogare, ante latam de illa re à Romano Pontifice sententiam. Quinto etiam Canone, Autoritas supremi Judicis Romano Episcopo asseritur. Hinc etiam incipiat orientalis lector animadvertere, Orientæ Ecclesiæ qualis fuerit opinio de potestate Romanæ Sedis. Sardicensi Concilio præfuit Osius, geminique alii Julii Legati Archidamus, & Philoxenes. Ipsi etiam Athanasius, Marcellus, & Asclepas interfuerunt, omnibus honoris significationibus à Patribus excepti, cujus rei causâ maximè urebantur Eusebiani. Omnes, quos diximus Sardicenses Canones, ubique recepti sunt. Græci præsertim illos receperunt in Trullana Synodo, Constantinopoli habitâ sub Justiniano juniore Pogonati Constantini filio. Extant etiam Sardicenses Canones eo in Codice, quo vulgò Orientales utuntur: tum apud quandam Græcorum Canonum collectionem in 50. titulos distinctam, quæ Theodoro

tri-

tribui solet. Tum quoque in collectionibus Arsenii monachi, Alexii Aristini ac Simeonis Logotetæ. Eorundem demum Sardicensium Canonum Photius ipse meminit, in suo nomocanone; quavis deinde, immemor sui, alibi neget eosdem Constantinopoli unquam vidisse. Concilium Sardicense æcumenicum certè fuit; sed æcumenicorum Conciliorum non auget numerum, eam ob rem, quod vix aliud à Nicæno magno existimetur; nam hujus veluti appendix fuisse creditur, atque ad ejusdem confirmationem omnia illius acta revolvebantur; nec alia, in eo, fidei formula est constituta; unaque fuit Nicænorum, ac Sardicensium Patrum mens, cura, atque voluntas. Verum satis de Sardicensi Concilio.

122. Ariani, qui concilio adesse repugnarunt, Philippolim secessere, numero 70. (nam alii quinque execrantes reliquorum perfidiam Concilio se adjungere) ibique Conciliabulum instituerunt, in quo hæresim cōfirmarunt, renovarūt maledicta in Julium Papam, Athanasii restitutorem; priora scelera omnia deterius cumularunt. Quæ deinde

CAP. V. DE ALIIS CONC. ET CONCILIIS. 193

de acta nefaria, sub arrogato nomine Sardicensis Concilii, sparserunt in vulgus, ac præsertim in Africam miserunt ubi Augustinus ea vidit, & vehementer est execratus.

123. HIEROSOLYMITANUM (1) Concilium provinciale, sexdecim dumtaxat Episcoporum, ex Palestina Provincia, quos S. Maximus tunc Hierosolymorum Antistes convocavit, celebratum est Hierosolymis (*) anno 349. sub Julio Papa, & Constantio Imperatore: causa illius incundi unica fuit Patribus, ut Athanasium in sedem suam octo post annos reducem, & illac transeuntem, gratulatione simul, & fidei societate complecterentur: neque aliud quidquam eo in Concilio actum fuisse memoriæ proditur. Ea Synodus de Athanasii reditu gratulata est Alexandrinæ diæcesi per Epistolam, quam dedit ad Ecclesiam Alexandrinam, simul ad Episcopos omnes Ægypti, atque utriusque Libyæ.

(1) *Athanas. Apol. 2. & ad Solit. Socrat. lib. 2. c. 19.*

Anno 349.

124. ALEXANDRINUM (à tempore Nicæni) secundum, celebratum est (*) anno 362. sub Liberio P. & Juliano Apostata Imperatore; hujus Concilii author
N fuit

Anno 362.

fuit Athanasius Magnus ; qui Constantio è vivis sublato, occisoque ab Idolorum cultoribus Georgio Alexandrinæ Sedis invasore, tertio redux, subjectos sibi Episcopos convocavit : eâ scilicet gratiâ, ut Religionem sus deque per Arianos turbatam, integritati suæ restitueret: qua in re hortatorem etiam habuit Sanctum Eusebium Vercellensem, qui per illud tempus, Ægyptiaco exilio una cum Lucifero Calaritano solutus, in Oriente versabatur. Pauci quidem Episcopi in eam Synodum cojere; nec viginti numerum excesserunt; sed sanctitate, ac sapientia præcellebât. De lapsis in hæresim Arianam, & pœnitentibus recipiendis mitissimè, ac sapientissimè decreverunt. Divinitatem, & consubstantialitatem Sancti Spiritus statuerunt. Sabellium, Basilidem, Valentinum, Manichæos, præter Arianos, & Semiarianos gravi certoque ictu percusserunt: turbas etiam Ecclesiæ Antiochenæ composuerunt. Motam multò antè quæstionem de voce *hypsistis* extinguere studuerunt: notarunt etiam Apollinaris hâscentem pestem, & furtim jam inde, dolofo quodam contagii gene-

genere serpentem: aliaque adeò præclara consulta edidit ea Synodus, ut inter celeberrima Ecclesiæ Concilia, jure meritoq; censeatur. Adfuere inter ejus Concilii Patres, idem, quæ nuper dixi S. Eusebius Vercellensis, S. Asterius, & pro Lucifero Calaritano gemini Diaconi Herennius, & Agapetus; duo item à Paulino missi Maximus, & Calimeres. Ex Athanasii Epistola ad Ruffinianum, quæ extat in actis Nicæni Concilii secundi docemur, ejus Alexandrinæ Synodi decreta, Romam à Patribus fuisse transmissa, quò Romanæ Sedis auctoritate firmarentur: Adeò de Romani Episcopi potestate apud Orientalium præstantissimos sententia constans, perpetuaque fuit.

125. ALEXANDRINUM (à tempore item Nicænæ Synodi) tertium Concilium celebratum est (*) anno 363. sub Libe- Anna 363.
rio Pontifice, & Joviano Imperatore in Alexandrina urbe, ab (1) Athanasio Magno; cui duplex ejus incundæ Synodi causa extitit; ut Joviano piissimo Imperatori, ob pacem Ecclesiæ restitutam, gratiæ Synodicè agerentur: utq; de Concilii sententiâ, sincerissima fidei regula

scriberetur, quam eidem Augusto petenti, ejus Concilii nomine mitteret: Epistola Synodica Athanasii ad Jovianum extat apud Theodor.

126. Eodem anno, atque ob eandem causam, aliud Antiochiæ celebratum Concilium fuisse proditur; cui præfuit S. Meletius: interfuere 27. Episcopi, inter quos SS. Eusebius Samosatenus, Pelagius Laodicænus, Irenion Gazensis. Hæc etiam Synodus misit ad Jovianum expositionem Nicænæ fidei; quæ aliquibus suspecta fuit, quòd in ea *consubstantialis* vox desideraretur: ob quã etiã causam, S. Meletii fides ancipiti fama in Oriente simul, & Occidente tunc apud nonnullos laboravit.

Anno 365.

Saxxon. lib.
6. cap. 12.

127. TYANENSE haud obscuræ famæ, Concilium, celebratum est Tyanæ, (*) quæ Civitas est Cappadociæ in radice posita Tauri Montis, (1) anno 365. sub Liberio Papa, & Valente Imperatore: huic Concilio jidem ferè Patres interfuere, qui nuper memoratam Synodum Antiochenam, sub Joviano celebraverant, causæ illos ejusmodi ad id Concilium compulerunt: ut ab Ariminensis pernicie Orientalium animos prohiberent,

rent, simul ut fidei regulam ab Liberio Papa, & Occidentalibus uulgatam, eorundem Orientalium animis infererent. Hoc idem Concilium, jubente Liberio (1) Papa, in communionem recepit, atque sedi suæ restituit Eusthatium Sebastenum, cujus inferius frequens occurreret mentio. Extat Epistola (2) Basilii Magni ad hanc Tyanensem Synodum data, qua pacem cum Eusebio Episcopo Cæsareæ, sanctissimè videtur exposcere. De Tyanensi Synodo vide Baronium tom. 4. Annal. ad annū 365.

(1) *Basil. Ep.*
74.

(2) *Basil. Ep.*
79.

128. ALEXANDRINUM Concilium, ab eo tempore quartum, initum memorant (*) anno 368 sub Damaso Papa, & Valente Imperatore. Causa hæc fuit. Sanctus (3) Damasus Papa per idem tempus, Synodo Romam convocata, Ursacium, atque Valentem (4) damnaverat; eaque de re ad Alexandrinam Ecclesiam conscripserat. Acceptis à Romano Episcopo literis, Athanasius ditionis suæ Episcopos convocandos sibi duxit, quibus cum easdem supremi capitis literas communicaret, simulque deliberarent de his, quæ rescribere oporteret:

Anno 368.

(3) *Athanas.*
ad Afros. pag.
931.

(4) *Id. ibid.*
pag. 941.

eâ tantum causâ hæc adornata, initaque est Synodus. De numero Episcoporum satis mihi non constat. In eâ, quam dixi deliberatione tota consumpta est.

(1) *Id. ibid.*
Theodore. l. 2.
cap. 17.

(1) Rescripsit Damaso in hanc sententiam: Gratias egit, quod Ursacium, & Valentem percusserit: simul rogavit, ut Auxentium quoq; Mediolanensis Episcopatus usurpatorem, perfidiæ, aliorumque criminum reum notaret, usurpatâque sede moveret; per aliam item Epistolam, (2) Africanos hæc Synodus hortata est Episcopos, ut arctissima sententiarum, animorumque conjunctione, communique Religionis studio obviam irent sceleratis eorum inceptis, qui Ariminensis conciliabuli perfidiam in Africanam Ecclesiam infundere moliebantur.

(2) *Godefroy*
Herm. V. A-
than. t. 2. l.
11. cap. 12.

Anno 372.

129. NICOPOLITANUM in Armenia Concilium, initum invenio (*) anno 372. sub jisdem Damaso Papa, ac Valente Imperatore: de quo illud affirmare dumtaxat mihi licet, quòd ibi S. Basilus Magnus interfuerit: de numero Patrum; de causa, de rebus in eo gestis nihil certi asum statuere.

130. ANTIOCHENUM, aliud præter memorata

inorata , proditur Antiochiæ habitum (*) anno 377 Damaso pariter *Anno 377.* Ecclesiam, & Valente Imperium administrantibus ; cujus causa extitit, triplex illius miseræ urbis divortium , tribus eodem tempore ibidem existentibus Episcopis, Meletio, Paulino, atque Vitali Apollinarista .

131. ANTIOCHENUM ejus temporis Concilium ultimum , celebratum est Antiochiæ anno 379. nono mense ab obitu S. Basilii Magni, sub Damaso Papa, & Gratiano Occidentis Imperatore, (qui, non dum Theodosio renuntiato, Orientis quoque Imperium, interim administrabat.) Celeberrimum sane id Concilium habetur ; ad quod ex omni Oriente Episcopos confluisse memorât: idemque terminus veluti statuitur, ubi tumentes fluctus suos confregerit ariana tempestas. Causa cur in eam Synodum Orientales cojuerint , ejusmodi fuisse videtur : Sublato Valente Imperatore Ariano , restituta pax fuit Ecclesiis, per Gratianum optimum Principem : ea pace usus S. Damasus Papa Concilium Romæ instituit, quo in Concilio, contra infinitam hæresum collu-

vionem fidei regulam, aptam temporibus edidit, in quam unam Ecclesiæ toto Orbe diffusæ respicientes *idipsum* *saperent, atque dicerent*: tum eam regulam (1) misit in Orientem, jubens, ut Orientales Antistites in Synodum aliquam conveniētes, eandem omnes subscriberent, & amplectarentur; simul darent operam, ut Orientis ambitus omnis, in illam sincera animorum conspiratione coiret, adornatis ad eam rem legationibus prout loca, & tempora postularent. Ob hanc causam Antiochiam convenientes, Episcopi ex Oriente universo, regulam fidei à Damaso missam subscribere omnes: ita subscriptam iterum ad Damasum reddiderunt, ejusque autographum exemplar in Archivio Romano servatur. (2) Legationes adornarunt quatuor; quæ totum sibi diviserunt Orientem, quem ad normam Romanæ regulæ temperarent, atq; componerent. S. Eusebio Samosateno legatio demandata in Syriam, & Mesopotamiam: S. Gregorio Nazianzeno Constantinopolis obuenit: S. Meletius Patriarcha Antiochenus Apapæam, Ciliciam, & Monachorum solitudines suscepit

(1) *In Colle-*
Conc. p. 1. in
Conc. Romano
sub Damasa
frag. Epistola
ejusdem Dam.
ad Orient. pag
176 177.

(2) *Theodore.*
lib. 5. c. 4.

cepit: Sanctus Gregorius Nissenus Hierosolymam ac Palestinam. Inter Episcopos 146. qui ei Concilio adfuerunt Sancti Viri memorantur hujusmodi: Sanctus Gregorius Nazianzenus, Sanctus Gregorius Nyssenus, Sanctus Eusebius Samosatenus, Sanctus Meletius Antiochenus, Sanctus Pelagius Laodicens, Sanctus Eulogius Edeffenus, atque alii plurimi sanctitate insignes Episcopi. Multa præterea, ab illa Synodo, præclara statuta manasse ferunt: verum, quod mirum est, illorum ne vestigium quidē videtur superesse.

Constantinopolitanum Generale, secundum celebratum est anno 381. sub Damaso Papa, & Magno Theodosio Imperatore: sed id Concilium meta est præsentis laboris nostri; & extra veluti positum. Ejusmodi autem fuere Catholicorum Concilia eo tempore in Oriente celebrata; quæ cursim tetigisse non abs re fuisse arbitror; mox Hereticorū Conciliabula velociori calamo perstriturus.



Conciliabula .

132. **C**onciliabula longè plura fuerunt, in quæ identidem Hæretici, Aarii præsertim de grege, per illud tempus in Oriente coibant . Memorantur magis tredecim . Horum duo Antiochiæ fuere inita : tria Constantino-
poli : unum Tyri : unum Hierosolymis : unum Philippopoli : Ancyra duo : unum Seleuciæ . Lampfaci aliud : cœtera conventicula non pauca præstat suis tenebris obvoluta relinquere .

Anno 330.

133. ANTIOCHENUM conciliabulum ex duobus primum, dolo malo convocavit Eusebius Nicomediæ (*) anno 330. Sedente Silvestro Papa, Constantino Imperante: pauci admodum Ariarum convenerunt; qui Eusebio ductore, sanctissimum Patriarcham Antiochenum Eusthatium, Sabellianismi, atque adulterii per nefariam calumniam insimulatum, Antiochena sede indignum in modum exturbarunt. Hoc uno in scelere conciliabulum hoc Antiochenum est revolutum .

134. TYRIUM Conciliabulum famosissimum

fiffimum celebratum est (*) anno 335. *Anno 335.*
 sub jisdem Silvestro Papa, & Con-
 stantino Imperatore. Ad id conventi-
 culum immensus Episcoporum nume-
 rus confluit. Ejus convocandi, peten-
 tibus Eusebianis copiam fecit dece-
 ptus Constantinus. Causa Eusebia-
 nis extitit unica, Athanasium ut perde-
 rent. Ecclesiæ regula nulla ibi valuit.
 Dionysius comes cum armatis aderat,
 vi, & metu omnia miscens: Arianorum
 arbitrio agitata omnia. Athanasius eo
 in malignantium conventu falsis crimi-
 nibus circumventus, ab jis omnibus
 divina quadam sapientia se expedivit.
 Nihilominus lata in illum sententia
 fuit; ipse paulò post in Galliam exul
 actus. Indigna memoratu, atque iniqua
 omnia eo in conventiculo acta sunt.
 Quod tamen Tyrium conciliabulum
 Hæretici cum Nicæno Magno Concilio
 conferre, eiq; opponere ausi sunt.

135. HIEROSOLYMITANUM conventi-
 culum Arianorum, eodem anno initum *Anno 335.*
 fuit, Constantini jussu, per occasionem
 ænceniorum; ab jisdem Eusebianis Tyrii
 Conciliabuli: receptus ibi in Ecclesiæ
 societatem Arius, Eusebianorum suffra-
 gio,

gio, reclamantibus Catholicis, invito Deo.

Anno 336.

136. CONSTANTINOPOLITANUM Conciliabulum, primum ex tribus, habitum edunt (*) anno 336. Marco Papa, & Constantino Imperatore, in causa Athanisi atq: Marcelli Episcopi Ancyrani, quæ rectè, tempore illo, sentientè de rebus fidei, Eusebiani eo in Conciliabulo damnarunt, ac Episcopatu moverunt. Repetat lector, quæ de Conciliabulis Tyrio, Hierosolymitano, & Constantinopolitano capite primo retulimus numero 7. 8. 9.

Anno 339.

137. CONSTANTINOPOLITANUM ex tribus alterum, jussu Constantii celebratum est novæ Romæ anno 339, sedente Julio Papa, ab Episcopis plurimis Orientalibus Ariana peste aut imbutis, aut tinctis. Totum ejus Conciliabuli negotium fuit, depositio Sancti Pauli ejus urbis Episcopi, & subrogatio Eusebii Nicomediensis.

Anno 341.

138. ANTIOCHENUM Conciliabulum ex duobus alterum, initum est ab Eusebianis (*) anno 341. sub Julio Papa, & Constantio Imperatore. Episcopi triginta numero convenerunt, Ariani ferè omnes

omnes: causa conveniendi fuit dedicatio Templi celeberrimi, quod ab auro multo Dominicum aureum vocabatur. Cui Templo, Antiochiæ Constantini jussu ac liberalitate fundato, Constantius per illud tempus supremam manū imposuerat. Id Conciliabulum, ob admissa ibi scelera inter famosissima haberi solet. Eorum quæ ibi Eusebiani miscuerunt hæc est summa. Quatuor fidei formulas fabricarunt, veteratorias, subdolas, ad consubstantialitatem tollendam spectantes de quibus fidei formulis diximus cap. i. n. quadragesimo septimo. Athanasium, cujus sub Romano Episcopo supremo Judice causa erat, per inauditam insolentiam deposuerunt. In ejus locum Gregorium, quem sæpe memoravimus, mortalium scelestissimum ordinarunt. Julio Papæ, illos Romanam vocanti, primùm dolosè, mox superbè, demùm impiè repugnarunt. Hoc Conciliabulum cavea veluti fuit, unde primum ea pestis erupit, quæ contra Primatum Romani Episcopi, tanto nunc strepitu, tantaque ruina grassatur. Canones, qui hujus Concilii nomine in collectionibus inveniuntur; nomen quidem

dem ab illo; authoritatem verò aliunde deducunt. Vide hac de re Baron. Repetenda hic etiam forent quæ de hoc infami conciliabulo diximus primi capituli numero 18. ac 19.

139. PHILIPPOPOLITANUM, sive Sardicēse Conciliabulum inierunt septuaginta Eusebiani, qui ad Sardicense Concilium vocati, Sardicā cum pervenissent, seorsū à Catholicis habitarunt, nec induci unquam potuerunt, propter conscientiam scelerum, ut Concilio ritè se sisterent, ac demū Philippopolim secesserunt, ubi conventiculo instituto, Arianam perfidiam instaurarunt; maledicta quoque in Julium Papam jecisse feruntur, & fidei aliam formulam dolis confutā ediderunt, quam sub Sardicēsis Concilii mentito nomine sparserunt præsertim in Africam. Initum est ejusmodi Conciliabulum anno 347. Julio Ecclesiam, Constantio Imperium administrante. Relegantur dicta num. 33.

Anno 347.

140. ANCYRANUM primum ex memoratis duobus, celebratum traditur anno 338. (*) cum Liberius Pontificatum, Cōstantius Imperium gereret, ab Semiarianis, Ancyram in Galatia convenientibus

Anno 338.

tibus, contra Anomæos, sive Arianos meros, sive Aëtianos, sive Troglitas, aut Trogloditas: sub hoc enim numero prænominum apparatu, primogenita Arii blasphemia eo tempore ferebatur.

141. SELEUCIENSE Conciliabulum, quod unum ferè cum Ariminensi fuisse creditur, agitatum est Seleuciæ in Isauria (*) anno 359. Liberio Ecclesiam, *Anno 359.* & Constantio Imperium moderantibus. Ducenti ferè numero, in id conventiculum Episcopi cojere, omnes Orientales, ferè omnes hæretici, mistis Semiarianis cum Arianis meris; in quorum perpetua desperatâque inter se concertatione, congregatio illa taurorum tota consumpta est. Hujus conventiculi specimen capite primo exhibuimus nu. 48.

142. CONSTANTINOPOLITANUM tertium conventiculum Eunomianorum, agitatum fuisse accepimus in eadem Constantini urbe (*) anno 360. Liberio Papa, *Anno 360.* & Constantio Imperatore: causa, & cura ejus Conciliabuli duplex fuit. Altera promovere Ariminensem formulam, atque perfidiam: altera conterere Semiarianos.

Anno 365.

143. LAMPSACENUM Conciliabulum iniere Macedoniani, cùm Liberius ad Ecclesiæ clavum federet, & Valens Orientem imperio premeret (*) anno 365. Lampfaci, quæ urbs erat in Hellesponto posita, sub exarchatu Heracleensi; cujus exarcha Hypatianus primas egit in eo Conciliabulo. Damnata ibi Ariminensis formula: Anathematizatus Arianismus merus: recepta formula Antiochiæ composita, & signata Seleuciæ: confirmata hæresis Macedoniana, quæ per occasionem ejus conventiculi fusa est per Hellespontum. In id conciliabulum profectus famosissimus Sebastenus, Romanæ Sedis illufor, eo in itinere ad Magnum Basilium divertit, qui cum Sebasteno prolixos de fide recta sermones produxit, sed quem fructum inde tulerit Sebastenus incertum est.

Anno 374.


144. ANCYRANUM alterum, conciliabulum Arianorum, agitatum fuisse tradunt (*) anno 374. Ancyra in Galatia Damaso Papa, & Valente Imperatore. Id Conciliabulum iniri jussit Demosthenes quidam, Imperialis culinæ præfectus, Vicarius præfecti Prætorio, ho-

mo rudis, rerum Christianarum ignarissimus, Arianorum studiosus, hostis Catholicorum: qui Magnum Basilium omni genere insectationum per illud tempus exercuerat. Hic Demosthenes Ancyrana Sede Hypsium laudatum Episcopum exturbavit; in cuius locum infudit Ecdicium, qui statim Gangrensi Basilidi Ariano accessisse proditur: atque ea res, ejus conciliabuli totum, credo, negotium fuit. Adfuit Ancyrano conventiculo fraudolentus Sebastenus, à quo etiã, Ecdicium ad alienæ sedis invasionem promotum fuisse, scriptores edunt.

145. NYSSENUM demùm conventiculum Arianorum, idem, quem nuper diximus, hostis Catholicorũ Demosthenes Nyssam convocavit, (*) anno 375. Damasus pariter Pontifice, atque Valente Imperatore. Ibi Ariani, Sancto Gregorio Nysseno, quem paulo ante idem Demosthenes exulem egerat, injuriam exilii nova sententia confirmarunt: in quo scelere Nyssenum conventiculum totum est revolutum,

146. Sed præter memorata Hæreticorum Conciliabula, alia etiam non

pauca eo tempore, per Orientem agitantur; sed quoniam in his nihil memoriâ dignum invenio, suis tenebris obvoluta relinquo. In Occidente pariter, ea tempestate, conventus frequentissimi cojere. Concilia multa, plura conciliabula memorantur. Inter occidentalia, ejus temporis Concilia, ea magis celebrant memoriæ veteres, quæ plura Romæ fuerunt inita, sub Silvestro Papa, sub Julio, sub Damaso: Inter Conciliabula verò, famosissimum habetur Ariminense, cujus breve specimen capite primo exhibuimus. num. 48. Tum etiam nominantur tria Sirmii habita; duo contra Photinum, tertium ubi Liberius, & Osius cecidisse feruntur. Mediolanense item, Arelatense ubi cecidit Vincentius Capuæ, atque alia passim in Gallia, Italia, atque Dalmatia. Verùm hæc satis de illius temporis Conciliis atq; Conciliabulis.



CAPUT



CAPUT SEXTUM.

*De viris sanctitate illustribus, qui
eo tempore in Oriente
floruerunt.*

147.



En ea tempora
Orientalem Ec-
clesiam in dupli-
ci aspectu col-
locaverant, duæ
veluti partes :
Hæreticorum una ; altera Catholico-
rum : si ad illam partem oculos conji-
ciat lector, mala fædaque omnia ; si ad
hanc verò partem mentem advertat,
omnia magna, egregiaque occurrent
animo. Ita Orientalis Ecclesia (quod
maximè divinam Providentiam decla-
rat, atque commendat) quo tempore
misera, afflictissimaq; eodem lōgè florē-

tissima; atque præclara fuit. Sub tristi malorum facie illam hætenus exhibuimus; ordo ratioque postulat, ut sublato mox atque magnifico sanctitatis aspectu eandem exhibeamus.

Et ea quidem, per illud tempus, Sanctorum Orientalium extitit multitudo, ut certo definitoq; numero illos complecti minimè queam: ætas certè nulla, ab Apostolorum temporibus, aut plures, aut majores tulit. Ex his aliquot quos magis nominatos invenio commemorabo, eorumque nomina, & præcipua quædam gesta dumtaxat proferam, si enim aut narrare vitam, aut acta omnia referre velim, libellus hic in bibliothecam excresceret.

In primis eo spatio temporis simul vixere Athanasius Magnus, Gregorius Nazianzenus, Magnus Basilii; & Joannes Chrysostomus, Doctores maximi, Christianæ Religionis columnæ, atque præclara nomina Orientalis sanctitatis & gloriæ.



De Athanasio Magno.

148. **S**ANCTUS ATHANASIUS natus est
 Alexãdriæ anno 295. ut probabilior fert opinio: sub annũ 319 Diaconus creditur ordinatus. Anno deinde 325 Concilio Nicæno adfuit. Anno 326. Episcopus renunciatus, Alexãdriam sedem obtinuit. Quater indè pulsus; primũ anno 335 à Constantino in Galliam: iterũ anno 341 sub Constantio. Tertiò, anno 356 sub eodem Imperatore. Quarto demũ anno 362 sub Apostata Juliano. Quater etiam Romam venit: bis spontè: bis à Pontifice Julio vocatus: Semel anno 340 iterũ anno 341: quo tempore ab eodem fuit Pontifice judicatus atque absolutus. Anno deindè 370 pro Ecclesiarum Orientalium pace restituenda cum Basilio per literas conspiravit. Denique reparatæ salutis anno 371, ætatis suæ 76, Episcopatus 46, Alexandriæ ubi natus fuerat diem obiit. Magnus Athanasius nec sanctitate priorem, nec animi magnitudine parem Episcopum habuit: Nam etsi cõcussus Terrarum Orbis

in unum ipsius caput ruere visus fuerit; illum tamen tantæ ruinæ impavidum ferierunt. Athanasii Magni vitam atq; res gestas ex primo hujus libelli capite melius lector cognoverit.

De S. Gregorio Theologo.

149. **S.** GREGORIUS NAZIANZENUS è Nazianzo, quæ parva urbs erat in Cappadocia secunda (quam urbem alio nomine Diocæsaream vocatam invenio) natus est anno 328 sub Silvestro Papa, & Constantino Magno Imperatore: quo tempore S. Athanasius ætatis suæ trigesimum tertium, initi verò Episcopatus, secundum agebat annum. Anno 344 cùm Athenis operam studiis navaret, cum Sancto Basilio arctissimam injit cōsuetudinem. Anno 355 Athenis profectus una cum Basilio, in Patriâ rediit. Anno 362 sacris initiatus Apologeticū scripsit. Anno 371 invitus Sasmorum Episcopus à Basilio renunciatus est; cujus rei causa inter ipsum, & Basilium simultas quædam exorta, & Epistolæ utrinque missæ. Anno 379 profectus Constantinopolim, ibi profligato
Aria-

Arianismo, Religionem restituit. Anno 381 renunciatus Episcopus Constantinopolitanus, paulò post eo se abdicavit Episcopatu: eam nimirum ob causam, quòd pati non posset quãdam Orientalium multitudinem, quæ contra Paulinũ Antiochenum Episcopum, & arrogantiùs supra Occidentales efferebatur. Eodem anno Constantinopoli discedens, primò Nazianzum, mox Cæsaream se contulit. Anno 382 Arianzum, qui locus haud procul Nazianzo distat, secessit; ibique curis publicis exemptus, beatæque otio solitudinis usus, ad sacros conscribendos versus animum appulit; quo etiam tempore carmen de vita sua creditur composuisse. Anno demùm 389 ætatis suæ 61 sub Siricio Papa, ac Theodosio Imperatore, credo Arianzi, vitâ defunctus est.

De Magno Basilio.

150. **S**ANCTUS BASILIUS MAGNUS natus est aliquot menses post natum Nazianzenũ, eodem anno 328, sub iisdẽ Silvestro Papa, & Cõstantino Imperatore: patriam habuit Cæsaream princi-

pem Cappadociæ urbem , in radice sitam montis Argæi , quam à Mozacho, authore Cappadocum , Mazam quondam sive Mazacham dictam memorant. Anno 344 Athenas studiorum causa profectus conjicitur, ubi Nazianzenum studiis quoque navantem operam arctissima sibi necessitudine adjunxit. Anno 335 cum Apollinari non dùm hæresis manifesto , consuetudinem per litteras injit . Anno proximè succedente peregrinatus in Ægyptum , & Syriam , inde Monasticam disciplinam accepit, quam in Pontum intulit, & in Iboris monasterio illustravit. Anno 362 ab Eusebio Episcopo Cæsareæ sacris initiatus est : post annum inter ipsum, & eundem Eusebium Episcopum suspicionibus , turbisque natis, ejus rei causâ Cæsaream cum Ponti solitudinibus iterum commutavit . Anno 366. Nazianzeni operâ cum Eusebio Episcopo in concordiam rediit . Anno 367 grassante fame, largissimis eleæmosynis pauperum necessitatibus presto fuit . Anno 370 in Episcopatum Cæsareensem, Eusebio vitâ defuncto, subrogatus, ad Ecclesiarum pacem restituendam,

toto pectore incubuit: conspiravit cum Athanasio: authoritatem Romanę Sedis à S. Damaso Papa, sæpius per litteras, imploravit. Anno 371 primùm contra Modestum, mox contra Valentem invicto animo stetit: eodem anno Nazianzenum constituit Sasimorum Episcopũ. Anno 376 legationes plures ad Pontificem Damasum adornavit; atque ad eundem detulit Eustathium, Sebastenum, Apollioarem, atque Marcellum, enixè petens, ut Romanę sedis iudicio pestes illę publicè notarentur; quò in Oriente caveri possent. Demùm prima die anni 379. cum ætatis suę quinquagesimum primum, Episcopatus verò nonum ageret annum, Cæsareę clausit extremum diem.

Primordia S. Joannis Chrysostomi.

151. **J**OANNES CHRYSOSTOMUS nobili genere, Antiochiæ natus est anno 354, Patre Secũdo, Matre verò Anthusa: quãvis ex Græcis nõnulli Publiam Matronã Chrysostomi parentẽ fuisse putẽt; ea fortasse cõjectura ducti, quòd Theodoretus, dum hac de Publia loquitur

Joan-

Joannis illam nominat Matrem. Adolescens Libanio dedit operam: inde ad forum; è foro in Eremum se contulit; ex Eremo in lectorem fuit adscitus Ecclesiæ Antiochenæ; tùm in Diaconatus ordinem ascendit: hoc autem erat in ordine, & octavum supra vigesimum agebat ætatis annum, quo tempore Concilium Constantinopolitanum generale scẽdum celebraretur. Sed quoniam nos præsentì labori nostro, hoc in Concilio metam fiximus, Chrysostomus ætate, publicâque opera ultra excurrentem sequi non possumus: hæc pauca de tanto viro ad præsens libasse sat erit. Jam alios quosdam ex illustrioribus illius temporis Sanctis Viris, Ecclesiarum Orientalium ordine recensabo.

SANCTI EX PATRIARCHATU ALEXANDRINO.

Patriarcha Alexandrini.

252. **S**ANCTUS ALEXANDER vigesimus,
Alexandrinæ Urbis Episcopus,
post magnum Achillam Episcopatum
tum

tum gerere coepit, sub annum 313. Vir fuit ab omni parte laudis florētissimus: virtute, sapientia, atq; studio Religionis adeò clarus, ut *Magni* cognomen tum jure obtinuerit. Arium, publicè nefariam pestem eructantem, primus omnium, convocato concilio, diris devovit; & Ecclesiæ societate privavit. Postquam ordinarij Judicis partes explevit, eundem Hæresiarcham ad supremum Romæ Tribunal detulit; ad Silvestrum (1) Pontificem ea de re datis litteris. Adversus eundem Arium, ad omnes ubique Episcopos propè centum dedit Epistolas. Ex his septuaginta, Epiphaniij tempore, ut ab eodem accepimus, adhuc supererant; at duas Nobis tantùm ab injuria temporum ereptas, alteram Socrates, Theodoretus alteram servavere. Ad Concilium Nicænum gravi admodum ætate profectus, & Athanasium, tunc Diaconum, comitem secum ducens, ibi quoque adversus Arium egregiam navavit operam. Concilio soluto, vix Alexandriam reversus, ætate atque labore confectus, anno 325 diem obiit. Moriens Athanasium sibi successorem nominavit;

(1) *Bibliothec. Sanctor. tom. 9. Godefroy Hermât. Vit. Athan. tom. 1. lib. 1. cap. 15. pag. 76. Baron. tom. 3. p. 191. n. 59.*

minavit; reluctantē adhortatus, ne oneri se subduceret. Eundem Athanasium Domi suæ puerum educaverat, atque in Ecclesiæ rebus egregiè instituerat. Adolescētem postea sacris initiaverat: demùm Episcopatus, virtutis, & Ariani odij reliquit hæredem; adeò ut magnum Athanasium, Magno Alexandro veluti debeamus.

S. Athanasius Episcopus Alexandrinus, de quo diximus num. 148.

*De Petro Episcopo Alexandrino
Athanasii successore.*

153. **P**ETRUS Episcopus Alexādrinus, vir fuit pietate, doctrina, & eloquentia clarissimus: illū Athanasius fociū perpetuò fidū, in fuga comitem, in ærumnis participem, in laboribus solatium habuit: ac moriens tandem in Episcopatu successorem reliquit. Vix Alexandrinæ sedi admotus, à Lucio mortalium pessimo, sub Velente Imperatore, Episcopatu dejectus, Romam ad S. Damasum, Athanasium imitatus confugit. Ab eodem Damaso Papa restitutus, Alexandriam rediit. Apollinaristas

naristas diris devovit. Sanctum Gregorium Nazianzenum, ad novæ Romæ Episcopatû intentis viribus promovit. Verûm eam laudem postea non nihil obscuravit, Maximi Cynici, contra Nazianzenum suscipiens partes: cujus rei causa non mediocris macula Petri nomini adhæsit. Tandem sub annum 381. Alexandriæ, sub Damaso Papa, atque Teodosio Imperatore, gravissima ætate decessit.

*De Timotheo Episcopo Alexandrino.
Petri fratre, ac Successore.*

154. **T**IMOTHEUS ALEXANDRINUS Episcopus Petri frater, atq; successor, vir spectatæ virtutis, atq; Theodosio Augusto cõmendatissimus, quinque annos gessit Episcopatum. Interfuit Concilio Constantinopolitano generali secundo. Cûm audivisset, Ammonem solitarium, quem ipse ad præces nescio cujus Ecclesiæ, ex Alexandrina ditione Episcopum ordinare statuerat, aures sibi abscidisse, quò se Episcopatus periculo subduceret; rei novitate commotus, hæc (1) fertur pronun-

(1) Pallad. caus. 12.

nuntiasse eum, qui moribus pollet Episcopatu dignis, etiamsi naso careat, Episcopum ordinabo. diem denique clausit extremum anno 385. sub Siricio Papa, atque Theodosio Imperatore. Geminam Timothei Epistolam superstitem habemus; alteram ad Diodorum Tharsensem apud (1) Facundum, alteram canonicam in *Trullo* firmatam, primo ejus concilii canone. Historiam quoque solitarij Apollinis, ac nonnullorum eremum Ægyptiacam incolentium Timotheo tribuit (2) Sozzomenus.

(1) *Facund.*
lib. 4. c. 2.

(2) *Sozzomen.* l. 6. cap. 29. apud *Godfrey Her-*
mant.

Hi quatuor Episcopi Alexandrini sanctitate, per illud tempus, excelluerunt: verum Petrum atque Timotheum etsi virtute præstantes, inter Sanctos tamen scriptos, in Ecclesiæ Tabulis minime invenio.

*De Martyribus, & Confessoribus
ditionis Alexandrinæ.*

155. **P**OST Patriarchas, alios Alexandrini Patriarchatus, sanctos Episcopos, vel extremum supplicium, vel exilia, aliaque dira passos, pro Religione, majorumque fide tuenda, tum
etiam

etiam quamplures Martyres non Pontifices, memorabo.

De S. Potamone.

156. **S**ANCTUS POTAMON Episcopus Heracleæ Niloticæ, quæ urbs erat sub ditione Alexadrini Patriarchatus, in ea Ægypti regione posita, quam tunc temporis vocabant Arcadium, vir fuit, ante Nicænum Conciliū, confessione, post illud tempus, rebus gestis, atq; martyrio clarissimus. Maximino in Christi cultores furente, in vincula pro fide tuenda conjectus, Eusebium Cæsariensem socium carceris, sed non fortitudinis habuit. Namq; Patomonem fortem invictumque, altero oculorum lumine orbatum, sinistroque succisum, poplite ad metalla damnarunt; Eusebiū verò turpiter cedentem, atque impia Præsidis iussa capeffentem corpore inviolatum corruptum animo dimiserunt. Potamon sub Constantino restitutus, primò adversus Meletium, mox adversus Arium, pro S. Alexandro Patriarcha suo stetit. Tūm ad Conciliū Nicænum profectum, stigmatibus
in-

insignem Constantinus Magnus, ejus vulnerum cicatrices deosculatus, summis honoribus excepit. Cùm in eo Concilio, tùm postea adversus eundem Arium, egregiam navavit operam. In Tyrio Conciliabulo, cùm vidisset Eusebium Cæsariensem ac cæteros Eusebianos pro tribunali sedentes; Athanasium verò stantem veluti reum, primò flevit; mox liberrima indignatione ad eundem Cæsariensem

(1) Epiphan.
bær. 68.

Eusebium verba fecit ejusmodi: *Tu (1) sedes Eusebi, & Athanasius innocens stans à te judicatur? Quis tulerit talia? Dic mihi tu: Nonne mecum fuisti in carcere tempore persecutionis? Et ego quidem oculum amisi pro veritate; tu verò nihil mutilatum in corpore habere videris, neque testimonium propter confessionem tribuisti, sed stetisti vivens, nulla parte detruncata. Quomodo discessisti è carcere? nisi quod promissisti jis, qui necessitatem nobis persecutionis intulerant, id quod nefarium est, te facturum esse, aut sanè fecisti.* Demùm sub annum 342.

(2) Athanas.
ad Solitar.

Ecclesiam Julio moderante, illius vicem Eusebiani, adeò (2) verberibus comminuerunt, ut paulò post vulneribus,

bus, atque dolore confectus, generosissimam animam exhalaverit. Ejus memoriam die 18. Maii Romana Ecclesia quotannis veneratur. Eodem tempore Arianus Serapammonem Confessorem, in Ægypto Episcopum, acerbissimis constrictum vinculis egerunt exulem. Repetat lector, quæ de S. Potamone supra retulimus cap. 1. n. 8. & 22.

De S. Paphnutio.

157. **S** PAPHNUTIUS Ægyptius, confessionis, sub Maximino, gloriam obtinuit: ex illorum numero, quos idem Christiani nominis acerbissimus hostis, oculo effosso, succissoque poplite ad metalla damnaverat. Tum in eremo, sub Antonio Magno monasticam vitam secutus est. Inde Episcopus in Ægypto ordinatus, Concilio Nicæno interfuit. Miraculorum potentia parem illum Apostolis (1) Rufinus memorat; (1) *Ruffin. l. 1. cap. 4.* idemque author est, tanto in pretio apud Constantinum fuisse, ut sæpius ad Palatium vocatum arctissime amplecteretur; effosque oculi cicatricem repetitis osculis demulceret. In Concilia-

bulo Tyri, una cum Potamone, contestationem pro Athanasio subscripsit. In eodem Conciliabulo, cum tot, tamque indigna memoratu, quæ illic per Eusebianos agitabantur ferre non posset; Maximi Episcopi Hierosolymitani manum apprehendisse (1) fertur, atque dixisse: *Surge, migremus hinc; nefas enim est, Confessores cum simus, & pro pietate tum oculos effossos, tum pedum flexus debilitatos habeamus, Concilio hominum perditorum communicare.* Denique multa pro fide Catholica passus, migravit in Coelum. Natalis ejus dies annua vice, sacer atque celebris in Ecclesia recurrit. (2) Vivebat eodem tempore Paphnutius alter, Meletianus, & Arii studiosus, & ipse professione monachus, & apud suos Confessoris titulo celebratus; quem eâ causa hic memoro, ne forte lector ambiguo Paphnutii nomine decipiatur.

(1) Sozzem.
lib. 2. cap. 24.
apud Baron.
tom. 3. Ann.
p. 435. editio-
nis Romanæ.

(2) Marty-
rol. Roman.
die 11. Septe-
bris.

De S. Frumentio.

158. **S** FRUMENTIUS Episcopus Auxu-
mensis eorum numero acce-
dit, quos pro Fide Catholica, in ditione Ale-

Alexandrina, per illud tempus, Ariano-
rum furor exagitaverat . Ejus vitæ cur-
sus mirabilis sanè fuit. Tyri natū fuisse
perhibent; & Meropio Philosopho san-
guine jūctum. Is Philosophus, cū ani-
mo incessisset cupido , remotas Mundi
regiones peragrandi, atque incredibili
ardore teneretur, diversos hominum
mores, variaque populorum studia co-
gnoscenti ; ob eamque rem in interio-
rem, ignotamque Africæ partem pene-
trare, apud se statuisset, Frumentium, at-
que alium quemdam Aëdesium nomi-
ne, admodū pueros, quos literis im-
buendos susceperat, secum peregrina-
tionis comites duxit: eo exacto itinere,
dum in patriam reverterentur, navis
quā vehebantur in quendam Abyssiniæ
portum, aquandi causa, incautiū appu-
lit. Incolæ, ubi Romanæ ditionis (quam
tunc temporis suspectam habebant)
advenas adesse intellexerunt, in illos
repentè irruentes, miserum Meropium,
atque ad unum reliquos jugularunt:
puerulos verò Frumentium, & Aëde-
sium, repertos sub arbore libris inten-
tos, ac literarium pensum meditantes,
misericordiâ ducti, Auxumū, quæ prin-

ceps erat regionis civitas, ad Regem
 vivos duxerunt. Placuit Principi pue-
 rorum instar; captivorumque indoles,
 etiam in vinculis generosa, ingenio
 Barbari sedit. Utrumque apud se esse
 voluit: & Aëdesium pincernam consti-
 tuit; Frumentio verò, cui promptior
 animus erat, & literarum peritia ma-
 jor, scripturarum curam, quibus regni
 rationes contineri solent, concedidit.
 Moriens deinde Rex, filios duos infan-
 tes adhuc, hæredes regni; Reginam,
 uxorem, moderatricem; Frumentium,
 & Aëdesium liberos, testamento reli-
 quit. Regina, viro defuncto, Frumen-
 tium, & Aëdesium, reditum adornâtes,
 enixis precibus retinuit, ut eorum ope-
 râ, quos fidissimos experta esset, in Re-
 gni administratione, donec geminus
 hæres adolesceret, uteretur. Frumen-
 tium in primis, magna mentis vi, ere-
 ctoque animo præditum (nam Aëdesius
 simplicem tantum fidem, ac probita-
 tem præseferibat) curis publicis ad-
 movit; eidemque rerum arbitrium
 omne commisit. Frumentius in ea pro-
 vincia gerenda, summam potentiam,
 summâ animi moderatione tempera-
 vit;

vit; aleamque periculi plenam ita tractavit, ut capacem se magis Regni, quā avidum exhiberet. Sed ea prima illius cura, & cogitatio fuit, ut Christianam Religionem, in Æthiopica ditione fundaret: ob eam rem Christianos advenas, quot quot illuc inciderent conquisivit, eosdemque monuit, ut loca sibi, toto eo regno deligerent, in quæ loca, Christianorum more convenientes, vel divina mysteria, si fors Presbyterum nanciscerentur, sin minùs, pias alias functiones Romano ritu peragerent. Ad id ipse, quā pollebat potentia, potestatem amplissimam, tum opes, aliaque omnia quæ usui forent, contulit; Ecclesias plures pro tempore ac loco extruxit; aliaque fidei semina, in barbarum agresteque solum jecit; quibus deinde seminibus Deus, cujus divino consilio ea omnia disponebantur, ingens incrementum dedit. Interea cum Regii hæredes, quorū alter Aizan, alter Sazzan vocabatur, adolevissent, jis Frumentius Regnum integerrimum, suaque operâ & industria florentissimū restituit; nec ut ultra ibi maneret eorum Principum, aut Reginae precibus

induci potuit : Ex Æthiopiâ itaque discedentes Frumentius, & Aëdesius, hic qui propinquorum desiderio pertentabatur, Tyrum in patriam suam rediit; ille verò, cujus animum ea cura extimulabat, quod malè inter barbaros jacta fidei semina reliquisset, brevi sine cultoribus peritura, concessit Alexandriam; eo scilicet consilio, ut Athanasio Magno, quæ sibi evenerint apud Æthiopes exponeret, simulque suaderet, uti Auxumentibus Episcopum daret, prudentia & sanctitate pollentem; qui posita ibi fidei rudimenta, ad perfectum opus deducèret. Athanasius recognitâ, obortisq; ob lætitiâ lachrymis, nulla interposita mora, ipsum Frumentium Auxumentium ordinat Episcopum; ratus neminem, ad eam rem exequendam, illo aptiorem fore. Frumentius Auxumum Episcopus rediit; ibique summis honoribus, ingentique gaudio exceptus, brevi Regiam domû, omnemque ferè gentem, ab Idolorum servitute assertam, ad Christi fidem adduxit; eâque via & ratione, ita eo disponente *qui ludit in Orbe Terrarum*, à captivo Frumentio ejus gentis profecta

fecta libertas est, atque felicitas. Dum verò messem illam Frumentius felicissimè sobolescentem excoleret, egregio intentum operi, & nil tale timentem Constantii furor aggreditur. Literas perfidus Imperator ad Auxumenses Principes dedit, illos acrius extimulans, uti Frumentium Regni finibus ejectum, in Ægyptum remitterent: ad id verò scribendum causa duplex Constantium compulit; altera ut Frumentium, sanctitatis fama, rebusque in Æthiopia gestis celebratissimum, ab Athanasii societate divelleret, & Georgio Alexandrinæ sedis invasori scelestissimo, obedientiæ perfidiæque consortio jungeret: altera ne Athanasius, quem tunc temporis ad necem persequeretur, cuique nullum securitatis angulū patere veller, tutum in Æthiopiam receptum habere posset. Extant hæc literæ ad Auxumi principes apud eundem Athanasium; (1) verum quid illis profecerit Constantius, satis exploratum non habeo: Godefridus Hermant in ea est sententia, plus apud eisdem Principes, religionem in Deū, & obsequium erga Frumentium, quàm

(1) *Apolog. i.*

Constantii auctoritatem valuisse. Hæc autem sunt, quæ de Frumentio partim à Ruffino, partim ab Athanasio accepimus; qui Ruffinus eam historiam ab ipsius Aëdesii ore, Tyri se audivisse testatur. Quando verò è vivis Frumentius excesserit, & quo mortis genere, statuere minimè possum. Illum Ecclesia Sanctorum honoribus veneratur, ejusque memoriam Græci die 30 Novembris, Latini verò 27 Octobris quotannis sacram habent. Holstenius nobis author est, se Romæ Presbyteros Abbyssinos audivisse, testantes, Frumentium in suis regionibus, velut gentis Apostolum, susceptæque Religionis authorem, ad hanc etiam diem coli. Ita Auxumi Civitas, & gens omnis Abyssinorum, Frumentium, dum viveret, primò captivum, mox Regnatorem, deindè Episcopum, tandem Apostolum habuit: nunc verò in Cælo inter Sanctos degentem, tutelarem, ac defensorem veneratur.

*De aliis Martyribus ditionis
Alexandrinae.*

159. **Q**UAMPLURES etiam alios Episcopos per Ægyptum, & reliquam ditionem Alexandrinam, sub Constantio Imperatore, in Georgiana invasione, duce Sebastiano scelestissimo Manichæo, aut tormentis excruciatos, aut ærumnis exilioq; extinctos, memorat Athanasius. (1) Ammonium, Muim, Cajum, Philonem, Hermem, Plinium, Psenosyrin, Polemonem, Agathonem, Anaganphon, Marcum, Ammonium, alium, aliumque ejusdem nominis Marcum, Dracontium, Adelphium, Athenodorum: Presbyteros quoque Hieracem, atque Dioscorum: quos tanta acerbitate raptatos fuisse affirmat, ut quidam in itinere, quidam in exilio, ex labore decesserint. Quod spectat ad Dracontium, hunc illum esse reor, quæ (2) Athanasius diù repugnantem, variis argumentis, aliorumque Monachorum exemplo, tandem induxit, ut è solitaria vitæ latebris, ad publica commoda se conferret, ac Episcopatus oneri humeros

(1) Athanas. *Apol. de fuga sua.*

(2) Athanas. *epist. ad Dracontium.*

ros demum supponeret.

160. Præter Episcopos, fidei causa exagitatos, quorum nuper meminimus, alios recensebo ipsiusmet Athanasii verbis, quos idem Georgius, per eundem Sebastianum copiarum ducem, excruciatos necavit. Hæc sunt Atha-

(1) *Albanas.* Athanasii (1) verba; *In hebdomade siquidem Apol. de fuga post Sacram Pentecosten, populus, completis jejuniis ad orandum ad cæmeterium abiit, eo quod abhorreret à communione Georgii: Quod cum homo, omnibus modis sceleratissimus intellexisset, ducem copiarum Sebastianum, secta Manichæum ad vim, & arma instigat. Igitur ille militari manu, infestis telis, cum alii gladios strictos, alii arcus gestarent, impetum in populum facit; variosque illis oratores deprehendens (nam plerique, ut erat diei tempus discesserant) talia designavit, qualia par erat eum designare, qui istiusmodi hominibus aurem præbuisset. Virgines enim, ignibus flammantis rogi admotas, adigebat ad confessionem Arianae religionis; ibi cum eas invictas cerneret, corpora nudat, atque ita in faciem cadit, ut vix longo post tempore à suis potuerint agnoscere.*

Viros autem quadraginta comprehensos, nova ratione laceravit; virgis enim palmeis, aculeos suos adhuc retinentibus ita terga eorum cecidit, ut alii sæpè à medicis, ob tenaciùs inhærentes aculeos frustra curati; alii curationem non ferentes, mortem oppetiverint. Ceteros deinde omnes, quotquot comprehenderāt, in eam partem Ægypti, quæ magna Oasis appellatur, relegarunt. Horum omnium, tum Virginum, tum virorum, qui Pentecostis tempore, tam dira Alexandriæ passi sunt memoriam Ecclesia veneratur die 21. Maii.

Ingens lanè mortaliū numerus præter hætenus memoratos, in Alexandrina ditione, per ea tempora, fidei causâ, ab Arianis occubuit; dum Constantius, & Valens crudelissimi principes, omni acerbitalis genere, catholicos premerent: Duos commemoro Secundum Barcæ Presbyterum, & Euthichium Subdiaconum Alexandriæ.

De S. Secundo Barcæ Presbytero M.

161. **S** SECUNDUS Barcæ in Pentapoli Presbyter; quem Arianis ad-
ver-

versantem, quidam Catoscopus Ptolemaidi, Secundus quoque nomine, atq; alius cui nomen erat Stephanus, uterq; Arianus insolentissimus, calcibus protritum, per nefariam crudelitatem necarunt, inter vulnera exclamantem: *nemo me apud Iudicem vindicet: habeo Iudicem Dominum Iesum, pro cuius nomine ista patior.* Martyrium Secundus consumavit Pentapoli, sub annum 356. Liberio Ecclesiam, & Constantio Imperium moderantibus.

De S. Euthichio Martyre.

162. **S** EUTHICHIUS Subdiaconus Alexadrinus, fidei robore, ac vite probitate laudatissimus fuisse traditur. Ea causa Arianos infensissimos habuit; Illū proinde impii, in eadē Georgiana tempestate cōprehensum, verberibus penē ad interitum contriverunt. Tūm in Phēno (qui locus erat metallorum acerbissimus, ad quod nonnisi parricidæ, aut id genus malefici damnari consueverant, eoque damnati vix paucos vivebant dies) semianimum ejecerunt; ne horæ quidem spatio, ad vul-

vulnera curanda permisso ; quare paulò post in ipso itinere decessit ; sub annum 356. S. Euthichii memoriam, eorumque simul omnium, qui Georgio persequente, Patrum Fidem sanguine testati sunt, quotannis Ecclesia recolit die 26. Martii. Sed jam satis pro instituto nostro de Martyribus, & Confessoribus Alexandrini Patriarchatus. Ad Eremum pergamus.

SANCTI MONACHI PATRIARCHATUS ALEXANDRINI.

De Paulo primo Eremita.

163. **S**ANCTUS PAULUS Thebæus Eremitarum princeps, natus est anno à reparata salute 230. Urbano ad Ecclesiæ clavum sedente ; imperante Alexandro. Adoloscens, cum annum ageret tertium supra vigesimum, solitudinem, in quam Decio Christianos persequente, metu actus, confugerat, libens deinde volensque colere cepit: in faxei montis radice speluncam nactus, quam aperto desuper cœlo, patulis diffusa ramis vetus palma contexerat ; cuique fons inerat lucidissimus, ibi divinam veluti ducens vitam, soli Deo notus,

notus, annos nonaginta delituit. Eo spatio temporis corvum habuit altorem; qui divinæ minister Providentiæ dimidium panis quotidie solitario ferebat. Ad illum jam morti proximum, Magnus Antonius divino jussu oraculo, ac Deo ipso, variis prodigiis, indicante viam penetravit: cumque una essent in antro, Corvus statuta hora pro dimidio, integrum ferens panem. Servis Dei duplicavit annonam. Tum Antonio, se jam jam morituum prædicens, jussit ut suum corpus, postquam anima evolasset, eo pallio involueret, quod ipse olim Antonius ab Athanasio Episcopo acceperat; ea re significans, se in Athanasii Magni Episcopi sui fide, ac societate mori velle: paulò post, annos tredecim supra centum natus, animam virtutibus inclytam Deo reddidit, vertente salutis anno 343. Julio Ecclesiam, Constantio, & Constante Imperium obtinentibus.

De S. Antonio Magno.

164. **S**ANCTUS ANTONIUS MAGNUS in Ægypto natus Reparatoris anno

no 251. sub Fabiano Papa, & Philippo Imperatore. Adolescens, cùm in vigesimo ferè etatis anno versaretur, Evàngelii dicto audiēs, omnia sua pauperibus dedit: jis solutus vinculis, ad studium christianarum virtutum toto pectore, incubuit. Tùm ab hominum commercio se dividens, brevi monasticæ vitæ author, & Monachorum pater evasit. Cœnobia per Ægyptum, Syriam, Asiã fundavit plurima. Schismaticos, & Hæreticos, Arianos præsertim, adeò abominabatur, ut eorum etiam aspectum, angue pectus vitaret. Idolorum cultores, Philosophiã, prophanãque sapientia tumentes, in ruborem sæpius conjecit. Malos dæmones, sub horrenda bestiarum, monstrorumque specie apparentes, eorumque minas inanefque conatus derisui habebat. Futurarum rerum prænotionibus, omnium virtutum conspiratione, austeritate vitæ, ac miraculorum potentiã clarus, universum terrarum Orbem, sui nominis famã, & admiratione defixum tenuit. Ad illum Constantinus Magnus, geminique filii, litteras obsequio plenas dederunt; quas ipse convocatis Monachis ostendit.

ostendit, dicens: *Reges seculi ad nos scripserunt*. Constantium Imperatorem quòd Catholicos persequeretur, per literas liberrimè castigavit. Ab Athanasio Magno, cùm hic ex munere suo Alexandrinam ditionem lustraret, gemino pallio donatus, eorum altero Pauli Eremitæ corpus involuit; alterum eidem Athanasio moriens testamento reliquit. Cùm Dei monitu, ad eundem Paulum inveniendum, incertus viarum, per deserta inviaque loca pergeret errabundus, geminum monstrum habuit obvium; quorum alterum Hippocentauro (1) simile, jussu ab Antonio, ut ubinam homo Dei lateret ostenderet, barbarum nescio quid infrendens, dexteræ manus protentione cupitum iter indicavit: alterum (2) Fauni speciem præferens, ad uncis naribus, fronte cornibus asperatâ, supernè homo, sed in caprarum pedes desinens, in saxosa visum convalle, servo Dei, ea monstra obstupescenti, palmarum fructus amicè obtulit; & quisnam esset interrogatum; responsum dedit ejusmodi: *mortalis ego sum, & unus ex accolis eremi, quos vario delusa errore Genti-*

(1) Hieronym. in Vita Pauli.

(2) Idem ib.

Gentilitas, Faunos, satyrosque, & incubos vocans colit. Legatione fungor gregis mei: precamur ut pro nobis communem Deum deprecetur, quem pro salute Mundi venisse cognovimus, & in universam Terram exiit sonus ejus. Vixit Antonius annos quinque supra cētum: quorum octoginta quinque in eremo ferè consumpsit; moriens adstantibus Monachis, quos filiorum loco habebat, suprema voluntate hujuscemodi cōmendavit. Schismaticorum, & hæreticorum venena vitate, meumq; circa eos odium consecramini; quia Christi sunt inimici. Scitis ipsi, quod nullus mihi, ne pacificus quidem sermo cum eis aliquando fuerit propter eorum pravam voluntatem, & pertinax contra Christum bellum. Vestimentorum autem meorum sit ista divisio: Melotem, & pallium tritum, cui superjaceo, Athanasio Episcopo date, quod mihi novum ipse detulerat. Serapion Episcopus aliam accipiat melotem. Vos cilicium habetote vestimentum; & valete viscera mea: Antonius enim migrat, & jam non erit in presenti seculo vobiscum. Avolavit in Cælum instauratæ salutis anno 356. sub Liberio Papa, & Constan-

Q

stantio Imperatore, sexto decimo Kalend. Februarii; quem diem hujus Sancti memoriae solemnem Ecclesia consecravit. Antonii Magni vitam Ma-

(1) Hieronym. de Scrip-
tor. Eccle-
siast. in Eva-
grio.

(2) Idem ib

(3) Rivetus.
lib. 3. c. 4. p.
263.

(4) Godefroy
Hermant. vit.
Athanas. t. 2.
p. 771. 772.

gnus Athanasius (1) Græcè scripsit, quam latinè reddidit Evagrius (2) postea Episcopus Antiochenus; quæ Athanasius de Antonio siluisse se dixit, ea Hieronymus, cum Pauli Eremitæ vitam scriberet supplevit. De eadem Antonii vita, multa Rivetus (3) turbat: quam scilicet habemus non esse illam, quam olim Athanasius conscripserat. Ipsum Antonium, causidicum aliquando fuisse: aliaque id genus plura; quæ, quàm satis leviter, & inconsultè dicta fuerint Godefridus Hermant breviter, solidèq; demonstrat. De Paulo, & Antonio longiusculam fecimus mentionem, quia Eremitarum omnium facilè principes extiterunt: de paucis aliis brevius dicam.

De Sancto Pachomio.

165. **S** PACHOMIUS Ethnicis, credo, parentibus in Aegypto natus est sub annum 296, cum Cajus Ecclesiâ,
Dio-

Diocletianus, ac Maximianus imperium administrarent. Idola, primâ ætate, miserè coluit; sed cùm in quodam Thebaidis oppido, ingentem Christianorum, in hospites charitatem, & in pauperes misericordiam incredibilem oculis usurpasset, ea re vehementer commotus, christianam Religionem, primò mirari, mox etiam sectari cæpit; solitus, cùm apud se de fide suscipienda deliberaret, preces fundere hujusmodi: *Domine Deus qui fecisti Cælum, & Terram, si respiciens respexeris humilitatem meam, & mihi tuæ Divinitatis dederis cognitionem, & me liberaveris, ex hac afflictione; tibi serviam omnes dies vitæ meæ, & convenienter tuis præceptis vitā instituem.* Itaq; postquam sub Licinio militasset, meliori cōsilio usus, Christianæ militiæ nomen dedit. Sacro fonte expiatus, in Eremum apud Thebanis vicū secessit, ubi, Angelo dictante, Monachorum conscripsit regulas; ac brevi tantam sanctitatis famam est consecutus, ut, post magnum Antonium, nemo eo celebrior inter Monachos Thebaidis videretur. Pachomii vitam Athanasius

(1) Hieronym. ad Prin-
cip. epist. 16.

teste Hieronymo (1) Romam tulit, quæ
vita Romanis maximè usui fuit, ad vi-
tam monasticè instituendam; indeque
Urbsdomina non mediocrem utilitatis
fructum cepit. Eidem Athanasio, cum
suæ ditionis inviseret solitarios, Pacho-
mius obviam cum suis Monachis, lau-
des, hymnosque Deo canentibus pro-
cessit, sed mistus multitudini, ne di-
gnosceretur ab Episcopo, cui in animo
esse præsenferat, ipsum Monachorum
caput constituere. Hæc autem de Pa-
chomio innuisse sufficiat. Sororem illi
fuisse ferunt, quæ fratrem imitata, ere-
mū & ipsa coluit; atq; ut ille Monacho-
rum pater, hæc Mater Virginum fuit.
Collegas etiam habuit celebratissimos
Orsiesium, atq; Theodorum.

De SS. Serapione, & Ammonio.

166. **S**ERAPION per idem tempus in
Ægypto floruit. Solitudinem
diū coluit: tum Episcopus Thmuis sub
annū 328 ab Athanasio renunciatus est.
Ob literarum peritiam, scholastici ei
nomen accessit: eidemque Athanasius
Magnus sua scripta videnda mittere
consuevit. Idem Athanasius illum
ad Constantium Imperatorem legavit,
ut,

ut, ejus Principis animum, in Athanasium
 furentis demulceret. Pro Nicæna fide,
 & Athanasio tuendo, exilium, ærum-
 nasque plurimas devoravit. Macedo-
 nii hæresim, in Ægypto invalescentem
 acerrimè est infectatus. Ei moriens
 Antonius Magnus Melotem reliquit,
 dicens: *Serapion Episcopus aliam acci-
 piat Melotem*: extat Athanasii (1) li-
 ber de Spiritu S. ad hunc Serapionem
 inscriptus: de hoc etiam Serapione S.
 Hieronymus scribit ejusmodi: *Sera-
 pion Οπουεως Ægypti Urbis Episcopus,*
*qui ob elegantiam ingenii cognomen scho-
 stici meruit, carus Antonio Monacho,*
edidit adversus Manichæum egregium
librum, & de psalmorum titulis alium,
& ad diversas utiles epistolas, & sub
Constantio Principe, etiam in confessione
inclutus fuit.

167. AMMONIUS etiam quidam Soli-
 tarius, ea tempestate in Ægypto cele-
 bratur. De hoc ita Socrates (2) scribit:
Alius quidam Monachus erat, vir planè
admirabilis, qui Ammonius vocabatur:
iste adeo parum erat curiosus, ut cum Romæ
una cum Athanasio versaretur, nihil ex
magnificis Urbis operibus, præter templum

Petro, & Paulo dicatum, videre omnino desideraret. Pervenit hic Ammonius usque ad Timothei Alexandrini Episcopi tempora; à quo cum creandus foret Episcopus, aurem sibi præcidit, ne (ut sibi videbatur) eligeretur indignus.

De Sancta Syncletica.

168. **S**YNCLÉTICA pariter Alexādrina virgo, & solitaria celebratissima, per illud tēpus creditur floruisse. Hęc nobili loco, ditissimisq; orta parentibus, à teneris virginitatis suæ florem, seque totam Christo devovit: nec unquam, aut Patris adhortationibus, aut coniunctorum precibus, aut matris lacrymis à proposito dimoveri potuit. Parentibus vitā functis, omnia sua bona in usum pauperum erogavit: deinde in quodam sepulcro, propè Alexandriae mœnia, ab hominum societate disjuncta, ad posterum vitæ tēpus habitare decrevit: ubi octoginta ferè annos, ærumnis, Dæmonum insidiis, concupiscentiæ stimulis, corporis animique doloribus acerbissimis exagitata, horū omnium victrix, ac sanctitatis fama clarissima, migravit in Cœlum. Extæ
S.Syn-

S. Syncleticæ vita ; quæ Athanasio tribui solet, sed an verè illam Athanasius scripserit , lis est non modica , quæ pender aduc sub Judice .

Alii Monachi MM. & CC.

169. **H** Is addere nō gravabor monachorum multitudinem , quam per Ægypti, Nitriq; deserta, Valente regnāte, fertur exagitasse Lucius ille, qui, exacto Petro, Alexādrinam sedem vi , atq; armis invaserat: qua in re (1) Ruffini utor verbis , quæ sunt ejusmodi ; *Indè post fugas civium , & exilia ; post cades , & tormenta ; flammæsq; quibus innumeros confecerat , ad monasteria furoris sui arma convertit. (nempe Lucius) vastat Eremum , & bella quiescentibus indicit . Tria millia simul, aut eo amplius viros per totam Eremum, secreta , & solitaria habitatione dispersos, oppugnare pariter aggreditur : mittit vi armatam equitum, & peditum manū: Tribunos, Prepositos, & bellorum Duces tanquam adversus barbaros pugnaturus elegit . Qui cum venissent , novam belli speciem vident; hostes suos, gladio obiectare cervices , & nihil aliud dicere visi :*

(1) Ruffin. l. 2. cap. 3. & 4.

Amice ad quid venisti? Per id tempus patres Monachorum, vitæ, & antiquitatis merito, Macarius, Isidorus, aliusque Macharius, atque Heraclides, & Pambus Antonii discipuli per Ægyptū, & maxime in Nitriæ deserti partibus habebantur; viri, qui consortium vitæ & actuum, non cum cæteris mortalibus, sed cum supernis Angelis habere credebantur. Hi ducebant exercitum Domini, non mortalibus telis, sed fide Religionis armatum; exercitum moriendo vincentem, & qui sanguinis sui profusione victor, Christum sequeretur ad Cælum: Quique dum in tabernaculis positi, & orantes expectarent interfectores suos, Delatus est ad eos homo olī membris omnibus, & precipuè pedibus aridus: sed cum ab eis, in nomine Domini, oleo fuisset perunctus, statim confirmata sunt plantæ ejus, & dicentibus eis: In nomine Jesu Christi, quem Lucius persequitur, surge, & sta in pedibus tuis, & redi ad domum tuam: continuo exurgens, & exiliens, benedicebat Deum, ostendens, quia verè erat in eis Deus. Hæc Ruffinus. In hac autem Lucij insectatione sævissimâ, ingens eorum Monachorum numerus

merus, gladijs impiorum occubuit: vulnerati plures, alii verberibus acerbum in modum afflicti. Quos verò diximus reliquorum patres, Macarius, Isidorus, Macarius alius, Heraclides, ac Pambus exules acti sunt: eorumque exitium his (1) Ruffinus idem prosequitur: *Sed in his omnibus Lucius non erubuit, nec aliquid reverentiæ, virtutum mirabilibus detulit: quinimo jubet, Patres ipsos, ablatos à grege suo, imò clàm raptos in insulam quandam Ægypti paludium deportari, in qua compererat, neminem prorsus esse Christianum, quò per hoc, vel absque solatiis, vel absque consuetis actibus viverent, quam deindè insulam sanctissimi exules ad Christi fidem adduxerunt. Inter hos, Macharium magis celebrant antiquarum rerum memoriæ. Hic enim ille est notissimus miraculorum patrator, qui leunculos a cæcitate curasse, & ovinam pellem velut in gratiarum actionem, à leæna matre dono accepisse memoratur. Atq; hæc satis de viris sanctitate inclytis, qui per illud tempus in Alexandrino Patriarchatu floruerunt; quorum nomina hic ex ordine ponam.*

(1) Ruffin.
apud Baron.
1.4.p.340.c.

Patriarchæ Alexandrini.

170. S. Alexander.
S. Athanasius.
Petrus.
Timotheus.

Episcopi Martyres, & Confessores.

S. Potamon Episcopus.
S. Paphnutius Episcopus.
S. Frumentius Episcopus.
S. Ammonius Episcopus atq;
Socii numero sexdecim.
S. Secundus Presbyter Barcæ.
S. Euthichius Subdiaconus A-
lexandriæ, atque alii plu-
rimi.

Monachi.

S. Paulus primus Eremita.
S. Antonius Magnus.
S. Pachomius.
S. Serapion.
S. Ammon.
S. Syncletica Solitaria.
S. Macharius, atq; alii plurimi.

SAN-

SANCTI EX PATRIARCHATU
ANTIOCHENO.*Patriarcha Antiocheni.*

171. **S**EUSTATHIUS genere Pamphi-
lus sudites, spectata virtute,
maximâq; vir famâ; sâctitate, doctrina,
rebusq; gestis adeò pollēs, & clarus fuit,
ut Magni cognomentum, jure merito-
que obtinuerit. Ad clavum primò Be-
roensis Ecclesiæ fedit. Inde ob insi-
gnem, in tuenda fide, constantiam, post
Sanctum Philogonium, in Episcopum
Antiochenum, ineunte anno 325 invi-
tus eligitur. Concilio Nicæno magno
interfuit; ac primus omnium, luculen-
tissima oratione, initium eidem fecit.
Arium, ejusque sectatores verbo, atque
opera adeò exagitavit, ut eorum acer-
bissimum odium in se converterit. Post
Nicænam Synodum, ut novis machi-
nationibus, quas Eusebiani moliebantur
obviam iret, Concilium Antio-
chiæ convocavit, sub annum 329. Ibi
Canones quosdam editos fuisse memo-
riæ proditum est; quos deinde, ut sæpè

eye-

evenire solet, tempore susdeque omnia miscente, cum canonibus Antiocheni Conciliabuli, anno 341 celebrati, confusos permistosque fuisse, verosimile mihi videtur esse. Demùm Sabellianismi, & adulterii, aliorumque falsorum criminum nefariè insimulatum, in Antiocheno Cōciliabulo, Nicomediensis Eusebij fraudibus inito, in exilium pulsus est; ubi ætate, atque ærumnis consumptus obiit, quo anno incertum est: Scriptores, Eustathij sanctitatem, atque virtutem summis laudibus ad Coelum ferunt: (1) Hieronymus, hæc ad Evagrium de Eustathio scribit: Primus Antiochenæ Ecclesiæ Episcopus contra Arium clarissima tuba bellicum cecinit. (2) Chrysostomus illū singulāri homilia laudavit, eundem Martyris titulo exornans. (3) Athanasius magnus Eustathij gesta hoc brevi verborū ambitu complectitur: *Fuit Eustathius Episcopus Antiochiæ, vir confessione clarus, religione pius, quem magno studio pro veritate stantem, & Arianam heresim odio prosequentem, a versantemque homines Arianae opinionis, ita apud Constantium fictā calumniā accusarunt, quasi*

quasi in Matrem Principis contumeliosus fuisset; nec mora in exilium eijcitur. Illud alij sub (1) Constantino, alij sub Constantio exulasse contendunt; Alii (2) Trajanopoli Thraciarum, alii (3) Philippis in Macedonia. Illius Corpus diu Philippis jacuit; inde sub annu 480 (4) Calandionis opera, qui per illud tempus Antiochanam Ecclesiam obtinebat, Antiochiam translatus est. De Eustathii scriptis consule Hieronymum, aliosque qui de scriptoribus Ecclesiasticis accuratè tractarunt. Leo Allatius sermonem Eustathij de Pithonissa, cujus meminit Hieronymus, latinè reddidit. Hexaemeron, quod idem Leo sub Eustathij nomine protulit, haud dignum videtur opus, quod ex magni Eustathij officina exisse existimeretur. Post ejus maximi viri obitum, Catholici Antiochiæ rigidiores, Eustathiâi vocari cæperunt, eoq; nomine ab Arii sectatoribus, discriminari solebant.

De S. Meletio.

172. **S** MELETIVS Episcopus Antiochenus, clarissimo genere ortus

est Melitine in minori Armenia, sub initium quarti Sæculi: vitæ integritate; religione in Deum; candore morum, atque animi, insignis & clarus fuit. Purus ab omni scelere vixit; ac virgineum corporis florem, ne levi quidem macula violavit. Sed mansuetudine, & ingenii lenitate in primis excelluit; tantâque fuit oris gratia, & suavitate sermonis, ut omnium sibi animos obligaret. Sebastia, ante famosum Eustathium Sebastenum, renunciatus Episcopus, cum ejus Ecclesiæ plebem, erroribus obduratam, & insolentissimè contumacem ferre non posset, Episcopatu spontè dimisso, in solitudinem circa Beream Syriæ se contulit. Inde, operâ præsertim Arianorum (quod diuturni schismatis initium fuit, & longa malorum series) Antiochenum Episcopatum obtinuit; dignus profectò ea in sede collocari, sed non manibus hæreticorum. In ipso Episcopatus primo limine, cum de Verbo Divino, catholicam veritatem, in frequentissimo Episcoporum, ac populi conventu, luculentissimè prædicasset, Arianorum (qui Meletium à se fore speraverant, & ob eam rem ad Epi-

Episcopatum promoverant) spem lussit, animosque percussit . Tunc facinus incredibile memorant accidisse : Arianus quidam mortalium audacissimus Ecclesiæ Antiochenæ Archidiaconus ad os Meletii prædicantis , quò minùs talia loqui pergeret, temerariam manum opposuit . Nihilominus divinus Meletius, institutam orationem per signa prosequebatur ; & populo ad rei insolentiam stupore defixo, subinde unum , subinde tres digitos ostendens, quâ poterat viâ , & ratione significabat, unam Dei Naturam, in Personis tribus subsistere . Post hæc, spatio temporis brevissimo, Ecclesiæ Antiochenæ faciem , ab hæreticis deformatam integritati (1) restituit. Harum rerum causâ, cum Arianos Meletii altè pœnituisset , & pœnitentia mox in furorẽ abiisset; eorum machinationibus, Constantii jussu, post mensem ab inito Episcopatu, exul repentè actus est . Dum in exilium invitâ urbe pelleretur , Præsidem, à quo rapiebatur , quò minus à concitata plebe lapidibus obrueretur, pallio suo protexit ; ardentemque iram populum, nutu, ac voce sedavit. Sede, urbe-

(1) Chrysost.
homil. de S.
Meletio.

urbeque Antiochena motus, Melitinæ in Patria sua, duos annos delituit. Eo deinde solutus exilio Antiochiam redijt. Cum Ecclesiam illam partim Arianorum tyrannide oppressam, partim Catholicorum schismate laceratā invenisset, Eustathianos à se alienos; Paulinum, à Lucifero Calaritano, sui exulis loco, constitutum Episcopum; incredibile est, quot pro jis rebus componendis ærumnas, ac labores devoraverit. Sub Joviano Imperatore Concilium Antiochiæ celebravit, ubi literas de Fide Catholica, ad eum Principem dedit; quæ tamen literæ aliquibus, in quorum animis, tanti viri fama perpetuò anceps pependit, suspectæ fuerunt visæ; quòd in illis homousii vox minus exprimeretur. Tum iterum, ac tertio sub Valente pro Religione tuenda exulavit. Defuncto Valente Antiochiam rediit, & Concilio ibidem, magna Orientalium frequentia celebrato interfuit; Fideique in posterum servandæ regulam, à Damaso Papa ad omnes Orientales missam, cum omnibus ejus Concilii Patribus recepit. Inde Constantinopolim ad Concilium

Ge-

Generale secundum non rediturus cō-
 cessit ; quò cum pervenisset, summis il-
 lum honoribus Theodosius Imperator
 excepit . Eo in Concilio, Gregorium
 Nazianzenum repugnantem, ad Novæ
 Romæ Episcopatum promovit . Paulò
 post ibidem non dum dimissa Synodo,
 ingenti omnium luctu, gravis annis,
 virtute, rebusque gestis ac toleratis
 clarissimus obiit anno 381. sub S. Da-
 maso Papa, & Theodosio Imperatore:
 moriens, uti à Gregorio (1) Nazianze-
 no accepimus, Ecclesiæ pacem, & Oriën-
 talium cum Occidentalibus concor-
 diam Episcopis commendavit . Illius
 funera solemnissimo ritu, immensaque
 populi frequentia Urbs regia celebra-
 vit . Plures ex ejusdem Concilii Patri-
 bus, qui eloquentiâ magis valerent
 ejus laudes, funebri oratione sunt pro-
 secuti ; inter quos S. Gregorius Nyssē-
 nus Magni Basilii frater . Corpus dein-
 de, Constantinopoli Antiochiam ma-
 gna celebritate deportatum, in Eccle-
 sia S. Babylæ, quam vivens ipse funda-
 verat, juxta ejusdem Sancti Martyris
 sepulchrum deposuerunt . Eorum tem-
 porum Scriptores ac Patres, amplissi-

(1) Gregor.
 Nazianzen.
 carm. de vita
 sua.

(1) Nazianzen. *ibid*

(2) Basil. *ep.*

(3) Nyssen. *orat. in fune-
r. Meletii.*

(4) Chrysost. *homil. de S.
Meletio apud*

*Sur. tom. 1.
die 12. Febr.*

*cujus fragmē-
tum recitat.*

in Conc. Ny-

*canoz. Act. 4.
& d. Dama-*

*scen. de Imag.
lib. 2.*

(5) Epiphan. *hares. 73. c.*

34. 35.

mas Meletio laudes tribuerunt: præsertim Nazianzenus, (1) Basilus, (2) Nyssenus, (3) Chrysostomus, atque ipsemet Epiphanius, qui Paulino tamen studebat: & à Basilio quidem sæpè Divinus Meletius; à Nazianzeno amator pacis vocatur; à Nysseno verò omnium virtutum coloribus expressus, lenitate David, prudentiâ Salomon, bonitate Moyses, integritate Samuel, castitate Joseph, sapientiâ Daniel, zelo Elias, puritate Joannes, claritate Paulus, exhibetur. Tanta erat Orientalium populorum de hoc summo viro opinio, & admiratio, ut illius imaginem in poculis, in annulis, in parietibus sculptâ, aut pictam habere omnes vellent; & natis quisque suis Meletii nomen certatim imponeret. Ab illo Magnus Theodosius imperiale paludamentum per somnum sibi recipere vitus est. Ille Chrysostomi pueritiam instituit, tene-rosque annos moribus, ac virtute formavit: Ille etiam, dùm Syriæ solitarios sibi subjectos inviseret, Simeonis Stritæ austeritatem, auctoritatem, consilio-que temperavit: omnia denique magna, & fortia Divinus Meletius pati, & agere visus est.

173. Verum sanctissimi hujus Antistitis vita, quibusdam fuit notata criminibus: nimirum quod sceleratam Seleuciæ formulam admisisset: quod à Schismaticis accepisset Episcopatum: quod versatilem habuisset fidem; ambitioni, ac tempori fervientem: & quod æquivoca Religionis professione subindè uteretur, quò Arianus, ab Arianis, Catholicus, à Catholicis, prout suasisset privata ratio, videri posset. Harum rerum causâ, tanti viri nomen, diù ancipiti famâ laboravit: ac divisa erat de Meletio mortalium mens, & opinio. Pars illum Orthodoxum, pium, integrum: alij hæreticos pulvere aspersum, obliquum, & fallacem prædicabant: verum prudentiores ejusmodi crimina pro falsis habebant; Meletium tamen ea notâ minimè liberabant, quòd passus sit ab hæreticis fieri Episcopus. Hanc Meletius culpam, quæcumque illa fuerit, immenso fenore compensavit: namq; post initum Episcopatum, continuò Catholicam veritatem, obstrepentibus hæreticis, & nequicquam os illi obstruere conantibus, palàm professus est.

tum plurimos in eandem veritatis professionem eretico doxos induxit : exactis hæreticorum erroribus Ecclesiam sibi commissam, in catholicam integritatem asseruit. Abusus extinxit: eâ causâ Schismaticorum odium, iram, & furias omnes in se concitavit: capitis periculum non semel subiit : ærumnas, exilium labores, & mala plurima toleravit. Verum neque his omnibus, uulnerata Meletij fama consolidata est : etiam post hæc in diversa distrahebatur. Ob eam rem urbs primùm Antiochena in Schisma Catholicorum discessit; Alijs arctissimè retinētibus; Eustathianis visitantibus, veluti pestem Meletij societatem. Auxit Schismata, in Episcopatum Antiochenum Paulini infusio repentina; indeque inter Meletium, & Raulinum perpetua dissentio extitit; quæ summorum etiam virorum sententias distraxit, ac volūtates: Ephiphanius quidem Meletiū arianismo tinctū exhibet: Hieronymus verò aliquanto durius addit, Meletium ex hæretico catholicum repentè apparuisse, eminationis dignitatis ambitione. Romæ quoque Meletij fides problema fuit: itaut

nec damnata penitus, nec penitus absoluta videretur: Adco arduum & operosum est, præoccupati animi abstergere opiniones, & famæ semel violatæ vulneribus obducere cicatrices. Nimis etiam asperè habuisse Meletium Basilio visus est S. Damasus Papa, qui nunquam induci potuit, ut vitiosam, quidem illius electionem, Primæ sedis authoritate sanaret. Sed quamvis dùm viveret Meletius, illius religio creticus veluti labyrinthus, & ænigma inextricabile videretur; longa tamen dies obscuris rebus lucem tulit: ac tandem summa, & singularis tanti viri virtus suam gloriam, seram licet, est consecuta: namque Meletium Ecclesia uniuersa Sanctorum honoribus colit; ejusque memoriam Oriens simul, & Occidens, Græci atque Latini die 12. Februarij sacro ritu quotannis venerantur.

De Paulino Episcopo Antiocheno.

174. **P**AULINUS quoque, tametsi à Meletio dissenserit, vir tamen fuit virtute clarus, & Sacer-

dotio dignissimus ; sed integritate
 fidei maximè floruit ; principemque
 locum inter Eustathianos obtinuit .
 Ob eam præsertim fidei laudem , il-
 lum Lucifer Calaritanus , minus ra-
 tam habens Meletii electionem , An-
 tiochiæ Episcopum , Apostolicæ Sedis
 autoritate ordinavit : tùm inter ipsum
 & Meletium dissensio illa , quam di-
 ximus , ardere cepit ; ejusque rei cau-
 sâ , mala plurima Paulinus devoravit ;
 omniumque ferè Orientalium inex-
 piabile in se odium , perpetuamque
 invidiam suscepit . Sub annum 362 ad
 Synodum Alexandrinam , geminum
 Diaconum , Maximum & Calimerem
 legatos misit . Eadem Alexandrina Sy-
 nodus , ipsius ordinationem creditur cõ-
 firmasse ; datisque ad Ecclesiam Antio-
 chenam Synodicè literis jussit , uti ejus
 urbis catholici cum ipso communica-
 rent : *coaptantes* (1) *vos interim dilecto*
nostro Paulino ejusque sociis . Sanctum
 Hieronymum ordinavit Presbyterum .
 Romam venit ad Concilium à Da-
 maso congregatum ; à Paula Ma-
 trona , genere & sanctitate clarissima
 hospitio exceptus . Fama est , eo quo-
 que

(1) *Epist. Syn*
Conc. Alexan.
apud Athan.
ad Antioch.

que in Romano Concilio Paulini electionem fuisse probatam. Vitalis apollinaristæ, ejusdem Damasi iussu, causam cognovit. Denique sub annum 389 Siricio ad Ecclesiæ clavum sedente, imperante verò Theodosio, diem extremū Paulinus sanctissimè clausit Antiochię. Quantam verò tēpestatem, post Meletii mortem in Paulinum commoverint Orientales, & quid pro illo in Constantinopolitano Concilio fecerit Nazianzenus Theologus; multaque præterea, quæ ad ejus viri laudes pertinere videntur, sub finem secundi capituli satis superque indicavimus.

Alii Sancti Episcopi, Martyres, Confessores ditionis Antiochenæ.

De Sancto Eusebio Samosateno.

175. **S**ANCTUS EUSEBIUS SAMOSATENUS Episcopus, ab anno 360, sub Liberio Pontifice, & Constantio Imperatore florere cæpit. Vir fuit, fide, pietate, animi fortitudine, rebusque gestis, ac tandem Martyrio celeberrimus. Ipsius operâ S. Meletius Anthiochenū

Episcopatum, S. Basilius Cæsaræensem obtinuerūt: eisdemque apprime carus, maximoque semper in pretio fuit. Divini Meletii electionem subscriptam, ab Arianis, suæque fidei creditam, eisdem Arianis, in Meletium mutato animo furentibus, eamque scripturam repetentibus, nunquam reddere voluit. Cumque ad illum Constantius Imperator dedisset literas, uti scripturam redderet; simul minatus, dexteram illi manum fore amputandam, ni pareret, vir memorabilis tabellario qui ejus generis mandata detulerat, dexteram simul ac lævam porrigens, *utrāq;* inquit *manum eripite; nam scriptum illud non reddam, quod arianicæ pravitatis clarum est argumentum.* A Valente jussus exulare, noctu inscia plebe discessit; quò scilicet exilij nuntium, quem Samosateni, si id rescivissent, in frustra lacerassent, mortis periculo subduceret. Dum exul in Thracia degeret, custodiarum negligentiâ usus, atq; sub veste latens militari, Syriam, Phœniciam, ac Palestinam peragravit: ut Catholicis, Valentis furore exagitatis, & sanctis Dei Ecclesiis, Pastorum præsen-

Theodoret.

sentia destitutis, atque in immensa calamitate versantibus, opem, solatiumque aliquod ferret: qua in peregrinatione plures Episcopos, Presbyteros ac Diaconos, in alienis Dioecesibus ordinavit: quod, ita ferentibus Ecclesiarum necessitatibus, vel instinctu quodam Divini Spiritus, fecisse credendus est; vel aliqua alia ratione, non satis nobis explorata, ejus rei facultatem nactus. Complures ad illum Basilius magnus dedit epistolas; quarum tres supra decem adhuc supersunt; extantque inter centum viginti duas Basilii magni epistolas, quas Sextilius Episcopus Alexanus latinitate donavit; quarum Baronius in suos annales, fragmenta quædam inseruit. Litteras, legatosque cum Basilio magno, & Meletio Antiocheno, totius Orientis nomine, ad Romanum Pontificem Damasum non semel adornavit; Primæ sedis sollicitudinē, ad opē afflictissimis Orientalis Ecclesiæ rebus ferendam excitaturus. Antiocheno Concilio, sub annum 378, sedente Damaso celebrato, interfuit; quo in Concilio, quæ Baronii sententia est, ad plures Orientis provin-

*Baron: tom. 3.
pag. 237. c.*

*Basil. Epistol.
58.*

vincias componendas legatus est constitutus. Demùm cum ejus legationis causâ, post plurimas regiones peragratas, Dolicham pervenisset, fœmina quædam, ariano furore percita, regulâ e superiori loco demissâ, prætereûtis Eusebii caput comminuit: quo ex vulnere vir sanctissimus, paulò post obiit: morti proximus, adstantes jurejurando adstrinxit, ne ullum de fœmina illa, supplicium sumerent. Eusebium Samosatenum his laudibus Gregorius Theologus, ad eundem scribens, est persecutus: *Unde tuarum laudum exordium ducam? & quo nomine propriè te compellabo? An te columnam & firmamentum Ecclesiæ vocabo? aut luminare in Mundum, jisdem verbis cum Apostolo utens? aut gloriæ coronam, incolumitatem Christianorum parti salutemq; adepturam? aut Dei donum? aut patriæ adminiculum? aut fidei regulam? aut veritatis legatum? aut hæc omnia simul, atque his plura? Illum denique Sanctorum numero adscriptum universa colit Ecclesia.*

*Greg. Nazian
Epist. 29.*

De Sancto Spiridione .

176. **S**PIRIDION quoque, vir ea ætate magnus ac memorabilis fuit. Ex ovium custode Trimituntis Episcopus, in Cypro Insula renuntiatus, obstupescendæ Sanctitatis famâ latè per Orientem, ante Concilium Nicænum clarere cæperat: fidei robore, ac miraculorum potentia plurimum valuit: eumque in Prophetarum ordine Theodoretus collocavit: Cum filiam (quam ante initium Episcopatum ex matrimonio susceperat) nomine Irenem, vitâ defunctam, inrerrogasset, ubi nam cujusdam viri depositum dum viveret reposuisset, responsum ab eadem è sepulchri loculo accepit. In Maximini persecutione fidei causa dextrum oculum amisit, succisoque sinistro poplite ad metalla damnatus fuit. His insignis stigmatibus, Concilio Nicæno magno interfuit, ubi Philosophum quendam Idolorum cultorem, humana sapientia turgidum, & contra christianorum Religionem insolentissime disputantem; nuda fidei expositione
su-

Hieronym. de
Script. in Tri-
phyllio . .

superasse fertur, & ad Christi fidem adduxisse. Cùm Triphyllius quidam Ledrensis postea, in Cypro, Episcopus Spiridionis popularis, & orator omnium ea ætate eloquentissimus, in eadem Synodo, inter differendum, eum Marci locum adduceret *tolle grabbatum tuum & ambula* & pro *κράββατον* grabbatum, quod habet textus, reposuisset *σκιμασιον* lectum humilem, ardens indignatione Spiridion, de sede sua exiliit, ac Tu ne, inquit *melior es illo, qui τοῦ κράββατον dixit, ut ejus verbis uti dedigneris?* Constantino Magno apprime carus maximoque in pretio & honore fuit; qui Spiridionem identidem amplecti, ejusdemque pro fide latas cicatrices deosculari consuevit: Constantium Constantini filium ab ulcere pessimo, manus dumtaxat impositione curavit: alapâ percussus ab arroganti quodam ejusdem Constantii aulico, alteram percutienti maxillam præbuit: Verum ejus viri virtutes relique præclare gestas, mirabilemque vitæ cursum scribendo prosequi neque otii, neque instituti nostri esse reor: ejus sanctissimi senis corpus, post tot sæcula

in-

incorruptum, Corcyrae honorificè ad-
servatum, magna populorum frequen-
tia colitur.

De Sancto Jacobo Nisibeno.

177. **S**ANCTUS JACOBUS NISIBENUS Pa-
triam habuit Antiochiam;
Mygdoniam, quæ urbs erat in confinio
Persidis sita, quam Assyrii, ac Syri Ni-
sibin appellabant. Ante Nicænum
Concilium florere cæpit: ab ineunte
ætate solitudinem in arduis montibus
coluit, ovinis tantùm indutus pellibus:
famem crudis herbis, sitim aquâ seda-
bat. Somno brevissimo humi stratus
utebatur; hyeme quidem sub antro;
reliquis verò clemētioribus anni tem-
pestatibus sub diò. Cùm aliquando,
proximorum necessitatibus ab solitu-
dine in frequentiam revocaretur, in-
quasdam incidit puellas, ad fontem
pannos nudis pedibus, apertoque ca-
pite lavantes; cumque illæ ad viri con-
spectum, neque operirent capita, neq;
contractas vestes, uti virgineus pudor
postulasset, dmitterent; ac petulan-
tius in virum lumina figerent: ad eam,

vir-

virginum impudentiam corrigendam
 geminum edidit miraculum : fontem
 illicò exiccavit ; & puellarum crinibus
 fœdam canitiem repètè induxit. Exin-
 de patriæ suæ Nisibis, Episcopus renū-
 ciatur invitus ; quo in munere, nihil de
 pristina vitæ austeritate remisit : tùm
 interfuit Concilio Nicæno Magno : cum
 fortè Cōstantinopoli adesset, quo tem-
 pore Eusebiani Arium in Ecclesiam vi
 armorum intrudere cogitabant, author
 fuit, uti Episcopus Alexander septem
 dierum jejunium Catholicis indiceret ;
 cujus jejunii efficaciam Arius creditur
 periisse . Urbem Nisibin patriam se-
 demque suam, sæpius discrimine libe-
 ravit . Cùm obsidione à Sapore Persa-
 rum Rege ea civitas premeretur, in
 hostium manus, labefactatis muris jam-
 jam casura , ad ipsius preces, noctis
 unius spatio, murorum ruina divinitus
 est instaurata : mox in turrim ipse con-
 scendens , hostes aspectu primùm per-
 culsit ; inde culicum ciniphumque im-
 missis nubibus, qui Equos, & Elephan-
 tos aculeorum stimulis feroces per ca-
 stra & præcipites agerent , in fugam
 vertit : demùm invisibilibus telis An-
 ge-

gelorum manibus ministratis penitus profligavit; eâque ratione urbem, metu ac periculo liberatam, asseruit: miraculorum famâ adeo pollês, & clarus fuit, ut mortuorum excitator vocari vulgò consueverit. Doctrina quoque haud mediocriter excelluit; scripsitque Syro Sermone sex supra viginti libros, quos prætermisissos à Hieronymo, qui tunc fortè linguam Syram non dum didicerat, Gennadius recenset. Illo Ephrêm Syrus Diaconus Edeffenus divinarum literarum, Syræque linguæ magistro usus est: obiit denique Nisibi sub Constantio Imperatore, ibidemq; intra mœnia sepultus est, ex præscripto Constantini Magni; qui prædixerat tandiù Nisibin inexpugnabilẽ tutamq; futurã, quandiù Jacobum aut vivũ, aut etiam vita functum intra muros haberet: & quidẽ postquàm Julianus Apostata, qui Constantio successerat, sancti corporis reliquias, de civitate jussit efferri, ea urbe Persæ potiti sunt. Sancti Jacobi memoriam Syri, Græci, ac Latini Idibus Julii quotannis celebrant.

virginum impudentiam corrigendam
geminum edidit miraculum: fontem
illicò exiccavit; & puellarum crinibus
fædam canitiem repètè induxit. Exin-
de patriæ suæ Nisibis, Episcopus renū-
ciatur invitus; quo in munere, nihil de
pristina vitæ austeritate remisit: tūc
interfuit Concilio Nicæno Magno: cum
fortè Cōstantinopoli adesset, quo tem-
pore Eusebiani Arium in Ecclesiam vi
armorum intrudere cogitabant, author
fuit, uti Episcopus Alexander septem
dierum jejunium Catholicis indiceret;
cujus jejunii efficaciam Arius creditur
periisse. Urbem Nisibin patriam se-
demque suam, sæpius discrimine libe-
ravit. Cū obsidione à Sapore Persa-
rum Rege ea civitas premeretur, in
hostium manus, labefactatis muris jam-
jam casura, ad ipsius preces, noctis
unius spatio, murorum ruina divinitus
est instaurata: mox in turrim ipse con-
scendens, hostes aspectu primū per-
culsit; inde culicum ciniphumque im-
missis nubibus, qui Equos, & Elephan-
tos aculeorum stimulis feroces per ca-
stra & præcipes agerent, in fugam
vertit: demū invisibilibus telis An-
ge-

gelorum manibus ministratis penitus profligavit; eâque ratione urbem, metu ac periculo liberatam, asseruit: miraculorum famâ adeo pollês, & clarus fuit, ut mortuorum excitator vocari vulgò consueverit. Doctrina quoque haud mediocriter excelluit; scripsitque Syro Sermone sex supra viginti libros, quos prætermisissos à Hieronymo, qui tunc fortè linguam Syram non dum didicerat, Gennadius recenset. Illo Ephrêm Syrus Diaconus Edeffenus divinarum literarum, Syræque linguæ magistro usus est: obijt denique Nisibi sub Constantio Imperatore, ibidemq; intra mœnia sepultus est, ex præscripto Constantini Magni; qui prædixerat tandiù Nisibin inexpugnabilẽ tutamq; futurã, quandiù Jacobum aut vivũ, aut etiam vita functum intra muros haberet: & quidẽ postquàm Julianus Apostata, qui Constantio successerat, sancti corporis reliquias, de civitate jussit efferri, ea urbe Persæ potiti sunt. Sancti Jacobi memoriam Syri, Græci, ac Latini Idibus Julii quotannis celebrant.

De S. Ephraem Diacono Edessa.

178. **S** EPIPHRAEM DIACONUS EDESSENUM
 natus est Nisibi. Adolescens
 S. Jacobum Nisibenum Divinarum li-
 terarum præceptorem habuit. Qualis
 & quantus vir in Ecclesia Dei esset fu-
 turus, duplici ostento Deus præmon-
 stravit: utrumque S. Gregorii Nysseni
 verbis referre placet: „ Fertur (inquit)
 „ hæc ipse de se dixisse: 'sibi cum pri-
 „ mum è tenera illa excederet ætate
 „ pueritiæ, arcana ejusmodi contigif-
 „ se visa. Ipsi etenim juxta linguam
 „ admodum fructifera enasci videba-
 „ tur vitis, quæ quidem ita excresce-
 „ bat, ut universum Terrarum reple-
 „ ret Orbem: cuncta autem Cæli vo-
 „ latilia adventabant, & de fructu
 „ ejus comedebant: ipsa autem vitis
 „ quantò plures volucres decerpentes
 „ fructus excipiebat, tanto amplius
 „ racemis abundabat. Aliud præte-
 „ rea (prosequitur Nyssenus) quod ad
 „ ipsum pertinet aliud, quidam testa-
 „ tus est: Angelorum scilicet copiam
 „ descendentem è cælo, volumen in-

tus

„ tus ac foris conscriptum detinere
 „ manibus: sic verò sanctam illam col-
 „ loqui visam esse aciem: Quis putas
 „ volumen istud in manus accipiet?
 „ Et hos quidem hunc, alios illum,
 „ alios verò alium, ex præstantioribus
 „ eo tempore hominibus, respondisse.
 „ Deinde autem, post omnium proba-
 „ tionem subjecisse: hi quidem Sancti
 „ ac Ministri Dei sunt, sed hoc volu-
 „ men in manus accipere nequeunt.
 „ Cumque jam varios, ex tunc viven-
 „ tibus nominassent, nec quisquam ex
 „ his placuisset, demùm communi
 „ omnium consensu in eam pariter
 „ convenerunt sententiam, ut dice-
 „ rent, à nullo alio volumen istud in
 „ manus posse sumi, præter quam ab
 „ Ephræm Syro. Exinde sacris ini-
 „ tiatus, Diaconus Ecclesiæ Edessenæ cō-
 „ stituitur; eoque in gradu, summa cum
 „ laude diù vixit: eam vocem aliquan-
 „ do de cælo se audisse testatur: *Surge,*
 „ *ò Ephræm, & comede cogitationes, &*
 „ *sententias:* cumque anxius ille animi
 „ respondisset: Unde ego, Domine, co-
 „ medam? iterum audivisse: *Ecce in domo*
 „ *mea vas splendidum, & magnificum est,*

S

quod

quod tibi suppetitabit cibum: cum verò hæc de Basilio Magno dici intellexisset, ad illum se contulit. Divinis rebus imbuendum: ex eoq; tempore geminas has, magnasq; animas Ephræm, & Basilium, indissolubile necessitudinis, vinculum quàm arctissimè junxit. Sunt qui putant, à Basilio Magno Ephræm in Presbyterum fuisse ordinatum; & ab eodem Græcæ linguæ donum velut infusum recepisse: verum horum alterum falsum; alterum minùs certum, & exploratum Baronius putat. Hæreticum Apollinarem lepidissimum in modum ludibrio exposuit; nam illius quosdam libros, quibus mortalibus imponere scelestus hæresiarcha consueverat, clàm subductos ita paginis inter se glutino compactis, implicuit, ut nulla unquam ratione legi possent: cum verò Apollinaris, imprudens ejus rei, in publicam quandam disputationem libros illos adduxisset, in quibus spem omnem victoriæ habebat positam; cumque, negans posse se annis confectum, contentiosi sermonis ferre laborem, in medium eos libros produci, indeq; argumenta efferri jussisset,

fisset, ridicula sanè fabula extitit; nam præter spem, libri illi adeo inexplicabiles inventi sunt, ut nulla via legi, aut aperiri potuerint: cujus rei causa, tanto rubore perfusum, tantâque correptum rabie Apollinarem ferunt, ut in morbum periculosius inciderit. Pietate, fide, rerum humanarum contemptu, omniumque virtutum conspiratione Ephræm excelluit. Sed christianæ humilitatis virtutem adeò coluit, ut quominus Episcopatû suscipere cogeretur, dementiâ publicè simulaverit. Basilii Magni laudes, in ejusdem funere, panegyri celeberrima est prosecutus: cumque ea in panegyri hujusmodi prece Basilium compellasset: *deprecare pro me admodum miserabili, & revoca me tuis intercessionibus pater*, post mensem ab illius obitu migravit in Cælum anno 378. sub Damaso Papa, & Valente Imperatore. Dum moreretur egregiam ad suos, sanctissimisq; plenam monitis, habuit orationem, quæ *Ephræm testamentum* inscribi solet: ea in oratione inter cætera jussit, ne sui corporis ratio ulla, aut ullus honor haberetur: verba ejusmodi addens:

Sozomen. l.

3. c. 15.

Hortor vos, ut loco suavis aromatum odoris, vestris me adjuvetis orationibus, in ipsis continuè mei memoriam facientes; & inferius: Comitimini me psalmis, & orationibus vestris, & assiduè pro mea parvitate offerre dignemini; & cum trigessimum diem complevero, mei memoriã faciatis: mortui enim beneficio afficiuntur, in oblationibus recordationum sanctorum viventium: Adeò antiqua fide tenuerunt Orientales Purgatorium esse, animasque ibi detentas fidelium suffragiis juvari. Plurima S. Ephræm scripta reliquit Syro sermone: sed non omnia statim Græcis aut Latinis innotuere: nam Sanctus Hieronymus unius tantum voluminis meminit: postea verò, paulatim è tenebris, omnia ferè Ephræm opera emerferunt, quæ Gerardus Vossius in unum collecta edidit Romæ, partim anno 1489. partim anno 1593. Ad tantam verò Ephræm venit claritudinem (utor verbis (1) S. Hieronymi) ut post lectionem scripturarum, publicè in quibusdam Ecclesiis ejus scripta recitarentur. S. Gregorius Nyssenus, tanti viri laudes, atque res gestas est prosecutus, sermone quodam, qui de

*Professio Fidei
Cath. ex Cœc.
Florent.*

*(1) De Scri-
ptor. Eccl. in
Ephræm.*

de S. Ephræm inscribitur apud Baron.
 Alius etiam, per idem tempus, Ephræm
 nomine in Antiocheno Patriarchatu
 sanctitatis fama, inter solitarios excel-
 luit: Sancti Præterea Pelagius Laodi-
 cenus, & Paulus Neocæsarex Euphra-
 tesis Episcopi, ibidem floruerunt.

Baron. t.
 4. Ann. edit.
 Rom. p. 358.

*De Sancto Barsa Episcopo Edessæ, aliisque
 plurimis Confessoribus Edessenis.*

*Facinus pulcherrimum
 eorumdem.*

179. **S**ANCTUS BARSA EPISCOPUS, EDES-
 SENSUS exiliis, virtute, ac mi-
 raculis sub Valente celeberrimus, hic
 etiam est memorandus; atque omnis ferè
 populus Edessenorum, de quibus ejus-
 modi facinus pulcherrimum, ac me-
 morabile (1) proditur. Sub annum 372.
 Valens Edessam venerat, ut celeberrimam Ecclesiam, in qua Sancti Aposto-
 li Thomæ tunc reliquiæ condebantur,
 inviseret: quo autem tempore, ea in
 urbe ille versaretur, catholici Edes-
 seni, pastore Barsa orbati, atque ab Ec-
 clesiis omnibus exclusi, sub diò ad
 sacras functiones, certo quodam extra-

(1) Sozom.
 lib. 6. cap. 17
 Theodoret. in
 Philost. p. 679

urbem loco, frequentissimi conveniebant: id ubi rescivit sævus Imperator, tanta irâ exarsisse illum memorant, ut modesto Prætorio Præfecto alapam, quòd non dum Edessenos Catholicos dissipasset, incusset; simul jubens, ut eosdem quamprimum, quò minùs ad preces una convenirèt unquam, vi ferroque prohiberet; ac, si opus foret, internecione omnes extingueret. Præfectus, in cujus pectore humanitatis quædam scintilla supererat, clàm Edessenos monuit, se postridie cum armatis adfuturum, ut in illorum corpora irati Principis acerba jussa exhauriret; proinde maturè se morti, cædibusque subducerèt. Tum dicta die, magno clamore, numerosâque militum copia in eum locum movet; fore ratus, ut vacuus à præmonitis catholicis inveniretur. Verùm aliter se res habuit; in itinere accepit, catholicos ibidem veluti manere defixos, aliosque frequentissimos turmatim semper accedere, militem expectantes alacres atque securos. Ad hæc mulierem vidit puerum manu trahentem, quæ anhelanti similis, concitatissimo gradu, versus eosdem

Catholicos incompta, & sollicitudine plena ferebatur; eam ad se vocat; interrogat, quem ad locum, & cujus rei causâ tantâ celeritate properaret? Tum, *in societatem imminuentis periculi ire se* invicta mulier respondit; quò & ipsa una cum aliis catholicis, Valentis gladium avidè expectantibus pro fide fortiter occumberet; natumque secum trahere, futurum & ipsum vulnere participem, beatæque mortis confortem; properare autem se, ne Martyrii oblatam à Deo pulcherrimam occasionem desidia, aut tarditate corrumpere. Ad hæc obstupescens Modestus, & ab una omnes discens, intellexit qualem pectus Edesseni gererent catholici; mortemque illis voto, quam formidini esse; quare incertus animi parumper hæsit, tùm retrò gradum ad Valentem retulit; eisdem rem totam exponit: addit, quicumque in eam catholicorum multitudinem intentarentur conatus, irripitos illos omnes vacuosque casuros; trucidari quidem eos posse, moveri loco, publicisque precibus prohiberi, nequaquam posse: ex tanta cæde non nisi crudelitatis invidiam Imperatori extir-

ram: præstare tot aliis calamitatibus obvolutos relinquere. Valens acquievit: tempestas illa paulò resedit; fortissimique illi Edesseni, spe quidem Martyrii, sed non merito frustrati sunt. Recensenti verò mihi eorum temporum Sanctos Orientales, piaculo duxi, si invictam hanc Confessorum multitudinem innominatam prorsus præteriissem. Ex eo tamen Edessenorum numero, ab eodem Valente, per eundem Præfectum octoginta exules acti sunt, primò in Thraciam, mox divisim alii in alias regiones. Horum exulum Edessenorum antesignani fuerunt.

180. SANCTI EULOGIUS, ET PROTOGENES, qui una in Thebaidem apud Antinoèn relegati, idolorum ibi cultores magno numero Christi fide imbuerunt: postea exilio soluti, Eulogius Edessæ post S. Barsam, Protogenes Carris post S. Vitum Episcopi præficiuntur; hic item Vitus Protogenis præcessor, atque etiam Abraham ejusdem Protogenis successor, tum Sanctus Antiochus Nepos, atque successor Sancti Eusebii Episcopi Samosatani, ea tempestate floruerunt:

De

De Sanctis Iuventio, & Maximino.

181. **S**ANCTI JUVENTIUS, ET MAXIMINUS
 Juliani scutarij, quos impius
 Apostata excruciatos necavit; quòd il-
 lud Danielis 3. protulissent: *Tradidisti*
nos Regi iniquo desertori supra omnes gē-
tes terræ: eidemque Juliano corā obji-
 cere non dubitassent: horū corpora ho-
 norificè Antiochiæ tumulata olī erant
 memoriamque quotannis Antiocheni
 solemniter celebrare consueverant.

De Sancto Artemio.

182. **S**ANCTUS ARTEMIUS dux Exerci-
 tum, qui plurima Idola Cō-
 stantio imperante, comminuerat; sub
 annum 359, post victoriam Sarmaticam
 ab eodem Constantio relata, ejus-
 dem Imperatoris jussu Sanctorum An-
 dreæ, ac Lucæ Evangelistæ Corpora
 ex Achaja Constantinopolim transtu-
 lit. Postea Ægypti Augustalem præfe-
 cturam obtinuit: in eo munere versan-
 tem Julianus Apostata, quòd Christum
 coleret, & Christi cultoribus faveret,

ex-

excruciatum necavit. Hujus Sancti memoriam Latini simul & Græci die 20. Octobris celebrant.

De Sancta Publia Matrona.

(1) *Theodor. histor. lib. 3. c. 14.* 183. **S** PUBLIA MATRONA (1) nobilissima vidua, virtutum famâ celeberrima, quæ secum Virginum cætum habebat Antiochiæ; quibus cum sacras Deo laudes canere frequentissimè consueverat. Hæ Virgines præeunte PUBLIA, si quando illac Julianus transfirer, Davidis illud elatiori clariorique voce unâ canebant: *Simulacra gentium argentum & aurum, opera manuum hominum; addentes subindè similes illis faciunt qui faciunt ea, & omnes qui confidunt in eis.* Quæ voces cum gravissimæ Apostatæ auribus accidissent, jussit, ut Virgines illæ, ipso transeunte, silerent: verùm cum iterùm Julianus transfirer, iterùm Virgines, ea jussa nihili pendentes, alacriùs canere exaudiebantur, sæpiùs repetentes: *exurgat Deus, & dissipentur inimici ejus.* Quamobrem irafurens Apostata, Chori magistram Publiam ad se adduci, eique per satelli-

tes

tes conteri gravius malas, genasque
 cruentari iussit: neque sic tamen illam,
 easque virgines cantu prohibere potuit.
 Hujus Publicæ memoriam Græci quo-
 tannis solemni ritu repetunt, eamque
 pro Chrysoctomi matre, eorum aliqui
 habere videntur: eandem Theodore-
 tus Diaconissam appellat.

*De Sancto Asclepa Sebasteno,
 aliisque Martyribus.*

184. **S**ANCTUS ASCLEPAS SEBASTENUS ver-
 beribus necatus à Demosthe-
 ne Valentis ministro. Alii quoque Mar-
 tyres innumeri ex Antiocheno Patriar-
 chatu extiterunt, in odium Nicenæ fi-
 dei ab Arianis occisi, tum sub Constan-
 tio, tum sub Valente. Plurimos quoque
 Christifideles Juliani furor, plurimos
 Saporis Persarum regis, eo tempore su-
 stulerunt. Qui de infinita Martyrum
 multitudine, quæ in Saporis persecu-
 tione, sub annum 344, in Perside occu-
 buit certior fieri velit, adeat Baronium,
 atque scriptores illos, qui Ecclesiasti-
 cam historiam ex instituto prosequuntur.

*De aliquibus Solitariis Antiocheni
Patriarchatus.*

De Sancto Simeone Stilita.

185. **S**IMEON inter celebriores ejus
temporis solitarios habetur:
habitare subinde solitus per dies plu-
res super columnam, unde Stilitæ co-
gnomentū obtinuit. Hunc, Antioche-
nus Patriarcha Meletius, dum suā lu-
straret Diæcesim, Syriæq; Monachos
sibi subditos inviseret, cum deprehen-
disset, ferreo vinculo humi defixum,
accito fabro, ea quidem vincula frangi
iussit, addens: *Amanti Deum homini,*
satis pro vinculo esse mentem: verū ab
instituto vitæ rigore sanctissimum soli-
tarium dimovere minimè voluit; qui
proinde in eodem, imò etiam severiori
vivendi genere, ætatem duxit usque ad
tempora junioris Theodosij. Theodo-
ret: lib: SS. Patrum c. 26.

De Sancto Juliano Sabba.

186. **S**ANCTUS JULIANUS SABBA inter Syriæ solitarios facile princeps eo quoque tempore vixit: Juliani cædem, eodem quo evenit die per ea verba prædixit: *sus agrestis Vineæ Domini populator mortuus jacet*; miraculis clarus fuit: sub Valente Imperatore è solitudine in frequentiam duplici ex causâ prodijt; alterâ ut Catholicis Antiochenis, pastore orbatis omnibusque calamitatibus obvolutis præsto esset; alterâ ut palàm Eusebianis adversaretur, qui falsò sparserant invulgus, Julianum Sabbam ipsorum societatem inijsse.

De Sancto Aphaate.

187. **S**APHRAATES notissimus quoque; fâ-
 .mâ & virtute solitarius, Valente Antiochenos catholicos premente, in horum auxiliũ admodũ senex ex Eremo prodijt. Hunc ab altò ex regia porticu videns Imperator vili pallio amictum, & concitato gradu summa
 in

in senectate incedentem : Quo vadis ? interrogavit . Ille autem sapienter , pro tuo , respondit , Imperio precaturus . At qui domi te manere , subdit Valens , ibiq: ex Monastica lege orare par erat : recte ais Imperator , divinus ille vir inquit , hoc me facere oportebat , idque haëtenus feci , dum oves Servatoris , pace fruerentur : nunc , quoniam vehementer conturbatae sunt , & in discrimen adductae , ne à feris diripiantur , omnia tentanda sunt , & oves conservanda . Dic enim queso te Imperator : si puella essem intus in conclavi residens , & domas curam gerens , & paternas aedes viderẽ repentina flamma conflagrare , quid me tandẽ facere conveniret ? Intus ne desidere , domusque incendium negligere , & operiri dum flamma invalesceret , an relicto conclavi sursum ac deorsum discurrere , & aquam adferre flammamque restinguere ? Hoc te profectò responsurum liquet : hoc enim prudentis , & cordatae puellae foret : Hoc est quod nunc ago , Imperator . Nam cum flammam in paternam domum nostram inieceris , circum cursumus , eamque extinguere nitimur . His auditis Imperator conticuit :
cubi-

cubicularius verò quidam, qui eundem Sanctum virum indigè habuit, paulò post mente captus, & in ferventis Balnei aquam se proijciens, ibidem extinctus violati Aphraatis poenas luit. Hæc de Aphraate admirabili viro meminisse non piguit. Eodem tempore florebant Antiochiæ præclarissimi Confessores, Flavianus, Diodorus & Acacius, quos aliquando solitariam duxisse vitam nonnulli scriptores edunt. Præterea Sanctus ille Arsacius natione Persa, qui primò sub Licinio fidei confessione clarus fuit, deindè solitudinem coluit, circa mœnia Nicomediæ; unde, divino monitus oraculo prodiit, ac surdis Nicomediensibus urbem immani terræ motu jam jâ ruituram prædixit.

De Sancto Moyse.

188. **S**ANCTUS MOYSES, qui sanctitatis famâ, & miraculorum potentiâ plurimum ad Saracenorum conversionem contulit, & quem Mavia Saracenorum Regina gentis suæ Episcopum postulavit, eaque conditione pacem cum Valente composuit.

Sed

Sed alii plurimi in Antiocheno Patriarchatu sanctitatis famâ eo tempore floruerunt , Episcopi , Confessores , Martyres , Virgines , Solitarii , quos tamen præterire necesse est . Eorum autem nomina, quorum hætenus mentionem fecimus , ex ordine sunt ejusmodi .

Patriarchæ Antiocheni .

S. Eustathius .

S. Meletius .

Paulinus .

SS. Episcopi , Martyres , & Confessores .

S. Eusebius Samosatenus Episcopus .

S. Spiridion Episcopus Trimituntis .

S. Jacobus Episcopus Nisibenus .

S. Ephræm Diaconus Edessenus .

S. Barsa Episcopus Edessenus ,
aliique innumeri Confessores Edesseni .

SS.

CAP. VI. DE VIRIS SANCTITAT. ILLUSTR. 289

**SS. Eulogius , & Protogenes
Episcopi, & Confessores .**

**SS. Juventius , & Maximinus
Martyres .**

**S. Artemius dux Exercituum
Martyr .**

S. Publia Matrona.

S. Asclepas Sebastenus M.

Sancti quidam Solitarij .

S. Simeon Stilita .

S. Julianus Saba .

S. Aphraates.

**Sancti Flavianus , Diodorus,
& Acacius .**

S. Arfacius Persa .

**S. Moyfes , postea Episcopus
Sarracenorum .**



T

SAN-

SANCTI EX PALESTINA,

EPISCOPI HIEROSOLYMITANI.

*De S. Macario Episcopo
Hierosolymitano.*

189. **S**ANCTUS MACARIUS interfuit Concilio Nicæno, seditque ibi primus, post Patriarchas: ejus tempore Sancta Helena Constantini mater Sanctam Christi Crucem invenit, & Constantinus templa plurima Hierosolymis posuit. Hic vir magnus, ac celebris, famâ, miraculis, & virtute clarissimus, obiit anno 334. cum Silvester Ecclesiæ, Constantinus Imperij clauum regerent.

*De Sancto Maximo Episcopo
Hierosolymitano.*

190. **S**ANCTUS MAXIMUS successit Macario; è Tyrio conciliabulo cum S. Paphnutio sese proripuit; ne particeps videretur eorum scelerû, quæ

quæ ibi Eusebiani, aduersus Athanasium moliebantur. Interfuit Sardiensi Concilio: ibique pro Athanasio sententiam dixit. In ejusdem Athanasij reditu, Synodum Hierosolymis celebravit; ut majori gaudio, virum illum, post tot labores reducem & victorem amplecteretur: eundemque, quâ majori posset celebritate, in Ecclesiasticam communionem exciperet. Nicæne Fidei, ejusdemque Athanasij perpetuus cultor extitit ac defensor: falsò accusatur a Socrate, quod aduersarius aliquando Athanasio fuisset. Obiit anno 351, Julio Ecclesiam, Constantio Imperium administrantibus.

*De Sancto Cyrillo Episcopo
Hierosolymitano.*

191. **S**ANCTUS CYRILLUS successit Maximo. Post cujus obitum perturbatâ Hierosolymis Episcoporum successione, plures, Cyrilli nomine, falsi Episcopi, teste (1) Hieronymo, exiterunt; Cyrillus Euthichius, Cyrillus Irenæus, & Cyrillus Hilarius; qui omnes adulterini, atque Ariano pul-

(1) Hieron.
in Cronic.
Epiphani. leg.
ref. 66.

(2) Hieron.
descrip. Eccl.
in Cyrillo.

(3) Sozom.
lib. 4.
Theodocet. l.
2. cap. 27.

vere non mediocriter aspersi existimantur. Hic tantum Sanctus Cyrillus jure ac ritè, Sanctæ Civitatis sedem obtinuit; qui (1) sæpè Ecclesia pulsus sæpiùs receptus, ad extremi sub Theodosio Principe, octo años inconcussam Episcopatum tenuit. De hoc Cyrillo (1) ferunt, stolam auro multo intertextam, à Constantino donatam Ecclesiæ, grassante fame, in pauperum subsidium vendidisse; emptam verò fuisse ab histrione quodam, qui ea indutus in scenam saltusque prophanos cumprodiisset, in poenam sacræ rei contaminatæ, extinctus repente corruit: ob eam verò rem in invidiam Cyrillum vocarunt Ariani, & in Conciliabulo Constantinopolitano, Episcopatu moverunt. Hujus Cyrilli tempore, anno 353, sub Liberio Papa & Constantio Imperatore, Hierosolymis crucem ingentem, diei luce clariorem, visam fuisse tradunt, tantæ magnitudinis, ut totum illud Cæli spatium, quod à Calvariæ monte, ad montem Oliveti imminet, occupare videretur. De Cyrilli scriptis consule Hieronymum. Cathespes adolescens, ante susceptum Epi-

Episcopatum elaboraverat, sub annuū
347. Hi autem eo tempore fuerunt
Sancti Sanctæ urbis Episcopi. Sed in
Palestina præterea alii floruerunt plu-
rimi.

De Sancto Epiphanio.

192. **S**ANCTUS EPIPHANIUS Episcopus
Salaminae in Cypro, natus
est in Palestinæ provincia, oppido Be-
sanduce: scriptis clarus, clarior San-
ctitate: monasticam quoque vitam
diu coluit, notissimus famâ inter Pa-
lestinæ, Syriæque solitarios: vixit,
(teste Hieronymo) usque ad quartum
decimum Theodosij annum, atque in
extrema etiam Senectute libris con-
scribendis operam dabat.

*De Sanctis Macario, & Asterio,
& Irepione Episcopo
Gazzeni.*

193. **S**ANCTI MACARIUS alter, ex
prima Palestina, & ASTERIUS
ex Palestina tertia. Hunc Macarium,
& hunc Asterium Eusebiani in inte-
riorem

riorem Lybiam egerunt exules, quod Sardicę ab ipsorum confortio discesserint; eorumque fraudes detexerint, & se adiunxerint Sardicensi Concilio. Item IRENION Gazzensis Episcopus, inter Sanctos ejus temporis Palestinos locum obtinet: qui Concilio interfuit Aniocheno celebrato sub Joviano. Alios quoque plurimos sanctitate illustres viros, per illud tempus edidit Palestina: quos nobis, per otium memorare minime licuit.

SANCTI AB EXARCHATU
HERACLEENSI, PRÆ-
SERTIM CONSTAN-
TINOPOLITANI.

EPISCOPI CONSTANTI-
NOPOLITANI.

De Sancto Alexandro.

*Athanas. Sox-
rom. Theodo-
cet. Baran. a-
liiq; possim.*

194. **S**ANCTUS ALEXANDER interfuit Concilio Nicæno: Ario fortissime restitit: quo tempore Hæresiarca, Eusebianorum stipatus multitudo, in Ecclesiam vi militum parabat

bat irrumperē, hic S. Ancistes intra eandem Ecclesiā, oclusis foribus orabat: ejusq; precibus Arius eo in itinere creditur occubuisse. Hic Alexander dum moreretur interrogatus de successore, respondisse fertur: *si virum pietate spectatum, aptumque simul ad docendum queritis, Paulum eligite: sin hominē ad res civiles gerendas, & consuetudinem cum principibus habendam idoneum desideratis, Macedonius priores obtinet*. Obiit anno 336, sedente Marco Pontifice, Constantino imperante.

De Sancto Paulo.

195. **S**ANCTUS PAULUS Alexandri successor quater exulavit: primum quidem (Athanasij (1) magni (1) Athanas. utor verbis) in Pontum relegatus est: *ad Solitar.* postea a Constantio, ferro vinctus in Syngaram mesopotamiae deportatus: rursus inde in Emesam; a quo ex Emesa in Cucusum Cappadociae, circa desertum Tauri abreptus est: quo tandem loco ab impijs strangulatus occubuit. Hic, Constantinopolitana sede pulsus ab Ari-

T 4 nis,

nis, Romam ad Sanctum Julium Papam confugit, à quo fuit una cum Athanasio, atque Marcello Ancyrano restitutus. De hoc viro Sanctissimo plura innuimus capite primo numero præsertim nono supra vigesimum.

De Sancto Eutropio.

196. **S**ANCTUS EUTROPIUS Episcopus Hadrianopolis in Thracia summis præconijs ab Athanasio laudatus, vir fuit ab omni parte laudis florentissimus. Contra nascentem Arianismum stetit fortissimè; eos qui per Thraciam transirent monere solitus, ut Eusebianos angue pejus caverent. Eusebium ipsū Nicomedię liberrima fortitudine identidem reprehendebat. Earum rerum causâ falsis criminibus à sceleratis sectarijs circumvêtus actus est, exilium: & paulò post, ærumnis confectus, sub magno Constantino exul pro fide occubuit.

De Sancto Lucio.

197 **S**ANCTUS LUCIUS Episcopus Hadrianopolis Arianorū acerbissimus hostis, Sancto Eutropio in Episcopatu successit. Ab iisdem Arianis exagitatus, primò sub Constantino, catenis oneratus pulsus est in exilium; iterum sub Constantio, ab iisdem falso crimine circumventus, quasi divina mysteria canibus obiecisset. Sede sua motus, Romam confugit; ibique in Romano Concilio à Julio Papa cum Athanasio, & Marcello Ancyrano iudicatus ac restitutus fuit. Interfuit Sardicensi Concilio; Indè Hadrianopolim reversus, ibidem ab Eusebianis, ex Philippopolitano Conciliabulo redeuntibus, excruciatum atque necatum pro fide obiit, sub annum 348, sedente Julio, imperantibus Constantio, atque Constante. Repetantur dicta capite primo, numero trigesimo quarto.

De SS. Martyrio, & Marciano.

198. **S**ANCTI MARTYRIUS, ET MAR-
 CIANUS eo quoque tempore
 pro Fide animam Constantinopoli
 amiserunt. De his duobus Con-
 stantinopolitanis Martyribus hæc (1)
 Sozomenus memorat: Nam cum
 „ alii nonnulli tum Martyrius, &
 „ Marcianus obtruncati sunt; quos
 „ ut Pauli convictores, à Macedonio
 „ fertur, Præfecto traditos esse, & cum
 „ accusarentur tanquam auctores ne-
 „ cis Hermogenis, & seditionis con-
 „ tra eum conflatis, mortem fortiter op-
 „ petivisse, quorum alter Subdiaco-
 „ nus erat, alter, videlicet Marcia-
 „ nus, cantor, & sacrarum scriptura-
 „ rum lector. Horum quidem insigne
 „ sepulchrum est, pro moenibus Con-
 „ stantinopolis extructum; & velut
 „ Martyrum monumentum templo
 „ circumdatum: quod templum ædi-
 „ ficare cepit Joannes (nempè Chry-
 „ sostomus) Sisinius autem absolvit,
 „ perfecitque: qui duo postea Eccle-
 „ siæ Constantinopolitanæ fuere An-
 „ tisti-

(1) Sozomē.
 lib. 4. c. 3.
 edit. Paris.
 1544.

„ tistites : nam indignum censuerunt,
 „ eos honore Martyrum carere, quos
 „ Deus ipse honore affecerat ; quan-
 „ doquidem locus , ad quem addu-
 „ cti , securi percussi sunt , cum
 „ antea inaccessus esset , a spectris
 „ purgatus est : inque eo homines
 „ dæmoniis agitati morbo liberati :
 „ atque multa alia miracula præterea
 „ ad eorum sepulchrum edita . Ha-
 „ ctenus Sozzomenus .

*De SS. octoginta Martyribus Con-
 stantinopolitanis .*

199. **S**ANCTI OCTOGINTA MARTYRES
 Constantinopolitani, de Cleri
 ordine omnes , quorum primi erant
 S. Urbanus, S. Theodorus, ac S. Me-
 nedemus . Hos Constantinopolitani
 catholici, ab Eusebianis exagitati, Ni-
 comediâ ad Valentem Imperatorē le-
 garunt; qui tota vertendis injuriis, justiti-
 æ remedium à Principe postularent :
 Sed Valens, ut erat Eusebianorum fau-
 tor, hostis Catholicorum, justitiæ pro-
 ditor magis quàm custos , ea legatione
 offensus , jussit Modesto Prætorio Præ-
 fecto ,

fecto, ut Legatos ad unum omnes occideret: Modestus ad declinandam crudelitatis invidiam, noluit palàm supplicium de illis sumere; sed navi impositos, quasi in exilium pelleret, in medio mari igne omnes extinxit. Memoratur etiã inter Martyres Exarchatus Heracleensis S. Philippus Episcopus Hadrianopoleos. Alii quoque innumeri memorantur, qui per illud tempus pro recta fide fortiter ceciderunt: Quamplurimi etiam Confessores invicti, omniq; sanctitatis genere inclyti, cujuscumque ætatis, atq; conditionis extiterunt, quos recensere omnes longum esset.

SANCTI AB EXARCHATU PONTICO.

200. **E**XARCHATUS PONTICUS Orientalis Ecclesiæ pars nobilissima semper fuit; longè tamen majorem lucem, famamque tulit à Theologo Nazianzeno, Basilio Magno, atq; utriusque beata cognatione; quæ ad illum Exarchatum suam referebat originem: quæ mihi gemini Doctoris cognatione

gnatio, genus electum videri solet, gens sancta, semen cui benedixit Dominus. Quare de Sanctis Pontici Exarchatus satis me dicturum puto, si geminam hanc cognationem paucis, complectar.

COGNATIO S. GREGORII NAZIANZENI THEOLOGI.

201. **S**ANCTUS GREGORIUS THEOLOGUS Patrem habuit ejusdem nominis Gregorium patriâ Nazianzenum. Hic ex Nonna uxore sanctissima duos filios, Theologum ipsum, atque Cæsarium, filiam unam Gorgoniam nomine suscepit: & hi omnes, Vir Uxor, filii atque filia in Sanctorum numerum sunt relati.

De S. Gregorio Patre.

202. **G**REGORIUS Pater è Nazianzo, in heresim hypsisterorum juvenis incidit; tùm ea peste solutus; Nonnam duxit uxorem: Inde rectissimâ fidei virtutumq; via incedēs, patrię suę, Episcopatû obtinuit. Episcopus in
Aria-

Arianismum parumper declinare visus est, subscriptione formulæ Ariminensis; sed ab illo casu etiam erectus, Gregorii filii præsertim opera, sanctitate in posterum vitæ tempus eminuit; sanctusque centenarius propè obiit anno 373. ejusq; memoriam quot annis Ecclesia celebrat kalend. Januarii.

*De S. Nonna Theologi Nazianzeni
Matre.*

203. **S** A NONNA Mater, plusquam virilem animum gessit cum muliebri sexu conjunctum : omnibus virtutibus domi clara, pollensque fuit; quas virtutes Nazianzenus filius scriptas posteritati commendavit. Juncta viro, Mulierem illam, fortem, quam Salomon (1) depinxit, omnibus virtutis coloribus expressit. Prolem aliquam à Deo instanti prece cum postulasset, eandem divino cultui, si exorasset, consecratura; suscepturam se filium, eidemque Gregorii nomen fore, Deo revelante, prænovit. Natum deinde Gregorium, illicò sacras super aras imposuit; gestientem-

(1) *Proverb.*
31.

temque Infantulum , voti memor, Supremo Numini dedicavit. Eundem adolescentem Athenas navigantem, naufragii periculo, cujus divinitus fuerat monita, fufis ad Deum precibus, liberavit; visa cuidam adolescenti (qui cum Nazianzeno in eadem erat navi comes itineris, atq; periculi) fluctuantem ratem manu tenere; ac in portum salvam deducere. S. Cæsarium filium intrepida nec attrata, pro gemitibus psalmos effundens, ad sepulcrum deduxit: S. Gorgoniæ quoque filia, eodem æquabili animo preffit oculos. Cùm gravi morbo pertentaretur, & ab omni cibo, stomachi fastidio abhorreret, per somnum sibi visa est Gregorium filium videre, candidos panes signo Crucis notatos, matri afferentem, quibus nutrita repente ac planè convaluit. Tandem Cæsario filio, mox filiâ Gorgonia, demum Gregorio viro vita defunctis, ipsa etiâ pænè centenaria, postquam bonorum suorum pauperes instituisset hæredes, diem obiit; eodem quo vir anno 373. die 9. Mensis Augusti, qua die tùm Græci, tùm Latini ejus memoriam quotannis celebrant.

De

*De S. Casario Theologi Nazianzeni
fratre.*

204. **S**CAESARIUS Gregorij Theologi frater natus minimus fuit. Adolescens studiis Philosophiæ, Geometriæ, Astronomiæ, & Eloquentiæ in Alexandrina urbe operam dedit; præsertim verò Medicinæ, quâ in arte maximè excelluit. Alexandria Constantinopolim se contulit: & ut erat virtutibus, doctrinisque omnibus ornatus, famâ etiam clarus; tum divina quadam indole, morum suavitate, elegantique admodum forma præditus, illum regia Urbs omnibus honoribus excepit: nam præter alias amoris, ac existimationis significationes, eadem regia Urbs, autoritate publica legationem adornavit ad Constantium Imperatorem, qui per illud tempus Mediolani degebat, à Principe exposcens, uti Cæsarium summum virum, Novæ Romæ Civitate donaret; in ordinem Sanatorium adscribe-
ret; simul ejusdem Urbis Medicum constitueret: quibus omnibus Imperator

rator libens annuit. Deinde Cæfarius, Gregorio fratre invito, totâque cognatione dolente, juvenili quodam ductus ardore gloriæ, in aulam Apostatæ Juliani, regii Medici suscepto munere, sese infudit: mox tentatus ab impio Desertore, ut à Christo se ad Idola converteret, invicto animo repugnavit; & ob eam rem Aulæ se subduxit. Sublato Juliano, ingenti gloria in aulam, à Joviano vocatus rediit. Joviano defuncto, à Valentino, & Valente, quibus Imperium obvenerat, certatim quæsitus est. Mansit apud Valentem, Augusti Medicus, & Bithyniæ Quæstor factus: dum per causam ejus muneris, Niceæ, quæ Bithyniæ, ut sepè diximus, urbs erat celebris, versaretur, memorabilis terræ motus eam urbem funditus evertit; à qua ruina divinitus ereptus penè solus, incolis ferè omnibus oppressis, incolumis evasit. Postea parentum hortationibus, frequentibusque Gregorii patris, ac Basilii Magni literis pressus, ab aulæ strepitu, ad perfectioris vitæ institutum sese contulit: demum, ineunte anno 369 diem sanctis-

simè obiit. Ejus funera Gregorius frater, celeberrima oratione, prosecutus est. Græci die 9. Martii; Latini verò 25. Februarii quotannis S. Cæsarii memoriam celebrant. Huic Photius Dialogos tribuit, qui in Bibliotheca Patrum Cæsarii nomine inscribuntur, verum cum neque apud Hieronymum de Cæsarii scriptis mentio ullafit, neque apud Gregorium, qui certè fratris scripta tacitus minimè præteriiisset, ii Dialogi falsò, credo, ad hunc Cæsarium referuntur authorem.

*De S. Gorgonia Theologi Nazianzeni
Sorore.*

205- **S** GORGONIA Gregorii Theologi, atque Cæsarii soror primogenita, stirpe sancta, beatoque nata semine, virtutes partim ab radice tulit, partim cum nutricis lacte fuxit. Postquam ad provectiorem pervenit ætatē, eam parentes viro junxerunt, quem alii Vitalianum, alii Meletium nominant. Præclaras Gorgoniæ virtutes, à Gregorio fratre accepimus: gravitate, atque modestiâ tantâ fuit,

fuit, ut risum edere, etsi brevissimū, religioni sibi duceret: adeò precibus intenta, ut callum genibus obdlexerit: de fidej mysteriis verba facere non audebat, dicere solita, mulieres, arcana Religionis in simplicitate potius cordis adorare, quàm de illis curiosius loqui debere. Adeò se totam Deo crediderat, ut cum aliquandò periculosius cecidisset, nec mediocre incommodum tulisset ex eo casu, Medicorum fomentis uti noluerit; satis remedium, auxiliiq; in Deo sibi fore confidens; cujus vivacissimæ fidei virtute, repentè, ac planè convaluit. Virum atque natos, familiamque totam Deo, justitiæq; arctissimè mancipavit. Tandem virtute magis, quàm annis gravior, paulò post obitum Cæsarii fratris è vivis excessit. Morienti Nonna mater, atque Gregorius frater adstiterè: idemque Gregorius ipsius laudes celebri oratione complexus est. Sanctæ hujus foeminæ memoriam Græci simul atque Latini, die nona Decembris solemni ritu quotannis repetunt.

De aliis quibusdam, Theologo Nazianzeno sanguine junctis .

206. **G**ORGONIAE sororis VIRUM S. Gregorius summis laudibus effert, dignūq; tantę feminę consortio vocat, eidemq; non vitę tantū, sed virtutis præsertim societate, conjunctum fuisse memorat : Ab hoc Viro Gorgonia tres filias habuisse fertur ; ex his unam nomine Alipiennam Gregorius celebrat, summisque præconiis exornat ; quam Nicobulo adolescenti ornatissimo , pollenti literis , atque armis, domi , militiæque claro , matrimonio junctam fuisse accepimus .

De Nicobulo, Gregorii neptis marito .

207. **E**Xcelluit hic NICOBULUS corpore , animo , genere , atque fortuna . Aulam primū Imperatorum , mox militiam secutus , non vulgarem sibi gloriam in bello præsertim Persico comparavit . In dicendi arte , atque Poesi non mediocrem obtinuit laudem : publica munera

nera obiit plurima, sed invitus; tum quod intentus æternitati existimaret, rem esse periculi plenam, gerere Rempublicam; tum quod ad id vitæ genus, quod minimè negotiosum est, ingenio ferebatur: eam ob rem Gregorii Nazianzeni, atque Hella-dii Cæsarensis Episcopi operâ, perpetuam è rebus publicis missionem obtinuit. Cum verò morum suavitatem præstaret, magis verò Christianarum studio, & conspiratione virtutum, illum Gregorius Theologus, reliquis conjunctis extinctis omnibus, in paucis carum habuit; eundem vocare solitus filium suum dilectum, suæque baculum senectutis. Epistolæ exstant plurimæ Gregorii ad Nicobulum; & Nicobuli ad Gregorium: In una ex his plurimum jocatur Nicobulus de brevi corpusculo uxoris Alipiennæ, Gregorii, ex Gorgonia sorore, neptis: qua occasione arrepta, Gregorius in ejusdè neptis sese laudes effudit, rescribens Nicobulo, Alipiennam, etsi brevis esset staturâ, giganteâ tamen eminere virtute. Quas habemus superstites Gregorii Nazianzeni Epistolas, huic

Nicobulo debet posteritas ; qui ab eodem Nazianzeno , quot quot inveni-ri poterant enixis precibus obtinuit , easdemque , temporum invidiæ subdu-ctas , æternitati mandavit. Hactenus de Gregorii Nazianzeni Theologi co-gnatione , quam strictiori compendio contractam subiicio .

S. Gregorius Nazianzenus Pater .

S. Nonna Mater .

S. GEGORIUS NAZIANZENUS
THEOLOGUS .

S. Cæsarius Frater .

S. Gorgonia Soror .

Alipienna ex Gorgonia Sorore
Neptis .

Micobulus Alipiennæ Vir .

COGNATIO S. BASILII MAGNI.

208. **S** BASILIUS MAGNUS Aviam
habuit sanctam Macrinam :
patrem verò ejusdem nominis Basi-
lium Macrinæ Avia Filium . Hic Ba-
silius Pater , ex Emmelia uxore fan-
cta decem filios , masculos quinque ,
totidem foeminas , omnes sanctitate
inclitos suscepisse proditur . Horum
om-

omnium Macrina, quæ Thecla etiam vocari olim solebat, primogenita fuit. De reliquis quatuor filiabus, id unum accepimus, sanctitatem maximè coluisse; sed earum quæ fuerint nomina, gesta, vitæque institutum haud satis proditum est. Inter masculos Magnus Basilius major natus perhibetur: Basilio proximum Naukratium fuisse arbitror: S. Gregorius Nyssenus habetur tertius: de quarto Basilii fratre, quod puer fortasse decesserit, apud veteres memorias mentio nulla est. Omnium natus minimus fuit Sanctus Petrus, qui Basilii Patris *decimus filius*, in antiquis monumentis appellatur. De singulis autem hujus beatæ stirpis generosis generminibus pauca cursim memorabo, ad gloriam illius, qui mirabilis est in Sanctis suis; atque ad solatium populorum Orientalium, qui præter cæteras gentes, de Basilii cognatione, deq; Sanctorum præstantia, & multitudine gloriari jure optimo possunt.

De S. Macrina Basilii Magni Avia:

209. **S** MACRINA Basilii Magni
 Avia, heroum partu beata,
 & Matrum omnium, Sanctorum prole,
 felicissima fuit; tot, tantosque com-
 plexa Nepotes, ferè

(1) Virgil.
Æneid. lib. 6

*Omnes (1) Calicolas, omnes supera alta
 tenentes.*

(2) S. Basil.
Epist. 75.

Nata (2) Neocæsareæ in Ponto, ibi
 dem à teneris in omnium virtutum ge-
 nere à S. Gregorio Thaumaturgo ita
 fuit instituta, ut nunquam deinde ab
 incæpto sanctitatis cursu vestigium de-
 flexerit. Provehitior ætate facta virum
 habuit genere, atque pietate parem;
 cujus tamen sanctissimi viri nomen de-
 sideramus. Pro Chisti fide gravia
 uterque passus: namque in Maxi-
 miani persecutione, bonorum omnium
 jacturam subierunt: mox extorres,
 atque per Ponticas solitudines erra-
 bundi, in inviis mōtibus septē ferè an-
 nos latitarunt: quo tempore quantam
 eorum divina Providentia gereret cu-
 ram, non semel experti sunt. Cum ali-
 quando in summa ciborum penuria
 car-

(3) S. Greg.
Nazianz. or.
 20.

carnium desiderio, ipsorum fames per-
tentaretur, Cervi ex insperato in sum-
mo montis vertice apparuerunt, qui
cum eisdem occidendos spontè se, ac
faciles permississent, horum carnibus
vitā diū tolerarunt. Pacatis rebus, in
Patria reduces filium procrearunt, cui
Basilii nomen imposuere, & reliquum
vitæ tempus ingenti virtutum fama,
sanctissimè peregerunt. Sancta Ma-
crina ex Basilio filio, Basilium Magnū
nepotem vidit, cujus ætatem (1) pri- (1) *S. Basil.*
mam, sanctissimis moribus formavit, 65. 79.
eisq; virtutum coloribus imbuit, quos
ipsa olim puella, à S. Gregorio Thau-
maturgo Magistro suo hauserat. Tan-
dem gravis annis, gravior virtutibus
meritisque, diem obiit. Cujus memo-
riam die 17. Januarii Latini recolunt.
S. Macrinæ vitam scripsit S. Gregorius
Nyssenus, ejusdem ex filio Nepos.

De S. Basilio, Basilii Magni patre.

210. **S** BASILIUS PATER natus creditur
Neocesareæ in Ponto, atq;
ibidē educatus, non in sinu tantum, sed
in pietate, ac virtutibus Macrinæ ma-
tris.

tris. Eloquentiæ studiis adolescens operam dedit; qua in arte excellentissimus evasit. Eruditionis quoque ingentem famam obtinuit. Prudentiâ morumque integritate tantâ fuit, ut vulgò in Ponto, Pater virtutis, atque consilii diceretur: sed in primis sanctitate præfulsit, miraculis etiam clarus. Sanctam Emmeliam Virginem, præclarissimam, ætate, genere, atque fortuna, magis verò virtutibus florentem, uxorem duxit. Ex illa, uti diximus, numerosam prolem suscepit, atque in primis Magnum Basilium; cujus generosa indole quàm maximè delectabatur. Is cum aliquando puer in morbum periculosius incidisset, Christus per somnum Basilio parenti pro nati salute, validis precibus instanti apparuisse fertur, atque dixisse: *Vade filius tuus vivit*: eâque hora puer morbo solutus planè convaluit. Primus, Basilii filii in pietate, ac literis, (in quo utroque genere excelluit) Magister fuit: nam & capacem pueri animum virtutibus formavit; & acerrimum ejusdem ingenium humanioribus disciplinis domi excoluit. Demùm

ætate

ætate maturus , meritis onustus , San-
ctorum prole beatissimus anno 344.
sub Julio Papa , & Constantino Impe-
ratore sanctissimè obiit.

*De Sancta Emmelia , Basilii Magni
Matre .*

211. **S** EMMELIA Magni Basilii
Mater nobili genere in
Cappadocia nata , Patrem habuit cui
etiam Basilio nomen erat . A teneris
vehementissimo Virginitatis amore
capta , hunc pulcherrimum corporis
florem , ei , qui pascitur inter lilia , per-
petuò consecrare statuerat . Verum
Deus , qui stirpem illam generosissi-
mam , non ad florem tantum , sed ad
fructus uberrimos destinaverat , vir-
gineo contentus animo fuit . Namque
Emmelia , primo juventæ suæ flore ,
parentibus conjunctisque omnibus or-
bata , ut pudorem in tuto collocaret ,
Virum ducere coacta est ; in quo , non
tàm thalami consortem , quàm orbi-
tatis solatium , & custodem honestatis
haberet . Omnibus post habitis , cer-
tatim illam petentibus , Basilio , de
quo

quo superiori numero diximus, uxore se junxit: ex quo filias quinque, totidem natos, inter quos Magnum Basilium peperit. Basilio Viro defuncto, filium, cui Petri nomen accessit, posthumum edidit. Deinde in Virginum coenobium, Macrinæ filiae operâ fundatum, se recepit. Ipsius curâ reliquæ quadraginta Martyrum Sebastenorum, solemni pompa in quandam Ecclesiam, non longè ab eo coenobio sitam, translatae fuerunt: quos Sanctos Martyres Sebastenos, tota Basilii Magni familia apprimè coluit. Demùm anno 372. sub Damaso Papa, atque Valente Imperatore, ætate, ac meritis gravis, in eodem Virginum coenobio iuter manus filiae Macrinæ, ac Petri filii, animam Deo reddidit. Ejus corpus in eadem Sanctissimorum Martyrum Ecclesia, juxta virum sepultum est. S. Emmeliæ, ejusque Viri Basilii memoriam Ecclesia repetit die 34. Maii. Basilius Magnus Matrē amissam adeò doluisse fertur, ut in morbum inciderit.

Sanctæ Emmeliæ parentem, Basilium quoque nomine, Martyrem fuisse, præclarissimi Scriptores memorant,

rant, à Licinio pro Christi fide occisum: ita Mulierum hæc felicissima, Parente Martyre nata; Sancto Viro juncta; Sancta & ipsa; Sanctos plures Ecclesiæ peperit; plura sanctitatis Sydera Cœlo addidit.

De S. Macrina Basilii M. Sorore.

212. **S**ANCTA MACRINA, sive Thecla Basilii Magni Soror primogenita tantæ fuit sanctitatis atq; prudentiæ, ut fratres reliquos atq; sorores ad omnes virtutes, exemplo consilioq; formaverit. Puellam pater cuidam desponderat; sed sponso, ante initum cōjugium, vitâ defuncto, virginitatem perpetuò coluit. Basilio Magno fratri, exactis studiis ob scientiæ partam gloriam aliquantulum inflato, rerum humanarum contemptum inspiravit; ferocemq; juvenis animum tantâ dexterritate tractavit, ut brevi ad Christianæ humilitatis studiū inflexerit. Ita Macrina sorore duce, atq; Magistra, Basilius rebus humanis nuntio remisso virtute magnus evasit. Apud Iborim exiguam Ponti urbem, Virginum Cænobium

in-

instituit, cui etiam præfuisse traditur; ubi Emmeliæ Matris, quæ in id cœnobium se receperat, senectutem levavit: & morienti extrema præstitit pietatis officia. Parentum, fratrumq; Naucratii, & Basilii obitum invictio animo tulit.

Cùm post obitum Basilii, Gregorius Nyssenus longè absens ad illam invisendam animum adjecisset, ut sororis aspectu, amissi fratris desiderium leniret: eo iter faciente, Macrina in morbum incidit; eamq; Gregorius adveniens, morti proximam invenit; humi jacentem, super asserem cilicio stratum: sermones invicem prolixos habuerunt, qui inter ejusdem Nysseni opera supersunt, eoque tractatu, qui *de Anima, & Resurrectione* inscribitur, continentur. Duræ quædam ibi, atque asperæ, quasi à Macrina prolatae leguntur sententiæ; ab hæreticis intrusæ, quarum causâ, ipsum Nyssenum, in suspensionem olim Originesæ, incidisse crediderim: Macrina paulò post, Gregorio fratre præsentem, signo Crucis munita, inter preces afflavit animam. Ejus vitam idem Nyssenus conscripsit: inter cætera memorat de sorore Sâcta, quod

quod perpetuò gestaverit ferream crucem, nudo pectori adhærentem, qua parte cordi est proximum: atque annulum in ea Cruce fuisse, atque in annulo veræ Crucis particulam inclusam. Cujus sacræ rei hæres, ipse Gregorius fuit. Macrinæ corpus in Ecclesiam Sebastenorum Martyrum solemniter funere deductum, ibidem cum parentibus sepultum est. Sanctæ hujus memoria die 19. Julii celebratur.

De Naucratio Basilii M. Fratre.

213. **N**AUCRATIUS secundus Basilii Frater, in lucis usuram prodiit anno post Christum natum 329. sub S. Silvestro Papa, & Constantino Magno Imperatore; forma, ingenio, vigore corporis animique, præ cæteris Fratribus pollebat. Adolescens præclara, publicaue ingentis animi documenta edidit; tantamque erectæ indolis laudem, prima ætate obtinuit, ut in maximam familiæ spem crescere videretur. Verum Divino afflatus numine, institutum inanis gloriæ atque fortunæ cursum, meliori consilio rupit.

Nam

Nam dùm secundum supra vigesimum ætatis annum ageret, rebus humanis repentè vale dicto, in quandam solitudinem, quæ à cænobio Macrinæ sororis trium dierum itinere distabat, se contulit; ut curis omnibus solutus uni Deo, & æternitati vacaret: cujus consilii socium atque participem habuit quendam domesticum sibi carum, nomine Chrysaphum. In ea solitudine, duos senes, fractis viribus afflictâque valetudine invenit, in extrema rerum omnium inopia, ægrè vitam trahentes. Horum curam Naucratiùs suscepit, lætus quòd cum solitariae vitæ institutis officia posset charitatis conjungere. Venationi, in qua excellebat, identidem operam dabat; tùm ut inde haberet quo senes illos reficeret; tùm ut vim juventæ ardētissimam, labore corporis frangeret; & beatæ contemplationis otium, aliquo exercitationis genere temperaret: ita partim orando, partim legendo aut meditando, partim etiam venando, quieti laborem intermiscens, Cælo proximior, longè à populari strepitu, quinque annos generosus adolescens cōsumpsit. Eo spatio

tio temporis elapso, res accidit multò lacrymabilis: nam cùm quadam die de more ad venationem exiisset, nec inde reverteretur, quidam illum, & fidum simul Chrysaphum (quo casu incertum est) invenerunt extinctos. Ejus rei fama funestissima, quæ omnium animos percussit, ad aures Emmeliæ matris, & Macrinæ sororis pervenit: Mater eo nuntio graviùs icta, voce repentè interclusa, sensibusque relicta, semianimis concidisse fertur: fortiùs fratris casum Macrina Soror excepit; nam & imperturbata ipsa stetit; & jacentem Matris animum, dictis plusquam virilibus crexit. Naucratii obitum in annum 357 incidisse credendum est: ejusdem casum acerbissimum, atque virtutes egregias, Nyssenus Frater exequitur.

De S. Gregorio Nysseno Basilii M. fratre.

214. **S**ANCTUS GREGORIUS tertius Basilii Frater, natus est anno à reparata salute 330. Puer in Eloquentiæ studium incubuit. Mox ad Ecclesiam accedens, Lectoris munus adolescens obivit. Inde, per quandam juvenilis

Nazianzen.
Epist. 43.

nilis animi levitatem, Ecclesiasticæ vitæ institutum, non sine dedecoris nota deferens, ad artem Rethoricam docendam se contulit; sed ob eam rem seriò à conjunctis atq; amicis, præsertim (1) à Naziāzeno castigatus, iterum in Clericorum ordinem rediit. Sunt qui putent, Gregorium, primo juventæ robore, uxorem habuisse nomine Theosebiam, eâque defuncta, in Monasterio Iboris cum Basilio fratre monasticam vitam coluisse; Sed ejus rei fides sit penès authores. Exinde cum ad provectiorem pervenisset ætatem, Episcopus à Basilio fratre ordinatus, Nyssæ quæ Cappadociæ urbs erat, ab ea Nyssa, quæ in minori Asia est longè diversa, invitatus præficitur: indeque ipsi, Nysseni cognomentum accessit. Episcopatum ingenti laude gessit. Pro Religione, ac Nycæna fide, adversus Arianos pugnavit acerrimè; qui illum ea causâ malis omnibus exagitarunt. Ab obscurissimo quodam homuncione, Philocaris nomine, falso crimine insinulatus, quòd Ecclesiæ argentum dissipasset, eo prætextu à Demosthene culinæ Imperialis Præfecto, Basilii M. hoste acerbissimo,

bissimo, ad vincula quæsitus est. Ejusdem Demosthenis operâ, Ariani ex conciliabulo Ancyrano Nyssam transeuntes, ibidem conventiculum adversus Gregorium instruxerunt; eoque in conventiculo depositus, quasi non ritè ordinatus fuisset, plures annos, ab Ecclesia sua exul, ac fugitivus erravit. S. Basilii fratris, ac Sanctæ Macrinæ Sororis funera deduxit. In suam Ecclesiam post ingentes labores reversus, commisso sibi populo Sanctissimi Episcopi, atque parentis officia omnia præstitit. Concilio Antiocheno, anno 379. celebrato interfuit; eiq; ejusdem Concilii Patres negotium dederunt, ut Hierosolymitanam Ecclesiam, eo tempore distractam componeret; simul daret operam, ut fidei regulam, à Damaso Papa in Orientem missam Arabiæ ac Palestinæ populi subscriberent. Iter Hierosolymâ curru publico (piissimo Gratiano jubente) usus, psalmos jugiter canendo, sacrasque preces intermiscendo confecit. Ejus itineris occasione scripsisse fertur prolixam illam orationem, quam totam referunt Magdeburgenses, centuria 4. cap. 10. qua-

orazione ; pluribus locis affirmare videtur, peregrinationes plus detrimenti ac periculi , quàm utilitatis habere : quibus locis jidem Hæretici abutuntur ad peregrinationes ad loca Sancta reprehendendas : qua de re consulat lector Bellarminum in controversiis lib. 3. de Sanctis . Constantinopolitano quoque Concilio generali secundo adfuit. Cùm iterùm Constantinopolim venisset tres ibi luculentissimas orationes pronuntiavit : primam contra Anomæos, quam (1) Theodoretus orationem de Abrahamo vocat : alteram in funere Pulcheriæ puellæ, Theodosii filiæ : tertiam in funere Æliæ Flacciliæ Augustæ , ejusdem Theodosii Magni uxoris , cujus Sanctissimæ foeminæ obitus omnes toto Orbe Catholicos luctu atque merore complevit. Heliadi Cæsareensis Episcopi , Basilii Magni successoris inurbanitatem, christiana humilitate ac patientia superavit . Demùm longævus annis atque meritis ; famâ , ac virtute celebratissimus, post parentes & fratres omnes vita functos , omnium ultimus diem sanctissimè obiit . Pro comperto est, Nysenum

(1) *Theodoret. Dial. 1.*

senum ultra annum 394 ætatem suam produxisse; sed post illud tempus, quo anno vitam clausit, incertum est. Illum Græci Patrem Patrum vocarunt: Theodosius Magnus veluti centrum Catholicæ societatis in Ponto constituit: Basilii frater de Nysseno affirmavit, totius Mundi regendi capacem animum habuisse. Omnes denique memoriæ veteres, Gregorium Nyssenum summis laudibus in Cælum ferunt. De illius scriptis vide Bellarminum, l'Abbè, aliosque de Scriptoribus Ecclesiasticis ex professo tractantes. Illud obiter hic notandum reor, hæreticos, inter Nysseni scripta, Origenis errores aliquot infudisse; ob eam rem in suspensionem Origenistæ vocari potuisset; nisi spectata tanti viri Sanctitas atque fama, ejusdem quoque alia scripta, quibus non semel Origenis impugnantur errores, illum ab ea suspitione penitus liberaret. S. Germanus quoque Constantinopolitanus Episcopus, Nysseni, eadem in re Apologiam, teste Photio scripsit. Sanctissimi hujus Viri memoriæ, Græci decimam Januarii diem, Latini post Usuar-

di tempora nonam Martii consecra-
runt.

*De Sancto Petro Basilii M. fratre
nato minimo.*

215. **S**ANCTUS PETRUS Basilii frater
nato minimus, post patris fu-
nera, è sinu viduæ matris, proles po-
sthumæ prodiit anno 349. Puer in sinu
ac moribus Macrinæ sororis educatus,
ab eadem humana omnia contemnere,
divina dumtaxat in pretio habere di-
dicit. Itaque à prima ætate, posthabi-
to scientiarum fastu, ad studium Chri-
stianarum virtutum animum appulit;
eo quidem successu, ut non dùm annis
adolescens, vir tamen sanctitatis ro-
bore videretur; ac ætate deinde prove-
ctior, Basilio Magno fratri, virtutum
fama minimè concesserit. Ingenio sum-
mo fuit, atque indole ad omnia expe-
ditissimâ; ut artis etiam opera, quæ
manu fieri solent, nullo Magistro ele-
gantissimè perficeret. Exacto adole-
scentiæ cursu, Monachorum curam in
Monasterio apud Iborim suscepit. Ibo-
ris perexigua urbs erat in Ponto, quæ
suum

suum quoque habebat Episcopum : eam propè urbem , Basilii familia prædia possidebat amplissima : in quibus prædiis , ad ripas Iris fluvii duo cænobia , virginum unum , virorum alterum , Emeliæ , Macrinæ , ac Basilii sumptu & opera , erecta fuisse accepimus . Confluentium Virginum curam Emmelia , & Macrina susceperunt ; virorum autem primò ipse Basilius Magnus , qui tunc Monasticæ vitæ instituta , & leges amplificavit : deinde , Basilio ad Episcopatum vocato , Petrus ipse in eomunere successit ; in quo non minori cum laude sanctitatis , atque prudentiæ plures annos versatus est . Per illud tempus , cùm dira fames universam Ponti regionem invasisset , Petri charitas , ex angustis Monasterii finibus , sese in populorum subsidium effudit ; atque immensas pauperum multitudines fame pereuntes abundè aluit . Illum deinde Basilius Frater Cæsareæ Presbyterum ordinavit ; ejusque operâ consilioque in Ecclesiæ rebus gerendis plurimum usus est . Petrus Presbyter factus , ab amica solitudine non discessit , nisi ad breve aliquod tempus , prout

*Basil. Epist.
ad Maritim.*

se occasio, aut necessitas daret. Eundem à Basilio (1) fratre cum literis ad maritimos missum legimus: sed quoniam hi fuissent maritimi, an Occidentales, ut Baronius putat; an alii populi ad Euxinum mare positi, uti Blondellus & quidam etiam Catholici juniores contendunt, res mihi omninò incerta videtur esse. Denique post infamem Eustathium Basilii hostem acerbum, Sebastenum Episcopatum obtinuit. Inde ad Concilium Constantinopolitanum Generale secundum se contulit. Quæ autem post illud tempus gesserit, & quo tempore mortem objerit, satis exploratum non habeo. Petri virtutem, & sanctitatem tùm ipse Basilius Magnus, tùm Gregorius Nysenus fratres, tùm alia passim vetera monumenta summis laudibus efferunt. Ruffinus (2) Gregorium, atque Petrum cum Basilio Magno fratre ita confert ut affirmet, Gregorium verbo & doctrinâ, Petrum verò fidei operibus Basilio pares fuisse.

(1) *Ruffin. l.
2. cap. 9.*

Alii

De aliis Basilio M. sanguine junctis.

216. **A** Lii etiam aliqui memorantur
 Basilio Magno sanguine jū-
 cti, qui sanctitatis famā eo tempore flo-
 ruerunt. S. Gaudentius (1) Episcopus
 Bressensis quasdam Basilii ex sorore ne-
 ptes summis præconiis extollit, easq;
 Cæsareæ, in quodam Virginum Cænobio,
 omnium virtutum genere tradit excel-
 luisse; atque aliarum fuisse moderatri-
 ces ac Matres: ex quo Gaudentii testi-
 monio, aliquam saltem ex Basilii soror-
 ribus nupsisse, ac filias suscepisse con-
 jicimus. Avunculum quoque, siue Pa-
 truum (2) Gregorium nomine Basilius
 habuit; meritis morumque suavitatem,
 atque studio pacis ab eodem Basilio
 laudatissimum. Alium sibi naturæ vin-
 culo junctum Pemenis (3) nomine, com-
 mendat Basilius, cum quo a puero edu-
 catum se memorat. Hunc, postquam
 ex ipsius opera non parum utilitatis in
 Provinciæ suæ administratione cæpisset,
 Satalis in Armenia Episcopum or-
 dinavit. De quadam etiam Matrona,
 ornatissima, Palladia nomine, tanquam
 de

(1) Gaudent.
serm. 17.(2) Basl. E-
pist. 44. 45.
49.(3) Basl. E-
pist. 83. 313.

(1) *Idem.*

de consanguinea, in suis (1) epistolis mentionem facit honoris plenam, eandemque Matrem appellat. Atque hæc fuit Basilii Magni fælix, fortunataque cognatio, quam etiam compendio strictam hic adjungo.

S. N. N. avus paternus.

S. Macrina avia paterna.

S. Basilii avus maternus Martyr sub Licinio.

S. Basilii Pater.

S. Emmelia Mater.

S. Macrina Soror primò genitum Sorores aliæ quatuor Sanctitate insignes, quarum nomina desideramus.

S. BASILIUS MAGNUS
CÆSAREÆ EXARCHA.

Naukratius frater secundò genitus.

S. Gregorius Nyssenus Episcopus frater tertio genitus.

S. Petrus Episcopus Sebastenus omnium fratrum atque sororum natu minimus.

Gregorius avunculus, sive patruus.

Neptes quædam ex sorore, sanctitate

etate præstantes, quarum meminit S. Gaudentius Episcopus Bressensis, & quarum nomina ignoramus.

Pemenes Satalis in Armenia Episcopus, quem sanguine sibi junctum Basilius ipse ordinavit.

Palladia Matrona Basilii con- sanguinea.

SANCTI VIRI AB EXARCHATU ASIANO.

217. **D**UOS tantum viros comme- moro sanctitate spectabiles qui, eo tempore in Asiano Exarchatu floruerunt, Sanctum Nicolaum Myræ in Licia, & Sanctum Amphilochium Iconii in Licaonia Episcopos.

De S. Nicolao Episcopo Myræ.

218. **S** NICOLAUS ante Concilium Ni- cœnū sanctitatis & miraculo- rum famā in omnium ore versabatur: virtutem cum nutricis lactē bibit; quæ cum ætate adeo crevit, ut in sui admi-
tio-

rationem Occidentem simul & Orientem traxerit. Episcopus Miræ in Lycia creatus, talē se populo exhibuit, ut sub illo pastore nec pauperes alimentū, nec viduæ defensorē, nec patrem orphani desideraverint. Adfuit Concilio Nicæno Magno, uti probata magis fert opinio: patravit obstupescenda miracula: ubique terrarum dūm vixit, & post mortem clarissimus. Sed ejus vitæ cursus sanè mirabilis, virtutesq; ac res ab eo præclarè gestæ, angustissimis brevitatis nostræ finibus includi minimè possunt: quare lectorem ad Methodium, & Metaphrasten, qui subtiliùs illius acta scripserunt, & ad Joannis Diaconi M. S. remitto. S. Nicolai corpus Barii in Apulia, hodierna die colitur, cujus ossa divinitus copioso atque perenni liquore manant.

De S. Amphiloquio Episcopo Iconien .

219. **S** AMPHILOCHIUS, vir à Basilio Magno, Gregorio Theologo, Hieronymo, Theodosio Imperatore, Theodoreto, aliisq; Patribus plurimis laudatissimus, Iconii in Licaonia
Epi-

Episcopus, in Asiana proconsulari
 Diœcesi, sedente Damaso, Valente ac
 deinde Theodosio Imperantibus flo-
 ruit; fide, sanctitate, ac doctrina cla-
 rissimus. Cum aliquando à Theodosio
 Imperatore petiisset, ut Arianos, quo
 minùs in urbibus conventus agerent
 prohiberet, idq; ab Imperatore, quod
 videretur durius, minimè impetrasset,
 hac ratione fertur ejus Principis in-
 dulgentiam redarguisse: Ad Theodosii
 latus Arcadius filius, qui nuper Impe-
 rator creatus fuerat, adstabat: tunc
 Amphilochius consultò illac trāsiens,
 neglecto filio Arcadio, patrem Theo-
 dosium dumtaxat salutavit; monitusq;
 à Theodosio, ut Filium quoque hono-
 re debito prosequeretur, satis sibi esse
 respondit, patri honorem exhibuisse:
 cùmque vehementer ea responsione
 commoveretur Imperatoris animus:
Vides, subdit prudens Episcopus, ò Im-
perator, quàm agrè ignominiam filii tui
patiare: credas igitur mihi velim, hujus
universitatis rectorem Deum, eos qui cō-
tra filium suum unigenitum pejerant
itidem detestari: quo sapientissimo Am-
 philochii consilio, rectiùs institutus
 Theo-

Theodosius, illicò urbanos Arianorum conventus lege prohibuit. Massilianorum sive Euchaitarum hæresim scriptis & operâ profligavit; præfuitque 25 Episcoporum Concilio, Sydæ adversus eandem hæresim congregato, cujus meminit Photius in Bibliotheca. Fide adeò integrâ & spectata fuit, ut primò Constantinopolitana (1) Synodus, deinde Theodosius (2) in suo edito decreverint, eos in Asia proconfutari, pro catholicis habendos esse, quos Amphilocho communicare constitisset. Divinis humanisque literis ita valuit, ut illum Hieronymus (3) cum Basilio, & Gregorio Theologo exæquare videatur: comentarium scripsit de Spiritu Sancto, cujus meminit idem Hieronymus verbis ejusmodi: *Amphilochius Iconii Episcopus nuper mihi librum legit de Spiritu Sancto, quod Deus est, & quod adorandus, quodque omnipotens sit*: alia quoque plura scripta edidit, quæ subinde Theodoretus in suis Dialogis citare solet: extat etiam Amphilochoii ad Seleuchum carmen, de libris sacris: cujus tamen carminis Jacobus Billius Gregorium Nazzianzenum

(1) colligiuntur
ex Greg. Nis.
Epist. ad Flav.
vian. apud
Baron. t. 4.
pag. 346. in
fine.

(2) Lit. 3. de
fide Catholica
Cod. Theod.

(3) Hieron.
Epist. 84. ad
Magnum.

zenum facit authorem . Sed qui, Amphilo-
 chii nomine de Basilio commen-
 tarius inscribitur , scitens erroribus
 falsò illi tribuitur . Vixit Amphilo-
 chius usque ad annum 394. sororem
 habuit sanctissimam nomine Theodo-
 siam , quam Nazzianzenus Theologus
 puellæ Olimpiadi Anysii filix his ver-
 sibus imitandam proposuit .

*Est tibi , grata puella , Theodosia ; hæc
 tibi viva*

*Sermonisque operisque omnis fac proster
 imago .*

*Est quæ nubilibus , chyron quod priscus
 Ephēbis :*

*A patre susceptam , quæ te formavit ho-
 nestis*

*Moribus, Amphilocho soror omni labe ca-
 rentis*

*Quem Cæli misit domina cum Virgine
 Techla*

*Præconem veri celebrem , mihi dulce de-
 cusque .*

Eodem tempore in Asiana Diœcesi
 floruit optimus Episcopus Antiochiæ
 Pisidiæ, cujus fidem Theodosius Impe-
 rator in eodem , quod nuper memora-
 vimus, edicto laudavit : Atque hæc in-
 nuisse

nuisse sufficiant de viris sanctitate illustribus, qui ea tempestate in Oriente floruerunt: monitosque lectores volo, me alios quamplures sanctitatis famâ præstantissimos ejus temporis Orientales, silentio præteriisse; namque omnia de omnibus dicere, neque licuit penuria temporis laboranti, neque specimen exhibenti necesse fuit.



CAPUT



CAPUT SEPTIMUM.

De Incrementis Christianæ Religionis per Orientales Regiones.

220.



INCREMENTA
Christianæ Re-
ligionis, tribus
potissimum cō-
tineri solent ;
propagatione ,
cultu , gloriâ .

Propagatione quidem fides amplifica-
tur accessione gentium , ac nationum :
cultu verò altius radices agit : gloria
demum admirationem populorum sibi
conciliat, cum honore summo conjun-
ctam . Eo autem tempore , Christia-
næ Religionis , per Orientis Solis Pro-
vincias , & Regiones , propagatio pe-
nē

nè infinita , & cultus incredibilis , & gloria summa fuit .

De Christiana Religionis propagatione.

221. **Q**Uòd ad propagationem pertinet , tametsi Ecclesiæ bella civilia , atque incendia hæresum intestina , Apostolicorum Virorum occupatum studium , impeditamque tenerent operam , Dei tamen Optimi cura & providentia ita fidei cursum direxit , latè se per omnes Mundi plagas effundentis , ut tot hæresum , in Oriente debaccantium impedimenta , Religionis progressibus moram ferè nullam iniecerint . Itaque primò in iis orientis Solis urbibus , atque provinciis , in quibus jampridem fundata Religio nostra ita florebat , ut plurimi tamen adhuc aut Judæi , aut Idolorum superessent cultores , mirum in modum Christi fidem amplificatam fuisse accepimus ; ut Christianorum numerus in dies cresceret ; infideles ad summam paucitatem redigerentur . Deinde verò integræ nationes , ac populi inter

inter quos non dum pedem Christianorum Religio fixerat, Christo nomen ea tempestate dederunt.

Nam ut Tiridatem Armenorum Regem præteream, qui Magni Gregorii Armeni operâ aliquot annos ante Nicænam Synodum, cum non mediocri Regni sui parte credidit; quique cum Constantino Magno, inito inter se epistolarum commercio, ad fidem per orientales regiones amplificandam conspiravit; aliæ quoque orientis Solis provinciæ, post Nicæni Concilii tempora fidei nostræ accesserunt.

222. Iberos Populos cum Bacurio Rege atque Regina, circa salutis annum 327. sub Silvestro Pontifice, & Constantino Magno Imperatore, ad Christi fidem captiva quædam Mulier adduxit: cujus historiam rei his Rufinus(1)prosequitur: Per idem tempus etiam Iberorum gens, quæ sub axe Pontico jacet, Verbi Dei fœdera, & fidem futuri suscepit Regni. Sed hujus tanti boni præstitit causam mulier quædam captiva, quæ apud eos reperta, cum fidelem, ac sobriam satis duceret vi-

(1) *Ruffin. l. I. c. 10.*
Socrat. l. I. c. 16.
Socrum. lib. 2. c. 24.
Theodoret. l. 2. c. 6.

„ tam , totisque diebus , ac noctibus
 „ obsecrationes Deo pervigiles ex-
 „ hiberet , in admiratione esse ipsa rei
 „ novitas barbaris cepit : & quid hoc
 „ sibi velit , curiosius perquirebant.
 „ Illa ut res erat , simpliciter Chri-
 „ stum , se , Deum hoc ritu colere fate-
 „ batur . Nihil ex hoc amplius bar-
 „ bari præter novitatem nominis mi-
 „ rabantur : verum (ut fieri solet)
 „ ipsa perseverantia curiositatē quam-
 „ dam mulieribus inferebat , si quid
 „ emolumenti ex tanta devotione ca-
 „ peretur . Moris apud eos esse dici-
 „ tur , ut si filius ægrotet , circum-
 „ feratur à Matre per singulas domos
 „ quò scilicet si quis experti aliquid
 „ remedii noverit , conferat laboranti .
 „ Cumque mulier quædam parvulum
 „ suum per omnes circumtulisset ex
 „ more , nec aliquid remedii , cunctas
 „ domos lustrando cepisset , venit
 „ etiam ad captivam , ut si quid sciret
 „ ostenderet . Illa se , humani quidem
 „ remedii nihil scire testatur : Deum
 „ tamen suum Christum , quem cole-
 „ bat , dare ei desperatam ab homi-
 „ nibus posse salutem confirmat :
 Cùmque

„ Cūnque cilicio suo parvulum su-
 „ perposuisset , atque ipsa desuper
 „ orationem fudisset ad Deum , sa-
 „ num matri reddidit infantem.

223. „ Sermo autem defertur ad
 „ plures ; factique fama magnifici us-
 „ que ad aures Reginae perlabitur :
 „ quæ dolore quodam gravissimo
 „ corporis afflicta , in desperatio-
 „ ne maxima erat. Rogat ad se
 „ captivam deduci : Illa ire abnuit,
 „ ne præsumere amplius aliquid ,
 „ quàm sexus sineret , videretur. Ip-
 „ sam se Regina deferri ad captivæ
 „ cellulam jubet : quam similiter supra
 „ cilicium suum positam , invocato
 „ Christi nomine , continuo post pre-
 „ cem , sanam & alacrem facit exur-
 „ gere ; Christumque esse Deum, Dei
 „ summi filium , qui salutem hanc
 „ contulerit , docet : eundemque
 „ quem sibi auctorem suæ sciret esse
 „ incolumitatis & vitæ , commover
 „ inuocandum : ipsum namque esse,
 „ qui & Regibus regna distribuit , &
 „ mortalibus vitam . At illa cum
 „ lætitia domum regressa , marito per-
 „ contanti , causam tam subitæ sa-

„ nitatis aperuit: quique cum pro sa-
 „ lute conjugis lætus, mulieri munc-
 „ nera deferri juberet; illa, Horum,
 „ inquit, ò Rex, nihil captiva di-
 „ gnatur, aurum despicit, argentum
 „ respuit: jejunio quasi cibo pascitur:
 „ hoc solum ei muneris dabimus, si
 „ eum, qui me, illa invocante, sana-
 „ vit, Christum Deum colamus.

224. „ Ad hoc tunc Rex segnior
 „ fuit, & interim distulit, sæpius li-
 „ cet ab uxore commonitus: donec
 „ accidit quadam die, venante eo in
 „ silvis cum omnibus suis, obscurari
 „ densissimis tenebris diem, & per
 „ tetræ noctis horrorem, luce subdu-
 „ cta, cæcis iter gressibus denegari:
 „ alius alio diversi ex comitibus ob-
 „ errant, ipse solus densissima obscu-
 „ ritate circundatus, quid ageret, quo
 „ se verteret, nesciebat: cum repente
 „ anxios, salutis desperatione, animos
 „ cogitatio talis ascendit: si verè
 „ Deus est Christus ille, quem uxori
 „ suæ captiva prædixerat, nunc se de
 „ his tenebris liberet, ut ipsum ex
 „ hoc, omissis omnibus, coleret. Il-
 „ licò ut hæc non dum verbo, sed so-

„ la mente devoveret , reddita Mun-
 „ do dies Regem ad urbem perducit
 „ incolumem : Quique Reginae rem-
 „ protinùs , ut gesta est pandit. Evo-
 „ cari jamque captivam , & colendi
 „ ritum , ut sibi tradat , expolcit :
 „ neque se ultra alium Deum , quàm
 „ Christum veneraturum esse confir-
 „ mat . Adest captiva , edocet Deum
 „ Christum ; supplicandi ritum , ve-
 „ nerandique modum , in quantum de
 „ his aperire feminae fas erat , pandit.
 „ Fabricari tamen Ecclesiam monet ,
 „ formamque describit.

225. „ Igitur Rex , totius gentis
 „ populo convocato , rem ab initio ,
 „ quæ erga se ac Reginam gesta fue-
 „ rat , exponit , fidemque edocet ; &
 „ non dum sacris initiatus , fit suæ
 „ gentis Apostolus. Credunt viri per
 „ Regem , feminae per Reginam ;
 „ cunctisque idem volentibus , Ec-
 „ clesia extruitur instanter : & eleva-
 „ to jam perneciter murorum ambitu ,
 „ tempus erat , quo columnæ collo-
 „ cari deberent. Cumque erectâ pri-
 „ ma vel secunda , ventum fuisset ad
 „ tertiam , consumptis omnibus ma-

„ chinis , & boum , hominumq; vi-
 „ ribus , cum media jam in obliquum
 „ fuisset erecta , & pars reliqua nul-
 „ lis machinis erigeretur , repetitis
 „ secundò & tertio , ac sæpiùs viribus
 „ ne loco quidem moveri , attritis
 „ omnibus potuit . Admiratio erat
 „ totius populi : Regis animositas
 „ hebescebat: quid fieri deberet, om-
 „ nes simul latebat . Sed cum inter-
 „ ventu noctis omnes abscessissent ,
 „ cunctique mortales , & ipsa opera
 „ cessarent , captiva sola in oratione
 „ pernoctans , mansit intrinsecus. Cū
 „ ecce matutinus , & anxius cum his
 „ omnibus ingrediens Rex videt Co-
 „ lumnā , quam tot machinæ , &
 „ tot populi movere non quiverant ,
 „ erectā , & super basim suā libra-
 „ tē suspensā , nec tamen superpo-
 „ sitā , sed quantum unius pedis
 „ spatio in aerem pendentem . Tunc
 „ verò omnes populi consulentes , &
 „ magnificantes Deum , veram esse
 „ Regis fidem , & captivæ Religio-
 „ nem , præsertim miraculi testimo-
 „ nio perhibent . Et ecce jam miran-
 „ tibus adhuc & stupentibus cunctis,
 in

„ in oculis eorum sensim supra basim
 „ suam, nullo contingente, columnā
 „ dposita, summa cum libratione,
 „ confedit. Post hoc reliquis colum-
 „ narum numerus tanta facilitate su-
 „ spensus est, ut omnes quæ super-
 „ fuerant, ipsa die locarentur.

226. „ Postea verò quàm Ecclesia
 „ magnificè constructa est, & populi
 „ fidem Dei, majore ardore sitiebat;
 „ captivæ monitis, ad Imperatorem
 „ Constantinum totius gentis legatio
 „ mittitur. Res gesta exponitur: Sa-
 „ cerdotes mittere oratur, qui cæ-
 „ ptum erga se Dei munus implerent.
 „ quibus ille cum omni gaudio, &
 „ honore transmissis, multò amplius
 „ ex hoc lætatus est, quàm si inco-
 „ gnitas Romano Imperio gentes &
 „ regna, ignota junxisset. Hæc no-
 „ bis ità gesta fidelissimus vir Bacu-
 „ rius gentis ipsius Rex, & apud nos
 „ domesticorum Comes, cui summa
 „ erat cura & Religionis & veritatis,
 „ exposuit, cum nobiscum, Palestini-
 „ tunc limitis Dux, Hierosolymis sa-
 „ tis unanimiter degeret. Huc usque
 Ruffinus.

Ruffin. l. 1. c.
19.
Athana. apol.
1. p. 693.
696.

227. Cæterum Iberia in duas veluti partes divisa erat, namque alia superior & Colchica; alia inferior, & Caspia dicebatur. Hæc non longè à Caspio mari & caucasiis mōtibz erat posita: illa verò ad mare ponticum magis vergebat. Ex his Colchicam, sive superiorem Iberiam à Sancto Clemente Papa, imperante Trajano, Evāgelio imbutam fuisse memōrant; auctoremque habemus Iræneum, hos Iberos longè ante Constantini tempora credidisse: sed quæ inferior & Caspia dicitur, ea verò Iberia est, in quam, Constantini tempore, Christi nomen captiva mulier invexit.

228. Prætereà sub Reparatoris annum 331, Silvestro item Pontifice, & Constantino Magno Imperatore, Auxumenses Æthiopes ejusq; gentis principes geminos Aizanum, & Sazanum Christi fide Frumentius, captivus adolescens, excoluit. Qui deindè Frumentius eisdem Auxumensibus ab Athanasio Magno datus Episcopus, in ea Orientalis Africæ parte Christianā Religionem altè fundavit: ejusdemq; regionis accessione, plurimū dictio aucta

aucta est Patriarchatus Alexandrini. Cum autem superiori capite in vita Frumentii satis indicaverimus, quæ via, & ratione fidem natio illa receperit, idem hîc repetere supervacaneum duco.

229. Sub annum prætereà 372, quo tempore Catholicam Ecclesiam S. Damasus moderabatur, & Valens Ariannus Imperator diris modis exagibat, Mavia Regina, subiectique Saracenorum populi crediderunt. Prima fidei semina inter eos Barbaros S. Hilarion Abbas (teste Hieronymo) pridem jecerat; qui cum ejus gentis plurimos à malorum Dæmonum possessione liberaret, iis signis Saracenorum animos ad veræ fidei agnitionem adducere cæperat: uberiores postea fructus ex his feminibus christiana Religio tulit; nam Regina Mavia, & ipsa met fidem suscepit, & Mosen quendam virum sanctissimum gēti suæ Episcopum dari curavit. Ea verò res, ut

Ruffin. l. 2. c. 6. Theodoret. lib. 4. c. 40. Secret. Ammian.

acri

acri bello adorta, Palestini, & Arabici limitis oppida quędam oppugnaverat, frequentibusque pręliis Valentis exercitum partim contriverat, partim in fugam egerat: his verò acceptis cladibus adeò Romanus demisit animũ, ut ab ea foemina pacem orarit: Regina pacem ea conditione obtulit, si Moses sanctitate ac miraculis clarissimus solitarius, genti suę daretur Episcopus: Valens accepta conditione, dedit operam, ut Regina, Moſen petenti, mos gereretur: tũm eductus ẽ latebris sanctissimus Eremita Lucio Alexandrinę sedis invasori sceleratissimo sistitur ordinandus: sed cũ ab homine illo Ariano, sacrilegas sibi manus imponi Moſes noluiſſet, ad Catholicos Episcopos exules ductus, ab iisq; ordinatus, Sarracenorum Episcopatum omnium primus suscepit; eamque gentem, Christi fide, ferẽ totam brevi excoluit. Hi verò Saraceni ad Arabiam petręam, uti memorant, pertinebant; eosdemque illos fuisse ferunt, quos sacre literę Agarenos & Ismaelitas appellant.

Sorbonne. l.

t.c.38.

230. Per idem tempus, propẽ regionem

nem eandem Princeps quidam, Zocomus nomine, cum tota sua ditione fidem recepit. Is cum sterili usus conjugio spem nullam propagandæ stirpis haberet reliquam, ejusque rei causa, vitam in mærore summo traheret (nā liberos procreare, permagni apud Barbaros æstimari solebat) ad Christianum quendam monachum, miraculorum famâ pollentem, vices suas dolens se contulit; cui, vir sanctus bono animo esse jussit, pollicitus filium ab eo, modo in Christum crederet, susceptum iri. Cum verò Zocomus Princeps Filium, ut monachus prædixerat, suscepisset, recepta fide, sacro fonte lavari voluit, & suam quoque ditionem Christo, regum Regi subiecit. Alię quoque per eadem tempora fere gentes, ac barbaræ nationes fide domitæ in Oriente fuerunt. Sed iis quæ hætenus de fidei propagatione innuimus nostra brevis contenta est.

*De Cultu Christianæ Religionis per
Orientem.*

231. **C**ULTUS verò Christianæ Reli-
gionis, in Templorum multi-
tudine atq; splendore enituit maximè;
tùm etiam in Idolorum casu atque rui-
na. Tempia quidem, per Orientis so-
lis plagas omnes, innumera, tempesta-
te illa, extiterunt; quorum pleraque
posuit Constantini Magni religio sum-
ma ac liberalitas. Et sanè tanto sa-
crarum ædium erigendarum studio
ejus Principis religio ardebat; ut
artifices, ex toto licet Imperio
conquisiti, iis tamen extruendis
operibus, quæ ipse animo designave-
rat, impares esse viderentur: quæ res
ex ejusdem Constantini ad Foelicem
edicto, quod jam subiicio, percipi fa-
cile potest. *Architectis quamplurimis*
opus est, sed quia non sunt, sublimitas
tua in provinciis Africanis ad hoc stu-
dium eos impellat, qui ad annos ferme
duo de viginti nati, liberales litteras de-
gustaverint. Quibus ut hoc gratum sit,
tam ipsos, quàm eorum parentes ab his
que

*Lib. 1. de ex-
cus. artif. C.
Theodos.*

quæ personis iniugi solent, volumus esse immunes; ipsisque qui discent, salarium competens statui. P.P.VI.Kal. Septembris Cartagine, Optato, & Paulino Coss. quo actus studio, in præcipuis Orientalis Imperii urbibus (ut ea omittam quæ Romæ, ac per Occidentem erexit) amplissima templa (1) Eusebio teste fundavit: Sed ea prima religiosi Principis cura & cogitatio fuit, ut sanctam urbem, ejusque urbis loca Christi Reparatoris, aut sanguine consecrata, aut fudoribus, aut miraculis, aut mysteriis; quæ loca idolorum superstitio horrendum in modum contaminaverat, sacris ædibus exornaret.

(1) Euseb.
Vit. Constant.
lib. 3. cap. 24.

232. Itaque rex Constantinus Hierosolymis erexit Ecclesias: unam prope Christi sepulchrum, quam Resurrectioni Domini dedicavit: quæ à Cyrillo Martyrion; ab aliis Constantiniana Basilica vocari consuevit. Ejus Ecclesiæ descriptionem, ab Eusebio literis consignatam accepimus, simulque pulcherrimam, de eadem, ædificanda, epistolam Constantini ad Macharium Hierosolymorum Antistitem. Eandem Ecclesiam sacris fuisse picturis exornatam,

Templum Resurrectionis.

natam, Deiparæ præsertim imagine, memoriæ proditum est. Hæc eadem Ecclesia fuit, ad quam dedicandam Eusebiani, anno 335 ex Tyrio Conciliabulo, Hierosolymam se, Constantini jussu contulerunt, ubi conventiculo instructo, Arium & Arianos in Ecclesiæ communionem receperunt.

Tēplum Passionis.

Templum Sanctæ Crucis.

Templa Nativitatis, & Ascensionis.

Templum in horto Gethsemanis.

233. Aliam Ecclesiam Hierosolymis à fundamentis erectam, in memoriam Dominicæ Passionis Constantinus dedicavit. Tertiam in honorem Sanctæ Crucis. Quartam & quintam Helenæ matris nomine, alteram non longe à Bethleem; alteram in Monte Olivarum posuit. Sextam uti ab Eusebio conjicimus in horto Gethsemanis idem Imperator fundavit. Ipsum præterea Christi Domini sepulchrum, subverso Veneris atque Cupidinis fano, quod Idolorum cultores superextruxerant, ut ejusdem sepulchri gloriam, atque memoriam extinguerent, columnis & operibus amplissimis exornatum religioni fidelium desiderioque restituit. Ad hæc antrum Bethleemiticum, ubi natus est Christus; summumque Oliveti Montis verticem, unde, pedum

pedum vestigia impressa relinquens, in Cœlum victor ascendit, ad templorum formam, & elegantiam adduxit: atque auro gemmisque, omniumque ornamentorum generibus excoluit. Atque hæc præcipua sunt monumenta, quæ religiosissimus Constantinus Hierosolymis posuit, post celebratam Nicænam Synodum; ex quo tempore fidelium multitudines propè infinitæ ad loca Sancta, ex omni Terrarum Orbe cæperunt confluere.

Sed alia item plurima per alias Orientis Solis Provincias Constantinus templa fundavit. Illud in primis memorabile, ac sumptuosum fuit, quod ad Quercum Mambre *Deo viso* dedicavit: ea ductus religione, quod, uti sacræ testantur literæ, eo primum loco Abrahamo Deus apparuisset; ibique primum cum eodem conseruisset sermones; atque hominibus per speciem quandam videri cæpisset.

*Templum Dei
visi ad Quercum
Mabre.*

234. Basilicam etiam Antiochenam longè præstantem, ac veteribus monumentis celebratissimam Imperator idem erexit; quæ ob divitias, atque magnificentiam, *Dominicum*

*Dominicum
aureum An-
tiochenum.*

Z

aureum

aureum vocari consuevit . Hoc Templum post Constantini obitum Eusebiani, Constantii jussu, anno 341 dedicarunt ; eaque occasione arrepta, Antiochenum conciliabulum , sceleribus famosum, contra Athanasium instruxerunt : qua de re plura indicavimus à num. 18.

Templum Nicomediae.

Templum S. Luciani Martyris.

235. In Bithyniæ quoque Provincia geminæ per idem tempus Ecclesiæ fuerunt positæ: altera, & illa quidem amplissima Nicomediæ à Constantino, altera Drepani , sive Helenopoli in honorem Sancti Martyris Luciani , ab Helena Constantini Matre sanctissima.

Templum Apostolorum.

Templum Pacis.

Memoria Martyrum.

236. Plura etiam Tempia Constantinus excitavit Constantinopoli. Duorum Socrates meminit : alterum erat Apostolorum sanè celebratissimum , ubi sepulchra Imperatorum statui cæperunt : alterum erat Templum Pacis, quod σοφία item, idest sapientia, vocabatur . Memorias quoque sive Ecclesias Sāctorum Martyrum Mocii, Agathonici, Mennæ, & Acacii, in ejus urbis regione decima extructas fuisse, cōpertum satis habemus . Tum etiam in subur-

suburbio ad quēdam locum mari proximum, quem olim Idolorum cultores Vestæ sacrum habebant, Angelorum Principis Michaelis Ecclesiam Constantinus fundavit; quam deinde incolæ Michaelium dixerunt: apud quos ea fama valebat, ipsum Archangelum Michaelem eo loco se videntum exhibuisse.

*Templum S.
Michaelis di-
ctum Michaeli-
um.*

237. Sed vetera etiam Templā, quæ nimis viderentur angusta, ut majoribus spatiis amplificarentur pius idem Imperator lege constituit: neque his contentus, immensis insuper divitiis, atque auri gemmarumque vi & copia incredibili, omnium templorum cultum majestatemque cumulavit: rescissâque Ethnicorum principum lege, qua cautum erat, ne quis bonarum Ecclesiis testamento relinqueret, religiosam fidelium, in Dei cultum, liberalitatem liberam esse voluit.

238. Aliis quoque alias per Orientem Christianæ Religioni fundarunt Ecclesias, tum sub Constantino ipso Imperatore, tum post Constantini tempora usq; ad Imperium Magni Theodosii. Nam Constantino imperante

Templa excitarunt amplissima Josephus Comes in Tiberiade atque apud Capharnaum: Bacurius Rex in Iberia: S. Frumentius in Æthiopia. Imperante verò Constantio, Regina Mauria, atque Zocomus Princeps apud Saracenos: Athanasius Alexandriae S. Meletius Antiochia. Sub Valente quoq; Basilus Cæsareæ Téplum, sub Theodosio Gregorius Nazzianzenus Anastasiam Cōstantinopoli erexerūt: atq; alibi demū sacras edes alii plurimi per Orientem tempestate illa ædificarūt. Sed de Josepho comite, quis nam fuerit, quæ ratione, fanè mirabili, è Sinagoga in Ecclesiam Christi demum transierit, cuiusve rei causa Comitatus dignitatem à Constantino obrinuerit, & quæ tandem quibusve prodigiis Templa fundaverit, consulat Lector Epiphanius hæres. 30.

De Idolorum casu per Orientem.


239. **C**ontra verò, Idolorum superstitio, per idem tempus, penè ab stirpe periit: imperante siquidem Cōstantino, Idololatria lege vitata,
Ido-

Idolorumq; sacrificia, prophaniq; ritus omnes sublati penitus fuerunt: Templum Deum Constantinus idem, alia expoliari, portis dirutis & laquearibus tectisque dejectis; plurima etiam solo æquari; omnia denique claudi iussit. Itaque Æsculapii Templum apud Ægeas; Veneris fanum in vertice Montis Libani, arx & receptaculum turpitudinis; alia in locis aliis demolita feruntur. Ad hæc Gentilium sacra deleta: comminuta Idola: diique gentium risui exposita, in regia præsertim Constantini urbe: qua de re hæc in vita Constantini Eusebius (1) Pamphilus memorat: *Insignia monumenta ex ære fabricata (in quibus veterum error, longo jam temporis spatio, se insolenter jactasset) in Foro Civitatis, Imperatoris nomine nuncupata, omnibus palam proposita, ut intuentium oculis pro turpi spectaculo subjicerentur. Hinc Pythius; illic Sminthius; in ipso circo Tripodes Delphici; Heliconides Musæ in Palatio. Panis etiam famosissimum simulacrû, quod Pausanias Lacedæmonius, & Græciæ urbes, post bellum contra Medos, dedicaverant, antiqua sede fuit*

(1) Euseb.
Vit. Constant.
lib. 3.

exturbatum; & Constantinopoli ludibrio expositum. Bovem item Æneum; qui ad instar Phalaridis tauri, Pergami extabat, Antipæ viri sanctissimi martyrio clarum, Constantinopoli in Vaderina regione expositum fuisse memorant.


240. Si quæ verò superstitionis reliquæ in Oriente, post Constantinū superfuērunt, eas Constantius, ac Theodosius Imperatores, sanctionibus editis extinxerunt. Nam Constantinus nec omnia repentè Deorum delubra subvertere, nec superstitionem Idolorum, quæ omnem ferè terrarum Orbem invaserat, tam brevī tempore delere potuit. Hæc verò sunt, atque ejus generis plurima, brevitatis causâ prætereunda, quæ Christianæ religionis cultum mirificè in Oriente per illud tempus amplificarunt.



De Gloria Christianæ Religionis.

241. **D**E gloria demùm ejusdem Christianæ Religionis multa dicenda mihi supersunt, quæ paucis tamen complectar. In primis enim, quas memoravimus Regum populorumque ad fidem accessiones, immensam propè gloriam Christiano nomini pepererunt: quam pariter cumulabant fortitudo Martyrum, constantia Confessorum, continentia Virginum, multitudines Monachorum; Sanctorum, numero carentium vita atque virtutes; sapientia Patrum atque Doctorum; miracula item penè infinita, mores denique, & instituta Christifidelium, justitia, fides, caritas: quarum rerum tunc temporis in Oriente summa & incredibilis copia erat.

242. Ad Christianam præterea Religionem ea pertinebat gloria, quam summam & incredibilem Sanctum Christi nomen, & signum Crucis, per illud tempus in Oriente obtinere. Christi quidem nomen, per Orientis

Solis partes remotissimas, longèque posita regna diffusum, ultra fines Romanæ ditionis ingenti gloria ferebatur: eoque audito Nomine, curvarum genu Terrestrium, Cælestium, & Inferorum, fugere superstitio, obmutescere malorum dæmonum oracula, cadere simulacra gentium, Deorum, fana ruere videbantur. Idemque duobus græcis elementis hujusmodi exemplo  expressum, auro, gemmisque ornatum, populorum adorationi ubique proponebatur; Regiarumque frontium honestamentum, ac decus erat. Constantinus Magnus, eodem Nomine laureas victorum militum coronas cohonestari, consecrarique voluit; idemque ipse, suo in clypeo, in galea, in diadematè, gestare consuevit, ut intelligeret Orbis Terrarum, Christum, ejusque Nomen ubique vincere atque regnare.

243. Cruces item, eo tempore per Orientem, in ædium apicibus, urbiumque fastigiis, spectabiles, atque sublimes extollebantur. Nam ex quo Constantino magno salutare illud signum apparuit, Crucis gloria incredibilem in modum amplificata est:

tunc

tunc Labara & Cantabra, pro Romanis Aquilis, ab exercitu præferri cœperūt: tunc arma militum, ac diademata Imperatorum, hac tesserâ Christianorum speciosissimâ adornabātur. Constantinus Crucē in armis, atq; in Diademate illo tēpore gestare consuevit; eodemq; salutari signo nobiles, suas imagines pingi jussit: Lanceâ quoque ad modū Crucis conformatâ, in bello utebatur: quam postea lanceam maximo in pretio fuisse habitam, atque per manus Succedentium Imperatorum ad Henricum, ejusque Filium Othonem, hæreditario veluti jure pervenisse proditum est. Tres præterea ingentes ex ære Cruces novæ Romę Constantinus erexit: in quarum una ΙΗΣΟΥΣ, JESUS, in altera ΧΡΙΣΤΟΣ CHRISTUS, in tertia ΝΙΚΑΪ VINCIT inscribi jussit: Primam verò, cui nomen JESUS inditum erat, auro undique intertextam, in foro collocavit, super triumphalem arcum: alteram Christi nomen præferentem, in eo loco, qui φιλαδέλφειον dicebatur, super columnam porphyreticam; quæ ex veteri, in novam Romā, ejusdem Principis jussu, fuerat de-

por-

portata: tertiam denique in loco qui
 Ἀρτόπωλιον, forum panarium appel-
 latur super ingentis altitudinis mar-
 moream columnā, quam Crucem Cō-
 stantinus Victoriā Νίκην, Hæraclius
 postea ἀνίκητον Inuictam appellavit:
 de hac cruce mira Nicephorus memo-
 rat; præsertim verò, celestem spiritum
 ad illam ter in anno, nocte intempe-
 sta, solitum fuisse descendere, qui ut
 idem auctor affirmat * τρισάγιον ἤμνον
 suavissimè concinens, thure & odo-
 ribus incensis, eam Crucem circuire,
 ijs qui ea visione digni forent, conspi-
 cuus & lucidissimus videbatur; atque
 exindè ad instar sideris ferebatur in
 Coelum. Columnam quoque porphi-
 reticam aliam, in foro novæ Romæ
 πλακότον græcis dicto, Constantinus
 Magnus erexit; super quam, signum A-
 pollinis æneum ingentis magnitudinis,
 opus ægregiæ artis, ab Illo Phrigiæ
 translatum, collocavit: quod, de-
 letâ Apollinis memoriâ, suo nomine
 inscribi iussit; in ejusque dextera ma-
 nu aureum malum, atque in malo cru-
 cem superposuit, cum inscriptione hu-
 juscemodi TIBI CHRISTE DEUS
 UR-

* Ter San-
 ctum himnũ.

URBEM HANC COMMENDO.
versus etiam ejusmodi, eadem in Co-
lumna, Cedrenus incisos fuisse prodit.
*Tibi Christe, Mundi Domine rectorq;
optime.*

*Urbem hanc, tibi quæ serviat modo
subdidi,*

*Et sceptrâ Romanamque omnem po-
tentiam.*

*Hanc tu, malis defendes semper ab
omnibus.*

Ad basim ejus columnæ (si Nicepho-
ro credimus) hæc sacra monumenta,
duodecim nimirum cophinos septēq;
sportas, ac septem panū, quos Christus
multiplicaverat, reliquias; præterea
dolabram, quâ Noe Arcam construxe-
rat, Constantinus suis manibus, suoq;
anulo obsignata, reposuit.

De Labaris.

244. **S**ed quoniam de Labaris men-
tio incidit, non abs re pu-
to, esse de his aliquid innuere. Primò
quidē, quâ occasione id vexilli genus
Constantinus Magnus invexerit, & quæ
illius fuerit forma, & figura, his Eu-
sebius

(1) *Euseb.*
Vit. Constant.
lib. 1.

sebius (1) exequitur. Ille (nēpē Cō-
stantinus, post celeberrimam Crucis
visionem) simulatque dies illuxit,
surgens, primū arcanum illud vi-
sum amicis exponit: deindē ar-
tificibus, qui aurum & lapides
pretiosos affabrē sculpere norant,
acceritis, medio inter illos loco
affidet; verbis signi describit effi-
giem; eam auro, & lapidibus pre-
tiosis imitatione adūbrare mandat:
quam quidem effigiem contigit, ut
nos olim oculis contemplaremur;
ipse enim Imperator, Deo illud
largiente, eam nobis ostendere di-
gnatus est. Erat autem tali figura
fabricata: Hastile oblongum ere-
ctumque, auro undique obductum
fuit, quod cornu habuit transver-
sum, ad formam Crucis constructū;
supra in fastigio ejus operis corona
affixa, lapidibus pretiosis, & auro
polito circumtexta. In ea salutaris
appellationis Salvatoris nota in-
scripta, duobus solū expressa ele-
mentis, idest, duabus primis litte-
ris gręcis nominis Christi. erat, P,
in medio literę X, curiosē & sub-
tili-

„tiliter inserta ✠ quæ totum Chri-
 „sti nomen perspicuè significarunt .
 „Quas quidem literas deinceps,sem-
 „per Imperator in galea gestare con-
 „suevit .

245. „Ad cornu illius particulæ,
 „quæ ex transverso erat per hastile,
 „trajecta, velamen quoddam perte-
 „nue appensum adhæsit; regalis vi-
 „delicèt & magnifica textura; mi-
 „rabili varietate lapidum pretiosorū
 „artificiosè conjunctorum, lucisque
 „suæ claritate pulchrè resplendescē-
 „tium depicta, & multo auro intexta:
 „quæ dici non potest quantam spe-
 „ctatoribus, ob suam pulchritudinem
 „excitarit admirationem. Istud igi-
 „tur velamen ad cornu affixum,
 „longitudinis altitudinisque Crucis
 „mensuram penitus exæquavit. Ob
 „longum, & erectum hastile in su-
 „blimi appensum, cujus pars infe-
 „rior versus basim longius ducta fuit
 „sub ipsum Crucis insigne ad textu-
 „ræ discurrentis fimbrias, auream
 „pii Imperatoris, pariter ac libero-
 „rum suorum effigiem, ad pectus usq;
 „concinne descriptam continuit. Isto
 „igi-

„ igitur salutari signo Imperator, tan-
 „ quam hostilis cuiusque, & infestæ
 „ violentiæ propugnaculo semper
 „ usus est: cuius expressæ similitudi-
 „ nes mandavit, ut universum exer-
 „ citum perpetuò antecederent. Ve-
 „ rum ista paulò post acciderunt. Hec
 „ Eusebius.

(1) Nazian-
 zen. orat. I.

246. Deindè Labari nomen unde
 fluxerit Nazianzenus (1) Theologus
 per hæc verba indicavit, cum in Ju-
 lianum Apostatam inveheretur: Quin
 „ eo audaciæ quoque prorupit, ut
 „ adversus magnum illud vexillum
 „ præceps ferretur, quod simul cum
 „ Cruce magnificè, & cum insigni
 „ pompa exercitum ducit in sublime
 „ evectum, *quod solvendorum laborum vim habet*, ab eoque apud La-
 „ tinos nomen trahit; principatumq;
 „ (ut ita dicam) in reliqua omnia ve-
 „ xilla tenet. tam quæ Imperatorum
 „ imaginibus, atque expansis rexturis
 „ in variis tinctionibus, litterarumq;
 „ picturis illustrantur quasque ge-
 „ stiunt; quàm quæ horrendis draco-
 „ num hiatibus super summas hastas
 „ elatis, involantia, ac per tractus cō-
 textis

,, textis squammis distinctos ventila-
 ,, ta, iucundissimum simul & formido-
 ,, losum spectaculum oculis prebent.
 Sunt qui putent, geminam vocem,
labor, & ὅπος, latinam alteram, al-
 teram græcam, ad Labari nomen com-
 ponendum coire; quasi idem sit La-
 barum, atque *laboris ὅπος* laboris *ter-*
minus, atque finis. Baronius de La-
 baris, & Cantabris, aliisque milita-
 ribus signis Crucem præseferentibus
 plenius & accuratissimè differit. La-
 barum ab Apostata Juliano sublatum
 Jovianus anno 363, deinde Valens in
 Oriente restituerunt.

247. Maximum etiam incremen-
 tum, summamque gloriam ex inven-
 tione S. Crucis, Christiana Religio tu-
 lit. Thesaurum illum tandiù abscon-
 ditum, tantisque votis à Christifide-
 libus desideratum S. Helenæ summa
 pietas, Deo indicante, invenit anno
 326, in ipso Calvariæ monte; cum
 S. Silvester ad Ecclesiæ Clavum sede-
 ret, Constantinus Imperium modera-
 retur, & S. Macharius Hierosolyma-
 rum gereret Episcopatum: ex quo
 tempore signū illud Reparationis hu-
 manæ

manæ majorem in Ecclesia cultum obtinuit. Clavi etiam, qui divinum Christi Domini Corpus è Cruce suspensum tenuere, summa religione Cōstantinus coluit: geminum ipse apud se habere consuevit, alterum in ejus equi quo utebatur freno; alterum in diademate fixum gestabat, tertium super novæ Romæ columna sublimem exposuit, qui populis religioni, Urbi præsidio foret. Atque hæc innuisse sic satis de incrementis Christianæ religionis per Orientales regiones.



CAPUT



CAPUT OTCAVUM.

De Monastica Vitæ progressu, ac sacerorum Rituum instauratione.

247.



Monastica universim Professio, duplici præsertim vitæ genere, Cœnobitico & Eremitico contineri solet: nã,

tametsi qui soli omninò viverent, ii, ducto nomine è græca voce *μόνος* Monachi præcipuo jure dicerentur; quorum tamen, in Cœnobiis, à communi hominum consortio segregatis, una esset vivendi ratio, cor unum, atque anima una, iis quoq; Monachorum nomen, Augustino (1) teste, optimè congruit. Plurimæ, hac de re, quæstiones institui solent: nam & quando utra-

(1) August.
in Psalm. 132

A a

que

que vivendi ratio primò cœperit ; & quis earum fuerit primus author & institutor ; & utra nam præcellat dignitate , vel tempore ; identidè scriptores quærunt . Sed ut iis nos explicandis quæstionibus immoremur , instituti nostri ratio , ac brevitās minimè patitur . Originem dumtaxat levitèr tangam , quod necessariò mihi faciendum reor , qui de Monasticæ vitæ progressu , tametsi breviter , hoc loco scripturus sum.

*Sententiæ quædam de origine
Monachorum in veteri
Testamento .*

(1) Relatus 248. **N**on defuerunt , qui Monasticam disciplinam in veteri Testamento floruisse contenderèt. Jacobus (1) Boulduci in iis , quos *de Ecclesia ante legem* edidit libris , octo quasi monasticas Religiosorum statuit sodalitates , in totidè Cœnobiis vitam agentium ; ab orbe condito , ante Christi tempora institutas . Prima (ut ait) *Enosæorum* erat , qui ab Enos auctore ,

(1) Relatus à Georgio Feblavio Luthe-
rano neoteri-
co , Dantisca-
no : in notis
ad Enchiri-
dion Christo-
phori Angeli
Græci : de stat.
hodiernis Græ-
corū ad cap.
27. §. 472.

thore, nomen sibi ejusmodi derivarunt; quos postea Essæos dictos fuisse arbitratur. Secunda, *Minoritarum Cineaorum* à Cainà Enosi filio proficiscentium. Tertia *Habreorum*, ab Hebere Semi abnepote. Quarta *Cenezaeorum*, ab Ascenà. Quintum *Nazaraeorum*. Sextum *Filiorum Prophetarum*. Septimum *Rachabitarum*. Octavum *Essenorum*. Quæ mihi magis conjectura quædam, quam opinio solida viderur esse.

249. Abrahamus item Ecchellensis pro tanta Monachorum antiquitate stare videtur: quam ut confirmet, teste utitur Mahumettano: Abrahami (1) verba (2) sunt hujusmodi: Gelaled-

„ dinus Sajuti Mahumettanus in Ægyptiaca Historia, ex variis authoribus, quos ibidem citat, sequentia allegat de Monastici instituti exordio—*Facultatem petierunt qui crederent ex Magis, à Moyse, ut redirent ad suos, & ea quæ habebat in Ægypto: & impertitus est eis Moses facultatem, æque deprecatus est pro illis: quæ mobrèm professi sunt Monasticam vitam in summitatibus montium, &*

(1) Abrahamus Ecchellensis in Praef. 20. Epistolar. Anton. M. quas ex Arabico, Latina redditas edidit Parisiis anno 1641.

(2) Gelaled-ainus Sajuti Maumettb. in Histor. Ægyptiaca.

„ sanè primi fuerunt qui Monasticam
 „ vitam professi sunt : & appellabantur
 „ Cœtus . Remanserant verò quidam
 „ cum Mose , donec fatis concessit , Deo
 „ jubente : & interruptus est Monacha-
 „ tus post illos , donec restauraverunt
 „ illum Christi Apostoli , super quos Pax :
 „ Imò ipse Pseudo- Propheta Mauhu-
 „ metus , instituti veneratione motus ,
 „ conceptis verbis , Monachos suis cõ-
 „ mendavit , ac Monachorum , & Mo-
 „ nasteriorum bona , à tributorum
 „ gravamine exemit .

Sed majora authoritatis momenta ea quoque opinio desiderat .

250. Argumētis ducuntur solidio-
 ribus , qui Monasticæ disciplinæ au-
 thorem primum Eliam statuunt : nam
 idipsum sensisse Hieronymus (1) visus
 est , cùm ad Paulinum scriberet : No-
 ster Princeps Elias , noster Eliseus .
 Idemque Hieronymus author est , jam
 indè à suis temporibus , qui ad eum
 Prophetam referrent Monachorū ori-
 ginem , fuisse plures . Nec secùs opi-
 natum crediderim Mazianzenum ,
 cùm de Basilio Magno affirmaret , so-
 litudinem coluisse cum Elia , & Joan-
 ne :

(1) Hieron-
 Epist. 13. ad
 Paulin.

ne: eosdemque Eliam, atque Joannem *admodum Philosophos*, hoc est, Monachos extitisse; namque Nazianzeni temporibus, *Ecclesiasticorum Philosophorum* nomine vocari Monachi cōsueverant. Quinimmò (1) Cassianus (2) *Cassian. lib. I. de Institut. renunc.* Eliam proponit, veluti Monachorum exemplum, moremque illum gestandi zonam pelliceam, ab eo Propheta manasse, tradit, in Monachos Christianos. Hac etiam in sententia Magnus Basilius, & Marius Victorinus fuere; qui Victorinus, *Eliam* (inquit) & *Eliseum*, *deserta ac montes solitarios incoluisse*, res est notissima. Exstat etiam in Bibliotheca Patrum liber ad Caprasium *de institutione Monachi*, ubi author, quicumque demùm fuerit (nàm Joāni Hierosolymitano liber ille falsò tribuitur) fusiùs de origine Monachorum differit, ab Elia proficiscentium.

251. Et sanè dubitare minimè possumus, Prophetam illum longè præclarum, vitam in solitudine ab hominum consortio segregatam duxisse: non quidè casu, & fortuitò; neque necessitate dumtaxat, quod Eterodo-

xi solent contendere; sed Divino consilio, & velut ex instituto: id, ea, quæ hætenus innuimus, Patrum testimonia confirmant; id etiam è sacris litteris apertè satis conjicitur: nam Elias ex quo ad solitariam vitam traductus est, in solis desertisque semper locis sese continuasse legitur, ab hominum frequentia sejunctum; nec nisi per occasiones, ad negotium aliquod, jussu Dei perficiendum, ad urbes descendere consuevisse: stabilemque sedem, postquam occidit Prophetas Baal, in Carmelo præsertim monte fixisse. Huc certè Basiliius (1) spectabat, cū ad Chilonem scribens, diceret: *Hic mons celeberrimus Carmelus, in quo Elias demoratus, perplacuit Deo*: Huc etiam illud pertinet (2) Nazianzeni: *pulchra res solitudo & quies, idque me docet Elias Carmelus*: quod Nicetas exponens, idest Elias, inquit, in Carmelo degens, quemadmodum tertius regum liber narrat: quæ sanè aut falsò aut certè minus aptè de Elia dicerentur, si casu potius, quàm consilio; metu, quàm voluntate id vitæ genus arripuisset.

252. Elias deinde in Carmelo monte,

(1) Basil ad Chilon.

(2) Nazianz. orat. 16. de pauperū amore. initio.

te, vitæ solitariæ socium atque discipulum habuit Eliseum; quem pariter, postquam curru igneo transvectus est, ejus instituti, simul prophetiæ, atque virtutis, reliquit hæredem. Post aliquot transacta deinde sæcula Joannes Baptista Domini Præcursor, hæc etiam ex parte, quæ ad solitariam vitam pertinet, venisse dicitur, in spiritu atque virtute Eliæ. An verò monasticæ disciplinæ sectatores alios aut Elias ipse in Carmelo Monte reliquerit, aut sibi adjunxerit Eliseus? An iidem Prophetæ, Oratorium, & habitaculū ibidem extruxerint, ubi cum sociis alumnisque plurimis, certis legibus, perpetuoque sodalitatis vinculo viverent? An demum ea prophetica societas atq; sodalitas, usque ad Christi tempora, & ultrà etiam, non interrupta posteritate manaverit? res mihi videntur esse involutissimæ, & plenæ caliginis quæstiones. Itaque iis prætermisissis, quæ parum certitudinis, multum contentionis habere possunt, id unum hic statuimus, Eliam Thesbiten Monasticæ vitæ quædam veluti rudimenta, in veteri Testamento posuisse.

Sententiæ quædam de origine Monachorum in Testamento novo , ante Pauli & Antonii tempora .

253. **E**Xemplum vitæ solitariæ , Divinus ipse Magister , & Reparator Christus, in Testamento novo, primus exhibuit : qui triginta diebus per deserta loca delituit . Tum altiora illa, atque Divina consilia renuntiandi omnibus ; relinquendi domos , fratres , uxores , atque parentes ; abnegandi semetipsum ; atque ejus generis plurima, Evangelicis passim libris disseminata ; semina certè quædam monasticæ religiosæque vitæ fuerunt, in uberrimam segetem abitura Sanctorum ; ejusque generis homines paritura , qui studiosâ *Paupertate* bonis , atque fortunis ; *Castitate* uxoribus ; *Obedientiâ* veluti sibimetipsis nuntium remitterent . Iis Divini Magistri exemplis , consiliisque instituti Christi fideles quamplurimi , monasticam vivendi normam , jam indè a temporibus Apostolorum (uti scriptores memorant non obscuri) ante Paulum,

lum, & Antonium, in Oriente suscep-
runt; præsertim verò in Ægypto, quæ
regio, à S. Marco Evangelista mirum
in modum exculta, monasticæ disci-
plinæ primam præcipuamque gloriam
tulisse videtur.

254. Et sanè de Monachis Alexan-
drinis, Pauli, & Antonii tempora præ-
cedentibus, mentionem facit (1) Euse-
bius: eosdemque à Marco Evangeli-
sta fuisse institutos, Cassianus (2) aper-
tissimè tradidit. Multorum (3) quoq;
sententia fuit, Essenos illos, memora-
bilem sanè gentem, de quibus Philo
Jndæus singulari cum laude scripsit,
homines fuisse religione Christianos,
atque professione Monachos; & qui-
dè coenobitas; nam eorum habi-
tacula, Philo idem (quod etiam te-
statur (4) Hieronymus) monasteria
vocavit: quam de Essenis opinionè Ba-
ronius Cardinalis, ex Hieronymo, &
Eusebio, & Cassiano, aliisque scri-
ptoribus latè, luculenterque (5) con-
firmat: contra verò adeò in eandem
opinionem (6) Chemnitius, & (7) Ve-
jelijs, & (8) Dallæus invehuntur, ut
nec Eusebio, nec Hieronymo parcant:

(1) *Euseb. lib.*
2. c. 16.

(2) *Cassian. de*
Institut. lib. 2
cap. 5.

(3) *Eusebii,*
Hieronymi,
Epiphani,
Cassiani, Ba-
ronii, &c.

(4) *Hierony-*
mus de script.
in Marco, &
in Philone.

(5) *Baron. t.*
1. *Annal. ad*
ann. 64.

(6) *Chemnit.*
in examiu.
Concil. Trid.
sess. 8. de cæ-
libat. Sacerd.
in hist. paul-
lò post init.

(7) *Elias,*
Vejel. in dis-
sert. Histor.
Theol. pag.
44. *num. 10.*

(8) *Ioann.*
Dallæus de
Iejun., &
Quadrages. lib.
2. ca. 4.

quin

bus manebat : exinde autem , si quem in hoc studio vigilantem compererat , procedens quærebat , ut apud prudentissimam , nec ad habitaculum suum ante remeabat , nisi ejus , quem cupiebat , frueretur aspectibus . Ex quo Athanasii testimonio , quædam spontè fluunt , quæ in hanc rem facere videtur plurimum .

I. Ante Paulum , & Antonium fuisse Monachorum Coenobia , seu Monasteria , licet non tam crebra in Ægypto .

II. fuisse quoque solitarios nonnullos , qui studio perfectioris vitæ , non quidem in aviis penitisque desertis , sed in agris , non ita procùl à paternis ruribus , delitescerent ; in divinarum rerum contemplatione diù , noctuque versantes : quorum exemplis animum suum instituebat Antonius .

III. Ejusmodi solitarios , non persecutionis metu , ut quidam hæretici criminantur ; sed perfectioris vitæ studio , solitariam vivendi rationem suscepisse , ab urbano strepitu , hominumque consortio segregatam .

IV. Qui ante illud tempus , aviam solitudinem colebat , innotuisse neminem : ita ejus rei exemplum Paulus Thebæus in Ecclesi-
siam

fiam intulit primus : qui jure propterea cùm ab Hieronymo, tum à reliquis scriptoribus in tota posteritate, primus Eremita vocari solet.

Quæ res cùm satis sint exploratæ ; sic demùm existimo : monasticæ vitæ rationem, tametsi certis fixisque legibus minùs formatam, minimèque perfectam ; aliquo tamen modo ante Paulum & Antonium, ab ipsis Apostolorum temporibus, in Testamento novo coepisse.

De Monastica vitæ progressu per Paulum, & Antonium, post Nicænum Concilium.

255. **S**ED quod propiùs in rem nostram facit, circa ipsa Concilii Nicæni tempora, utraque Monasticæ vitæ ratio, Solitaria & Coenobitica valere potissimùm cæpit : eaque semina, quæ in Testamento veteri Elias, & Eliseus, ac postea Joannes ; in Testamento novo primùm Christus, deinde Apostoli, præsertim Marcus jecerant per Orientem, hoc demùm tempore abjerunt in florem. Nam quod ad vitam

tam pertinet Eremiticam in aviis penitissimisque desertis segregatam, ejus (uti scripsit (1) Hieronymus) institutor Paulus, illustrator Antonius fuit. Paulus quidem annos amplius septuaginta ante Nicænum Cōcilium in avia penitissimaq; solitudine, soli Deo notus delituit: sed nonnisi undeviginti annis post eam Synodum celebratam, hoc est salutis anno 343. jam jam moriturus innotuit; ab Antonio Magno, Deo indicante repertus. Antonius quoque, ante Nicænam Synodum, cum nondum quicquam de Paulo sciret, ad id vitæ genus exercendum in interiora deserta sese contulerat: at circa ipsa Nicæni Concilii tempora clarus magis evasit. Exindè verò tantum Pauli & Antonii exempla valere, ut postquam eorum fama manavit, Orientis deserta loca, imprimis verò Ægyptiacæ solitudines, ipsis propè urbibus frequentiores evaserint: tanta repentè Eremitarum extitit multitudo. Eâque demùm via & ratione beata illa stirps atque progenies segregatorum hominum, à Paulo fundata, ab Antonio illustrata & progata fuit.

(1) Hieron.
epist. 22. ad
Eustachium
virginem.

De

256. De hoc vitæ genere maximè segregato, non est absurdum affirmare, persecutionum occasione capisse: nam certè Paulum persecutio & metus primò impulit in desertum. Verùm in eo Lutheranorum quidam & Calvinistarum delirant, quod illud vitæ institutum neque laudabile; neque per se unquam, aut perfectionis studio à Patribus intentum fuisse putant: totum id eremiticæ vitæ negotium timori tribuentes: qua in sententia, jam inde à temporibus Cassiani fuerunt aliqui, contra quos idem (1) Cassianus invenitur. Et sanè Paulus, tametsi timore primùm secesserit; nulla tamen ratione fingi potest, nonaginta annos in eo vitæ genere, timore fuisse detentum; sed potius voluntate, studioque perfectionis, & quod caput est, Divini Numinis instinctu: cujus Providentia factum est, ut ex iniqua hominum voluntate, & persecutorum tentatione, tantus Paulo proventus existeret: novit enim verò Deus hujusmodi uti occasionibus; nec rarò ex hominum malitia exordia sumit perficiendi opera sua. Et ingens exinde multitudo Eremitarum,

(1) Cassian.
collat. 18. c.
5., & 6.

rum, Pauli, Antoniique exempla, nullo cogente metu secuti sunt.

257. Quod verò attinet ad vitam Coenobiticam, ejus certè Antonius Magnus, aut fundator primus, aut restitutor, & propagator fuit: nam quæ illius vitæ rudimenta, Marcus Evangelista in Ægypto posuerat, ita persecutionum horribiles tempestates labefactaverant, ut eorum vix intermortuæ quædam superessent reliquiæ. Itaque Antonius Coenobiticam disciplinam hac viâ & ratione fundare cæpit. Ejus viri virtus, divina Philosophia, & mirabilis vitæ ratio, præclarâ famâ, omniumq; sermone, per Orientem celebrabatur: eâ famâ commoti plures, primò ex finitimis regionibus, postea ex longinquis, ad eundem confluebât, ut ab eo Magistro monasticis institutis imbuerentur. Itaque alumnos longè plurimos habere cæpit. Exindè multa Coenobia, scû Monasteria per Ægyptum, in montibus, aliisque desertis locis construi jussit; in quæ Coenobia, discipulos, alumnosque distribuit, velut in totidem societates; quarum quælibet suum Patrem sive Præpositum ha-

haberet: eaque Cœnobia, crescente in dies Monachorum numero, ita multiplicata sunt, ut brevi tempore Ægyptum ferè totam compleverint: quare

) 1) Chrysost.
in Matth. bo-
mll. 8. cap. 2.

(1) Chrysostomus, qui per illud tempus Monasticam disciplinam admodum adolescens sectabatur: *Si quis, inquit, ad Ægypti veniat solitudines, paradiso quovis omnem illam videbit eremum digniorem, & innumerabiles Angelorum cœtus in corporibus fulgere mortalibus.* Nec viri tantum, sed etiam foeminae, Antonii præceptis atque institutis imbutæ, monasticam disciplinam sequebantur; plurimaque repentè Cœnobia Virginum in Ægypto extiterunt, inter quæ illud maximè celebratur, quod Pachomii soror à fratre instituta, in Thebbenensi vico fundavit. Ejus rei extat, ejusdem Chrysostomi (2) luculentissimum testimonium; qui cum de Antonii differeret institutis; *atque hæc, inquit, non in viris solum; verum etiam in foeminis splendere conspicias:* addens post pauca: *Non ita variis astrorum choris cœlum refulget, ut Ægypti Eremus, innumeris Monachorum ac Virginum distinguitur atque illustratur habitaculis.* Exin-

(.) Chrysost.
ibid.

258. Exindè Antonii Magni vel institutione, vel exemplo formati, Monasticæ disciplinæ magistri plurimi prodire; qui eam vivendi rationem novis regulis auctam, propagarunt in Palæstinam, in Syriam, in minorem Asiam, Cappadociam, Pontum, Mesopotamiam, Armeniam; Persidem, Indiam, & Æthiopiam; in Gothos item & Boreales regiones usque ad latrones Bessos & Dacos; de quibus sic postea cecinit (1) Paulinus:

(1) Paulin. in
carm. ult. de
reditu Nice-
tæ ad Natal.
S. Felic.

*O vices rerum, benè versa fama!
Invii montes prius, & cruenti;
Nunc tegunt versos Monachi latrones
Pacis alumnos*

*Mos ubi quondam fuerat ferarum,
Nunc ibi ritus viget Angelorum,
Et latet justus, quibus ipse latro
vixit in antris.*

Et Hieronymus (2) cùm scriberet ad Heliodorum, *Indus, inquit, Persa, Go-* (2) Hieron.
tus, Ægyptius, philosophantur (hoc est
Monasticam exercent vitam, divina-
rum rerum contemplationi vacantes)
Bessorum feritas, & pellitorum turba
populorum, qui mortuorum quondam in-

epist. 3. ad He-
liodor.

(1) *Idem ad
Letam ep. 7.*

feriis, homines immolabant, stridorem suum in dulce Crucis fregerunt melos: Idemque author, (1) cùm versaretur in Palestina, ad Letam scripsit hujusmodi *de India, Perside, Æthiopia, Monachorum quotidie turmas suscipimus:* eorum videlicet, qui ad loca Sancta, Religionis causâ, confluerent. Quibus rebus satis apertè intelligimus, Monasticam disciplinam ab Antonio Magno profectam, latè per Orientem, & Austrum, & Aquilonem, brevissimo temporis intervallo, fuisse diffusam.

259. Sed in Occidentem quoque ea ipsa tempestate Antonii disciplina pervenit: ex Ægypto Romam illata ab Athanasio Magno: qui Salutis anno tercentesimo quadragesimo, cùm Arianae tempestatis causâ, eam in Urbem venisset, Antonii viventis adhuc instituta, atque Pachomii Regulam secum tulit, ut eam vivendi rationem Romano Pontifici probandam (ut mea fert opinio) cæteris verò imitandam proponeret. Vix autem propositam ab Athanasio, probatamque oraculo primæ sedis, tanto studio Romana pietas arripuit, ut plurima

ma repenti tū virorum, tū Matronarum Coenobia extiterint Romæ: unde momento, ut ita dicam, temporis latius eadem professio ac disciplina manavit, non solum per Italiam, plurimasq; Tirreni Maris Insulas, sed etiam transcendit alpes, atque in Galliam, inque alias occidentis Solis Provincias sese diffudit. Itaque illo spatio temporis, quod à Concilio Nicæno primo, usque ad Constantinopolitanum generale secundum fluxerat, tantus fuit Monasticæ disciplinæ progressus, ut florens atque beata stirps Monachorum, ad quatuor Mundi cardines ramos extenderit; ad Orientem & Occidentem, ad Austrum, & Aquilonem: At in Oriente per illud tempus longè valuit excelluitque multitudo & sanctitas Monachorum; adeò ut in uno dūtaxat Nitriæ Monasterio, quinque Monachorum millia sub Alexandrino Machario viverent.

Quibus potissimum institutis, Monastica disciplina, eo tempore contineretur; & quinam ante Basilium, Monachorum regulas in Oriente conscripserint?

260. **Q**uibus potissimum institutis Monastica disciplina eo tēpore in Oriente, præsertim in Ægypto, cōtineretur, S. Hieronymus olim indicavit, cū de custodia Virginitatis scriberet ad Eustochium. Id ipsum nos indicaturi, ejus Authoris luculentissimi verba eadem huc transferemus. Tria (1) sunt in Ægypto (inquit Hieronymus) genera Monachorum. Primum Cænobitæ, quod illi *Sauses* gentili lingua vocant; nos in communi viventes, possumus appellare. Secundum Anachoritæ, qui soli habitant per deserta; & ab eo, quòd procul ab hominibus recesserint, nuncupantur. Tertium genus est, quod Remoboth dicunt; deterrium atque neglectum, & quod in nostra Provincia aut solum, aut primum est. Hi bini vel terni, nec multò plures simul habitant, suo arbitratu

(1) Hieron.
ad Eustochiū
Virginē Paulæ
Matronæ
filiam, de custodia
Virginitatis. epist. 22.

„ tratu ac ditione viventes ; & de eo ,
 „ quod laboraverint, in mediū partes
 „ conferunt , ut habeant alimenta
 „ communia. Habitant autem quam-
 „ plurimū in urbibus & castellis : &
 „ quasi ars sit sancta , nou vita , quic-
 „ quid vendiderint , majoris est pre-
 „ tii: inter hos sæpè sunt jurgia ; quia
 „ suo viventes cibo , non patiuntur se
 „ alicui esse subiectos : re verâ solent
 „ certare jejuniis , & rem secreti , vi-
 „ ctoriæ faciunt . Apud hos affectata
 „ sunt omnia , laxæ manicæ ; caligæ
 „ follicantes ; vestis crassior ; crebra
 „ suspiria ; visitatio virginum ; detra-
 „ ctio clericorum : & si quando dies
 „ festus venerit , saturantur ad vom-
 „ tum . His igitur , quasi quibusdam
 „ pestibus, exterminatis, veniamus ad
 „ eos , qui plures sunt , & in commu-
 „ ne habitant, idest, quos vocari Cœ-
 „ nobitas diximus .

261. „ Prima apud eos confedera-
 „ tio est , *obedire majoribus* , & quid-
 „ quid jusserint , facere . Divisi sunt
 „ per decurias, atque centurias; ita ut
 „ novem hominibus , decimus præsit;
 „ & rursus decem præpositos sub se

„ centesimus habeat: manent separa-
 „ ti, sed junctis cellulis: usque ad ho-
 „ ram nonam, ut institutum est, nemo
 „ pergit ad alium, exceptis his De-
 „ canis, quos diximus; ut si cogitatio-
 „ nibus fortè quis fluctuat, illius con-
 „ soletur alloquiis: post horam no-
 „ nam in commune concurritur: psal-
 „ mi resonant: scripturæ recitantur ex
 „ more: & completis orationibus, cū-
 „ ctisque residentibus, medius, quem
 „ patrem vocant, incipit disputare:
 „ quo loquente, tantum silentium fit,
 „ ut nemo alium respicere, nemo au-
 „ deat excreare: dicentis laus in fletu
 „ est audientium. Tacitæ voluntur
 „ per ora lacrymæ, & ne in singultus
 „ quidem erumpit dolor: cū verò de
 „ Regno Christi, & de futura Beatitu-
 „ dine, & de gloria cæperit annun-
 „ ciare ventura, videas cunctos, mo-
 „ derato suspirio, & oculis ad Cœlum
 „ levatis, intra se dicere: quis dabit
 „ mihi pennas sicut columbæ, & vola-
 „ bo, & requiescam. Posthæc conci-
 „ lium solvitur, & unaquæque decu-
 „ ria cum suo parente pergit ad men-
 „ sam, quibus per singulas hebdoma-
 „ das

„ das vicissim ministrant. Nullus in,
 „ cibo strepitus est: nemo comedens
 „ loquitur: vivitur pane, legumini-
 „ bus, & oleribus, quæ sale solo con-
 „ diuntur: vinum tantum senes acci-
 „ piunt; quibus, & parvulis sæpè fit
 „ prandium; ut aliorum fessa susten-
 „ tetur ætas; aliorum non frangatur
 „ incipiens. Dehinc consurgunt pa-
 „ riter, & hymno dicto ad præsepia
 „ redeunt: ibi usque ad vesperam cum
 „ suis unusquisque loquitur, & dicit:
 „ Vidistis illum & illum? quanta in
 „ ipso sit gratia? quantum silentium?
 „ quàm moderatus incessus? Si infir-
 „ mum viderint, consolantur; si in-
 „ Dei amore ferventem, cohortantur
 „ ad studium. Et quia nocte, extra ora-
 „ tiones publicas in suo cubili unus-
 „ quisque vigilat, circumeunt cellu-
 „ las singulorum, & aure apposita,
 „ quid faciant, diligenter explorant;
 „ quem tardiores deprehenderint,
 „ non increpant; sed dissimulato quod
 „ norunt, eum sæpiùs visitant & priùs
 „ incipientes, provocant magis orare,
 „ quàm cogunt. Opus diei statum est:
 „ quod Decano redditum fertur ad

„ œconomum; qui & ipse per singulos
 „ menses Patri omnium cum magno
 „ tremore reddit rationem ; à quo
 „ etiam cibi cùm facti fuerint prægu-
 „ stantur: & quia non licet dicere cui-
 „ quam: tunicam, & sagum, textaque
 „ juncis strata non habeo: ille ita uni-
 „ versa moderatur, ut nemo quid po-
 „ stulet, nemo non habeat. Si quis ve-
 „ rò cæperit ægrotare, transfertur ad
 „ exedram latiore; & tanto senum
 „ ministerio confovetur, ut nec deli-
 „ cias urbium, nec matris quærat af-
 „ fectum. Dominicis diebus oratio-
 „ ni tantum, & lectionibus vacant:
 „ quod quidem & omni tempore, cõ-
 „ pletis opusculis, faciunt. Quotidie
 „ aliquid de scripturis discitur. Jeju-
 „ nium totius anni æquale est, exce-
 „ pta Quadragesima, in qua sola con-
 „ ceditur districtius vivere: à Pascha
 „ ad Pentecosten cænæ mutantur in
 „ prandia; quo & traditioni Eccle-
 „ siasticæ satisfiat, & ventrem cibo
 „ non onerent duplicato. Tales Philo,
 „ Platonici sermonis imitator, tales
 „ Josephus Græcus Livius, in secun-
 „ da Judaicæ captivitatis historia Es-
 „ senos refert.

Ve-

262. „ Verum quia nunc , de Vir-
 „ ginibus scribens ; penè superfluum
 „ de Monachis disputavi, ad tertium
 „ genus veniam , quos Anachoritas
 „ vocant : qui & de cœnobiis exeun-
 „ tes, excepto pane, & sale, ad deser-
 „ ta nihil proferunt amplius . Hujus
 „ vitæ author Paulus , illustrator An-
 „ tonius , & ut ad Superiora conscen-
 „ dam, Princeps Joannes Baptista fuit.
 „ Talem verò virum Hieremias quo-
 „ que Propheta describit, dicens: Bo-
 „ num est viro, cùm portaverit jugum
 „ ab adolescentia sua : Sedebit solita-
 „ rius & tacebit, quoniam sustulit su-
 „ per se jugum, & dabit percutienti se
 „ maxillam : saturabitur opprobriis,
 „ quia non in sempiternum abjiciet
 „ Dominus . Hæc Hieronymus : qui-
 „ bus satis est indicatum , cujusmodi eo
 tempore esse soleret in Oriente Mona-
 chorum ratio & disciplina : jam brevi-
 bus indicabo , quinam ante Basilium
 Monachorum regulas in Oriente con-
 scripserint.

263. Antonius ipse Magnus, tamen-
 si, ut ab Athanasio accepimus, fuisset
 solitus dicere : *Ad omnem mandatorum
 disci-*

disciplinam Scripturas posse sufficere: instantibus tamen discipulis in Monasterio Nacalon, octo supra quadraginta constituit regulas.

264. Isaias deinde Abbas, octo & sexaginta præcepta, sive consilia jis statuit, qui Monachatus tyrocinium ponerent.

265. Præterea SS. PP. Serapion, Macharius, Paphnutius, & Macarius alter, collato invicem studio, Monachorum Regulam condiderunt divisam in partes tres: quarum prima, sex supra decem; altera septem; tertia quatuordecim capitibus continetur.

Tum Macarius tertius, Alexandrinus, qui Monachorum quinque millia sub se habuisse proditur in Monasterio Nitriæ, triginta, suis Alumnis, addidit regulas.

Sed celeberrima imprimis, ea semper habita est Regula, quam Sanctus Pachomius, dictante Angelo, in vico Tabennensi, seu Tebbennensi conscripsit: quam Pachomij Regulam, Athanasius Magnus, uti diximus, Romanam intulit primus. In quatuor velu-
ti

ti partes, ea Regula est divisa: Prima pars sic inscribitur. *Patris nostri Pachomij hominis Dei, qui fundavit conversationem Cœnobiorum à principio, per mandatum Dei, hoc est exordium præceptorum.* Pars altera, titulum præfert hujusmodi: *Præcepta, & instituta Patris nostri Pachomij hominis Dei, qui fundavit ab exordio Sanctæ vitæ communionem.* Tertiæ partis hæc est inscriptio: *Ejusdē Patris nostri Pachomij præcepta, atque Judicia.* Quarta demum atque postrema, hoc argumento continetur: *Præcepta, ac leges Patris nostri Pachomij, de sex orationibus vespertinis, & de collecta, quæ per singulas domos fit sex orationum.* His accedunt monita quædam, brevi capitulo comprehensa; tū Epistolæ plures, & verba mystica, quæ ab Angelo pariter Pachomius didicerat. Ejusmodi verò Pachomii opera, quæ ad Cœnobitarum pertinent disciplinam, ægyptio primū, mox græco sermone conscripta, S. (1) Hieronymus latinitate donavit, rogatus a Sylvano Presbytero; eaque etiam causâ ductus, quod in Monasterio *Metanæ*, Latinorum plurimi

(1) Hieronymus
Præf. ad Pachomii Regulam.

rini viverent, qui Ægyptiacum, græcumque seronem ignorarent.

266. Orsiesius quoque Cœnobita sanctissimus Pachomij, ac Theodori collega, tractatum quendam in capitula sex & quinquaginta divisum, ad Cœnobitarum institutionem conscripsit: de quo tractatu, deque ipso authore Orsiesio, hujusmodi scribit Gennadius. *Orsiesis Monachus amhorum, idest Pachomij, & Theodori collega, vir in sanctis scripturis, ad perfectum instructus, composuit librum, divinum conditum sale; totiusque Monasticae discipline instrumentis constructum: & ut simpliciter dicam, totum penè in eo vetus & novum testamentum, compendiosis dissertationibus, juxta Monachorum dumtaxat necessitatem, invenitur expositum: quem tamen vice testamenti, propè diem obitus suis fratribus obtulit. De Sanctis Monachis, Pachomio, Theodoro, & Orsiesio, hæc etiam scripsit (1) Hieronymus: qui primi per Thebaidem & Ægyptum, cœnobiorum fundamenta jecerunt, juxta præceptum Dei, & Angeli, qui ad eos ob hanc ipsam institutionem missus fuerat.*
Sed

(1) Hieronymus
ibid.

267. Sed ex alijs etiam ejus temporis Monachorum Patribus, instituta quædam, Vigilius Diaconus collegit, ex quibus Regulam composuit, quæ *Orientalis*, sive Patrum Orientalium inscribi solet; & septem supra quadraginta capitulis continetur: cujus Orientalis regulæ (1) Gennadius, (2) Smaragdus Abbas, atque (3) Annales Trevirenses identidem meminerunt.

(1) *Gennad. Massiliens. de scriptor. Eccl. cap. 51.*

(2) *Abb. Smaragdus in exposit. Regul. S. Bened. cap. 28.*

(3) *Annal. Trevirens in Apolog. Monast. S. Maximi par. 2. cap. 1.*

268. Si cui fortè cupido incesserit, quas diximus legendi Regulas; partim ab Antonio Magno; Partim ab ipsius Alumnis, vel imitatoribus traditas Cœnobitis; is Regularum codicem legat; quem olim sub annum salutis 820 a Sancto Benedicto Abbate Anianensi collectum, Lucas deindè Holstenius, Vaticanæ Bibliothecæ Præfectus, anno 1661 in tres partes digestum auctumque edidit.

269. Ex his autem Regulis, tum ex alijs omnibus, quæ de Monasticæ vitæ progressu ac disciplina per Antonium, ejusq. Alumnos, hætenus memoravimus, alia quædam notatu digna coniiciuntur, ac veluti spontè descendunt; quæ sunt hujusmodi.

I. Cum

I. Cùm Antonius Magnus, atq; Antonii deinde discipuli, qui Basilium tempore antecesserunt, ad tantum robur, tantamque celebritatem, tamque perfectam vivendi normam, Cœnobitarum institutum, per totum ferè terrarū orbem adduxerint; primus certè Monachorum author, aut Cœnobiticæ vitæ fundator absolutè dici, aut haberi Basilus minimè potest. II. Etsi magnus Antonius Cœnobitarum institutor, aut certè Restitutor primus extiterit, altor, & propagator; tantum tamen cœnobiticæ disciplinæ addidit Pachomius iis, quas Angelo dictante conscripsit, regulis; ut hunc, fundatorem Cœnobiorum, atque parentem primum in commune viventium, scriptores antiquissimi, atque memoriæ veteres prodant. III. In tanta Monachorum multitudine, & varietate locorum, discrepans aliquantò vitæ cultus, ac diversorum Cœnobiorum, diversa parumper institutio erat, ac disciplina: primique illi Principes atque Duces cœnobitarum, cùm Antonii Magni idem propositum, idemq; vivendi genus sibi omnes statuis-

tuissent; alius tamen aliâ viâ & ratione utebatur: & gregem quisque suum suis quisque regulis instituebat: tametsi minima, ea diversitas foret, & in rebus sita levissimis. IV. Omnes illius temporis Cœnobia, eam vivendi rationem sequebantur, quæ *contemplativa* vocari solet. *Paupertatem, Castitatem, & Obedientiam* omnes pariter aliquomodo profitebantur: at quo ritu, quove sacramenti generis se vinculis obligarent, satis exploratum non est. Omnino subiiciebantur Patriarchis, & Metropolitanis, qui Monachorum Cœnobia visitare, Præpositos constituere, disciplinam moderari ac temperare identidem cōsueverant; quod ab Athanasio in Ægypto; à Meletio Antiocheno in Syria factum legimus; quin etiam in Arabica collectione extat Nicænus Canon, qui est ordine decimusquartus; quo Canone cautum erat; *ne quis fiat Monachus sine licentia Episcopi*. Illud etiam satis certum mihi videri solet, monasticam disciplinam jam indè fuisse confirmatam, autoritate Romanæ Sedis, nēpè Iulii Pontificis sub annum 340 tunc
 nimi-

nimirum , cum Athanasius Antonii vitam , atque Pachomii Regulam Romanam tulit . V. Uniformis ubique (si levia quædam , quod diximus excipias) Monachorum cultus erat & ratio : facilis & ferè promiscuus invicem transitus ab uno ad alterum Cœnobiorum : quamvis id vitio duceretur , si sine causa fieret . VI. Id etiam in more positum erat , ut ex eremo ad Cœnobia (quod erat proclivius) & ex Cœnobiis ad Eremos (quod non nisi post diuturnum experimentum , & viris in virtute obfirmatissimis concedebatur) migrare Monachi possent . VII. Foeminæ , atque Virgines , quæ vitam colerent cœnobiticam , iisdem Monachorum præceptis institutisque vivebant : ut de his accepimus , quæ Pachomii Regulam in Tebbennensi vico , ab ejusdem Pachomii sorore institutæ seſtabantur ; de quibus Virginitibus , in Pachomii vita scribitur , *Monachis omninò similem , earum fuisse institutionem* ; exceptis Melotis , hoc est caprinis pellibus , confectis albis , quibus uti foeminæ verabantur ; cum tamen viris aut dormire sine Melotis ,
aut

aut comedere, nefas esset. Sed in urbibus etiam, Monasteria Virginum, eo tempore cœperunt ædificari: quod primò Romæ factum creditur; tùm Alexandriæ, Antiochiæ, aliisque locis plurimis, tùm occidentis, tùm orientis Solis. Athanasius Magnus instituta edidit præclarissima, quibus urbanæ Virgines ad virtutem omnem, aptamque sexui disciplinam informarentur.

*De Monastica Disciplina progressu,
Basilii Magni operâ.*

269. **S** BASILIUS MAGNUS, vertente salutis anno 356, cum Liberius Ecclesiam, Constantius Imperium Orientis moderaretur, ipseque Basilius octavum supra vigesimum ageret ætatis annum, peregrinationem in Syriam, & Ægyptum suscepit. In patriam, eodem anno reversus, Monasticam disciplinam, quã ab Ægyptiis, Syrisque Monachis didicerat, in Ponti regionem intulit primus: exindè Monasterium extruxit apud Iborim, quæ parva erat civitas,

ad ripas Iris fluminis ; propè quē locū
 Basilii familia pollens genere , atque
 divitiis prædia possidebat amplissima .
 Eo in Monasterio (quod primū, credo,
 fuit Basilianorum Coenobium) socios,
 alumnosque plurimos habere cœpit :
 quorum ipse curam suscipiens , Mo-
 nachorum Pater evasit . Tūm ut erat
 scientiis , divinarumque litterarum,
 prudentiā magis omnibus præditus ,
 præclaram Regulam , ac divina quæ-
 dam instituta conscripsit , quibus ve-
 terem , ac veluti agrestem Ægyptio-
 rum Monachorum disciplinam , ad lō-
 gè meliorem formam , magisque Re-
 ligioni congruentem adduxit : cujus
 rei causa Basilius, religiosorū Ordinum
 author primus haberi solet . Inter Ba-
 filii scripta *Ascetica* Hieronymus po-
 suit , quo nomine , quas diximus Ba-
 filii Regulas appellavit : tametsi non
 defuerint , qui easdem Basilii Regu-
 las , sive *Ascetica illa* , Eustathio Epi-
 scopo Sebasteno , Ariano nequissimo ,
 Basilii hosti acerbissimo , falsò tribue-
 rent . Postquàm Casareensem Epi-
 scopatum , Basilius Magnus obtinuit ;
 Monachorum curam Petro fratri , vi-
 ro

ro-sanctissimo demādavir. Exindè verò latius Basilii regula propagari cœpit : primò in Cappadociam , Armeniam , & partes reliquas Ponticæ regionis : tūm Cœnobia plurima Monachorum per Syriam , Ægyptum , & Palestinam , vel ab ipso Antonio , vel ab Antonii discipulis instituta , priorem suam disciplinam , non ita sanè adhuc formatam , ad Basilianæ institutionis normam composuerūt . Post verò Monachorum Cœnobia , & societates celebriores , quotquot de novo extiterunt per Orientem , aut etiam in Thracia , in Græcia , in Illyrico , perque Insulas Ægæi Maris : Sinaitæ , Achemitæ , Diitæ : magna Laura S. Sabbæ tot Sanctorum altrix & nutrix foecundissima ; Monasteria item Sanctorum Euthymii , Charitonis , Theodosii Cenobiarchæ , atque alia propè innumera , sub Basilii nomine atque Regula militabant . Demùm volventibus annis , prioribus institutis aut extinctis , aut obliuatis , aut ad summā paucitatem reductis ; solum Basilii nomen , universam Orientalium Monachorum posteritatem obtinuit : ita

quidè , ut quotquot nunc in Oriente universo , iisque regionibus , quæ orientalis Ecclesiæ ritibus vivunt, Monachi existunt, *Basiliani* sint ferè omnes : felices admodum atque beati , si tanti Parentis integram custodirèt hereditatem ; & ut nominis , ita fidei , atque virtutum hæredes forent .

270. Sed in Occidentem quoque Basili Magni institutio ac disciplina manavit ; qua in re duplex fama est , & scriptorum opinio : Quidam putarunt , posterioribus sæculis id evenisse , atque Basilianos Monachos , ex Oriente in Occidentem, Iconomachorum tempestate fuisse primùm delatos. Alii contra & fortassè veriùs contendunt , cùm adhuc viveret Basilius , in Occidentem venisse ; eandemq; deinde , in exitu quarti sæculi, diffusam latè fuisse , propagatamque per Italiam & Galliam , aliasque Regiones occidentales . In quibus Regionibus Basilianæ stirpis propago generosissima radices egit feliciùs : nam postea in orientis Solis plerisque partibus , Monachos etiam schisma corripuit, quod cùm Basilianæ disciplinæ , corrupta fide, animam

nam veluti extinxerit, quod superest, cadaver est. In Occidente verò Basilianos Monachos ea pestis non tetigit: quare apud hos fide integerrimos, tota Basilianæ institutionis manet hæreditas; floret Sanctitas; viget disciplina.

271 Illud etiam hic addendum censeo, Basiliæ Regulam, omnium primam, fuisse in jure scripto probatam; ob eamque rem, Religiosorum Ordinum primus, jure Basilianus habetur.

273. Sed eodem tempore, quo Basilius Magnus Monachorum Coenobiū apud Iborim fundavit, Virginum quoque Monasterium, aliarumque Mulierum, apud eandem urbem, Emmelia Basiliæ Mater, atque Macrina soror extruxerunt: ibique primū Basiliæ regula coli, observarique cepit à foeminis: quarum regimen Macrina præsertim suscepit, virilis animi ac sanctitatis foemina, quæ in eo Monasterio cū vidua matre vixit, atque obiit sanctissimè. Atque hæc satis de Monachorum progressu.

De sacrorum Rituum Instauratione.

273. **E**O etiam tempore sacris re-
 bus major quidam decor
 accessit : namque ritus illi, Christianæ
 Religionis, quos furiosa Ethnicorum
 Principum superstitio, & ingruentes
 undique persecutionum terrores, lon-
 gè ablegaverant, eo ipso fuerunt tem-
 pore restituti : instaurati præterea,
 quos violaverat hæresis : explicati,
 qui penderent adhuc ancipites : alii etiã
 de novo, prout res ac tempora postu-
 lassent, autoritate legitimâ instituti.
 Quæ omnia partim in Conciliis per
 Orientem tunc celebratis ; partim a
 præcipuis fiebant Ecclesiarum Præsu-
 libus ; ubi earum rerum ordinandarum
 spatium daret Ariana tempestas. Tres
 præsertim ritus (nam de aliis dubita-
 tur) à Nicænis Patribus ordinatos
 fuisse, certò novimus : Fixus omni-
 bus ubique Ecclesiis, celebrandi Pa-
 scatis dies, juxta decretum Victoris
 Papæ, Statutum, (1) nè minùs quàm
 à tribus Episcopis, Episcoporum fie-
 ret in posterùm ordinatio. Decre-
 tum

Canon. 20.

tum (2) pariter, nè fideles, diebus Dominicis, aut Pentecostes genua flecterent; sed stantes Deo vota persolverent. Alia etiam plura, quæ ad Religionem pertinent, iis fuisse temporibus per Orientem ordinata.

274. Sed illud imprimis memoriâ dignum puto, quod ad sacra mysteria majori cum ordine, ac majestate, celebranda, contulit Basilius Magnus: qui egregiâ operâ, intentoque studio, sacra, preces, mysteria, cæremonias, ac ritus, quæ antea certo minus ordine obibantur in Sacrificio Missæ, viâ & ratione ordinavit composuitque: Idemque protulit sacras illas Liturgias, quæ toto terrarum Orbe celeberrimæ habentur: quibus paulatim pars major orientalium Ecclesiarum, uti cœpit: quibusque ad hunc etiam diem, certis anni diebus, totaque ferè *magnarum jejuniorum* tempore Ecclesia Græcanica utitur; quin potius, ut verius dicam, eas exercet quotidie; nam quæ vulgò Chrysostomi vocatur, cujus est usus ferè quotidianus, ea sanè Basilii est ipsissima Liturgia, quibusdam dumtaxat in locis

ne fastidium debilioribus crearet , a Chrysofomo decurtata ; ob eamque solùm causam , Chrysofomi dici solet .

275. Scribendum hìc mihi foret de Ritibus , quibus eo tempore , Sacramenta, ejusq; generis alia , per Orientem solerent confici , quæve iis in rebus, variarum Ecclesiarum varietas, & consuetudo foret : verùm ea operosa res est , & major , quàm hic pro merito tractari queat .



CAPUT



CAPUT NONUM.

*De Orientalium ejus temporis Obsequio
erga Romanam Sedem , deque
Romanæ Sedis erga Orientales
solicitudine.*

276



On sic ramus ro-
bori adhæret ;
nec tam arcte
humano capiti,
membra cætera
conjunguntur ,
ut, per illa bea-

ta tempora , Ecclesia Orientalis ad-
hærebat Romanæ Sedi . Omnium
tunc Christi fidelium sive per Orien-
tem , sive per Occidentem , una so-
lùm erat societas , eâdemque fide
coagmentata Communitas : eosque
populos sive occidentis , sive orientis
Solis , quos , interjectis locorum spa-
tiis ,

tiis , natura diremit , animorum sum-
 mâ conjunctione Religio copulabat .
 Itaque ex veteri , divinoque instituto,
 eam officiorum religionem , atque vi-
 cissitudinem , hinc Romana Sedes ,
 illinc Orientalium præstantissimi exer-
 cebant , quam inter Caput , & mem-
 bra ; inter Præpositum , & subjectos
 par est intercedere : Orientales in ob-
 sequio summo erant erga Romanam
 Sedem: vicissim Romana Sedes incre-
 dibilem Orientalium gerebat solici-
 tudinem . Ejus ego rei argumenta
 quædam hic indicabo : sed quàm bre-
 vissimè ; copiosius de iisdem rebus in
 Polemica parte , subtiliusque scriptu-
 rus . Hoc verò præsentî capite conti-
 nentur ejusmodi: I. De obsequio Cõ-
 ciliarum orientalium , eo tempore
 congregatorum , erga Romanam Se-
 dem . II. De obsequio Patriarcha-
 tus Alexandrini . III. De obsequio
 Patriarchatus Antioncheni . IV. De
 obsequio aliorum Episcoporum oriẽ-
 talium . V. De obsequio S. Grego-
 rii Nazianzeni Theologi . VI. De
 obsequio S. Basilii Magni . VII. De
 obsequio Imperatorum , qui orienta-
 le

de Imperium eo tempore administra-
runt. VIII. De obsequio ipsorummet
hæreticorum orientalium. Tùm ad
Romanæ Sedis erga Orientales solici-
tudinem gradum facientes, dicemus.
I. De sollicitudine S. Silvestri Ponti-
ficis. II. De sollicitudine S. Julii Pont.
III. De sollicitudine Liberii Pont.
IV. demum de sollicitudine S. Damasi.

*De obsequio Conciliorum orientalium,
eo tempore congregatorum erga
Romanam Sedem.*

272. **N** I C E N A E imprimis magnæ
Synodi hic est authoritas
adhibenda: cujus præsertim Concilii
Patres, præclarissima obsequii sui er-
ga Romanam Sedem argumenta de-
derunt: namque primò ad nutum Sil-
vestri Pontificis, Romanæq; Sedis vo-
luntati, imperioque (1) obsequentes
ad id Concilium se contulerunt. Tùm
principem in ea Synodo locum, Osio,
Vincentio, atque Vitoni, quod Sil-
vestri Pontificis vices gererent, Pa-
triarchis posthabitis, (2) tribuerunt:
Osium (3) præsertim observantes ve-

(1) Vide su-
pra cap. 4. n.
110. & infra
in Polem. di-
sertat. 1.

(3) Vide ibi-
dem de fuga
sua.

(3) Athanas.
ap. 2.

Photius Bi-
blioth. in Ge-
las Ciryce. &
c. 8. ad Mi-
chaël. Bulg. ar.
reg. vide in-
fra in polem.

luti

luti Concilii caput atque ductorem, eâ ducti religione, quod is, primus præcipuusque Silvestri Legatus, faciem veluti Romanæ Sedis, auctoritatemque secum tulerat in Orientem. Exinde cum sextum conderent canonem, eoque Patriarcharum cuilibet sua jura, suæque ditionis certos statuerent fines; de Romano tamen, movere ausi sunt nihil: contenti solum

(1) Conc. Nicæni sextus Canon, ut recitatur in Concil. Chalcedonense s. Aſſion. xvi. & ult. Vide in Polemicis dissert. 1.

illud pronuntiasse: (1) *Romana Ecclesia semper habuit Primatum: ἡ ἐκκλησία πῶμης πάντοτε ἔχε τὰ πρωτεία*: existimarunt nimirum sapientissimi Patres supervacaneum fore, de illa Potestate quicquam decernere, quæ à Christo profecta est: eamque finibus describere ditionem, quam illimitatam veluti esse scirent, atque perpetuam. Hanc Patrum mentem affectus, ita scripsit Pontifex (2) Bonifacius: *Nicænæ Synodi non aliud præcepta testantur: adeo ut non aliquid super eâ ausa sit constituere, cum videret, nihil supra meritum suum posse conferri*.

(1) Bonifac. Pont. ad Episcop. Thes. sal. relatus a Nicalao P. Epist. ad Michael. Imp. tom. 2. Concil.

(2) Bonifac. Pont. ad Episcop. Thes. sal. relatus a Nicalao P. Epist. ad Michael. Imp. tom. 2. Concil.

278. Suum etiam in Romanam Sedem obsequium, cum præclarissima opinione conjunctum, declararunt

Ni-

Nicæni Patres, eo canone, qui in Arabica collectione (cujus (1) maxima est habendo ratio) est ordine trigessimus nonus: nam ejusmodi eo leguntur in Canone: *Ita se habet ad omnes Archiepiscopos & Episcopos sui Patriarchatus Patriarcha, quemadmodum ad omnes Patriarchas se habet Episcopus Romæ, nempe ipsorum est caput, & primus omnium, quemadmodum erat Petrus, cui data est spiritalis potestas super omnes Principes Christianos, & super omnes ipsorum populos, tanquam Vicario Domini nostri Jesu Christi, & capiti universalis Ecclesiæ.*

(1) vide inferius in Polemica parte dissert. I.

Exacto demum (2) Concilio, eorum omnium, quæ statuerant, confirmationem à Romano Pontifice datis litteris petierunt. Ex quibus intelligi facile ac plane poterit, Nicænorum Patrum erga Romanam Sedem, quantum obsequium foret.

(2) vide ibid.

279. ALEXANDRINUM exinde Concilium quoddam, anno 339 initum est ab Episcopis Ægypti, aliarumque Provinciarum ditionis Alexandrinæ, cujus ineundi Concilii, ea Patribus unice causa extitit, quò testimonium

pro

(1) *Ex epist.
Iulii Pont.
apud Athanas.
Apol. 2. pag.
miki.*

pro (1) Athanasio synodicè adorna-
rent, idque mitterent per Legatos ad
Pontificem Julium, qui tunc de ma-
gno illo Alexandria Patriarcha, quæ-
stionem Romæ agitabat: ipsumque
orarent Pontificem ne quid gravius in
virum sanctum consuleret; nevé fidem
Arianorum dolis, fictisque in Atha-
sio criminibus adhiberet. Qua sanè
in re, quantum in Romanam Sedem
obsequii præ se tulerint ejus Alexan-
drini Concilii Episcopi Orientales,
nemo est quin intelligat.

(2) *Vide cap.
I. num. 31.*

275. SARDICENSE Concilium anno
347 celebratum, in (2) maximo etiam
fuit Romanæ Sedis obsequio: namque
primò ejus Synodi Patres, Imperio
Julii Pontificis, ex tot Provinciis, dis-
sitisque locis translati, Sardicam
convenerunt, die ab eodem Pontifi-
ce constituta. Tum in Legatos Ro-
manæ Sedis, honores principes præci-
puosque contulerunt. Exinde Julii
sententiam, pro Athanasio, & Mar-
cello, atque aliis orientalium Eccle-
siarum Episcopis Romæ prolatam,
sanctam & inviolabilem habuerunt,
habendamque ab omnibus decreve-
runt.

runt . Ad hæc supremum Judiciorum arbitrium, quod Christus, per Petrum, penès Romanam Sedem esse voluit, tribus editis Canonibus (1) asseruerunt . obviam euntes (2) Arianorum audaciæ, qui Julii Pontificis imperium, eos Roman in quæstionem vocantis, primò tergiversando, mox apertè repugnando, violaverant. Absolutà denique Synodo, ad eundem Julium dederunt (3) epistolam honoris, obsequiique plenam : cujus epistolæ eam huc particulam transferendam putavi, quæ, non ita post initium posita, est hujusmodi : *Hoc enim optimum & valde congruentissimum esse videbitur, si ad caput, idest ad Petri Apostoli Sedem, de singulis quibusque Provinciis, domini referant Sacerdotes .* Quæ omnia palàm faciunt, Sardicensis Concilii, de Romana Sede quanta foret opinio ; quantoque simul obsequio eam Sedem coluerit & observaverit,

276. ALEXANDRINUM Concilium aliud, salutis anno 362. initum est ; cum Liberius Ecclesiam regeret ; Imperiumque premeret Apostata Julianus : ejus Concilii obsequium erga Ro-

(1) Canon. 3.
4. 5.

(2) Vide cap.
1. n. 32. cap.
2. num. 83.
cap. 5. num.
321.

(3) Epist.
Concil. Sardicensis. ad Iulium P. apud S. Hilar. in fragm. lib. 1. pag. 15. 16. 17., & tom. 1. Concilior.

(1) *Arbanas.*
rescript. ad
Liber. quod
exstat in Con-
cil. Nitæn. 2
act. 1. Hie-
ronym. ad-
vers. Lucifer.
tom. 2.

Romanam Sedem inde percipitur; tùm quod actorum suorū confirmationem à Liberio Pontifice (1) postulaverit: tùm quod Paulini Antiochēsiū Episcopi ordinationem à Romanæ Sedis authoritate proficiscentem, ratam habendam, atque inviolabilem duxerit: dederitque litteras ad Antiochenos, civili schismate distractos, ut Paulino Episcopo sese adjungerēt: *coaptantes vos interim dilecto nostro Paulino, ejusque sociis.*

Basiliius epist.
 74.

282. TYANENSIS quoque Synodus in Cappadocia, reparatæ salutis anno 365 celebrata, splendidum suæ in Romanam Sedem obedientiæ præstitit documentum: nam ad simplicem Liberii Pontificis nutum, ejusdemque litteris obsecuta Eustathium restituit, Episcopum Sebastenum, hominem cæteroqui suspectum in Oriente, atque in duobus Cōciliis orientalibus exautoratum, Constantinopoli videlicet ac Melitinæ. Rem his (1) prosequitur Basiliius: *Episcopatu dejectus (Eustathius) propterea quod in Melitina Synodo depositus esset, viam sibi ipsi, per quam reslitueretur, excogitavit: eam*
vide-

videlicet , ut ad vos (ad Romanam , nempe Sedem) proficisceretur . Quæ vero sint illi à Beatissimo Episcopo Liberio proposita , & ad quæ consenserit nobis clàm est ; nisi quod epistolam attulit per quam restitueretur : eam ubi Tyanæ Synodo exhibuit , in suū locum restitutus est καὶ οὕτως ἀπελαθεὶς τῇ ἐπισκοπῇ , διὰ τὸ εἶναι Μελιτινῇ , προκαθηρῆθαι , ὁδὸν ἑαυτῷ τὴν ἀποκατάστασιν ἐπενόησε , τὴν ὡς ὑμεῖς ἀφίξιν . καὶ τίνα μὲν εἶναι αὐτῶν προεταῖον αὐτῶν παρὰ τῷ μακαριωτάτῳ ἐπισκόπῳ Λιβερίῳ τίνα δὲ αὐτὸς σκέπτοτο , ἀγνοοῦμεν . πλὴν ὅτι ἐπιστολὴν ἐκόμισεν ἀποκαθιστῶσαν αὐτὸν ἡ ἐπίδειξας τῇ καὶ Τύανᾳ συνόδῳ ἀποκαθήσει τῷ τόπῳ .

283. ALEXANDRINA item alia, Athanasii operâ , anno 368 celebrata Synodus, in Romanam Sedem obsequen-
tissima fuit : namque ob eam solū rem, ejus Concilii Patres, Athanasio
duce , convenerunt , ut (1) Pontifici
Damaso , quòd Ursacium , atque Va-
lentem solemni judicio damnasset, sy-
nodicè gratias agerent : simulque il-
lum rogarent , ut Auxentium quoque
famossimum Arianum , & Mediola-
nensis Episcopatus invasorem , senten-

(1) Athanas.
ad Afr. Theod.
lib. 2. cap. 17.
Vide cap. 5.
huius libelli
num. 128.

tiâ notaret , usurpatâque Sede moveret .

484. ANTIOCHENUM demùm Concilium anno 379, nono mense à Basilii obitu initum , fidei regulam , sive anathematismos à S. Damaso missos , summa Patrum consensione recepit & obsignavit : aliaque præterea , singularis in Romanâ Sedem obsequii, præstitit argumenta . Verùm de obsequio Conciliorum orientalium satis pro loco diximus : plura de his , in Polemica parte , ex instituto dicemus -

De obsequio Patriarchatus Alexandrini erga Romanam Sedem.

285. **Q**Uamvis ex his , quæ de tribus Alexandrinis Conciliis nuper memoravi, eximium Alexandrini Patriarchatus obsequium erga Romanam Sedem perspectum satis, exploratumque omnibus fore putem ; ea tamen non videntur exempla observantiæ prætereunda , quæ Romanis Pontificibus , primò Alexander , deinde Athanasius Magnus , postea Petrus Episcopi Ale-

Alexandrini, virique summi, ac memorabiles præstiterunt: nam & multa sunt ea exempla, & longè præclarissima; & Alexandrinæ ditionis obsequium in eandem Romanam Sedem declarant maximè.

286. S. quidem Alexander Alexandrinus Patriarcha, sub annū 320, Arii causam ad Silvestrum Pontificem detulit per epistolam: cumque antea, ut Judicis ordinarii partes expleret, suorum Episcoporum Concilium convocasset Alexandriam, eoque in Concilio, hæresiarcam cum sociis aliquot expunxisset ab societate fidelium, de his omnibus eidem Pontifici reddidit rationem: *manent litteræ* (ita scripsit ad Constantium Imperatorem Liberius (1) Papa) *Alexandri Episcopi, olim ad Silvestrum sanctæ memoria, destinatæ, quibus significat, ante ordinationem Athanasii, undecim tam Præbyteros, quàm etiam Diaconos, quod Arii hæresim sequerentur, se Ecclesiâ eiecisse.*

(1) Liberii
Epistola ad
Constantium
in Bibliotheca
Patrum t.
9.

287. Tum tantum Osio tribuit, qui cum vicaria Silvestri Pontificis potestate, venerat Alexandriam, ut ei Le.

gato, suam veluti ditionem, summâ obsequii religione submiserit. Itaque Osius ejus Patriarchatus Episcopos in Concilium vocavit: idq; Concilium Alexandria fieri jussit: principemque juris ac dignitatis locum in eadem Synodo tulit: seditque ibi Dux veluti & Pater & Judex, Alexandro Patriarcha posthabito: hujus in Arianos latam sententiam, iterum in quæstionem vocavit: aliaque ejus generis arbitria plurima fecit. Qui vero Romanæ Sedis Legato tam religiosa jura tribuerit, hujus animo quantum federet obsequium, nemo non viderit.

288. Sed quid de Athanasio Magno dicemus! hic ille fuit omnium clarissimus Alexandria Patriarcha, qui nutu imperioque Julii Pontificis, bis Romam ex Ægypto convolavit: qui ad Tribunal Romanæ Sedis stetit veluti reus, in quæstionemque vocatus. Hic cum accusaretur ab Arianis, Romanæ judicium subiit: cum a Romano Episcopo citaretur; comparuit: cum postularetur, causam dixit: cum absolveretur, sedem dignitatemque recepit. *Neque spontè* (inquit Julius de

de (1) Athanasio) sed litteris nostris ad iudicium vocatus comparuit, quem admodum vos per litteras citavimus: καὶ ὃ οὐκ ἀφ' ἐαυτοῦ ἐλήλυθεν, ἀλλὰ κληθεὶς, ἔλαβὼν χαρμῆτα παρ' ἡμῶν, καθάπερ, καὶ ὑμῖν ἐχάψαμεν. Neque ego, inquit (2) Athanasius, amplius iudicio indigeo, iudicatus enim sum non semel, & iterum, sed sapius: primò in nostra Provincia, cùm ad id coissent propemodum centum Episcopi; Secundò Romæ accusante Eusebio, & nobis, & illis comparentibus. &c. Οὐκ ἔτι ὃ κείσεως δεῖται τὰ καὶ ἡμᾶς. κέκερται ὃ οὐχ ἅπαξ οὐδ' ἐ δεύτερον, ἀλλὰ καὶ πολλάκις. πρῶτον μὲν ἐν τῇ ἡμετέρᾳ χώρᾳ. συναγομένη ὑπὸ ἐπισκόπων ἐγγύς ἑκατὸν. δεύτερον ᾗ ἐν τῇ Ρώμῃ χράψαντος εὐσεβίου, καὶ πληθέντων αὐτῶν τε, καὶ ἡμῶν, ἔσυναχθέντων ἐπισκόπων καὶ κεί, πλέον πενήκοντα. Verùm de his omnibus in Polemicis disputandum est; hinc interim heterodoxus Orientalis, obsequium erga Romanam Sedem, ab Athanasio Magno discere incipiat.

(2) Iulius P.
Ep. ad Arian.
apud Athanas.
Apolog. 2.

(2) Athanas.
Apolog. 2.

289. Athanasio, successit Petrus: hic etiam Alexandria Patriarcha Sede sua pulsus, cùm Lucius ille Aria-

(1) Nazianz.
or. 23. in
laud. Heron.
pag. mibi 418
sub finem.

norum sceleratissimus, per cædes, & sanguinem irruisset ad Episcopatus Alexandrini rapinam, sese recepit in Sinum Romanæ Sedis: Cui (verbis utror Theologi (1) Nazianzeni) *innocentitatis hujusce signa fugitivus Antistes publice spectanda proposuit; qua ratione? pro cadaveribus, cruentas vestes Ecclesiæ Romanæ protulit, ac per tacitam accusationem omnibus lacrymas movit: ut calamitatis magnitudinem in oculis & aspectu defigeret; atque auxilium nancisceretur, quemadmodum etiam nactum esse scimus.*

ἢ τὰ σύμβολα τῆ ἀπονοίας ὁ φυγὰς ἱερεὺς ἐδειάμβευσε. τίνα ἔσπον; τὸν Ἰησοῦ τῇ ἐκκλησίᾳ Ρωμαίων, ἀντὶ τῶν νεκρῶν, τὴν ἡμαρμένην ἐδῆτα, καὶ κινεῖ πάνδημα δάκρυα διὰ τῆς σιωπῆς κατηγορίας, ἵνα καὶ παραστή τὸ πάθος, & τῶν δεικνῶν ἐπίκουρον λάβῃ. ὥσπερ οὖν καὶ εἰληφότα ἐγνωμένον.

290. Damasus verò tunc temporis Romæ Pontifex, Petrum Alexandrinum cum litteris dimisit in Orientem; quibus litteris, Orientales in Fide Homousij, & Petrum in suo gradu, is Pontifex confirmabat: iisque item litte-

litteris recreatus atq; confusus Alexandria Populus Lucio ejecto, Petrum ut Romana Sedes edixerat, in Sede iterum collocavit: quorum omnium certissima est & explorata fides in veteribus monumentis. *Per idem tempus* (tradit (1) Socrates) *simulatque Valens Imperator Antiochiâ decesserat; omnes qui ubique persecutionis tempestate jactabantur, & Alexandria potissimum, magnopere recreati fuerunt; propterea quod Petrus, Româ cum litteris Damasci Episcopi Romani eò reversus erat, quæ quidem litteræ, & Homousii fidem confirmabant, & Petri creationē: Populus igitur illis confusus expellit Lucium, Petrū autem in ejus locum introducit.* καὶ τὸν καιρὸν τοῦτον τοῦ Βασιλέως οὐάλεντος ἐκ τῆς Αντιοχείας ἀναχωρήσαντος ἀνερρώωνων το σίπαντα τοῦ ἐλαυνόμενοι, καὶ μάλιστα οἱ καὶ τὴν Αλεξάνδρειαν. Πέτρου τε ἐπανελθόντος ἀπὸ τῆς Ρώμης, μετὰ γραμμάτων Δαμάσου τοῦ Ρώμης ἐπισκόπου βεβαιούντων τῇ τοῦ ὁμοουσίου πίστιν, καὶ τῇ τοῦ Πέτρου κατὰστασιν. ἀναθαρρήσας οὖν ὁ λαὸς, ἤ μιν λούκιον ἐξελαύνουσιν, ἀντιτάγουσι δὲ τὸν Πέτρον. Eadem (2) Sozomenus atq; historici passim memoriæ produnt: ex

(1) Sacrat. l. 4. cap. 37. editionis Parisiens. anni 1544.

(2) Sozomen l. 6. cap. 39. eiusd. edition.

quibus intelligere demùm poterit lector orientalis , quàm religiosè Alexandria Civitas atque ditio à Romanæ Sedis authoritate , arbitrioque penderit .

*De Obsequio Patriarchatus Antiocheni
erga Romanam Sedem .*

291. **C**Um plurima sint , quæ de Antiochenæ Ditionis in Romanam Sedem observantia , obsequioque dici possent : ex multis tamen pauca quædam mihi sumpsi , quæ huc adducerem : tùm quod reliqua ejus generis sunt , quæ nequeunt brevitate comprehendi , multumque habent operis atque negotii , & polemicæ disputationis omninò esse videntur : tùm quòd in iis paucis quæ sunt in manu , tantum inest ponderis ac momenti , ut inde satis præclarum specimen capi possit ejus obsequii , quo tunc Romanos Pontifices prosequebatur Patriarchatus Antiochenus .

292. Itaque (ut ab ipsamet Antiochena urbe ducam exordium) quotquot , ab exilio Magni Eustathii , Episcopi

scopi Antiocheni , usque ad Concilium Constantinopolitanum generale secundum, hoc est ab anno propè 330, ad annum usque 381, Christiani extiterunt Antiochiæ , distracti omnes erant in partes tres . Prima (1) & fortè numerosior hæreticorum erat : Altera eorum catholicorum , qui cum Eusebianis communicabant , atque ab iisdem, sacro fonte Baptismatis expiabantur : Tertia denique pars eo catholicorum genere continebatur , qui vocabantur Eustathiani: quique in in umbrâ quidem Arianismi exhorrescentes , cum neutra parte commercium ullum habebant Ecclesiasticæ societatis . Omnes verò hujusmodi partes christianorum Antiochenium , in Romanam Sedem , velut in apicem Religionis ac potestatis , coniectos oculos habebant : de hæreticis postea dicemus : Eustathianorum tunc obsequium apparuit maximè , cum Lucifer Calaritanus Romani Pontificis in Oriente Legatus, Paulinum Antiochiæ Patriarcham constituit , ejusdem Pontificis munitus autoritate : nam sic ab eo tempore, Paulino Eustathiani

(1) Repete in
pus 2. num.
95. & seq.

thiani adhæserunt ; ut exinde nulla vi , & ratione distrahi ab illo potuerint . Ipsius verò Paulini animus , in quanto Romanæ Sedis versaretur obsequio , neminem præterit , qui aut Damasi legerit ad illum datas epistolas , aut orientalium historiam rerum eo tempore gestarum degustaverit . Vide quæ diximus secundo Capite numero 96.

293. Pars altera catholicorum Antiochenſium , cùm alium , à Paulino , Episcopum Antiochiæ , Meletium nomine , virum certè sanctissimum , suffragio tamen ordinatum Arianorum , impensius coleret ; nec ut , eo abdicato , sese ad Paulinum conferret induci posset , Romanum Pontificem Damasum perpetuis precibus (in quo vis fuit obsequi non modica) sollicitavit , datis frequentius litteris , adornatisque non semel legationibus , ut Meletii ordinationem autoritate sua consolidaret , confirmaretque ; atque se sineret sub eo Episcopo quietè vivere. (1) Qua de re Basiliius , Nazianzenus , Epiphanius , & historici passim scripserunt plurimum . Meletius quoque

(1) Vide cap. 2. sub finem. num. 95. 96.

quoq; earum partium Episcopus, Romanam Sedem observavit religiosè, nec semel litteras (Basilio teste) dedit ad Damasum, & aliquot etiam ad eundem adornavit legationes, quò affectis orientalis Ecclesiæ rebus, à Romana Sede nancisceretur auxilium. Itaque utraque Antiochenium catholicorum pars, & geminus earum partium Episcopus Meletius, atque Paulinus, tametsi genus quoddam inter illas civilis schismatis intercederet, observantiam tamen Romanæ Sedis, inviolabilem, & communem habebant.

294. Universus deinde Patriarchatus Antiochenus, in causa Vitalis Apollinaristæ, tria præclarissima obsequii sui in Romanum Pontificem præstitit documenta. Namque primò hominem illum orientalem, apud Damasum Pontificem, ejus Patriarchatus Episcopi, Ecclesiæque, accusarunt, quòd pestem Apollinaris propagaret Antiochiæ. Iterum Vitalem eundem Româ redeuntem (quò se contulerat, ut se defenderet) in communionem illicò receperunt, obsequen-

sequentes Damasi litteris, quas homo ille fraudulentus simulatione sanæ mentis, ac dolo malo ab eo Pontifice subriperat. Tertiò demùm, Vitalem ipsum à Damaso postea detectū atque damnatum, abdicarunt. Igitur Patriarchatus Antiochenus, in rebus religionis gravissimis, nutum, arbitriumque Romanę Sedis religiosè observabat. Factum ejusmodi de Vitali Apollinaris sectatore, à Gregorio Theologo, ejusque Theologi expositore Elia Gretensi, ab Theodoro & Socrate memoriæ proditur.

295. Sed Antiochenę ditionis obsequium ab ea magis epistola percipi potuisset, quàm ejusdem ditionis Episcopi eo tempore dederunt ad Damasum, ut Timotheum quendam Antiochenum, Apollinaris discipulum, Apostolica potestate proscriberet, sententiâque notaret: verùm illam epistolam, aut injuria temporis, aut, quod potius crediderim, nostrorum hostium intercepit invidia: nihilominus eâ jacturam aliquomodo compensavit (1) Theodoretus, qui Damasi rescriptum ad eas litteras posteritati man-

(1) Theodor.
hisor. Eccles.
lib. 5. cap.
10. initid.

mandavit : nam ex iis quæ rescribit Damascus, eorum conjectura facile capitur, quæ ad Damasum Orientales illi antea scripssissent. Igitur geminam ejus rescripti particulam hinc considerandam, propono lectoris animo ; quæ in rem præsentem facere videtur plurimum.

296. Prior particula, unde initium sumit responsio Damasi, est hujuscemodi : *Quod debitam sedi Apostolicæ reverentiam exhibet charitas vestra, vobis ipsis plurimum præstatis, Filij honoratissimi. Etenim, etsi præcipua sint in ea Sancta Ecclesia, in qua Sanctus Apostolus sedens ostendit, quomodo nobis tractanda sint gubernacula quæ suscepimus, honore tamen isto inferiores nos esse confitemur.* ὅτι τῇ ἀποστολικῇ καθεδρᾷ τὴν ὀφειλομένην αἰδῶ ἢ ἀγάπην ὑμῶν ἀπονέμει, ἑαυτοῖς τὸ πλεῖστον παρέχετε ὑοὶ τιμιώτατοι. Ἐπεὶ εἰς τὴν μάλιστα ἐν τῇ ἁγίᾳ ἐκκλησίᾳ ἐν ἣ ὁ ἅγιος ἀπόστολος καθεζόμενος ἐδίδαξε πῶς προσήκει ἡμᾶς τοὺς οἰακὰς ἰθύνειν, οὓς ἀνεδ' ἔχόμεθα, ὅμως ὁμολογοῦμεν ἑαυτοὺς ἐλάττονας εἶναι τῇ τιμῇ. Ne-
minem sanè puto fore tam cœcū, quin videat, eas orientalium litteras, quibus in hanc sententiam rescribit Da-
masus

masus obsequii plenas fuisse.

297. Altera hæc est Apostolici re-
scripti particula: *quid ergo Timothei
abdicationem á me denuò requiritis, qui
& hic judicio Sedis Apostolicæ, præsen-
te Petro Alexandrinæ Urbis Episcopo,
abdicatus est, una cum Magistro suo
Apollinare* ? Τί τοίνυν πάλιν πάρεμού
ζητεῖτε ἢ καθάρεισιν Τιμοθέου ; ὅς καὶ
ἐνταῦθα κρίσει τ' ἀποστολικῆς κατέδ-
ρας παρόντος καὶ Πέτρου τοῦ ἐπισκόπου τ'
Ἀλεξανδρέων πόλεως, καθήρεθ' ἅμα τῷ
διδασκάλῳ αὐτοῦ ἀπολιναιεύ . Ex quo
intelligimus, adversus Timotheum, ab
Episcopis ditionis Antiochenæ, Ro-
manæ Sedis auctoritatem fuisse ques-
itam. Quæ autem alia Religio, eos Epi-
scopos, cum ejus generis postulatis, ab
Oriente extremo impulit Romam, nisi
vis obsequii & potestatis opinio? Atq;
hæc satis de obsequio Patriarchatus
Antiocheni.

*De Obsequio aliorum ejus temporis
Episcoporum orientalium erga
Romanam Sedem.*

298. **D**E obsequio Alexandri , Athanasii, ac Petri Episcoporum Alexandriae ; tùm Meletii, ac Paulini Patriarcharum Antiochen- sium ; plurimumque præterea utriusque ditionis Episcoporum , hætenus pro loco ac brevitate diximus ; reliquum est , ut de quibusdam aliis pauca scri- bamus .

299. Sub annum 341. S. Paulus Constantinopolitanus Episcopus , Sã- ctus Lucius Andrianopolis, S. Ascle- pas Gazæ , atque Marcellus Ancyrae, cùm ab Eusebianis dira paterentur , & sua quisque Sede foret exturbatus , Roanam omnes , post Magnum Atha- nasium confugerunt : ut solatium ca- tholicæ Societatis , justitiæque reme- dium , ab ea poscerent Sede , in qua scirent , summam esse Religionis in- tegritatem , cum suprema Judiciorum potestate conjunctam . Tùm ejusdem Sedis, æquo animo subiere judicium, à Pontifice Julio , solempni ritu , & con-

vocatâ etiam Synodo celebratum ;
 eoque quisque fuit absolutus iudicio ,
 ac restitutus in Sedem suam . Socratis
 de hac re testimonium producere non
 gravabor : Eodem (1) tempore , Paulus
 Episcopus Constantinopolis , Asclepas
 Gazæ, Marcellus Ancyrae Minoris Ga-
 latiae , & Lucius Andrianopolis , alii ob
 aliam causam accusati, & Ecclesiis suis
 eiekti , Romæ in urbe regnante conve-
 niunt . Julium Romanum Episcopum de
 rebus suis certiores faciunt . Ille verò,
 quoniam Ecclesia Romana authorita-
 tem habet, eos in Orientem remisit, mu-
 nitos litteris suis , liberrimè scriptis ,
 suum cuique locum restituens ; & eos ,
 qui temerè illos abdicarant , graviter
 reprehendens . Illi Româ decedentes ,
 Episcopi Iulii litteris confisi, ad suas
 ipsorum Ecclesias redeunt : Litteras ad
 quos scriptæ erant , mittunt . Καὶ
 αὐτοὶ καὶ Παῦλος ὁ τῆς κωνσταντίνης πόλεως
 καὶ ἀσκληπᾶς γάζης . Ἐ μάρκελλος αγ-
 κύρας τῆς μικρᾶς γαλατίας . καὶ λέκιος ἀν-
 δριανῆς πόλεως , ἄλλος δὲ ἄλλο κατηγοριθέν-
 τες , Ἐ τῶν ἐκκλησιῶν ἐξελαθέντες , ἐν τῇ
 βασιλευούσῃ Ῥώμῃ ἐυρίσκον . γνωρίζουσιν
 ἐν τῇ ἐπισκόπῳ Ῥώμης ἰουλίῳ τὰ κατ'
 ἑαυτοῦς

(1) Socrat. l.
 2. cap. 11.
 edition. g. l.
 Coloniae Allo-
 brog. Editio-
 nis verò g.
 Parisiens. an.
 1544. cap. 15
 pag. 105.

ἐαυτοὺς ὃν ἄτε προνόμια τ' ἐν Ρώμῃ ἐκκλη-
σίας ἐχούσης παρρησιαστικοῖς θεάμασιν
ὠχύρωσεν αὐτοὺς, καὶ ἐπὶ τ' ἀνατόλῃ ἐπι-
σέλλει τ' οἰκεῖον ἐκάστῳ τόπον ἀποδιδούς, καὶ
καταπτύμενος ἢ προπετῶς κατελόντων
αὐτοὺς. οἱ δ' ἀναζεύξαντες ἐκ τ' ῥώμης, καὶ
τοῖς τύποις τοῦ ἐπισκόπου ἰουλίου θαρρόου-
τες τάς τε ἐαυτῶν ἐκκλησίας καταλαμβάνου-
σι, & τὰς ἐπιστολάς πρὸς οὓς ἐγράφησαν
διαπέμπον). In eandem Sententiam
scribunt (1) Sozomenus, & (2) Nice-
phorus.

(1) Sozomen.
G. edit. Pari-
sienf. 1544.

τομ. γ. κ' φ
in isio.

(2) Nicephor.
Callist. hist.
lib. 9. cap. 8.
initio edidit.
Parisiens. an-
ni 1630.

300. Idem obsequii genus Roma-
no Pontifici exhibuerunt, quædam
aliæ orientalium Episcoporum ac Pre-
sbyterorum multitudines ex Thracia,
Cælesyria, Phœnicia, & Palæstina: qui
Arianæ tempestatis vi acti, in portum
sefe receperunt Romanæ Sedis. Ibiq;
in iudicio, à Julio Papa cōstituto, cau-
sam dixerunt; optatamq; sententiam,
qua restituerentur, retulerunt. Non
enim solùm (inquit Pontifex (3) Julius)
ex parte Athanasii, atque Marcelli
Episcopi huc venerunt, cum querimo-
niis de illatis iniuriis, sed & plurimi
alii Episcopi ex Thracia, Cælesyria,
Phœnicia, Palæstina: Presbyteri item

Epist. ad O-
rien. apud
Athanas. apol
2. pag. mibi.
584.

non pauci, partim ex Alexandria, partim aliunde. Ου γὰρ μόνον οἱ περὶ Ἀθανάσιον, καὶ μάρκελλον ἐπίσκοποι ἐληλύθασιν ἐνταῦθα αἰτιώμενοι κατ' αὐτῶν ἀδικίαν γεγονέναι, ἀλλὰ καὶ πλείστοι ἄλλοι ἐπίσκοποι ἀπὸ Θράκης ἀπὸ κοίλης Συρίας, ἀπὸ Φοινίκης ἔ παλαιστίνης, καὶ πρεσβύτεροι μὲν οὐκ ὀλίγοι ἄλλοι ὅ τινες ἀπὸ Ἀλεξανδρείας καὶ ἄλλοι ἐξ ἄλλων μερῶν.

Alias quoque multitudines Episcoporum sub Liberio Pontifice, alias sub Damaso, Primæ Sedis reverentia, atque religio deduxit Romam: verum ut omnia hic proponamus, nec locus postulat, neque brevitatis finit.

Obsequium S. Gregorii Theologi.

301. **T**Ria solùm indicabo de Nazianzeno Theologo, quæ ipsius in Romanam Sedem obsequium testatum nobis faciunt.

Primum est, quòd cùm Apollinaristæ falsò vulgassent, se à Pontifice Damaso in occidentali quadam, hoc est Romana Synodo fuisse receptos, statim se acquieturum, Theologus edixit, modò quod de Damaso dictitassent,

sent, facerent exploratum. En tibi Nazianzeni verba. *Ad quam indignitatem, illud etiam accedit, quod ab occidentali Synodo, sese, ut audio, susceptos esse aiunt, à qua prius condemnati sunt, ut cuivis est exploratum. Ac quidem si vel nunc, vel ante suscepti sunt, qui Apollinaris placita sectantur, hoc ostendant, & nos acquiescemus. Per spicuum enim erit, eos ut rectæ doctrinæ assentientes, susceptos fuisse, nec enim aliter (N. B.) se res habere potest, si hoc consecuti sunt.* Οὐ μόνον ἡ ἀλλ' ὅτι ἐν ὑπὸ τῇ δυτικῇ συνόδῳ δεδέχθαι φασὶν ὡς πωθάνομαι ὑφ' ἧς το πρότερον ἦσαν κατακριθέντες ὡς πᾶσιν ἔυδηλον. εἰ μὲν οὐκ ἐδέχθησαν ἢ νῦν ἢ πρότερον οἱ τὰ Ἀπολλιναρίου φρονούντες, τοῦτο δὲ ξάπωσαν, καὶ ἡμεῖς σέβωμεν. δῆλον γὰρ ὅτι τὰ ὁρθῶ λόγῳ σωζόμενοι. οὐ γὰρ ἐν ὅχεται ἄλλως, εἰ τούτου πετυχήκασι.

Alterum (1) est quod Vitalem, quæ non ita pridem memoravimus, Damaso probante, probaverit, Damaso repudiante, repudiaverit: regulam, ductumque Romanæ Sedis, summâ religione secutus.

(1) Nazianz. Epist. 2. ad Gledon. Elias Cretens. in exposition. eiusd. Epist.

Tertium denique est; quòd cum

Constantinopolitanam administraret Ecclesiam, tanto studio, tantâque animi contentione pro dignitate Romanæ Sedis, in Paulino tuendo, stetit; ut incredibilem quorundâ Orientalium in se invidiam concitaverit, ejusq; rei causâ Constantinopolitano se abdicaverit Episcopatu. Vide quæ hac de re uberius diximus ad calcem secundi Capitis.

*Obsequium S. Basilii Magni erga
Romanam Sedem.*

302. **M**AGNUS BASILIUS, annos amplius quadraginta vitam vixit aut privatam, aut solitariâ. Anno deinde septuagesimo supra tercentesimum Cæsareæ fuit renunciatus Episcopus, publicæque admotus utilitati. Tunc verò illius in Romanam Sedem obsequiû, velut ex umbraculis in Solē pulveremq; processit. Novem annos gessit Episcopatum; quo spatio temporis, incredibile memoratu est, quot ejus obsequii documenta & quàm preclara exhibuerit: pleraq; nos in Polemicam disputationem reii-
cimus:

cimus: quædam hic pauca tangemus cursim. Duo proferemus loca ex Epistola 52: tria ex Epistola 70: quinque demùm ex Epistola 74.

*Proponitur duplex Basilii locus
ex Epistola 52.*

303. **E** Pistola hæc quinquagesima
secunda, à Basilio est ad
Athanasium missa per Dorotheum
quendam Diaconum Antiochiæ: to-
taque in consultatione versatur, quâ
tandem viâ & ratione afflictis orienta-
lis Ecclesiæ rebus consuli possit. In
medio loco ejus Epistolæ hæc ipsa Ba-
silii verba leguntur: *Visum porro no-
bis est consentaneum, scribere ad Epi-
scopum Romanum, ut loca ista visitet,
& sententiam pronuntiet: ut quia diffi-
cile est mittere inde aliquos communi
& Synodica facultate; ipse autoritate
sua rem conficiat, eligatque viros, qui
viæ ferendis laboribus sint pares; atq;
ad id etiam idonei, ut mansuetudine,
ingeniique facilitate, eos, qui distorti
& obliqui apud nos sunt corrigant; aptè
ac dispensatorie sermonem attemperan-*

tes ; quique secum acta ferant Arimi-
nensis Concilii , ut ea rescinderent , quæ
illic per vim & violentiam gesta sunt .
Et hoc nemine sciente , absque strepitu,
tacite , per mare ad eos , qui hic sunt
vadant , ne qui pacis inimici adventum
ipsorum presentiscant . Εφάνη ὃ ἡμῖν ἀ-
κόλουθον ἐπισεῖλαι τῷ ἐπισκόπῳ Ρώμης ἐ-
πισκέψασθαι τὰ ἐνταῦθα , καὶ δοῦναι γνώ-
μην . ἵνα ἐπεὶ δὴ ἀπὸ κοινῆς καὶ σωοδικῆς δό-
γματος ἀποσταλῶναι τινὰς δύσκολον τῆς ἐκ-
εἶθεν, αὐτὸν αὐθεντῆσαι περὶ τὸ πρᾶγμα, ἐκλε-
ξάμενον ἄνδρας ἱκανοὺς μὲν ὁδοιπορίας πό-
νους διενεγκεῖν , ἱκανὸς ὃ πρᾶοτητι καὶ ἀπο-
νοία ἡθους τοὺς ἐνδεχόμενους τῆς παρ' ἡμῖν
νεθεῖσθαι . ἐπιτηδῶς ὃ ἐοικονομικῶς κε-
χρημένους πρὸ λόγῳ , καὶ πάντα ἔχοντας μετ'
εαυτῶν τὰ ἐν Αἰμίνῳ πεπορευμένα , ἐπὶ
λύσει τῆς καὶ ἀνάγκης ἐκεῖ γενομένων . καὶ
τοῦτο μηδενὸς εἰδότος ἀφορητὶ δεῖ δαλάσσης
ἐπιστῆναι τοῖς ᾧδε , ὑπὲρ τῆς φθάσαι τ' αἰσ-
θησὶν τῆς ἐχθρῶν τ' εἰρήνης .

304. Huic proximè adhæret locus
alter , qui est ejusmodi : Queritur
autem , & hoc à nonnullis illic , ut &
nobis ipsis videtur necessario , ut Mar-
celli heresim illi cum venerint , tan-
quam malam & noxiam & à sanâ fide
alie-

*alienā exterminēt. Ζητεῖται ὅ καὶ κείνο πα-
ρά τινων τῶ ἐντεῦθεν, ἀναγκαίως, ὡς καὶ
αὐτοῖς ἡμῖν καταφαίνεται, τὸ τῷ Μαρκέλ-
λου αἵρέσειν αὐτοὺς ὡς χαλεπὴν ἐβλαβεράν,
καὶ τὴν ὑγιαίνουσαν πίστιν ἄλλοθι ἔχουσιν,
ἐξορίσθαι.*

305. His igitur locis Basilius Ma-
gnus, Episcopum Romæ, per litteras
rogandum censuit, uti autoritate sua
usus, legatos daret, qui Orientales
visitarent Ecclesias: corrigerent, quos
deprehendissent in fide obliquos: Ari-
minensis acta conciliabuli, in conspe-
ctu orientis Solis rescinderet: & Mar-
celli demum hæresim exterminarent.
qui verò postulata ejusmodi ad Roma-
num censet Episcopum deferenda;
hujus animus, quàm præclaram ha-
beat de Romana Sede opinionem,
quantoque sit in eam obsequio, ne-
mo est quin intelligat.

*Proponuntur tria Basilii loca
ex Epistola 70.*

306. **H**Æc Epistola Basilii ad Epi-
scopos Galliæ, & Italiæ
vulgò inscribitur; fuit tamen ad Pon-
tificem Damasum per Dorotheum.

quendam presbyterum à Basilio mis-
sa: ad quem Pontificem imprimis per-
tinent, quæ iis litteris continentur .
In hanc Epistolam subtiliùs exponen-
dam longiorem operam in Polemicis
conferemus ; tria solùm loca hic in-
terim indicare contenti sumus .

307. Primus esto idem ille , unde
initium sumit Epistola : *Dominus no-
ster Jesus Christus quoniam omnem Ec-
clesiam Dei suum ipsius corpus nominari
sustinuit , & unumquemque nostrum al-
terius membrum declaravit: dedit quo-
que nobis , ut erga omnes , juxta mem-
brorum consensum , amicè simus affecti:
quapropter etiãsi habitationibus sumus,
alter ab altero , quàm longissimè dissiti,
ac dirempti , ratione tamen conjunctio-
ni hujus , propinqui sumus invicem .
Quoniam igitur pedibus caput dicere
non potest : non estis mihi necessarii: pla-
nè neque vos , amicitiam nobis renun-
tiare sustinebitis .* Ο' Κύριος ἡμῶν Ἰησοῦς
Χριστὸς σῶμα ἑαυτῷ καταδεξάμενος ὀνομάσαι
καὶ πᾶσαν τὴν Θεοῦ ἐκκλησίαν καὶ τοὺς καθ' ἕνα
ἡμῶν ἀλλήλων ἀποδείξας μέλη , ἔδωκε καὶ
ἡμῖν πᾶσι πρὸς πάντας ἔχειν οἰκείως, καὶ τιμῇ
τῶν μελλῶν συμφωνίαν. διόπερ εἰ καὶ πλείστον
ἀλλήλων

ἀλλήλων διωρίσμεθα ταῖς οἰκήσεται ἀλλὰ
 πᾶς γε λόγῳ τῇ συναφείας, ἐγγὺς ἀλλήλων
 ἐσμέν. ἐπεὶ οὖν οὐ διώεται ἡ κεφαλὴ, τοῖς
 προσὶν εἰπεῖν, χρεῖον ὑμῶν ἐκ ἔχω, πάντως
 εἰδὲ ὑμεῖς ἀνέξεσθε ἀποποιήσασθαι ἡμᾶς.
 Hic sanè Basilii Magnus, corpus esse
 affirmat universalem Ecclesiam, mem-
 bris constans, & Capite: & caput vo-
 cat Occidentales, Romanum scilicet
 Episcopum, ad quem unum possunt
 ea verba referri: se verò cum Orien-
 talibus cæterisque Fidelibus, in reli-
 quo membrorum ordine collocat: qua
 in re quantam Basilij animus de Ro-
 mana Sede præseferat opinionem, &
 quale in eam obsequium, lectoris esto
 iudicium.

308. In altero ejus Epistolæ loco,
 ita Romanam Ecclesiam, cum Orien-
 talibus confert Basilii; ut illi partes
 tribuat *Matris*; his *filiorum*: *Novi-*
mus enim (inquit) *quod nostri nunquam*
sitis obliti, non minùs quàm Mater fi-
liorum uteri sui: Οἶδαμεν γὰρ ὅτι ἐκ αἰ-
 ποτὸς ἐπιλάθῃσθε ἡμῶν, & μᾶλλον γε ἢ ἡ
 μήτηρ τῆς ἐκγόνων τῇ κοιλίας αὐτῆς,

309. Tertiò denique loco statuit
 Basilii, Episcopis esse orientalibus,

pro

pro tempore ac necessitudine, ad occidentales accurrendum: certè ad Romanam Sedem (namque aliam interpretationem is locus recipit nullam) eidemque Sedi, gravissima quæque Religionis negotia ab Episcopis deferenda: *quapropter, inquit, complures ex nobis oportebat ad gravitatem vestram accurrere, & unumquemque rerum suarum expositorem fieri &c.* τούτων ἕνεκεν πολλοὺς ἡμᾶς ἐχέω συνδραμεῖν πρὸς τὴν ὑμετέραν σεμνότηα. καὶ ἕκαστον τῶν ἑαυτοῦ πραγμάτων ἐξηγῆται γενέσθαι: Hæc etiam Basilii sententia ab opinione Romani culminis, obsequioque proficiscitur.

*Exponuntur quinque Basilii loca
ex Epistola 74.*

310. **H**Æc etiam Epistola, ad Occidentales de more inscribitur: verum ad Romanum Episcopum fuisse à Basilio datam, qui eam legerit, statim intelliget: nulla ferè pars ejus Epistolæ vacat obsequio: sed quinque tantùm particulas ponemus in medio:

311. Prima earum est non ita post initium posita: eaque in parte Basilius Romanū Episcopum vocat medicum, ad quem cura spectet laborantis: Ecclesiæ, vulneratæq; Religionis: Nam (inquit) etiam si vulnera nostra eodem modo perseverant, non nihil tamen inde relevamur, quòd paratos habeamus medicos, qui velocem, ac mansuram possunt, si detur opportunitas, doloribus nostris afferre medelam: καὶ ὅτι εἰ καὶ τὰ ἑαυμάτων ἡμῶν ὅμοια διαμένει. ἀλλ' ἐν φέρῃ τινὰ ἡμῖν ρασώνῃ, τὸ εἰσὶ μὲν εἶναι τοὺς ἰατροὺς, διαμένοντας εἰ καιροῦ λάβοιτο, ταχεῖαν ἐπάγειν τῇ ἀλγυμῶν τὴν ἰασιν.

312 Secundo loco ejus Epistolæ, affirmat Basilius, orientalis Ecclesiæ spem omnem, in Romana Sede unicè sitam esse: Non est autem, quò aliunde opem expectemus, nisi per vos Dominus, à quibus syncerè colitur, curationem, miserit: καὶ προσδοκία βοηθείας ἐτέρων δὲν ἔδαμόθεν, εἰ μὴ ὁ κύριος δι' ὑμῶν τῇ γνησίως δουλεύοντων αὐτῇ ἑξαποστείλῃ τὴν ἰασιν.

313. Tertio loco à Romana Sede postulat Basilius, ut Eustathium, Apollina-

linarem, atque Marcellum orientales
 Episcopos, Ecclesiis orientalibus de-
 clararet hæreticos, ediceretq; caven-
 dos: namque ii, quòd non dum essent
 Romani Episcopi sententiâ notati, pe-
 stem quisque suam liberiùs propaga-
 bant per Orientem: *Improba quidem
 & impudens Arianorum hæresis, ma-
 nifestè ab Ecclesia corpore divulsa, pro-
 prio immoratur errori, parumque nos
 lædit, propterea quòd illius impietas om-
 nibus nota est: qui verò ovinam pellem
 induti, mansuetudinem, & placidi-
 tatem externè quidem simulant, inter-
 nè verò gregem Christi crudeliter lace-
 rant: & hoc nomine, quod ex nostro gre-
 mio progrediuntur, simplices facilè
 lædunt, ii sunt perniciosi illi, & qui
 non ita facilè caveri possunt, quos per
 vestram diligentiam omnibus Orientis
 Ecclesiis publicari ac manifestari peti-
 mus; ut vel recta ingredientiæ sincerè
 nobis conjuncti sint, vel si perversi esse
 perrexerint, sibi ipsis solis contineant,
 ne posthac per incautam communionem
 morbum suum vicinioribus affricare
 possint.* Το μὲν οὖν ἱταμὸν & ἀναλκυστον τῆς
 αἰρέσεως τῆς Αρειανῆς, φανερώς ἀπορρίπτει
 τῇ

τῷ σώματι τῇ ἐκκλησίᾳ, μένει ἐπὶ τῇ ἰ-
 δίας πλάνῃ, καὶ ὀλίγα ἡμᾶς λυμαίνε-
 ται διὰ τὸ πᾶσι πρόδηλον εἶναι αὐτῷ ὅ-
 ὅτι ἄσέβηται. οἱ ὅτι τὴν δόξαν τῷ προβάτῳ πε-
 ριβεβλημένοι, καὶ τὴν ἐπιφάνειαν ἡμερον
 προβαλλόμενοι καὶ πρᾶξιαν, ἐνδοξον ὅτι ἀπα-
 ράσσοντες ἀφειδῶς τὰ χριστοῦ ποίμνια, καὶ
 διὰ τὸ ἐξ ἡμῶν ὠρμηθεῖν ευκόλως ἐμβάλλον-
 τες βλάβην τοῖς ἀπλουτέροις. οὗτοι εἰσὶν
 οἱ χαλεποὶ καὶ δυσφύλακτοι οὓς ἀξιῶμεν
 παρὰ τῇ ὑμετέρᾳ ἀκρεβείᾳ, πρὸς πάσας
 τὰς καὶ τὴν ἀνατολικὴν ἐκκλησίαν δημοσιευ-
 θῶναι. ἵνα ἡ ὀρθοδοξία γνησίως ὥσπερ
 σὺν ἡμῖν, ἢ μένοντες ἐπὶ τῆς διδασκαλίας,
 ἐν ἑαυτοῖς μόνοις τὴν βλάβην ἔχωσι, μὴ
 δυνάμενοι ἐκ τῆς ἀφυλάκτου κοινωνίας τῆς διδασκαλίας
 ὅσους μεταδιδόναι τοῖς πλησιάζουσιν. *Quis*
hic non viderit, Romanam à Basilio
Sedem, uti magistram coli, vivamq;
Religionis regulam, ad cuius normam
Terrarum Orbis fides componi de-
beat.

314. Quarto loco docet Basilius,
 Occidentales gratiam, hoc est pote-
 statem (quod in Polemicis confirma-
 bimus) à Deo accepisse consulendi
 Ecclesiarum necessitatibus: *Accedit,*
quod ad curandos oppressos, adjuvante
vobis

vobis est gratia Dei. Πρὸς τῷ, καὶ τῷ πατρὶ Θεῷ χάριν συναίρειται ὑμῖν, εἰς τῷ ὑπὲρ τῷ καταπαναμένων ἐπιμέλῃαν.

315. Quinto demum ejus Epistolæ loco, preces iterat Basilius; hisque Romanam Sedem compellat: *Horum curam a vobis requirimus: eam adhibebitis, si universis orientis Ecclesiis scribere dignabimini, ut eos, qui veritatis doctrinam ad hunc modum adulterarunt, tunc demum ad communionem admittant, si quando errata correxerint: si verò contentiosè rerum novationi immorari voluerint, ab illis secedant*: Τούτων τῷ ἐπιμέλειαν γενέσθαι παρ' ὑμῶν ἐπιζητῶμεν. γένοιτο δὲ ἂν εἰ ἐπισεῖλαι κατὰξιώσῃτε πάσαις ταῖς καὶ τῷ ἀνατολῇ ἐκκλησίαις, τοὺς ταῦτα παραχαράσσοντας, εἰ μὲν διορθοῦντο εἶναι κοινωνικούς, εἰ δὲ ἐπιμένειν φιλονείκος βούλοιτο ταῖς καινοτομίαις, χωρίζεσθαι, ἀπ' αὐτῶν.

316. Ex quibus omnibus liquido constat, Basilii Magni animum in obsequio summo fuisse erga Romanam Sedem, excellentemque habuisse de potestate illius Sedis opinionem. Non sumus quidem nescii, quorum

rum voluntas hâc tanta luce perstrin-
gitur, ab his multa turbari: quò cõ-
spicua in his locis, explorataque Ba-
siliï mens, aliqua ratione obscuretur;
& nox aliqua offundatur rebus clarif-
simis. Verùm quàm miseræ, putide-
que sint illorum hominum cavillatio-
nes; videbimus in Polemicis, at-
que hic etiam facilè indicaremus,
si aut narranti disceptare liceret,
aut properanti quærere diverticu-
la.

*De obsequio Principum, qui orientale
Imperium per illud tempus admi-
nistrarunt, erga Romanam
Sedem.*

317. **T** Res dumtaxat hîc propo-
nam ejus temporis Impera-
tores, in Romanam Sedem obsequen-
tissimos; Constantinum, Gratianum,
atque Theodosium.

318. Quamvis plurima sint, quæ de
Magno Constantino in hanc rem dici
possunt, id tamen unum commemoro
argumentum obsequii, quod in
causa Cecilianî, is Princeps Romano
Epi-

(1) *Epist. Constantini ad Melchiamdem P. apud Euseb. hist. lib. 10. c. 5.*

Episcopo exhibuit. Jussit enim, ut Cecilianus causa, ab eo demum cognosceretur Episcopo, ac finiretur; quem, Judicem Episcoporum supremum Dei lex statuisset. Itaque ad Melchiadem Pontificem ea de re Constantinus dedit epistolam cum sententia hujusmodi. *visum (1) est mihi, ut idem Cecilianus cum decem Episcopis, qui illum reum fecere videantur, & decem aliis, quos ipse suę litis dijudicationi necessarios existimaverit, Romam navigio traiciant, ut ibi coram vobis, & Reticio etiam & Materno, & Marino Collegis vestris (quos ea de causa Romam maturare jusserim) possit audiri, sicut sanctissima Dei lex, ut nostis, postulat: ἔδοξέ μοι ἰν' αὐτὸς ὁ κεκιλιανὸς μετὰ δέκα ἐπισκόπων τῆς αὐτοῦ διδύμειν δοκουύτων, καὶ δέκα ἑτέρων, οὓς αὐτὸς τῇ ἑαυτοῦ δίκῃ ἀναγκαίους ὑπολάβοι εἰς τὴν Ρώμην πλῶ ἀπιέναι, ἵν' ἐκεῖσε ὑμῶν παρόντων ἀλλαμνὴ καὶ ῥετρκίου καὶ ματέρνου & μαρίνου τῆς κολλήγων ὑμῶν, οὓς τούτου ἕνεκεν εἰς τὴν Ρώμην προσέταξα ἐπιασεῦσαι, δινηθῇ ἀκουθίῃναι, ὥς ἂν καταμάθοιτε τῇ σεβασμιωτάτῃ νόμῳ ἀρμόττειν.*

319. De Gratiano Principe apprimè

mè religioso, quo tempore utrumquē Imperium moderaretur, (1) Theodoretus scribit ejusmodi: *Conscripsit legem, qua jubebat, tūm pastores ejectos in exilium, redire, suisque gregibus restitui; tūm sanctas Ecclesias tradi iis, qui Damasi communionem amplexarentur*: Νόμον δ' ἔγραψε καὶ τοὺς ὀληλαμένους ποιμένας ἐπανελθεῖν κελύων καὶ τοῖς σφετέροις ἀποδοθῆναι ποιμνίοις, καὶ τοὺς θεῖους οἴκους παραδοθῆναι τοῖς ᾧ Δαμάσου κοινωνίαν ἀρροαιρουμένοις. Qua lege Imperator planè significavit, eos orientales Episcopos revocandos esse ab exilio, Ecclesiisque, veluti rectè sentientes, restituendos; quorum à Romano Pontifice Damaso probata fides forer.

320. Aliam quoq; Gratianus edixit legem, quæ est hujusmodi: *Volumus (2) autem, ut quicumque judicio Damasi, quod ille cum consilio quinque, vel septem habuerit Episcoporum; vel eorum, qui catholici sunt, judicio*

et consilio condēnatus fuerit; si justè voluerit Ecclesiam retentare, ut qui evocatus ad sacerdotale judicium per contumaciam non ivisset, ut ab illustribus viris Præfectis Prætorio Galatiæ atque

(1) Theodoret. hist. lib. 5. c. 2.

(2) Vide Card. Baron. tom. 4. Annal. ad ann. 381. S. I. & seq.

Italiae auctoritate adhibita, ad Episcopale iudicium remittatur, sive à Proconsulibus, vel Vicariis ut ad Urbem, Romam sub prosecutione perveniat: aut si in longioribus partibus alicuius ferocitas talis emerferit, omnis eius cause editio, ad Metropolitanum in eadem Provincia Episcopi deduceretur examen: vel si ipse Metropolitanus est, Romam necessario (N. B.) vel ad eos, quos Romanus Episcopus Iudices dederit, sine dilatione contendat.

(1) L. de fide
Cath. C. The-
odosiano.

321. Theodosius denique senior, cum Thessalonicae moram traheret, hæc edixit: (1) Cunctos populos, quos clementiæ nostræ regit temperamētum, in tali volumus Religione versari, quam divinum Petrum Apostolum tradidisse Romanis, Religio usque nunc ab ipso insinuata declarat, quamque Pontificem Damasum sequi claret &c. Quæ demum omnia illud planè declarant; ab his, quos diximus, orientalis Imperii moderatoribus, ut Ecclesiarum omnium Matrem, atque Magistram Sedem Romanam fuisse cultam: nam tametsi eorum Principum religiosissimæ Sanctiones nihil Romanorum Pontificum

cum authoritati, quæ à Christo tota manavit, addiderint; plurimum tamen valere ad declarandam præclaram piorum Regum, de Sede Romanâ opinionem cum obsequio summo conjunctam: simul ad corrigendos transversos mores judiciorum, audaciâ hæreticorum invehctos; eaque exempla iniquissima oblitteranda, quæ in dijudicandis Religionis causis, Constantius, & Valens in Ecclesiam intulerant.

*Obsequium ipsorummet Hæreticorum
erga Romanam Sedem.*

322. **E**usebius imprimis Nicomediz, Arianæ factionis actor & propagator, non obscura obsequii & observantiæ Romano Episcopo signa dedit: nam ad annum propè 339 Athanasium per litteras accusavit apud Julium Pontificem, misitque Romanam procuratores, qui ad tribunal Romanæ Sedis, causam pro ipso dicerent.

323. Idem obsequii genus, eodemque ferè tempore præstiterunt Euse-

biani, quorum Procuratores diu Romæ fuerunt in iudicio versati.

324. Anno 340 plurimi Arianæ factionis Episcopi ad eundem Julium, adversus Athanasium dederunt litteras; atque etiam procuratores miserunt Romam, qui rogarent Julium Pontificem, uti ubicumque placuisset Concilium ea de re fieri juberet, vel solus, si maluisset, causâ cognita sententiam ferret: qui Arianorum procuratores, ad tribunal Romani Episcopi non semel causam dixerunt: semperq; iudicio, ab Athanasio convicti, atq; in desperationem, pudoremque coniecti, fugam nocte arripuerunt. Quæ omnia in secunda Athanasii Apologia, conceptissimis verbis, atque in historia veteri passim traduntur.

325. Anno deinde 341. Idem Arianarum partium Episcopi, in suo famoso Antiochena Conciliabulo, ab officio quidem Romanæ Sedis satis apertè discesserunt (nam quid tandem ab eius generis hominibus sperandum erat) dederuntque ad Julium insolentissimas litteras; verum in his iisdem litteris scintilla quædam

dam subluceat obsequii : quod apertissime novimus ex (1) Sozzomeno , qui de Arianis illis Antiocheni Concilii tradit ejusmodi : *Nam litteris suis fatebantur quidem Ecclesiam Romanam primas apud omnes ferre ; utpotè quæ Apostolorum schola , & Religionis Metropolis ab initio fuisset constituta (quavis eò , ab Oriente , christiani dogmatibus venissent authores) non ideò tamen se ferre posteriores quòd Ecclesiæ magnitudine superarentur &c.* Φέρειν μὲν γὰρ πᾶσι φιλοτιμίαν τὴν ῥωμαίων ἐκκλησίαν ἐν τοῖς γράμμασιν ὡμολόγουσιν ὡς ἀποστόλων φροντιστήριον , καὶ δουλείας μητρόπολιν ἐξ ἀρχῆς γεγενημένην , εἰ δὲ ἐκ τῆς ἐν ἐνεδήμισαν αὐτοὶ οἱ τῆς δόγματος εἰσηγῆται . οὐ παρὰ τοῦτο ἢ τὰ δευτερεῖα φέρειν ἡξίουσιν . Eademque in hanc rem scribit (2) Nicephorus ; ex quibus palàm est , eam Arianorum Epistolam ab iis animis fuisse profectam , qui obedientiam quidem Romanæ Sedis abjecerant ; nec dum tamen potuerant præconceptam de illius Primatu opinionem excutere .

(1) Sozomen.
lib. 3. histor.
cap. 7. circa
med.

(2) Niceph.
Calist. hist. l. 9
cap. 8. quod
integrum legi
debet.

326. Sub annum exinde 342. Gregorius (3) ille Cappadox , cruentus & scelestissimus Arianus ; cum in Ale-

(3) Ex epist.
Iul. apud A-
thanas. apol.
2.

xandrinam Athanasii Sedem (quod sæpè diximus) ab Antiocheno fuisset conciliabulo intrusus, Carponam presbyterum Arianum, Romam Legatum destinavit, qui Julium Pontificem oraret, ut ratam vellet ipsius Ordinationem habere; eundemque in Sede Alexandrina confirmare Apostolicæ Sedis auctoritate: Stulta sanè petitio; sed quæ tamen ab opione manaret, quæ de Romana potestate haberetur; quæque proinde genus quoddam obsequii in Romanum Episcopum præferret.

(1) *Basil. ep.*
74. repetere
huius Capituli
num. 282.

327. Defuncto deinde Julio, statim ejus temporis Ariani, Athanasium apud Liberium insimularunt: Eustathius (1) postea Sebastenus Episcopus in Armenia, Arianus perfidus ac versipellis, in duobus conciliis, Constantinopoli, ac Melitinæ depositus, Romam ad eundem Liberium confugit, ut ab eo Pontifice restitueretur.

328. Denique, ut cætera omittam, Vitalis Apollinarista, apud Pontificem Damasum ab Orientalibus accusatus, Romam se contulit illicò: fidei suæ rationem eidem Pontifici redditu-

diturus ; quod à Nazianzeno non ita pridem didicimus .

329. Atque hæc demum satis , pro loco , de Orientalium , ejus temporis obsequio erga Romanam Sedem : reliquum est , ut de Romanæ Sedis erga Orientales sollicitudine pauca , & cursim dicamus .

De Romanæ Sedis erga Orientales sollicitudine .

330. **E**O spatio temporis , quod inter primum Niceæ Concilium , & Constantinopolitanum generale secundum intercessit , quinque Romani Episcopi (quod diximus in primo hujus operis aditu .) ordine successerunt : Silvester , Marcus , Julius , Liberius , Damasus . Quantâ verò orientalium populorum curâ & sollicitudine hi Pontifices premerentur ; quot labores susceperint ; quantum contulerint operæ , ut pacatam , atque tranquillam facerent orientalem Ecclesiam , incredibilibus eo tempore concitatam fluctibus , paucis indicabo .

*De Sancti Silvestri Pontificis erga
Orientales solitudine.*

*Vide num.
3. 286.*

332. **S**anctus Silvester Romanus Pontifex, statim atque de Ariana tempestate, Alexandria primum exortâ, indeque Orienti universo ruinam minitante, Alexandri litteris Episcopi Alexandrini certior est factus, Osium primò constituit Romanæ Sedis in Oriente Legatum; qui orientalium Ecclesiarum rebus concitissimis, pro tempore ac periculo, ejusdem Sedis autoritate consuleret. Tum Constantino Magno author fuit, ut Osio, ad ea mandata expeditius exequenda, potentia suæ favoribus præstò esset; suamque Imperialem conferret operam, ad Orientis pacem maturius componendam. Exinde per eundem Legatum Osium, Concilium Alexandrinum convocavit, atque in eo Concilio, latam jam ab Alexandro in Arium, & Arianos sententiam per eundem Osium confirmavit. Præterea (quod caput est) primum generale Concilium Nicæ indixit: cui geminos

minos, præter Osum, Legatos dedit Vincentium, atque Vitonem: ejusdem Concilii acta, Synodo (uti plurimorum scriptis memoriæ prodium est) Romæ ad id convocata, confirmavit.

Sancto Silvestro successit Sanctus Marcus, de quo equidem statuere nil certi possumus, cum octo solum menses gesserit Pontificatum; nam quæ illius ad Athanasium, & hujus ad illum circumferuntur Epistolæ, pro adulterinis suppositisq; jure habentur.

De S. Julii Pontificis erga Orientales sollicitudine.

331. **S** Sanctus Julius vix Ecclesiæ *Vide sup. n. 288. & cap. 1. a num 15.*
 clavo admotus, defuncto Marco, primam curam, ad Orientalis Ecclesiæ pacem componendam, præcipuamque operam adjecit. Sub annum 339. juris judicia in Athanasii causa constituit Romæ. Athanasium ipsum, simul & Arianos datis litteris citavit; ob eandem causam Conciliū Romæ indixit. Archidamum & Philoxenem, in Orientem Legatos misit, qui

qui Eusebianos huc illuc tergiversantes quò minus Romano se fisterent iudicio, Romam compellerent. Tum sententiam pro Athanasio pronuntiavit: simul pro aliis plurimis Orientalibus bonarum partium Episcopis, S. Paulum Constantinopolitanum, Episcopum, S. Lucium Andrianopolis, S. Asclepam Gazæ; Marcellum item Ancyrae, aliosque plurimos orientales Episcopos ab Arianis exterminatos, restituit sedibus suis. Rescudit acta Tyrii, & Antiochensis conciliabuli, egregiam scripsit Epistolam ad rebelles Eusebianos: indixit Concilium Sardicense: Constanti Occidentis Imperatori author fuit, ut à Constantio fratre quâ precibus, quâ minis, securû Athanasio in Ecclesiam suam reditum impetraret: omnia movit, ut Athanasium Alexandriae redderet, Orienti tranquillitatem: solitus dicere: *Pro fratrum oppressione tractantes laboremus: quia dum illi graviter affliguntur, nos nec respirare, nec quiescere possumus.* Denique pro pace Orientis, pro salute Orientalium diu, noctuque laborantem, earumque rerum sollicitudine æstuantem mors occupavit. De

Tom. I. Concilior.

De Liberii Pontificis erga Orientales sollicitudine.

333. **L**iberius Pontifex Julium ex-
cepit, circa salutis annum
352. Id verò præ cæteris, ejus præ-
stitit sollicitudo Pontificis, quòd pro
salute Orientalium, aliis quidem la-
borandum, huic pugnandum quoque
acriter fuit: alii curis fuerunt, atque
laboribus pressi; hic præterea mala
plurima, ærumnasque gravissimas de-
voravit: & primam quidem præci-
puamque laudem Liberius tulisset in-
tuendis Orientalibus, nisi (ut sunt res
hominum fluxæ, imbecilles, atque
subiectæ casibus) partam ea in re glo-
riam, miserâ illâ, omnibusque notâ
imbecillitate animi, violasset. Itaq;
Liberius (1) ubi octoginta Episcoporum
orientalium litteris, de Arianorum
dolis, sceleribusque certior est factus,
Athanasii tutelam, toto animi impe-
tu suscepit. Ecclesiæ orientalis necessi-
tudinibus, omni studio, (2) diligentiaq;
presto fuit. Plurimas ad diversos, pro
orientalis Ecclesiæ componendis rebus
dedit

reperit dict. c.
1. a num. 40.

(1) Lucif. Ca.
lar. Epist.
Hilar. in-
frag.

(2) Hilar.
frag. & ad-
vers. Arian.

(1.) *Athanas.*
ad Solitar.
pag. 836.

(2.) *Extat. in-*
fer Oper. Lu-
tiferi Calari-
can., & in
trag. Hilarii.

(3.) *Vide cap*
1. num. 40.

(4.) *Athanas.*
Hilar. Sozo-
men., atque
Scriptores
passim.

dedit epistolas : geminam (1) eâdem causâ legationem ad Constantium Imperatorem adornavit . Pro Athanasio & fide Nicæna ad eundem Imperatorem plenam animi scripsit (2) epistolam . Ab eodem Principe per Eusebium eunuchum, minis, atque muneribus percontatus, ut in Athanasium ferret sententiam, respuit (3) munera minas contempsit . Exinde ob Athanasii Magni tutelam, Româ fuit, Constantii jussu, nocte intempesta, Mediolanum abductus : iterum ibi tentatus, Imperatori coram restitit, dignâ Pontifice fortitudine : tùm ejus causâ, Beroëam indignû in modum actus est exul, quo in exilio sanè ærumnoso, tres ferè annos in mœrore summo consumpsit . Post hæc quidem tanta, vigilius animo cecidit: verùm exinde Romæ restitutus ac sibi, in possessionem rediit antiquæ virtutis, ac pristinae fortitudinis : respuit malè acta Conciliabuli Ariminensis : quodque reliquum vitæ superfuit, inter curas duxit, atque labores, pro pace Orientis procuranda (4) susceptos .

*De Sancti Damasi Pontificis, erga
Orientales solitudine.*

334. **S**anctus Damasus post Libe-
rium Apostolicam obtinuit
Sedem, vertente anno à reparata sa-
lute 367. quo tempore Oriens, Va-
lentis Imperio atque furore, miserè
agitabatur. Hic etiam Pontifex Ma-
ximus, in summa pro Orientalibus
solitudine fuit. Nam ut orientalis
Ecclesiæ rebus consuleret afflictissi-
mis, plures ad Athanasium Magnum,
ad Magnum Basilium, ad Meletium
& Paulinum Antiochenos, ad Euse-
bium Samosatenum, ad Ecclesiam
Alexandrinam, ad Antiochenos, atq;
ad Orientales universim dedit episto-
las: plures in Orientem adornavit Le-
gationes. Tria, Orientalium gratiâ,
Romæ habuit Concilia; in quorum
uno, (1) adversus Ursacium atq; Va-
lentem, Nicænæ fidei, atque Atha-
nasii hostes proditoresq;, sententiam
pronuntiavit: eâque de re Alexan-
drinam præsertim Ecclesiam fecit per
litteras certiores. In altero Romano

*Vide tom. I.
Concilior.
Baron. t. 4.
annal. ad an.
369. 370.
371. &c.*

*(1) Vide su-
pra n. 283.*

Con-

Concilio, ab eadem Alexandrina Ecclesia rogatus, Anathemate percussit Auxentium. In tertio Romæ Concilio, (1) Basilio Magno petente, aliisque adnitentibus orientis Solis Ecclesiis, Apollinarem, Vitalem, atque Timotheum, ejecit ab societate fidelium: fideique regulam temporibus aptam edidit, (2) adversus hæreses per Orientem debbacchantes. Petrum Alexandriæ Patriarcham, (3) qui à Lucio, Ariarum tunc scelestissimo, Sede sua pulsus, Romam confugerat, auctoritate summa reduxit: Homousii labefactatam fidem, in Oriente planè restituit. Gregorium Nazianzenum ad Episcopatum novæ Romæ promovit, expulso (4) Maximo. Atque alia ejus generis argumenta edidit plurima; quibus eam quâ de Orientalibus astuabat sollicitudinem palàm fecit.

335. Ea igitur tunc erat Orientalibus cum Sede Romana, sollicitudinis obsequiique communicatio: ea utrobique sancta veluti officiorum religio intercedebat: quæ utinam ad nos usque, manibus perpetuæ pacis deducta manasset. Verùm heu! secùs nunc se

(1) *Basilius*
Epist. 74.
Vide supra n.
313.

(2) *Theodo-*
ret. cit. num.

(3) *Vide supra n. 289.*
et 290.

(4) *NicolP.*
epist. ad Michael. tom. 2.
Concilior..
Vide Baron.
ann. 380.

se res habent: nam ex quo Orientem
ab Occidente, perfidia hominum, &
schisma distraxit, tamen eadem pro
Orientalibus sollicitudo in Romana
Sede, cum perpetua fide & charitate
permanerit: non sic tamen in Orien-
taliū animis, erga Romanam Sedem
stetit obsequium.





CAPUT DECIMUM.

*De statu litterario, atque Scholis
orientalibus.*

336.



ON is quidem,
per illa tempo-
ra, erat orien-
tis aspectus,
qualis nunc, lit-
terarum inopiâ,
esse videtur hor-

ridus & incultus; sed omni potius di-
sciplinarum genere, adeò perpolitus
& elegans, ut litterarum gloriâ, &
studiorum celebritate tunc potius an-
teirent Orientales. Igitur tempestate
illa, artes, disciplinæ, studia, sa-
cræ prophanæque litteræ, in Oriente
valebant plurimum: Scriptores item,
virique doctrinâ illustres innumeri
penè floruerunt: Ludi præterea scien-
tia-

tiarum nobiles atque frequentes, scholæq; famâ celebratissimæ ibidem erant: quorum omnium specimen quoddam brevibus, cursimque hic exhibebo.

Quenam, tunc in Oriente, Profanarum litterarum studia vigerent?

337. **H** Umanæ profanæque tunc litteræ, Philosophiæ præsertim studiis, & Eloquentiæ, tum etiam Astrologiæ, Geometriæ, ac Medicinæ continebantur: quarum artium scholæ passim, ludique patebant: quique illas docerent publicè, Magistri plurimi extabant atque clarissimi: eorum verò qui discerent ingens erat, ac penè infinitus numerus, ex omni ferè Mundi regione collectus; atque in varias Orientis urbes, variaque gymnasia distributus. Sed Cæsaream in Palestina, Alexandriam in Ægypto, Constantinopolim in Thracia, atque Athenas in Græcia, studiosorum vis major confluebat: hæ namque Orientis Urbes, studiorum famâ, scholarumque nobilitate præ omnibus celebrabantur. Græcorum linguâ, tunc

temporis loquebantur ea Orientis gymnasia ; isque ibidem erat litterarum , ac litteratorum sermo communior ; unde nobis orientalium Patrum tot græca scripta , & monumenta manarunt. Discendi verò hæc plerumque via erat , & ratio . Adolescentes qui valerent ingenio ; & ad scientiarum possessionem , aut amore sapientiæ , aut spe utilitatis , aut ardore gloriæ ducerentur , postquam grammaticis præceptionibus domi satis forent instituti , Cæsaream Palæstinæ , relicta patria , solebant primò contendere . Ibi Eloquentiæ studiis primam navabant operam ; nam nulla tunc ferè disciplina in pretio erat , quæ non foret cum dicendi arte conjuncta : exinde studebant Philosophiæ : postea , pro suo quisque ingenio , vel ad Astronomiam , vel ad Geometriam , aliasque mathematicas disciplinas , vel ad Medicinam sic animum applicabant , ut nunquam tamen Rhetoricæ artis exercitationes , studiaque intermitterent .

338. Postquam primâ scientiarum cinctura , Cæsareæ fuissent imbuti , ad Scholas Alexandrinas (quod fecit Na-

zian-

zianzenus) vel Constantinopolitanas (ut accepimus de Basilio) gradum facere consueverant: postremo sese conferebant Athenas; quæ Civitas arx erat, ac veluti regia disciplinarum: inquam Athenarum arenam, nisi benè cultus, diùque antea exercitatus, audebat nemo procedere.

339. Quod ad ejus temporis Philosophiam pertinet, Hellenismi sectæ ferè omnes vigeant: nam & Stoici, & Epicurei, & Pythagoreorum etiam quædam erant reliquæ: verùm Plato præ cæteris colebatur; tùm etiam Peripateticorum clarissimus *Aristoteles. Idolorum cultores, e Philosophiæ studiis, ad Magiæ superstitionem ruebant passim: quæ pestis, latè tunc regnabat per Orientem, ac præsertim in Syria: ubi rarus erat Philosophus, qui non publicè vanitatem illam profiteretur: cui superstitioni multùm sanè addidit Apostata Julianus, qui & adolescens, præstigiis ejusmodi delectabatur, & postquàm Imperium obtinuit, se in Magiæ consuetudinem totum immerfit: neque enim Apostatæ ingenio poterat non sedere ars illa, quæ scelerum es-

set magistra, officina crudelitatis: itaque multa fuerunt Antiochiæ, & Charis dilaceratorum hominum reperta, eadavera, quos in quibusdam speluncis, ad magicos usus jugulaverat Julianus.

340. Sed Christifideles, non iis delectabantur artibus, quæ cum scelere forent, ac superstitione conjunctæ: neque eo genere utebantur Philosophiæ, quæ hominum animos deterret, & avocet a religione: Magiam proinde ejusque generis deliramenta & vanitates metu exhorrescebant: exterminatisque Pythagoræ fabis, atque Atomis Epicuri, Platonis Philosophiam, & Aristotelis sequebantur: quod horum Philosophorum doctrina, nonnihil christiano dogmati consentire, viamque sternere videretur, ad veritatem Religionis: erantque Cæsareæ in Palæstina, & Alexandriæ in Ægypto * utriusque Scholæ christiani præceptores, ab Episcopis constituti: qui cum non doctrinâ solum & sapientiâ, sed pertractandorum animorum scientiâ quoque valerent, plurimos idolorum cultores, quos auditores haberent, christianæ fidei lucrabantur; eorum adolescen-

(*) Vide inferius S. de Schola Alex.

Iescentium mentes, per Platonica, & Aristotelica dogmata, in christianæ Philosophiæ cogitationem, paulatim introducentes.

341. Itaque tunc orientales Christi fideles non abhorrebant a præceptis institutisque græcæ profanæque Philosophiæ; immò verò qui divinarum litterarum prudentiâ magis excellere, iidem in philosophica facultate præclarissimi esse videbantur: Athanasius Magnus, Gregorius Theologus, Magnus Basilii, Basilii Frater Nyssenus, Meletius, Didymus, Serapion, aliaque prima capita Orientalium Theologorum, summi erant Philosophi; Græcorumque divitias omnes (ut de Origene scripsit Porphyrius) ad christianum dogma locupletandum convertebant: vel, ut dicamus veriùs, Christiani dogmatis luce, detegebant paupertatem externæ Philosophiæ; ostendebantque, quàm illa humi repperet; quàmque altius assurgeret fides nostra: simul quanta huic esset cum recta ratione conjunctio; quàmque parum, sine fide, valeret humana ratio.

342. Tametsi dissimulandum non

est, Christianorum nonnullos, nimo studio abreptos, usuque parum temperato Philosophiæ, in scopulos incidisse: Arii pestem Platonica Deorum Trinitas peperit; Aristotelicæ dialecticæ abusus propagavit: Studio immodico subtilitatis sophisticæ, in hæreses nefandas Aëtius præcipitavit: nonnulli etiam ex Patribus (quod alibi

- (1) *Capit. 2.* (1) dixisse memini) plus equo Platonici, durius aliquanto de Divina Trinitate scripserunt. Quamobrem (2) Philo, & ex Philone Clemens Alexādrinus, humanam (3) Philosophiam AGAR, Theologiam verò SARAE compararunt: ea re docentes, illam nimirum ancillam, hanc dominam esse oportere. Gregorius (4) item Nyssenus, ut significaret, quānam ratione homini Christiano usui esse debeat externa, Philosophia, illam elegantissimè comparavit foeminæ alienigenæ, quam tunc demum Judæus legitimè sibi adjungit uxorem, si ungues illa & capillos deponat, & ejus deinde partus circumcidatur. Atq; hæc demum satis de profanis eorum temporum studiis ac disciplinis.

(2) *Philo de congress. querend. erudit. practic. apud Baronium*

(3) *Clemens Alex. Strom. lib. 1.*

(4) *Gregor. Nyssen. in Vit. Moys.*

*Cujusmodi esse solerent, eo tempore,
sacrarum studia litterarum?*

343. **T**Ria præsertim, per illa
tempora esse solebant sa-
crorum genera studiorum. Primum enim
christianæ Religionis Myſteria (*) & Sa-
cramenta, & Præcepta, ad fidelium
institutionem (servatâ tamen cum in-
fidelibus, & Cathecumenis non com-
petentibus, Arcani disciplinâ) pu-
blicè exponebantur: erantque in ur-
bibus Orientis nobilioribus, earum
rerum explanatores, atque Magistri,
viri plerumque summi atque clarissi-
mi: quod genus studiorum *κατηχητικὴ*
Catechesis vocari consueverat, sive
Schola Ecclesiastica, cujusmodi eam
fuisse scimus, quæ à Divo Evagelista
Marco Alexandria fuit instituta, & à
Pantano, Clemente, Origene, He-
racla, Dionysio, aliisque viris cele-
bratissimis, qui in ea docuerunt, no-
bilitata; ut infra dicemus pluribus.

344. Sacrorum Studiorum genus
alterum, in Verbi Dei scripti exposi-

(*) Vide
Schelſtraſſe
de Discip. arc.
impr. Romæ
Typis Congr.
de Prop. Fide
1685.

tionibus versabatur. Nam sacræ litteræ, librique tùm veteris tùm novi Testamenti, in Scholis Publicis, ab egregiis doctisque præceptoribus explanabantur. Quæ sanè studia, eâ tempestate florebant plurimum; maximoque apud christianos Doctores in honore, ac pretio erant; iisque sanctissimi quique, doctissimique Patres sedulam navabant operam: rarusque erat, eo tempore, in Oriente doctor, qui non iis de rebus accuratissimè scriberet. Hinc tot maximorum Doctorum, in divinam, utriusque Testamenti scripturam, commentaria manarunt: quæ sanè commentaria, sine aliorum calculo testimoniorum, satis confirmant, quantum id genus litteræ, ea tempestate in Oriente valuissent.

345. Tertium denique sacrorum genus studiorum, subtilioribus quibusdam constabat quæstionibus de Deo, Deique operibus, cæterisque divinis rebus, quæ quandam propinquitatem haberent cum eaparte Philosophiæ, quæ sapientia di solet. Quarum rerum scientia *Theologia* vel *sacra Philosophia* vocari consue-

fueverat; eademque ferè cum illa, quæ nunc in scholis tradi solet, fuisse videtur, idque solùm discriminis intercedebat inter hujus, & illius temporis scholasticam Theologiam, quòd hæc, post tempora præsertim Petri Lombardi, sententiarum Magistri, viâ, & ratione discitur, ac docetur, certo quodam tractationum ambitu comprehensa; illa verò nullis ligata methodi legibus liberior erat atque solutior: Præterea, dialecticâ viâ breviorique syllogismorum complexione, nostrorum temporum Theologia tradi solet: in illa verò tradenda, adhibebatur eloquentia. Ita Theologi Mazianzeni Theologia universa totidem orationibus continetur: eodemque rhetorico more usi sunt Athanasius Magnus, & Basilius, aliique illorum temporum Patres orientales, cùm de quæstionibus differerent, maximè Theologicis atque divinis.

346. Coeterum, tametsi vetus illa Orientalium Theologia, in docendi, discendique modo, diffideret a nostra; in rebus tamen ipsis, quod nuper dicebam, aut omninò, aut plurimùm
inter

(1) *Naxian* .
in Apologet.
sive orar. I.

inter utramque conveniebat. Siquidem Nazianzenus (1) ipse nobis author est, sacram tunc Philosophiam solitam fuisse differere de quæstiõibus hujusmodi: nempe de Mundis, vel de Mundo: de Materia: de Mente: de Intelligentibus naturis: de Providentia: de prima hominum constitutione, ac postrema refictione (de homine scilicet innocente, lapso, ac reparato) de Typis: de veritate, ac Testamentis: de Christi adventu tam primò, quàm secundo: de Incarnatione, ac Passione: de Resurrectione: de Fine: de Judicio, ac retributione: & quod caput est de Principe ac beata Trinitate: quæ sanè omnia, iis nunc tractatibus comprehenduntur, qui nostram efficiunt methodicā sive scholasticam Theologiam: cumq; ea (ut initia sunt rerum omnium ac disciplinarum) non tam multis, per illud tempus, disputarentur, multiplicatis nunc quæstionibus, subtilius enucleantur.

450. Sed qui per arduam illā Theologiæ partem, quæ de divina est Trinitate, tractandam sumerent, hi præcipuo jure Theologi vocabantur, quibus

bus tunc tres præsertim scopuli, iidem-
que valde periculosi objiciebantur:
quos scopulos, Theologiæ morbos
Nazianzenus (1) solet vocare: erant
verò illi Atheïa, Judaïsmus, ac Poly-
theïa. Atheïam quidem (quod tradit
idem Doctor) Afer Sabellius, Ju-
daïsmum Arius, Polytheïam alii qui-
dam, inter christianos invexerunt.
Etenim Sabellius, dum divinas Perso-
nas vacua tantùm vocabula esse delira-
ret, nec *Unum* in divina Trinitate,
nec *Tria* servabat; omnemque pro-
inde subvertens Divinitatem, ruebat
in Atheïsmum. Arius verò cùm in-
creatarum rerum ordinem Filium redi-
geret, atque etiam Spiritum (2) San-
ctum, in judaicam incidebat pau-
pertatem, solo Ingenito concludens
Divinitatem. Alii denique illi, quos
Nazianzenus nimium orthodoxos
vocavit, cùm Filium & Spiritum San-
ctum ita Patri æquales prædicarent,
ut omnis etiam principii expertes esse
dicerent; unumque Principium in-
tria Principia inter se veluti dissi-
dentia secarent, tres certè Deos ad-
struebant, sicq; revocabant Polytheï-
smum.

(1) *Nazian*
ibidem.

(2) *Repete*
dicta cap. 2.
de Arianis me
ris ac de Ae-
tio.

mum . Hæc omnia traduntur a Nazianzeno ; sed quinam fuissent , nimium illi orthodoxi, tertiæ hujus hæresis aucthores , nec ipse satis docet ; neque satis explicant illius expositores , nec ego adhuc conjecturâ sum assecutus . Ejusmodi verò esse videbantur per illa tempora in Oriente , sacrarum studia litterarum , quibus Religio nostra explicari solebat , probari , atque defendi : quibusve proinde studiis continebantur partes illæ omnes Theologiæ, quæ nunc moralis , scholastica , & polemica , five dogmatica dici solent : Si quis verò ejus temporis Theologiæ partem illam velit adjicere, quæ mystica vel ascetica dicitur , non repugno : ea enim maximè tunc florebat inter Monachos præsertim orientales, qui ob ejus Theologiæ studium , Ecclesiastici Philosophi vocabantur, de quibus, capite octavo locuti sumus.

*De Scriptoribus ejus temporis
orientalibus .*

351. **N** Ec orii , nec instituti nostri esse reor , de Scriptoribus ejus temporis orientalibus fusiùs subtiliùsque differere : inquirendo nimirum ,

rum, quæ, quando, quo loco, quæ-
 ve occasione ductus sua quisque opera
 scripserit; aut de ipsorum scriptis,
 quænam germana, quæ dubia, quæ-
 ve supposita sint differere; quæ melior
 editio, quæ versio fidelior. Plurimi
 sunt, hac præsertim ætate nostra, qui
 de his rebus summâ diligentia, indu-
 striâque scripserunt: hos consulat, qui
 eo eruditionis genere delectatur: nos
 tantum Scriptorum nomina (quod ad
 promissum Specimen satis esse arbitra-
 mur) huc ex Divo Hieronymo tran-
 scribemus: sunt verò illa ejusmodi.
 S. Antonius Magnus Monachorum an-
 tesignanus, Magnus Athanasius, San-
 ctus Eustathius Episcopus Antioche-
 nus, Theodorus Heracleæ Thracia-
 rum, Eusebius Emessenus, Triphyl-
 lius Cypri Ledrensis Episcopus, Sera-
 pion *Ἐπίσκοπος* Episcopus in Ægypto, co-
 gnomento Scholasticus, Didymus cæ-
 cus Alexandrinus, Cyrillus Hieroso-
 lymitanus Episcopus, Epiphanius Pa-
 læstinus, Episcopus Salaminæ in Cy-
 pro, Gregorius Nazianzenus Theolo-
 gus, Magnus Basilius Episcopus Cæ-
 sareæ, Ephræm Syrus Edessenæ Ec-
 cle-

clesiæ Diaconus, Diodorus Tarsensis Episcopus, Evagrius, Maximus Philosophus Alexandrinus, Gregorius Nyssenus Basilii Magni frater, Joannes Hierosolymitanus, Theophilus Alexandrinus, Philo Carpathius, ordinatus Episcopus ab Epiphanio, Gelasius Cæsareæ Palæstinæ, Amphilo-
 chius Episcopus Iconiensis: ex quibus plurimi sunt, quorum vitam brevibus comprehensam, sexto hujus libri capite scripsimus: his accedunt Eusebius Pamphili Episcopus Cæsareæ in Palæstina, & Marcellus Ancyranus, qui hæresis suspicione haud medicriter laborabant.

352. Ex hæreticis quoque illius temporis orientalibus scripserunt plures. Asterius Sophista, Acacius μονοφθάλμος Episcopus Cæsareæ in Palæstina, Basilus Ancyranus Semiarianorum ductor, & eruditionis famâ celebratus, Apollinaris Laodiceus, Euzojus Cæsareæ Palæstinæ Episcopus, Eunomius Episcopus Cyziceus, Lucius Arianus: Quorum etiam longiusculam fecimus mentionem, partim in secundo capite, partim in pri-

primo . Alii quoque orientales ea-
 tempestate scripsisse feruntur, quos ta-
 men cum Hieronymus pretermiserit,
 nos quoque, qui breviores esse conten-
 dimus, censemus prætereundos: ad-
 dimus solum SS. Monachos Isaïam,
 Serapionem, tres Macharios, Paph-
 nutium, Pachomium cum Orsiesio, ac
 Theodoro, qui omnes præclaras mo-
 nasticæ vitæ regulas ediderunt: de qui-
 bus regulis, octavo hujus libri capite,
 fecimus mentionem.

De Schola Cæsariensi in Palæstina .

353. **C**Æsarea urbs fuit Palæsti-
 næ clarissima, ad mare po-
 sita, eodemque loco sita, ubi olim
 erat Turris Stratonis. Eam urbem
 Herodes Ascalonita ædificavit, orna-
 vitque superbis molibus & ædificiis,
 portu etiam extructo, immenso sum-
 ptu atque labore; eandemque Augu-
 sto Cæsari dedicavit, atque ab hujus
 nomine, pro Stratonis Turri, Cæsa-
 ream dici jussit. Postquam Titus ever-
 tit Hierosolimam, Palæstinæ Prima-
 tus Ecclesiasticus cum Metropolis
 dignitate pedem magis in hac mariti-
 ma Cæsarea fixit; ex quo etiam tem-
 pore

pore, studiorum litterarumque famâ; eadem Civitas cæpit magis clarescere. Itaque omnium disciplinarum Scholæ, atq; ludi erant Cæsareæ; primaque scientiarum palestra ea urbs habebatur, ubi primò studiis formaretur juvenus orientalis.

354. Qui primus ex Christianis sacrarum litterarum Scholam Cæsareæ aperiret, Origenes fuisse proditur: de quo ejusmodi scribit (1) Eusebius: *Cum non satis tutò se in Ægypto commorari posse putaret, iter capit in Palestinam, & Cæsareæ ludum aperit: ubi licet nondum Presbyteri gradu potitus, ab Episcopis, qui ibi erant, non ad disputandum solum, sed ad scripturas etiam, aperiendas, magnopere in communi Ecclesiæ confessu rogatus est.*

(1) Euseb.
Hist. lib. 6.
cap. 13.

(2) Hieronym
de Script. in
Theodoro.

355. In eam primò urbem, Gregorius (2) Thaumaturgus, cum esset admodum adolescens, & vocaretur tunc Theodorus, studiorum causâ se contulit, cum fratre Athenodoro. Ibi etiam primam Rhetoricæ navavit operam Gregorius Nazianzenus, qui de se (3) scripsit ejusmodi: *Ego artis oratoris amore inflammatus, in Palestinæ*

(3) Nazian.
arat. in laud.
Cæsar.

Aca-

Academiis (idest Cæsareæ) tūm florentibus pedem fixi. Idemque (1) fertur, cum Euzojo tunc temporis adolescente, Thespesium egregium Rhetorem Cæsareæ audivisse: Basilii quoq, Magnus, primos disciplinarum haustus è Cæsareæ fonribus bibit; cuius rei Nazianzenum habemus testem, qui hæc scribit (2) de Basilio: Cæsaream ut ejus urbis Scholarum particeps esset, celeriter contendit; hanc inquam eximiam Civitatem, & nostram (nam meorum quoque studiorum dux extitit & Magistra) non minùs litterarum atque doctrinæ, quàm Urbium quibus præest ac dominatur Metropolim: quam si quis doctrinæ palmâ spoliaverit, rem omnium pulcherrimam, ipsiq; maximè propriam eripuerit.

(1) Hieronymus
de Scripto. in
Euzojo.

(2) Nazian.
in laud. Basil.

356. Extabat adhuc Hieronymi tempore, percelebris Cæsareæ Bibliotheca, quæ dicebatur Origenis; quamque mirum in modum amplificaverat clarissimâ famâ vir, atque Martyr Pamphylus, de quo hæc (3) Hieronymus scripta reliquit: Tanto Bibliothecæ divinæ amore flagravit, ut maximam partem Origenis voluminum, sua manu

(3) Hieron.
de Scripto. in
Pamphil.

descripserit ; quæ usque hodie in Cæsariensi Bibliotheca habentur : sed in duodecim Prophetas vigintiquinque Ἑξήντων Origenis volumina, manu ejus exarata reperi ; quæ tanto complector & servo gaudio , ut Cresi opes habere me credam . Ejus Bibliothecæ fuit postea hæres Eusebius Episcopus Cæsareæ , qui ob arctissimam necessitudinem , quæ ipsi cum Pamphilo intercedebat , Eusebius Pamphili vocari voluit. Defuncto Eusebio , Euzoïus , qui adolescens uti superius diximus , Cæsareæ fuerat cum Gregorio Nazianzeno eruditus , cum ejus postea urbis obtinuisset Episcopatum , corruptam Pamphili Bibliothecam , in membranis , labore summo (1) instauravit . Alia quoque per illud tempus extabat in Æliæ urbe sive Hierosolymis Bibliotheca , olim ab Alexandro , ejus urbis Episcopo (a quo fuit Origenes presbyter ordinatus) collecta : undè multa deprompsit Eusebius, contulitque (quod (2) idem ipse testatur) in suam conscribendam historiam .

(1) Hieron.
de Script. in
Euzojo.

(2) Euseb.
hist. lib. 6. c. 2

De Schola Alexandrina.

357. **A**lexandria urbs in Ægypto, ab Alexandro Magno nuncupata, tanta nominis celebritate valuit, ut Civitatum (1) vertex, terrarumq; Orbis Theatrum in historia identidem nominaretur. Disciplinarum quoque studia, ante Christi Domini adventum, ea in urbe florebant; Cœlorum præsertim, Astrorumque scientia, quæ (uti fert hominum opinio) in Ægypto sedem habuit, ac veluti domicilium. Verùm longè majorem in litteris famam gloriamque obtinuit Alexandria, ex quo illi Evangelicæ veritatis illuxit dies: tunc enim divinarum humanarumque disciplinarum emporium veluti celeberrimum evasit: indeque per totum in ferè terrarum Orbem celebrari cæperunt Alexandrinæ Scholæ, utrâque litteraturâ, cum divina, tum humanâ prænobiles.

(1) *Ammian.*
l. 22.
Herodot. lib.
7.

358. Divus Marcus Evangelista, qui Petri jussu Alexandrinam fundavit Ecclesiam, Scholam ibi Ecclesiasticam primus (2) instituit, Magistrosque de-

(2) *Hieran.*
de Scrip. in
Fantano

dit atque Doctores, qui divinas literas publicè profiterentur Alexandriæ. Hæc deinde Alexandriæ Schola Ecclesiastica doctorum nobilitate, auditorumque frequentia, adeò clara polensque fuit, ut nec in Oriente, nec in Occidente ulla magis celebraretur. Inter nobiliores ejusdem Ecclesiasticæ Scholæ Magistros Pantænus Philosophus memoratur imprimis, de quo ita scribit (1) Eusebius: *Eodem * tempore Pantænus, vir omni humaniori literaturâ præstantissimus, institutioni Christianorum illic præficitur: quo quidem loco (scilicet Alexandria) consuetudine ab antiquis temporibus ducta, sacrarum litterarum Schola habebatur, quæ est ad nostram usque ætatem continuata: quam sanè ab hominibus, cum politiore doctrina, & eloquentia mirè instructis, tum sacrarum litterarum studio probè exercitatis frequentatam accepimus.* Hieronymus (2) paritèr de Pantæno, deq; Alexandrina Schola scribit ejusmodi: *Pantænus stoicæ sectæ Philosophus, juxta quandam veterem in Alexandria consuetudinem, ubi à Marco Evangelista semper Ecclesiastici fuere, Docto-*

(1) Euseb.
hist. lib. 5.
cap. 10.

* circa ann.
184. Eleut. P.
Cōmod. Imp.
Alexandrinā
Ecclesiam ad-
ministrante
Episcopo Iu-
liano.

(2) Hieron.
de Script. in
Pantæno.

Doctores, tantæ prudentiæ, & eruditionis, tam in scripturis divinis, quam in seculari litteraturâ fuit, ut in Indiam quoque, rogatus ab illius gentis legatis, à Demetrio Alexandria Episcopo mitteretur. Exindè (1) Clemens Alexandrinus Pantæni auditor, post hujus mortem Ecclesiasticam Alexandria Scholam tenuit, & κατηχησεως Magister fuit. Hunc audivit Origenes admodum adolescens, excepitque postea in munere κατηχησεως Alexandrinæ cum nondum (2) octavum supra decimū excederet ætatis annum: in quo munere diù est Origenes versatus; auditoresque habuit famâ clarissimos, inter quos (3) Heraclam, & Dionysium summos certè viros: quos etiam in eo Magisterio successores habuit, deindè verò Episcopos; primò quidem Heraclam, postea Dionysium: eâque ratione Alexandria Schola Ecclesiastica, ad ea ipsa tempora, quæ hoc libello tractamus, deducta est; perpetua doctorum successione, auditorumque celebritate.

359. Sed humanarum quoque disciplinarum altrix erat & nutrix Ale-

(1) Hieron. de Script. in Clemente Alexandrino.

(2) Euseb. l. 6. c. 12.

(3) Euseb. ib.

xandrina civitas. Nam Astrorum imprimis scientia, ut regnare in Ægypto, ita per illud tempus Alexandriae regiam veluti habere videbatur: quomobrem Nicæni Patres, Alexandrinis Episcopis negotium dederunt, ut celebrandi Paschatis diem, qui totus ab astrorum pendet scientia, quotannis indicarent Ecclesiis. Tum Eloquentiæ, Medicinæ, (1) præsertim verò Philosophiæ studia, in Alexandrinis Scholis, atque gymnasiis fervebant maximè, sub Christianis præsertim præceptoribus: inter quos celebratur Ammonius, qui Platonis Philosophiam Alexandriae publicè (2) professus est, è cujus Schola prodiit, Platoniorum facilè princeps Plotinus. Item de Sancto Anatolio Philosopho christiano (3) accepimus Aristotelicam ibidem docuisse Philosophiam: Pierius quoque presbyter, vir clarissimus, Alexandriae, Hieronymo (4) teste, docuit: alii denique doctrina memorabiles præceptores, ad summam celebritatem evexere Scholas Alexandrinas. In qua etiam studiorum celebritate perstabat Alexandria, post Concilii Nicæni tempora; exploratum

(1) Gregor.
Nyssen. in
vita Gregor.
Thaumas.

(2) Porphyr
in Vita Plotini.
Hieron.
de Script. in
Ammonio.

(3) Euseb.
hist. l. 7. c.
ultima.

(4) Hieron.
de script. in
Pierio.

ratum siquidem est, (1) Gregorium Nazianzenum, post prima Cæsareæ studia, Scholis Alexandrinis secundam dedisse operam: Cæsarium (2) quoque Nazianzeni fratrem, Didymum ceterum quidem, sed clarissimum ac memorabilem virum, Petrum, Timotheum, Maximum Philosophum, aliosque plurimos doctrinâ clarissimos viros; Item hereticos Arium, & Aëtium, Alexandria fuisse per illud tempus eruditos.

(1) Nazian. *carm. de rebus suis.*

(2). *Idem in laud. Cæsar.*

360. Bibliothecæ quoque minimè obscuræ per eadem tempora servabantur Alexandria. Georgius *κατωκτορος* Arianus, qui pulso Athanasio, Episcopatum Alexandrinum invaserat, quamvis illitteratus, copiosam tamen Alexandria Bibliothecam, summo studio collegerat, quam post Georgii cædem, Julianus Apostata habere voluit; datis ea de re litteris ad Porphyrium (3) Catholicum: quarum litterarum hoc est exemplum.

(3) *Nomen muneris.*

(4) *Julian. epist. 36. quæ extat etiam apud Suid. 4 & Baron. t. 4. annal. ad ann. 362.*

Georgii (4) magna sanè, & copiosa Bibliotheca fuit, & Philosophorum & Historicorum omni genere referta: sed de Galilæorum maximè

doctrina permulti & varii commentarii extabant. Quare totam eam Bibliothecam perquire & Antiochiam mitte. Scito autem, te quoque gravissimas poenas esse daturum, nisi omnem diligentiam in inquirendo adhibueris: & quos suspicio erit, quacumque ratione libros aliquos intervertisse, tum argumentis omnibus, tum jurejurando multiplici, tum multò magis fervorum quæstione, nisi queas convincere, saltem vi cogas eos in medium proferre.

Atque hæc satis de Scholis & statu litterario urbis Alexandriae.

De Schola Constantinopolitana.

361. **B** Izanzium Thraciæ olim oppidum, ante Nicæni Concilii tempora, non ita litterarum famâ valebat: verum ex quo Magnus Constantinus, Nova Roma ædificata, eò transtulit Imperii Sedem, ut cæteris rebus omnibus, ità studiis litterisque, clara pollensq; cæpit esse. Namque idem
Impe-

Imperator, (1) qui studium omne suum, regiumque verè animum, in suam illam urbem amplificandam, ornandamque converterat, omnium disciplinarum Scholas Constantinopoli erexit, vocatis undique viris doctrinæ famâ valentibus, qui Præceptorum munere ibidem fungerentur: quos privilegiis honoribusq; omnibus ornatos esse voluit. Itaque per illud tempus summis Oratoribus (2) atque Philosophis nova Roma florebat; ob eamque rem eò, studiorum causâ sese conferre consueverant Orientales adolescentes, postquam satis litterarii pulveris collegissent, vel in arena Cæsariensi, vel in stadiis Alexandrinis: ita Cæsarius Nazianzeni frater ab Alexandrinis Scholis, Basilus à Cæsariensibus Constantinopolim contenderunt: de quo Basilio (3) Nazianzenus scribit ejusmodi: *Hinc* (Cæsareâ scilicet Palæstinæ) *Bizanzium urbem totius Orientis principatum tenentem* (excellentissimis enim Oratoribus Philosophisque florebat, quorum brevi optima quæque, ingenii ceteritate ac magnitudine collegit) *Atque inde Athenas . . . a Deo, atque doctrinæ*

(1) *Consule Baron. t. 3. Annal. ad an. 330.*

(2) *Nazian. orat. 20. de laud. Basilii,*

(3) *Idem ibi. dem.*

doctrina permulti & varii commentarii extabant. Quare totam eam Bibliothecam perquire & Antiochiam mitte. Scito autem, te quoque gravissimas poenas esse daturum, nisi omnem diligentiam in inquirendo adhibueris: & quos suspicio erit, quacumque ratione libros aliquos intervertisse, tum argumentis omnibus, tum jurejurando multiplici, tum multò magis fervorum quæstione, nisi queas convincere, saltem vi cogas eos in medium proferre.

Atque hæc satis de Scholis & statu litterario urbis Alexandriae.

De Schola Constantinopolitana.

361. **B** Izanzium Thraciæ olim oppidum, ante Nicæni Concilii tempora, non ita litterarum famâ valebat: verum ex quo Magnus Constantinus, Nova Roma ædificata, eò transtulit Imperii Sedem, ut cæteris rebus omnibus, ità studiis litterisque, clara pollensq; capis esse. Namque idem
Impe-

Imperator, (1) qui studium omne suum, regiumque verè animum, in suam illam urbem amplificandam, ornandamque converterat, omnium disciplinarum Scholas Constantinopoli erexit, vocatis undique viris doctrinæ famâ valentibus, qui Præceptorum munere ibidem fungerentur: quos privilegiis honoribusq; omnibus ornatos esse voluit. Itaque per illud tempus summis Oratoribus (2) atque Philosophis nova Roma florebat; ob eamque rem eò, studiorum causâ sese conferre consueverant Orientales adolescentes, postquam satis litterarii pulveris collegissent, vel in arena Cæsariensi, vel in stadiis Alexandrinis: ita Cæsarius Nazianzeni frater ab Alexandrinis Scholis, Basilus à Cæsariensibus Constantinopolim contenderunt: de quo Basilio (3) Nazianzenus scribit ejusmodi: *Hinc (Cæsareâ scilicet Palæstinæ) Bizanzium urbem totius Orientis principatum tenentem (excellentissimis enim Oratoribus Philosophisque florebat, quorum brevi optima quæque, ingenii ceteritate ac magnitudine collegit) Atque inde Athenas . . . a Deo, atque doctrinæ*

(1) *Consule Baron. t. 3. Annal. ad an. 330.*

(2) *Nazian. orat. 20. de laud. Basilii.*

(3) *Idem ibi. dem.*

(1) *Paulus*
Diacon. in
Miscel l. 21.
de Leone,
Isaur.

na cupiditate mittitur : & quidem amplissima erant ea gymnasia , quæ Constantinus Magnus erexit Constantinopoli ; eademque stetisse , (1) ferunt usque ad Leonem , impium illum Imperatorem , cognomento Isauricum ; qui demùm ea præclarissima monumenta dirui abolerique jussit .

(2) *Zonar. 3*
part. Annal.
in Basiliſco.

362. Bibliotheca item Constantinopolis celeberrima , quæ , uti memorant , centum ac viginti librorum milibus (2) continebatur , & quam postea per tempora Basilisci Imperatoris , dirum illud absumpsit incendium , à Constantino primùm fundata , ab aliis deinde amplificata fuisse creditur . Præterea Zosimus (3) memoriæ tradit , Bibliothecam aliam fuisse in regia Constantinopolis porticu , à Juliano Apostata erecta : atque hic erat per illud tempus Constantinopoli Scholarum litterarumque status .

(3) *Zosim.*
lib. 3.

De Schola Atheniensium .

363. **D**E Athenis , deque veteri ejus verbis in rebus omnibus gloria , nihil hic attinet dicere :
 omnia

omnia vetera monumenta , tùm latina , tùm græca, ejusdem urbis laudibus referta sunt . sanè Tullius , qui Athenis fuerat adolescens eruditus , suæque flumina eloquentiæ ex Atticis hauserat fontibus , cùm de Atheniensibus verba faceret , unde , inquit , *humanitas , doctrina , Reli-* (1) *Cicero pro*
gio , fruges , jura , leges ortæ , atque in Flacco.
omnes terras distributæ putantur : atque alibi etiam laudans Athenienses , *de quorum urbis , inquit , possessione , propter pulchritudinem , etiam inter Deos certamen proditum est .* Sed in studiis præsertim , doctrinisque omnibus , primam , præcipuamque gloriam tulerunt Athenæ , ut non reliqua solum Græcia , sed omnes ferè Mundi nationes , Atheniensibus , in eo laudis genere , facilè concesserint ; & urbem illam , præcipuo quodam jure , *doctam* omniumque disciplinarum inventricem vocaverit omnis antiquitas . Quam ego Athenarum in litteris excellentiam , non ad vetustissimam solum ejus urbis institutionem ; sed ad loci quoque naturam , atque ad gentis indolem , cenfeo referendam : namque

que regio ingeniorum est fertilissima ; & quos illa fert incolæ , præter cæteros homines , sciendi sunt cupidissimi : ut quamvis nunc Athenarum , præter cadaver , & rudera , & vacuum nomen , superfit nihil ; ex ipsis tamen celeberrimæ urbis cineribus , scintillæ quædam ignis atticæ subindè videntur erumpere : quique eo , ubi Athenæ fuerunt , nascuntur loco , (quod comperi experientia) ad studia nati esse , ac veluti naturâ facti videntur.

364. Verùm iis prætermiſſis , quæ non ita pertinent ad præſentem ſcopum ; quarto etiam Chriſti ſæculo , Athenarum Schola reliquis omnibus orientalibus longè præibat ; ac veluti diſcendi gradus erat omnium ſupremus , quo ultima ſtudiis imponebatur manus . Studioſorum , qui Athenas tempeſtate illa confluerent , tanta erat vis & multitudo , ut Nazianzenus aſſirmet , eorum impetum talem fuiſſe , ut nulla poſſet ratione comprimi , aut retineri . In factiones plurimas diviſi erant ſcolæſtici Athenienſes ; quarum quælibet ſuum Præceptorem haberet ; eaq; præſertim inter illas ardebat æmulatio

(1) *Or. fun.
de laud. Baſ.*

latio, quænam valentior numero foret : earum proinde quælibet, id potissimum satagebat, ut studiosos, Athenas primo adventantes, occuparet atque præriperet ; eoque in negotio maximè intenta erat ; ob eamque rem (quod (1) Nazianzenus ipse testatur) (1) *Nazian. ibidem.*
præoccupabantur urbes, viæ, portus, montium cacumina, campi, solitudines, omnesque denique Atticæ, ac reliquæ Græciæ partes.

: 365. Qui Athenas causa discendi accederet, non antea in scolasticorum numerum studiorumque societatem recipiebantur, quàm ludicro quodam ritu initiarentur, ac veluti ponerent Tirocinium ; cuiusmodi verò illud esse solet, ipsiusmet Nazianzeni verbis exponam : [Cùm autem Juvenis quispiam accesserit, atque in eorum, *ibidem*
a quibus captus est potestatem venerit (venit autem vel sponte, vel coactus) tùm verò attica hæc illis consuetudo est, ludusque rei seriæ admistus. Primum apud eorum aliquem, qui priores ipsum arripuerint, hospitio excipitur, vel amicorum, vel propinquorum, vel qui ejusdem sunt Patriæ, vel

vel qui Sophistices artem apprimè cal-
lent, ac lucra Magistris conciliant. . . .
Deinde à quolibet cavillis laceffitur,
quod faciunt, ut Novitiorum animos
contrahant, ac velut in potestatem re-
digant: laceffitur autem ab aliis auda-
cibus, ab aliis eruditius, prout ille vel
rusticis & ineptis est moribus, vel ur-
banitate præditus. Atque id ignaris
quidem horrendum valdè & inhuma-
num videtur; iis autem perquam ju-
cundum & suave qui hoc priùs norunt:
amplior enim est hæc minarum osten-
tatio, quàm res ipsa. Tùm per forum
ad balneum cum pompa deducitur:
pompa verò hoc modo se habet. Qui
deducendi juvenis munere funguntur,
ordine collocati, atque æquis spatiis
distincti, bini eum ad balneum ante-
cedunt; cùmque autem propius acces-
serint, quasi fanatico furore correpti,
clamorem ingentem, cum saltitatione
tollentes (hic autem clamor, nè ulte-
riùs progrediatur, vetat, sed ut infi-
stant, tamquam eos balneum minimè
admittat) simulque pulsatis januis,
cùm per strepitum juveni metum in-
cusserint, postea concessò ingressu, ita
demùm

demum eum in libertatem asserunt, atque à balneo redeuntem deinceps ut æqualem ac sodalem recipiunt.] Hætenus Nazianzenus, cujus operâ, Basilii cum primùm venisset Athenas, ea lege fuit exemptus. Inter celebratissimos ejus temporis viros, qui Athenis fuerant in litteris eruditi, memorantur præsertim Nazianzenus Theologus, & Magnus Basilii: qui simul, eademque domo ibidem versati sunt. Sed Nazianzenus prior venit Athenas profectus Alexandriâ; qua in navigatione, aliena usus tempestate, naufragium penè subiit; eo tamen ereptus precibus Matris Nonnæ. Etenim Gregorius, post primos Cæsareæ fontes, & rivos Alexandriæ, tanto sitis ardore Athenarum flumina siciebat, ut nulla ratione Alexandriæ ultra retineri potuerit: & ipse quidem de se scribit ejusmodi:

*Sola meum, ardenti pectus stimularit
amore*

*Doctrina Argolica, quam gloria gentis
Athensæ,*

*Quæsiere mibi, Solisque occasus, &
ortus.*

In

*In qua multum operę posui , multumque
laboris*

*Permúltis annis subii sed & hanc quoque
Christi*

*Ante pedes humilem , pornamque jacere
coegi .*

Deinde Basilius Constantinopoli sc Athenas contulit, ubi Nazienzeni operâ , communem illam (quod nuper dixi) Tironum legem declinavit, indeque præludium extitit ejus amicitiae beatæque necessitudinis, quæ postea inrer Nazianzenum & Basilium arctissima intercessit ac sempiterna. Præterea Julianus Apostata, Athenis Studiorum causâ versatus est adolescens; ubi eum novit Theologus Nazianzenus; & qualis esset futurus, ex incredibili mentis mobilitate, perversâq; animi indole, atque ex corporis etiam habitu, peracutè conjecit.

366. Docuere per illud tempus Athenis, Anatholius Orator clarissimus & Constantio Imperatori percarus: tum etiam Proæresius; cui deinde, Constantii jussu Romam vocato, statua fuit, ex S. C. ob insignem eloquentiam erecta, cum inscriptione
hujusce-

hujuscemodi : REGINA RERUM ROMA ,
 REGI ELOQUENTIAE . Item Musonius, He-
 merius quoque atque Libanius, quibus
 postremis duobus (ut auctor est Sozo-
 menus,) (1) Nazianzenus, & Basilus ufi
 sunt præceptoribus . Ipse quoque Na-
 zianzenus Rethoricam artem Athenis
 professus est .

(1) Sozomen.
 lib. 6. cap.
 17.



367. Præter has orientis Solis cele-
 bratissimas Scholas , quarum singula-
 rem fecimus mentionem ; alia quoque
 in his urbibus orientalibus , litterarum
 gymnasia patebant ; verum obscura
 ea erant , & famâ minime celebrata .
 Antiochiæ , novimus , oratoriam ar-
 tem docuisse Malchionem : Nicome-
 diæ Rhetoricam pariter docuit La-
 ctantius Firmianus , qui tamen ea ur-
 be discessit ob penuriam discipulorum .
 Atque hæc demum satis de statu litte-
 rario atque Scholis orientalibus .

LAUS DEO.

Finis primæ Sectionis.

PRIMAE PARTIS HISTORICAE .

| <i>Pagina</i> | <i>Versus</i> | <i>Errata</i> | <i>Sic corrige.</i> |
|---------------|---------------|--------------------|----------------------|
| 71 | I | foelatiſſimum | ſceleratiſſimum |
| 71 | 15 | Nazianzeni | Hieronymi. |
| 107 | 12 | petenti | petente |
| ibidem | 28 | iſdem | ſidem |
| 113 | 28 | fortiſſimè | fortiſſimè |
| 127 | 5 | 530 | 330 |
| 135 | 5 | multituditis | multitudinis |
| 155 | I | probo | probro |
| 156 | 22 | ejuſmodi | ejuſmodi |
| 169 | 21 | tonverti | converti |
| 180 | 25 | quaſi | quaſi |
| 189 | 21 | Imperatore | Imperatoribus |
| 216 | 9 | 335 | 355 |
| 218 | 13 | Chryſoſtomus | Chryſoſtomum |
| 260 | 22 | ſententas | ſententias |
| 267 | 11 | initium | initum |
| 271 | 14 | uſus | uſus |
| 292 | 5 | ſæpiùs | ſæpè |
| 296 | 19 | actus eſt, exilium | actus eſt in exilium |
| 297 | 3 | Eutropio | Eutropio |
| 299 | 19 | tota vertendis | tot avertendis |
| 396 | 13 | divinum | divino |
| 400 | 20 | in | in |
| 410 | 23 | Antioncheni | Antiocheni |
| 412 | 17 | deſcriberi | deſcribere |
| 413 | 3 | habendo | habenda |




ROMÆ MDCCVI.

Typis Joannis Francisci Chracas,
propè S. MARCUM in viâ Cursus.

EX AUCTORITATE SUPERIORUM.

THE UNIVERSITY OF CHICAGO
LIBRARY



1900

THE UNIVERSITY OF CHICAGO

LIBRARY
OF THE
UNIVERSITY OF CHICAGO
LIBRARY

005649283



